

17.

A

~~1235~~

A

1230

DEFENSIO
 POTESTATIS
 SUMMI
 PONTIFICIS,
 ADVERSUS LIBRUM
 REGIS

MAGNÆ BRITANNIÆ,
 Guilielmi Barclaij Scoti, & M.
 Georgij Blacuelli.

Low
 AVTHORE

LEONARDO LESSIO

Societatis IESV Sacræ Theologiæ
 Professore.



CÆSARAVGVSTÆ,

Apud Christophorum Iouium.

M. DC. XI. +


SACRATISS. ROM.
IMPERATORI
CÆSARI

SEMPER AVGVSTO,
Serenissimis & Potentissimis
ORBIS CHRISTIANI
MONARCHIS, REGIBVS
AC
PRINCIPIBVS,

LEONARDVS LESSIVS

Societatis IESV Theologus

Vtriusque Vitæ Felicitatem optat.

VMQVAM acriori studio
& conatu Summi Ponti-
ficis autoritas oppugna-
ta fuit, quàm hoc tempo-
re. Testantur id tum Iu-
risiurandi formulæ, quæ quibuscûq; lo-
cis vbi hæresis dominatur, seuerè per

E P I S T O L A

Magistratus exiguntur , quibus hæc potestas planè abiuratur : tum libelli variè in lucem editi . Et quia horum nonnulli Vestris Maieſtatibus innotuere , vnus præſertim titulo tenus vt apparet Regius , qui prætextu huius authoritatis iniquè à Sede Apoſtolica in Principes uſurpatæ , M M^{tes} . V V^{as} . alloquitur : Magnorum Virorum rogatu præſens opus Apologeticum ſuperiori æſtate cōſcripſi : quod (vt aliud nuper de Antichriſto) V V^{is} . quoque M M^{bus} . dicandum cenſui , vt ad quos dictæ obiectiones allatæ ſunt , ad eoſdem reſponſa perueniant ; non quòd Vos Maiorésve Veſtri de hac vmquam authoritate dubitaſtis , quos ſemper vt diuinitus à Deo datam conſtat agnouiſſe , & ingenti veſtra cum gloria honorafſe : ſed vt extra Catholicæ fidei lumen educati , eâ quâ Maieſtates Veſtræ luce & ipſi colluſtrentur . Siue enim Præfatio illa Monitoria aliquid vltra titulum à Magnæ Britannia Rege acceperit

DEDICATORIA.

rit siue non : gaudebit opinor Magnus ille & Ingeniosissimus Rex cognita Catholicæ fidei Veritate , quam iniuria temporis & educatio ei inuidit.

Porro dum Opus hoc nostrum excuderetur , audio prodijisse in lucem librum ab Illustrissimo & Doctissimo Card. Bellarmino in eandem sententiam ; eoque in Gallia quosdam offensos , quasi Regiæ Maiestati & Politicæ aduersaretur . in eas enim tenebras astutiâ hæreticorū quibusdam locis veritas est immersa , vt si Pontificiam auctoritatem more Catholico & tot sæculis consueto asseras , videaris supremæ Regum Iurisdictioni derogare . Itaque statueram hoc Opus premere , nisi Viri Clarissimi , re diligēter expensa iudicassent id minimè conuenire . rem esse non boni exempli , cedere hæreticorum importunæ oppugnationi in Orthodoxæ Doctrinæ defensione , & propter eorum calumnias non audere Veritatem , quam ipsi liberè & studiosè op-

EPISTOLA

pugnant, tueri. Neminem verò Catholicum percepto controuersiã statu posse offendi, cū tot sæculis sine vlla contradictione tum in scholis, tum in tēplis, tum in communi fidelium sensu, tum in vsu & praxi, doctrina ista viguerit. Non magis eam ad Galliã, quàm ad alia Christiani orbis regna pertinere, sed communem esse. causam nullam esse cur pauci aliquot antiquam hanc Galliã gloriam hac velut exceptione obscurare conentur; cū florentissima illa Monarchia Sedi Apostolicã tot sæculis fuerit addictissima, & hanc eius, de qua agimus authoritatem sua potentia, difficillimis tēporibus sæpius tuta sit & stabiluerit, vt in hoc opere ostenditur, & Henricus III. postremò vita functus immortalī memoria dignus, suam erga Sedem Apostolicam obseruantiam tot modis declararit, eamque hæredi ac filio suo nouo Regi (quam & Regina Mater Pietate sua ac Sapientia, & filij indoles sceptro digna quotidie prouehunt)

re-

DEDICATORIA.

reliquerit imitandam.

Ita Philippus II. Hispaniarum Pijfimus ille Rex per tot sæculorum gradus à Maioribus sibi relictam erga Sedem Apostolicam incredibilem pietatem vna cum Regno, Sapientissimo filio Philippo III. reliquit. quæ Regia Pietas tot accessionibus auctum Regnum felicissimè hodieque conseruat.

Ita reliqua Regna Maiestatibus Vestrarum subiecta.

Ita denique Regium hoc Belgium; quamdiu Summum Pontificem quo debuit loco habuit; cæque Prouinciæ quæ sub Serenissimis Nostri Principibus Alberto & Isabella Austriacis, ab hac Apostolicæ Sedis obedientia non defecere; pietate, tranquillitate animorum, publico priuatoque rerum sacrarum cultu ac vsu florent.

Ob has aliasque causas, censuerunt quos dixi summæ Authoritatis Viri, nullum subesse iustæ offensionis periculum, neque vano metu clarissimam hæc
Au-

EPISTOLA

Authoritatis Apostolicæ Veritatem (pro qua Maiestates Vestræ ac Sanctissimi Maiores Vestri voluissent vitam oppetere) modio esse supponendam, sed super candelabrum, vt luceat omnibus qui in domo Dei sunt; imò & filijs huius sæculi qui malè agunt & oderunt lucem, & Ecclesiæ Catholicæ lucernam extinctā vellent, ne arguantur opera eorum: sed tenebris potius Diuina tandem miseratione egressi, & ipsi effecti filij lucis, Catholica fide in hac vita, in altera verò immortali Catholicæ fidei præmio cum Maiestatibus Vestrīs in perpetuas æternitates resplendeant.

Louanij, M.DC.XI.

H Æ C

HÆC DEFENSIO

duas habet Partes.

PRIOR PARS

EST de potestate Summi Pontificis absolutè & in genere, præsertim in spiritualibus.

Hac pars continet septem genera probationum.

- I. Probatio, est ex Orbis Consensu & Confessione.
- II. Ex Scripturis.
- III. Ex Concilijs Oecumenicis.
- IV. Ex Pontificum Decretis.
- V. Ex Patrum Testimonijs.
- VI. Ex iure civili, & testimonijs Imperatorum.
- VII. Ex varijs rationibus & signis.

SECUNDA PARS

EST de potestate Pontificis, quatenus se extendit ad temporalia.

Hac constat tribus Sectionibus.

PRIMA SECTIO

CONTINET quinque genera probationum.

- I. Probatio ex Concilijs Oecumenicis.
 - II. Ex Scripturis.
 - III. Ex testimonijs Principum, sanctorum Patrum, & Doctorum Ecclesia.
 - IV. Ex varijs Exemplis.
 - V. Ex varijs rationibus ex Scripturis, Philosophia, & Politia petitis.
1. Ratio ex absurdo.
 2. Ex potestate excommunicandi.
 3. Ex variorum fundamentorum falsitate.
 4. Ex recepta consuetudine accusandi & citandi.
 5. Ex ratione finis.

b

6. Ex

I N D E X.

- 6. *Ex subordinatione utriusq. potestatis.*
- 7. *Ex Iure conseruandi & tuendi sui.*
- 8. *Ex officio Christiani hominis.*
- 9. *Ex officio Pastoris.*
- 10. *Ex analogia ad carnem & spiritum.*
- 11. *Ex analogia ad facultates subalternas.*
- 12. *Ex usu & confessione Ethnicorum.*
- 13. *Ex diuina prouidentia vindicta.*

S E C V N D A S E C T I O

CONTINET aduersariorum obiectiones & nostras
responſiones.

- I. *Obiectio, Ex eo quòd aduerſetur Monarchia.*
- II. *Ex immenſitate huius potestatis.*
- III. *Ex eo quòd incidat in ſententiam Canonistarum.*
- IV. *Ex diſtinctione potestatis Eccleſiaſtica & Politica.*
- V. *Ex eo quòd Eccleſia olim non habuit ius in laicos.*
- VI. *Ex eo quòd regnum detur à Deo.*
- VII. *Ex defectu Iuris & probationis.*
- VIII. *Ex eo quòd veteres huius potestatis non memi-
nerint, nec ea ſint uſi.*
- IX. *Ex testimonijs Patrum.*
- X. *Ex periculo abuſus.*
- XI. *Ex eo quòd in iure naturali non poſſit fieri diſ-
penſatio.*
- XII. *Ex eo quòd vinculum iuramenti non poſſit ſolui.*
- XIII. *Ex ratione ſubiectionis populi.*
- XIV. *Ex ratione ſubiectionis ſummi Pont. & Cleri.*
- XV. *Ex defectu finis.*

T E R T I A S E C T I O

TRACTAT de certitudine huius doctrina, & Fi-
delitatis Iuramento.

P R Æ

P R A E F A T I O

Ad Lectorem.

SI CVT. Christus venit in hunc mundum, vt destrueret opera Diaboli, eiusque imperium euerteret, & nouum sibi regnum totum mūdum impleturum excitaret: ita vicissim Diabolus omni conatu in id semper incubuit, vt Christi regnum (quod est Ecclesia) labefacteret & destrueret. Fecit id primò per Imperatores Ethnicos & Tyrannos. verùm cum res parùm ex voto ei succederet, crescente magis per hoc Ecclesia, & sanguine Martyrum faceffente in sementem Christianorū; admouit hæreses, per quas longè profecit amplius. Vidit itaque experientia doctus Ecclesiam externis persecutionum impressionibus expugnari non posse; sed internis dumtaxat dissidijs, quibus vnitas fidei & religionis scindatur, labefactari. in hac enim vnitate totum Ecclesiæ robur ac bonum vniuersum cōsistere. Quare cum huius vni-

P R Æ F A T I O

tatis conseruationem maximè pendere cerneret ab authoritate Sedis Apostolicæ : nec posse Ecclesiam dissolui ac in varias Sectas dissipari, illa authoritate incolumi : omne studium ad illam labefactandam conuertit, nouissimis præsertim istis temporibus, quibus mundi clausula sensim appropinquant, & mensura peccatorum crescente, laxiores illi dantur habenæ ad nocendum. Hac enim authoritate sublata, nullum ampliùs superest vinculum, quo Ecclesia in vnitatem fidei & religionis contineatur, vt suo exemplo commonstrât illi, qui hac authoritate spreta, breui tempore in Sectas innumeras sunt diuisi.

Porro ad eam conuellendam, duobus potissimùm vtitur instrumentis : Hæreticis, qui se iuratos Ecclesiæ hostes profitentur; & quibusdam Politicis, qui sub nomine Catholico illam oppugnant. Per Hæreticos Sedi Apostolicæ omnem in spiritualibus potestatem abrogat, eamque Antichristi Sedem ab omnibus habendam contendit. Per Politicos non ita furenter in eam incurrit, sed concessa quadam spiritalis potestatis vmbra, aufert ei ferè omne ius quo spiritale bonum & religionis causa aduersus impios

in-

A D L E C T O R E M .

inuafores defendatur , negata omni authoritate , quæ ad temporalia fe extendat . Facit hoc eo confilio , vt ipſius miniſtri , qui in religione oppugnanda , hærefibus ſtabiliendis & Catholicis affligendis ei ſeruiunt , nihil habeant quod metuant ; ſed ſecurè poſſint graſſari . Excommunicatio enim (quæ ſola horum ſententia Põtificali conceditur , & nihil eſt aliud quàm à ſacramentis & officijs diuinis exclusio) inuaſoribus illis nõ eſt terrori : cùm ſponte ſua omnibus iſtis libenter abſtineant . Quod ſolùm formidant eſt , ſubditos ſuos à debito obſequio & fidelitatis ſacramento abſolui , & ſeipſos abdicationis ſententia perſtringi . Hoc nimirum eſt vnicum quod metuunt & oderunt , quodque multos olim ſalubriter vel in officio continuit , vel ad officium reuocauit . hoc ergo defendendæ religionis & boni ſpiritualis præſidium , opera quorundam vel Politicorum , qui non ita pridem emerſi , vel Catholicorum , qui à Politicis decepti , Eccleſiæ extorquere conatur , & ſummo Pontifici detrahere ; idque ſub Iuris & dignitatis Regiæ aſſerendæ prætextu .

Prodiit de hoc argumento libellus quidam anno ſuperiore hoc titulo : *De poteſtate*

P R Æ F A T I O

Papa, an, & quatenus in Reges & Principes seculares Ius & Imperium habeat, Guilielmi Barclaij I. C. Liber posthumus. in quo totis viribus author hanc potestatem sub nomine Catholico oppugnat, & eius defensoribus tamquam Monarchiæ hostibus apud Principes invidiam concitare conatur, Monarchomachos eos vocans. Ipsam verò potestatem mirificè exaggerat, tamquam immensam, illimitatam, & omnipotentiam quamdam, quæ in nullam creaturam, sed in solum Deum cadere possit: eamque vocat potestatem eradicandorum & extirpandorum Regum, & transferendorum pro arbitrio regnorum: ita nimirum auxesi verborum ex culice faciens elephantum. Exagitat autem præ cæteris Doctoribus Cardinalem Bellarminum qui hanc rem breuiter, doctè & dilucidè pro suo more lib. 5. de Pontifice, cap. 7. & 8. tractauerat.

Perlatus est Libellus iste ad me menses abhinc aliquot; & à Magnis Viris rogatus sum, vt sepositis paulisper alijs curis, ei paulò exactius responderem: quod hætenus nemo extaret qui eam rem fusiùs esset persecutus, etsi plurimi breuiter explicuissent. Cessi petitioni, & paucis mensibus hanc responsionem

A D L E C T O R E M .

sionem confeci. Erunt forsan Politici, qui laborem hunc meum quasi sceptris Principum minùs fauentem traducant (similè enim criminationem Author Præfat in Illustriſſ. Cardinalem Bellarminum notat) verùm Principes Catholici, & eorum Conſiliarij qua ſunt religione, prudentia & æquitate ipſimet huiusmodi calumniam protinus reſellent. nihil enim hic noui tradimus; nihil de noſtro adferimus: communem Eccleſiæ Catholicæ Doctrinam, tot Concilijs Oecumenicis probatam, tot ſacris Canonibus ſancitam, à Catholicis DD. in omnibus regnis, in omnibus Academijs Chriſtianis receptam & deſenſam proponimus. Nemini tot ſæculis apud Catholicos hæc Doctrina fraudi fuit: nemo inter tot Scriptores qui eam tradidere, idcirco in ſuſpicionem minùs propenſi in Principes animi venit, aut Principibus minùs charus fuit. Iniquiſſimum planè foret ſi aduerſarijs impunè liceret ſcriptis libris receptam Eccleſiæ doctrinam conuellere, & Catholicis Doctõribus Eccleſiæ filijs fas non eſſet eam tueri, & aduerſariorum obiecta diluere. Vocent illi nos idcirco Monarchomachos: poſſunt id facere eodem iure, quo pro-

P R Æ F A T I O

propter cultum sacrarum imaginum , & sanctissimæ Eucharistiæ adorationem , vocant superstitiosos & idololatrias . Pertinet hæc contumelia ad omnes Doctores Catholicos , qui iam à 600 . annis extitere , inter quos multi sanctitate & miraculis fuisse clarissimi .

Non sunt putandi hostes Monarchiæ ; qui ipsam Monarchiam præ cæteris gubernandi formis extollunt ; qui Principem vniuerso populo superiorem statuunt , & totam regni authoritatem in eo collocant ; qui fortunarum damna & mortem subditis antè sustinendam , quàm aliquid agant contra lus Principis , tradunt : & idipsum suo exemplo difficillimis temporibus demonstrant , qui subditis prætextu religionis nihil contra Principem mouere permittunt , summo Pōtifice , ad quem cura Religionis pertinet , inconsulto .

Sed , inquit , subijcitis Principem summo Pontifici in temporalibus . Minimè verò . non in temporalibus , sed in spiritualibus illum subijci dicimus , tamquam filium spirituali patri , tamquam ouem animæ suæ pastori . quamdiu enim solùm agitur de bono temporali & politico , ostendimus
sum-

A D L E C T O R E M .

summum Pontificem ius nullum agnoscere
 ut se gubernationi Principis immisceat. Si
 verò agatur de bono spirituali, gubernatione
 Principis tendente in euersionem Religionis
 & perniciem animarum : tunc dicimus Pō-
 tificem posse admouere manum , & statu-
 ere quod expediens ad religionis conser-
 uationem & salutē animarum iudicatum
 fuerit . hoc est quod potissimū hic de-
 fendimus . Quī potest hoc aut minū fa-
 uens aut incommodum censi Principum
 authoritati , quæ in temporalium admini-
 stratione versatur , cū omnia tempora-
 lia religioni & saluti æternæ seruire debe-
 ant ? Quis Principum Christianorum ve-
 lit se , aut suos posteros regnare cū in-
 teritu veræ religionis , & exitio æterno sub-
 ditorum ? Fertur de potentissimo illo Gal-
 liæ Rege Francisco primo , eum dicere so-
 litum : *Si scirem partem aliquam carnis meæ con-
 tagione hæresis infectam , eam manu meā à reliquo
 corpore præciderem* . Eodem animo reliquos
 quoque Principes Christianos esse creden-
 dum . norunt enim se & Christi religio-
 ne & ipso iure naturæ ad hoc obstrictos ,
 ut nolint se suosque dominari in istis infi-
 mis & caducis , cum damno publico spi-
 ritu-

P R Æ F A T I O

ritualium & æternorum : vt non pluris æstiment suum honorem , quàm regni totius salutem . denique vt parati sint cedere potiùs administratione , quàm vt regnum in impietatem præcipitetur . Itaque tantùm abest vt grauatè ferant hanc summi Pontificis auctoritatem , vt eam tot iam sæculis probarint : etsi interdum aliqui de minùs prouido vsu sint conquesti ; vt suo loco ostendam . Nemini vtile esse potest habere peccandi impunitatem . non expedit vlli Principi , vt securè possit seipsum , & regnum suum perdere , veram religionem exterminare , Hæreses , Turcismum vel Atheismum introducere : sed contrà ei expedit & optandū est , vt non desit , qui etiam vi possit à tantis malis eum auertere . Quis nauarchus mentis compos non desideret habere à quo vel inuitus prohibeatur , si eo furore contingeret illum aliquando corripì , vt nauem cum vectoribus in scopulos conetur impellere ? Felix necessitas quæ ab interitu reuocat , & à tantis cladibus animum malè sanum coercet .

Neque solùm bono spiritali tuendo , sed etiam Imperijs Principum stabiliendis , ac
pu-

AD LECTOREM.

publicæ tranquillitati hæc autoritas est opportunissima . Per hanc componuntur Principum discordiæ , in exitiosum alioquin bellum abituræ : defenduntur legitimi regnorum heredes aduersus domesticos & externos inuasores : absterretur Magnates ne res nouas aduersus nouum Principem meditentur : impediuntur potentiores ne alios viribus impares iniquè opprimant , suisque ditionibus exuant . Itaque omnes Principes Christiani in hac Vicarij Christi autoritate patrociniū habent & defensionem : omnes qui iniquè oppressi refugium & opem , vt in hoc scripto multis exemplis declarabitur .

Ex his perspicuum est hanc nostram sententiam & Principum statui & eorum regnis plurimū fauere , ijsque in pace conseruandis esse aptissimam . At verò hæreticorum sententia non parum affert periculi : vt quæ Principem eiusque Imperium arbitrio Ministrorum subijcit , & furori populi ad eorum nutum exponit , vt suo loco fusè demonstrabitur . Nec minus periculi , etsi modo diuerso , adducit sententia Politicorum . dum enim plus tribuit Principi quàm vel ferre queat moderatus

PRÆFATIO

animus; dum instar Numinis eum vult
haberi, cui omnia liceant impunè, cui nul-
lo euentu liceat resistere, etiamsi omnia
diuina & humana pessumdet; illum præ-
cipitat in tyrannidem. At nostra vitatis
hæreticorum & politicorum extremis me-
dia via incedit, Principum vitæ & statui
securissima. si enim ijs qui patrem & ma-
trem honorant, promittitur in lege diui-
na longa & quieta vita: cur Principi qui
patrem suum spiritualem summum Pon-
tificem Christi Vicarium debito honore
prosequitur, non sit sperandum longum
& felix imperium? Religione stabili ri re-
gna, extolli familias, & produci in mul-
ta sæcula: impietate labefieri, cuerti, ex-
tingui, plurimis S. Scripturæ & historiae
Ecclesiasticæ exemplis discimus. quod e-
tiam Dominus insinuat his verbis: *Quicū-
que honorificauerit me, glorificabo eum: qui au-
tem contemnunt me, erunt ignobiles.*

Exod. 10.
11. Ephes.
6. 2.

1. Reg.
2. 30.

Porro, vt tractatio sit plena, primo lo-
co stabilio summi Pontificis authoritatem
in genere aduersus hæreticos: deinde de-
scendo ad eam qua parte respicit dispositi-
onem temporalium. Et quia Barclaius cō-
gessit diligenter omnia quæ vel in speciē
huic

A D L E C T O R E M .

huic authoritati videbantur posse refragari, ad illius libellum discutiendum me potissimum conuerti. Eo enim cōfutato, abundè etiam libello Regio qua parte hæc attingit, satisfactum erit. Miratus sum aliquanto tempore authorem scribere, se fidem Catholicam Romanam profiteri, cùm tot inuectiuis in summos Pontifices & Episcopos vtatur, & multa fidei Catholicæ aduersa tradat: sed postea accepi, post mortem authoris libellum in Anglia à Fratribus reformatæ religionis fuisse reformatū, & Londini non Mussiponti, sicuti in frōte præferebat, excusum. Licuit nimirum illis hoc modo libellum alienum reformare, vt sub Catholico nomine Catholicis sua paradoxa meliùs persuaderent. Digessi rationes in ordinem, & ad singulas distinctè respondeo simplici, proprio, ac scholastico stylo, ad veritatem nudè clareque proponendam accommodato, quique ab omnibus faciliè possit intelligi.

Cùm penè ad finem peruentum esset, allatus est ad me libellus inscriptus: *Quæstio in M. Georgium Blacuellum. in quo etiam nonnulla aduersus hanc summi Pontificis authoritatem proferuntur.* Verùm

P R Æ F A T I O

nihil ferè noui aduerto, quod libello Barclaij non contineatur . Nam omnia penè ex ipso videntur desumpta . Itaque eadem opera etiam Blacuello responsum erit .

Habes , Lector optime , consilij mei rationem . Tu lege, expende, iudica; & si quid visum fuerit obscurius , benignè interpretare . Deum precor , vt hæc eius gloriæ , Religionis dignitati , & Principum Catholicorum Statui ac Amplitudini dicata fauore suo promoueat .

A P P R O -

APPROBATIO.

HANC PONTIFICIÆ POTES-
TATIS DEFENSIONEM
& solidam censeo, & dignam quæ ad Prin-
cipum ac populorum instructionem emit-
tatur in lucem . Louanij , XIII. Sept.
M. DC. X.

*Georgius Fabricius Nouiomagus
Apostolicus Librorum Censor .*

p. 11. b. 7 comitatus - comitatus ERRATA.

126. g. m. h.	222.	17. Verf.	18. Repondeo. Leg.	Respondeo.
136. 2. q. in. 20.	35.	10.	docuit.	decurt.
144. v. 3 multos - nullos.	71.	11.	excutionem.	executionem.
	140.	33.	hom.	tom.
	160.	22.	quoque.	quæque.
	171.	33.	gatulatur.	gratulatur.
	173.	32.	eo quod Henrici causam contra Pōtificē.	

Leg. eo quod Pontificis causam cōtra Henricū.

264.	15.	usu.	usus.
280.	14.	constanrut.	construant.
283.	33.	communione.	excommunicationē.
370.	13.	idem.	eidem.
381.	13.	Concilia.	Concilia.
411.	19.	poteftatione.	protestatione.

74.	9. a. f. c. Episcopo 2.	- Niceno 2.
152	5 a. f. c. 2. Leonē pōst.	- 2. Gregorius pōst. d. n. Leonem pōst.
165.	3. cōfessio minis 20 781.	cōfessio cūm Romanis pōst. minis 20 781.
210	7. Remetem - metem	
238	8. immens margin. - 129.	

DISPV-


169	3. Impery - Pontificy.
418	20. Hys - ne
30	21. abindicato abindicato.
152	7 a. f. c. Leonemacho - monobolita.
400	15. Conhemptores.

DISPUTATIO
APOLOGETICA
DE
SUMMI PONTIFICIS
POTESTATE.

HAEC DISPUTATIO HABET
duas partes. Prior est de Potestate Summi Pon-
tificis absolutè & generatim, præsertim in
Spiritualibus. Altera de eadem pote-
state, quatenus se extendit
ad Temporalia.

PRIOR PARS.

*Vtrum Summus Pontifex sit Caput Ecclesia Vniuersa-
lis, ita ut in omnes Christianos, etiam Reges,
habeat Iurisdictionem: Et quousque
hac Iurdictio se extendat?*



OMNES Hæretici sicut Ecclesiam Ro-
manam negant esse veram Eccle-
siam Christi: ita Romanum Pontifi-
cem negant esse Christi Vicarium, &
Ecclesiæ caput, aut in omnes Chri-
stianos habere Iurisdictionē. Illa enim
duo ita sunt connexa, ut alterum si-
ne altero consistere non possit. Itaque necesse est vel

A

ambo

ambo admittere, vel ambo negare. Quodd autem hæretici omnes id negent, mirum non est: quia nisi id faciant, hæretici esse non possunt. *Neque enim, vt Cyprianus epist. 55. ad Cornelium ait, aliunde hæreses obortæ sunt, aut nata sunt schismata, quàm inde, quòd sacerdoti Dei non obtemperetur, nec vnus in Ecclesia ad tempus sacerdos, & ad tempus index vice Christi cogitatur.* Multi tamen, inter quos Græci schismatici, fatentur ipsum esse Episcopum Romanum, & patriarcham occidentis. Lutherani verò & Calvinistæ, & alij huius ætatis sectarij hanc Iurisdictionem non solum negant; sed etiam adeo in summo Pontifice exosam habent, vt propter illam statuunt ipsum esse Antichristum. Verùm Catholici tamquàm certum ac indubitatum fidei dogma statuunt Romanum Pontificem esse caput Ecclesiæ vniuersalis; ita vt in omnes Christianos, etiam Reges, iure diuino habeat potestatem, possitque omnes suis legibus obstringere, & rebelles congruis modis coercere, & punire. Definita est hæc veritas, vel apertè insinuata in oâo Concilijs Oecumenicis, quibus etiam Græci interfuere & subscribere: eamque fuscè probant inter alios doctissimi viri Albertus Pighius, Nicolaus Sæderus, & Cardinalis Bellarminus. Nos breuiter nonnulla adferamus, quibus eadem confirmetur: deinde quæ ab authore obijciuntur, dissoluamus.

Hæc 1. pars
continet
7. genera
probatio-
num.

1. Probabimus eam ex Confessione totius orbis Christiani. 2. Ex Scripturis, siue ratione in Scripturis fundata. 3. Ex Concilijs Oecumenicis. 4. Ex Pontificum Decretis. 5. Ex Patrum testimonijs. 6. Ex Iure ciuili, & testimonijs Imperatorum & Regum. 7. Varijs rationibus & signis.

P R I M A

PRIMA PROBATIO.

Ex orbis confessione & consensu.

OMNES Episcopi & Reges Catholici, atq; adeo totus orbis Christianus, multis retrò sæculis agnouerūt & cōfessi sunt hanc Romani Pontificis supremam in omnes potestatem, & in eam vniuersè consenserunt. De Episcopis constabit infrà ex Concilijs. De Regibus fatetur author in Præfatione pag. 106. vbi docet, omnes Christianos Principes, postquam ruente Imperio Romano, se in libertatem vindicarunt, *in obsequium Romani Pontificis Catholice & vniuersim consensisse, eiꝛue omnem suam potestatem & auctoritatem concessisse, illum adorasse, eius pedes exosculatos fuisse, & in his omnibus per diuturno tempore* (nempe à tempore Bonifacij tertij hucusque, quod est spatium mille annorum, & amplius) *perseuerasse.* De reliquis Catholicis non potest esse dubium. Hi enim sequuntur iudicium suorum Episcoporum; præfertim cū etiam Principes idem sentire vident. At summa est temeritas vel potius insania, negare id quod totus orbis Christianus tot sæculis fatetur: quod agnoscunt & confitentur etiam illi, de quorum iure agitur, in quorum iniuriam ea potestatis vsurpatio, si iniqua esset, maximè redundaret. Nullius rei Principes sunt magis appetentes, quàm potestatis absolutæ, & nemini obnoxia. Iam antè excusserant iugum Imperij Romani, vt Author ait: quomodo ergo tam faciliè tanto consensu, tam vniuersè se suamq; dignitatem & potestatem rursus alteri submitunt, & illum Superiorem agnoscunt, nisi quia clarè videbant, id Christianam religionem, sine qua salui esse non possent, postulare, & Christum ipsum Regem Regum ita instituisse & præcepisse? Pari

Infantum
iudicium.

modo nec Episcopi vñquam hanc potestatem Romano Pontifici tam facile concessissent, nisi eam diuinitus institutam & traditam sciuisent. Imò, si antea in Ecclesia fuisset aliqua ea de re dubitatio, quantæ mox contentiones & disceptationes, illa se erigente & in sublime tollente, extitissent? quantæ turbæ excitatæ fuissent, simul ac Romanus Pontifex eam potestatem sibi vindicare, & in alios Episcopos vel Principes vsurpare cœpisset? quantæ controuersiæ & contradictiones? quis æquo animo eius imperia, & minas excepisset? Incipiat Imperator aliquis aut Rex, quantumuis potens, vsurpare sibi Iurisdictionem in alios Principes, dare leges, iuxta quas sua regna administrarent, imponere præcepta, intentare minas, reuocare causas ad suum tribunal, mittere per omnia Regna suos vicarios: quanta repenti erit conturbatio, quanta indignatio, quantæ querimoniæ, & contradictiones, & accusationes tyrannidis? Nihil enim homini potest accidere intolerabilius, quàm si videat suam Iurisdictionem ab alio iniquè inuadi. Non minor profectò, sed etiam maior fuisset conturbatio, si Pontifex Romanus Episcoporum & Regum iura inuasisset; aut nisi omnino constitisset, nihil eum nisi quod à Christo omnium domino ipsi concessum, vsurpare.

Neque dici potest Episcopos & Reges non fuisse auctores contradicere, quòd metuerent eius potentiam: quia multis sæculis ipsi Pontifices parùm externis viribus potuerunt, oppressi tyrannide Gothorum, Longobardorum, vel ipsorum Imperatorum; vt omitam, incredibile esse viros sanctissimos & doctissimos metuisse potentiam Romani Pontificis, qui tyrannidem Imperatorum & Principum non metuebant, sed ijs fortissimè in causa fidei & iustitiæ se opponebant. Deinde quæ potuit Regibus esse causa timendi, vt qui externis viribus, longè essent potentiores? Denique quis credat omnes ita fuisse

fuisse ignavos, & timore Pontificis perculsos, vt illi iura ipsorum inuadenti nemo se auderet opponere, nemo hircere, vel exigere huius potestatis probationem? Aut omnes adeo fuisse stupidos, vt in re tanta permiserint sibi imponi, & Pontifici in omnibus absque iusta probatione & examine veritatis, fidem habuerint?

Præterea etiamsi ab initio hæc potestas non fuisset immediatè in Romano Pontifice, sed vel in Regibus, vt vult author cum suis protestantibus: vel in cœtu Seniorum, vt vult Calvinus cum suis puritanis, vel in populo Christiano, vt Illyricus: nunc tamen fatendum esset, illum eam obtinere. Nam, vt author fatetur, omnes Reges Christiani, item Episcopi, & populus Christianus, iam saltem à mille annis in Pontificem Romanum consenserunt, & hanc vniuersalem ac supremam Iurisdictionem in eo agnouerunt. Hic autem consensus vim habet Iurisdictionis suæ in alterum transferendæ; adeo vt etiam is qui tyrannicè imperium inuasit, si temporis progressu regnum in illum consentiat, legitimus Princeps efficiatur, & in omnes regalem auctoritatem accipiat. Hoc enim modo pleraque imperia exorta esse constat ex historijs. Cur ergo Romanus Pontifex, in quem omnes iam à tot sæculis, vt in suum legitimum superiorem & Pastorem consensere; saltem ex vi huius consensus non habeat in omnes potestatem? Vnde sicut iniuriam facerent Principi, & essent rei perduellionis, si post generalem Regni acceptionem aliqui de populo nollent illum pro suo Principe agnoscere: ita iniuriam faciunt Romano Pontifici, & sunt rei læsæ Maiestatis, qui post totius orbis tot sæculorum consensum, illum superiorem & Pastorem recusant agnoscere. His accedit vsu capio tot sæculorum, quæ etiam vim habet conferendæ Iurisdictionis, L. Sicut. 3. & L. omnes 4. C. de præscript. 30. vel 40. annorum. Quis Princeps

3.

Author p.
137. & in
Apologia
pag. 109.
Calvinus
lib. 4. in-
stit. c. 17. §.
6. Illyric.
lib. de E-
piscoporū
electione.

æquo animo litem sibi moueri pateretur de Iurisdictione, quam pacificè vel vno sæculo possedisset ? At Summus Pontifex, iam à decem sæculis, vt aduersarij fatentur, in possessione huius Iurisdictionis fuit.

4.
An possit
vsucap.
acquiri

Fortè respondebunt, hanc Iurisdictionem vsucapione & hominum consensu acquiri non posse, eo quod à Deo conferatur. Verùm hoc aduersarij dicere non possunt. Author enim cum suis protestantibus docet etiam Regiam potestatem immediatè à Deo conferri; quæ tamen omnium iudicio, vsucapione acquiri potest. Et potestas quæ est in populo libero, immediatè à Deo, vt authore naturæ & rationis humanæ, procedit; & tamen constat hanc totam in vnum vel plures per consensum populi transferri posse. Pari modo omnes Reges communi consensu possent vnum Regem vel Imperatorem, cui omnes parere teneantur, supra se constituere. Et si aliquis per tyrannidem totum mundum subiugaret, vel iurisdictionem in omnes Reges vsucapere inciperet; hic fieret totius orbis Monarcha, & Regum omnium superior, accedente solùm libero Regum & populorum consensu. Denique quoties aliqua potestas seu Iurdictio residet in pluribus, siue in aliquo cœtu, potest illa communi consensu in vnum conferri, qui omnibus præsit, & non solùm in singulos seorsim, sed etiam iunctim in omnes, potestatem habeat. Omnis enim gubernatio, cùm per certa media ad vnum finem tendat, meliùs per vnum agitur, quàm per multos. Nam difficile est multos sæpe in vnum coire, & in rebus agendis idem sentire, idem velle, & idem habere propositum. Imò si magna sit multitudo, vel ea latè sit diffusa, gubernatio est prorsus impossibilis. Vnde necessariò tota potestas vni vel paucis quibusdam committenda, qui totam multitudinem regant. Perspicuum igitur est, quòd et si pote-
stas

As illa & suprema Iurisdicção olim in multis fuisset, vt Hæretici volunt : iam tamen à mille annis communi consensu orbis, & tanti temporis vsucapione in Romanum Pontificem esset translata, & in eo solo resideret. Nec minorem iniuriam ei fieri, cum aliquis Christianum nomen ferens, illum Superiorem recusat agnoscere; quàm fiat Principi sæculari, cum post multorum sæculorum pacificam regni possessionem, aliqui ciues nolunt ipsius auctoritatem admittere.

SECUNDA PROBATIO.

Ex Scripturis.

SECUNDO idem probatur ex Scripturis hoc syllogismo. Ex Scripturis constat hanc supremam in totam Ecclesiam potestatem à Domino concessam B. Petro, & in Petro omnibus eius successoribus: atqui Romani Pontifices sunt successores B. Petri, ergo hanc potestatem habent. Maior huius syllogismi apertè ex Scripturis conuincitur: minor autem ex Patrum testimonijs & omnium sæculorum confessione, quod ad maiorem attinet, omissis alijs locis, potissimum ex duobus confirmabimus. Prior est Matth. 16. vbi cum Petrus, reliquis tacentibus, diuinitatem Christi confessus esset, Christus illum remuneraturus respondit, & dixit ei: *Beatus es Simon Bar-Iona, quia caro & sanguis non reuelauit tibi, sed Pater meus qui in calis est. Et ego dico tibi, quia tu es Petrus, & super hanc Petram adificabo Ecclesiam meam, & porta inferi non preualebunt aduersus eam: & tibi dabo claues regni calorum. Et quodcumque ligaueris super terram, erit ligatum & in calis: & quodcumque solueris super terram, erit solutum & in calis.* Hic amplissimis verbis sub triplici metaphora, nimirum fundamenti, clauium & pote-

Expenditur locus Matt. 16. Tu es Petrus

Soli Petro potestatis ligandi atque soluendi, promittit Petrus hanc supremam potestatem: soli, inquam, Petro, non alijs Apostolis. Solus enim responderat: *tu es Christus filius Dei viui*, simul mysterium Trinitatis & Incarnationis confitens, cuius confessionis mercedem (vt ait Hieronymus) ista promissione accepit. Ipsi soli dicitur: *Beatus es Simon Bar-Iona, quia caro & sanguis non reuelauit tibi*. Denique idem apertè conuincunt illæ particulae demonstrandi: ego dico tibi, quia *tu es Petrus: tibi* dabo clauēs: *ligaueris, solueris*. Ex quibus clarissimum est Petro hic aliquid eximij promitti, quod ad alios Apostolos non pertineat.

Sub triplici metaphora.

Fit hæc promissio sub triplici similitudine admodum magnifica. Si enim Ecclesia consideretur vt *domus Dei*, quid præstantius quàm esse huius domus fundamentum? Si, vt *familia Christi*, quid honorabilius quàm esse in ea œconomum cui clauēs commissæ; qui possit admittere & excludere, & omnia habeat in sua potestate? Si, vt *regnum Dei*, quid excellentius quàm in eo præesse potestate Vicaria, & tanta auctoritate in eo præsidere, vt quam hic in terris sententiam tulerit, tribunal cæleste ratificet?

6. De metaphora fundamenti.

Primo modo promittitur hæc potestas, cùm ait: *Ego dico tibi* &c. id est, *O Simon Bar-Iona, Ego dico tibi quòd tu es petros*, seu petra, & *super hanc petram adificabo Ecclesiam meam*. Vbi notandum *petros* non accipi vt nomen proprium, sed vt appellatiuum, quatenus significat saxum. græcè enim saxum vocatur *πίλος*, vel *πέλος*. Inepta esset locutio, si vt nomen proprium sumeretur: quia ad nihil aliud seruit, quàm ad personæ designationem. Quis enim ita loquatur, Ego dico tibi Simon quòd tu es Ioannes, quòd tu es Iacobus, Lucas, &c. Deinde, iam dominus proprium nomen præmiserat *Simon Bar-Iona*, & personam designarat. Itaque dicit hanc

hanc personam esse petram, rupem, ob constantiam & firmitatem, quàm ei daturus erat. dicere enim Dei est efficax eius quod significat. Quam ob causam Dominus diu antè, cùm illum primò reciperet, Ioan. 1. 42. *intuitus eum dixit, Tu es Simon filius Iona, tu vocaberis Cephaz*; hoc est petra: nimirum quia eum talem facere statuerat, & iam ad hoc designabat. Talis igitur est hæc locutio, qualis esset, si Rex militem, quem fortissimum fore præuideret, vocaret Leonem; & postea diceret, tu es Leo, & per Leonem fugabo hostes meos. Sed in eo est dissimilitudo, quod dicere Regis est inefficax, nec possit homini robur addere: Christi verò dicere sit efficax, & possit homini fragili tantam tribuere firmitatem & vigorem, ut instar rupis aduersus omnes huius mundi procellas stet immobilis. Dices, Cur ergo Dominus formam loquendi mutauit: *Tu es Petrus, & super hanc petram* &c. Respondeo. Dominus non mutauit, sed apertè dixit: *Tu es petra, & super hanc petram* &c. Nam Syriacè locutus est: *Tu es Cephaz, & super hanc Cephaz ædificabo* &c. Cephaz autem est petra, seu rupes. Verùm interpres qui hæc græcè expressit; mutauit; & Cephaz priore loco vertit *πίλος*; quia, vir aptius videtur appellari *πίλος*, quàm *πίλα*: altero vertit *πίλα*, ut metaphora esset clarior. Nihilominus *πίλος* apud Græcos non minus saxum significat, quàm *πίλα*. Itaque cùm ait: *super hanc petram ædificabo Ecclesiam meam*, apertè significat Simonem Petrum fore Ecclesiæ fundamentum, cui ipsa sit innixura. Ecclesia enim est domus Dei, huius domus fundamentum est Petrus. Sicut fundamentum est pars ædificij, cui tota reliqua structura innititur: ita Petrus est pars Ecclesiæ Christi, super quam reliqua tota Ecclesiæ structura recumbit. Rursus, sicut id quod non cohæret fundamento, nec vlllo modo in illud recumbit, non est pars ædificij: ita non est pars Eccle-

Petrus
Ecclesiæ
fundamē-
tum.

sia Christi, sed ab ea separatus, qui non cohaeret Petro. Denique hac metaphora significatur Ecclesiae incolumitatem & unitatem à Petro dependere, & sine illo non posse consistere. Itaque necesse est illum in totam Ecclesiam Iurisdictionem habere. Confirmatur, quia hoc est fundamentum in domo, quod radix in arbore, fons in flumine, sol in lumine, caput in animante, Rex in regno; quae omnia vniuersalem quamdam vim & influxum habent. In d. *ἐκκλησία* est nomen *fundamenti* quàm Regis. Maior enim per illud insinuatur dependentia, & maior necessitas ad rei conseruationem. Porro cum Ecclesia dicitur *adificata super petram*, duplex dependentia indicatur, ratione doctrinae & gubernationis. Ratione doctrinae; quia Ecclesia nititur doctrina Petri tamquam infallibili, utpote à Deo profecta, & per illum tamquam Dei interpretem proposita. Ratione gubernationis; quia tota Iurisdicatio & potestas spiritalis in ipso plenè residet, & per ipsum in alios diuiditur, adeo ut tota Ecclesiae administratio ipsius auctoritate agatur, & in illum tamquam fontem & originem reduci debeat. Est itaque fundamentum, ut doctor fidei, & ut rector morum, cultusque diuini in ordine ad aeternam salutem.

Duplex
dependen-
tia Eccles.
à Petro.

Denique quā validè fundamentum istud Ecclesiam sit sustentaturum, explicat dominus, cum addit: *Et portae inferi non praeualebunt aduersus eam*. Facile est Christo per hominem peccatorem ita docere Ecclesiam, ut numquā erret, ita regere ut numquam intercidat, sed usque ad finem saeculi continuetur toti mundo spectabilis. Praeualet aduersus eam portae inferorum, si diabolus vnum ex his tribus posset efficere. 1. Si efficeret ut cathedra Petri aliquid falsum fide Catholica credendū proponeret. Si enim vel in vno articulo posset decipi, non esset infallibilis credendi regula, nec solidum fundamentum: & ita tota fides Ecclesiae, quae hoc fundamento nititur, incerta redderetur.

Quando
portae in-
ferorum
praeuale-
rent.

retur. 2. Si ordo Sacerdotalis penitus excideret: Nam sine sacrificij oblatione, & sacramentorum sanctificatione, quæ hoc ordine perficitur, Ecclesia Christi consistere non potest. 3. Si omnes à recta fide deficerent. Nihil horum umquam poterit diabolus consequi, quantumvis cum omnibus suis cohortibus & ministris hæreticis cōstitatur. Nec solum oppugnando non poterunt Ecclesiæ præualere, sed neque illi resistendo: quia ipsa non solum à diabolo non expugnabitur, sed etiam totam inferorum potentiam, & totam regni diaboli firmitatem auxiliante Christo expugnatura est, ut exponit Leo homil. de Transfigur. Dom. cap. 1. & Hilar. can. 16: in Matth. Arator. lib. 1. hist. Apostol. His Patres docēt Petrū
congruunt veterum & sanctorum Patrum expositiones, Eccl. fundamētū.
qui docent Simonem Petrum hic vocari *petram*, & *super illum Ecclesiam edificatam*.

Clemens epist. 1. ad fratrem Domini. *Simon Petrus vera fidei merito, & integra prædicationis obtentu, fundamentum esse Ecclesiæ definitus est &c.*

Origenes homilia 5. in Exodum. *Vide, magno illi Ecclesiæ fundamento, & petre solidissimæ, super quam Christus fundavit Ecclesiam, quid dicatur à domino, Modica fidei quare dubitasti?* Nimirum tunc nondum erat fundamentum, actu & re ipsa, sed solum diuina designatione. Idem tractatu 3. in Matthæum. *Petrus per promissionem meruit fieri Ecclesiæ fundamentum.*

S. Hippolytus de consummatione sæculi: *Princeps Petrus, fidei petra, quem beatum indicauit Christus Deus noster, ille Doctor Ecclesiæ, ille primus discipulorum qui clauēs regni habuit, docuit me.* Tertullianus de præscript. Latuit aliquid, *Petrum adificandæ Ecclesiæ petram dictum, clauēs regni eorum consecutum, & soluendi & alligandi in calis & in terris potestatem?*

S. Cyprianus epist. 40. ad plebem. *Deus unus est, &*

Christus unus est, & Ecclesia una est. & Cathedra una est super Petrum voce domini fundata. Epist. 55. ad Cornelium. *Petrus super quem adificata ab eodem domino fuerat Ecclesia, unus pro omnibus loquens &c.* Et Epist. 70. ad Ianuarium. *Vna est Ecclesia à Christo domino super Petrum origine unitatis & ratione fundata.* idem habet epist. 69. ad Florentium, 71. ad Quintum, & 73. ad Iubaia sum.

S. Hilarius in cap. 16. Matthæi. *O in nuncupatione noui nominis felix Ecclesia fundamentum, digna adificatione illius petra, qua infernas leges; & tartari portas, & omnia mortis claustra dissolueret! O, beatus cali ianitor, cuius arbitrio clauces aeterni aditus traduntur: cuius terrestre iudicium præiudicata authoritas sit in calo, ut qua in terris ligata sint aut soluta, statuti eiusdem conditionem obtineant & in calo!*

S. Ambrosius in hymno qui iam ab illo tēpore in Ecclesia canitur; vt patet ex Augustino lib. 1. retract. c. 21.

*Hoc, ipsa petra Ecclesia,
Canente, culpam diluit.*

Idem sermone 47. *Petrum vocari petram, quod velut saxum immobile, totius operis Christiani compagem, molemq; sustineat.*

S. Basiliius homilia de pœnit. *Petrus petra est propter Christum petram. largitur enim Iesus suas dignitates. petra est, petram facit. & in cap. 2. Esa. Vnus ex his montibus fuit Petrus, quem petram appellauit, super quam petram promisit adificare Ecclesiam suam.*

S. Gregorius Nazianzenus orat. 26. de moderatione in disput. seruanda. *Petrus petra vocatur, atque Ecclesia fundamenta fidei sua concredita habet.*

S. Chrysostomus hom. 83. in Matth. *Maxima auctoritate illi dixit, Ego super te adificabo Ecclesiam meam, & tibi dabo clauces regni calorum.* & homil. 27. ex varijs in Matth. locis. *Princeps Apostolorum Petrus, super quem*
Chri.

Christus fundauit Ecclesiam, verè immobilis petra & firma confessio.

S. Epiphanius in ancorato pag. 3. *Ipse Dominus constituit Petrum primum Apostolorum, petram firmam, super quam Ecclesia dei adificata est; & porta inferorum non praualebunt aduersus eam. porta inferorum sunt hareses & haresiarchæ. iuxta eum enim modum in ipso firmata est fides, qui accepit clauis calorum &c.*

S. Hieronymus c. 16. Matth. *Secundum metaphoram petra, rectè dicitur ei; Aedificabo Ecclesiam meam super te.*

S. Augustinus serm. 29. de sanctis. *Dignus certè (Petrus) qui adificandis in domo dei populis, lapis esset ad fundamentum, columna ad sustentaculum, clauis ad regnum. Serm. 124. de tempore. Totius corporis morbum in ipso capite curat Ecclesia: in ipso vertice componit membrorum omnium sanitatem: in ipsa confessionis Christi crepidine, in ipso immobilis fidei fundamento, in Petro scilicet.*

S. Paulinus epist. 4. ad Seuerum. *Etiàm discipulo suo huius vocabuli gratiam non negauit, cui dicit, super hanc petram aedificabo Ecclesiam meam.*

S. Maximus Taurinensis homil. 1. de natali Petri & Pauli. *Hic est Petrus cui Christus dominus communionem sui nominis libenter indulsit. Per Christum Petrus factus est petra, dicente ei domino: super hanc petram aedificabo Ecclesiam meam. Et infra, Hic est Petrus cui dominus ascensurus ad Patrem pascendas ouiculas suas agnosque commendat.*

S. Prosper lib. 2. de vocatione gentium cap. 28. *Hæc fortissima petra ab illa principali petra communionem & virtutis sumpsit & nominis.*

S. Cyrillus l. 2. in Ioannem c. 12. *Christus Petrum hac re instruit, se esse eum qui cuncta antequam fiant nouit; Nec Simon fore iam illi nomen sed Petrus pradicis; vocabu-*

lo ipso commodè significans, quòd in eo tamquam in petra lapideque firmissimo suam esset edificaturus Ecclesiam.

Philippus Presbyter in Conc. Ephes. tom. 2. cap. 16. Nulli dubium imò seculis omnibus notum est, S. Beatissimumq. Petrum Apostolorum Principem & caput, fideique columnam, Ecclesie Catholicae fundamentum à domino celestis regni claves accepisse, nec non per successores suos hucusque vivere.

Theodoretus in Cantica. In Petro Apostolorum princeps Dominus se Ecclesiam suam edificaturum promissit.

S. Leo serm. 3. in anniuersario suæ assumptionis. Cum ego sim immobilis petra tamen & tu quoque petra es: quia mea virtute solidaris. Concilium Chalced. act. 3. Ter beatissimus, & omni laude dignus B. Petrus Apostolus, qui est petra, & crepido Ecclesie Catholicae, & recte fidei fundamentum.

S. Gregorius lib. 6. epist. 37. Quis nesciat sanctam Ecclesiam in Apostolorum Principis soliditate firmatam, quia firmitatem mentis traxit in nomine, ut Petrus à petra vocaretur?

Habemus hic consensum omnium Patrum, qui primis sexcentis annis floruerunt. Idem sentiunt omnes posteriores, tam Græci quam Latini, quos breuitatis causa omitto; nimirum Petrum esse Ecclesie fundamentum, & super ipsum Ecclesiam ædificatam.

Nec obstat quòd S. Augustinus lib. 1. retract. cap. 21. ponat duas interpretationes huius loci; alteram qua per petram intelligatur Simon Petrus: alteram qua ipse Christus; & relinquat Lectori liberum, ut utram malit eligat: quia manifestè deceptus fuit ignoracione vocis $\pi\acute{\epsilon}\tau\rho\varsigma$. Putabat $\pi\acute{\epsilon}\tau\rho\varsigma$ non esse idem quod $\pi\acute{\iota}\lambda\epsilon\alpha$, sed aliquid à petra deriuatum, quasi petræus, quod aperitè indicat eum ait: Non enim dictum est illi; Tu es petra, sed tu es Petrus. petra autem erat Christus, à qua petra dictus est Petrus. & Tract. 124. in Ioannem, dicit Petrum dictum à petra

8.
Resp. ad
August.

tra, sicut Christianus dictus à Christo. Verùm si sciisset hæc tria, *Cephas*, *πίλος*, & *πίλα* idem prorsus valere, numquam viro acutissimo ista excidissent. Sic enim vidisset re vera dictum à Domino lingua Syra: *Tu es petra*, & in Græco *πίλος*, vel *πίλα* idem valere, nec illud ab hoc deriuari. *Nen aliud*, inquit Hieron. in cap. 2. ad Galat. *significat Petrus, aliud Cephas: sed quam nos latine & græcè petram vocamus, hanc Hebræi & Syri Cepham vocant.* Accedit quòd Ecclesia iam tunc erat erecta, & super Christum fundata. Itaq; dum promittit se eam fundaturum super petram, de alia petra loquitur, super quam nondum erat fundata; sed tunc demum erat fundanda, quando primaria illa petra præsentia visibili erat subducenda. Denique quænam esset illa connexio: *Ego dico tibi, quia tu es Petrus, & super hanc petram*, id est, super me, quem confessus es, *adificabo Ecclesiam meam*: præsertim cum Petrus non sit confessus illum esse petrâ, sed filium Dei viui? Neque aliquid noui, vel miri diceretur, sicut oratio illa præ se ferebat.

Pari modo non obstat quòd aliqui Patres dicant Ecclesiam fundatam super illam Petri confessionem: quia per illam meruit, vt fundamentum à Domino constitueretur: vt apertè insinuat Hilarius, Hieronymus, Chrysostomus, & alij. interdum dicunt fundatam super fidem Petri: vel quia fide sua id promeruit, vel quia ipse potissimum ratione doctrinæ fidei quæ semper apud eum erit solida, & infallibilis, Ecclesiâ sustentat. Denique iidem Patres qui dicunt Ecclesiam fundatam super fidem, vel confessionem Petri, etiam dicunt illam fundatam super Petrum, & ipsum Petrum esse fundamentum.

Obijciunt hæretici. 1. *Nemo potest aliud fundamentum ponere præter id quòd positum est, quod est Christus Iesus,*
1. Cor. 3. Respondeo. Christus est fundamentum prima-

9.

ma;

Christus
fundamē-
tum pri-
mariū.

mariū sua virtute Ecclesiam sustentans : Petrus autē secundarium , & virtute à Christo accepta . Christus est fundamentum Ecclesiæ perpetuum , & in omni statu . nam omne bonum Ecclesiæ etiam in statu gloriæ à Christo pendet . Petrus pro tempore huius vitæ , & solū quoad doctrinam fidei , & externam gubernationē . Plura possunt esse eiusdem ædificij fundamenta subordinata . Sic terra est primum , vniuersale & immutabile fundamentū omnium ædificiorum , cui alia fundamenta imponuntur , quæ non vi sua stant & sustentant , sed firmitate ipsius terræ , cui innituntur . Denique Christus post ascensionem suam est fundamentum inuisibile , Petrus & eius successores visibile .

Apostoli
dicuntur
fundamē-
ta duplici
ratione .

Obijciunt secundò . Etiam alij Apostoli sunt fundamenta secundaria , similiter & Prophetæ ad Ephes. 2. *Super ædificati supra fundamentum Apostolorum & Prophetarum.* Respondeo . Illos dici fundamenta , quia Ecclesia nitiur doctrina Apostolorum , & Prophetarum tamquā diuinitus illis reuelata . Simili phrasi secta Platoniorum posset dici extructa super fundamento Platonis : & secta Calvinistarum super fundamento Caluini . Possunt etiā Apostoli dici fundamenta , quia sunt primi Ecclesiarum fundatores , à quibus Ecclesijs omnes reliquæ successu temporis sunt propagatæ : ita vt totum Ecclesiæ ædificium ab Apostolis tamquam à fundamento in hanc magnitudinem surgat . Sic Apocalypsis 21 . dicuntur duodecim Apostoli duodecim fundamenta muri nouæ Ierusalem , & duodecim portæ . Verū præter hæc oportebat esse aliquod fundamentum , quod doctrinam propheticam & apostolicam Ecclesiæ infallibiliter proponeret , sinceram ab adulterina discerneret , controuersias suborientes ex ea certò diiudicaret , & totam Ecclesiæ compagem in vnitatem fidei , & cultus diuini retineret . Vnde Hieronymus lib. 1. contra Iovinianum , paulò ante medium ait :

Licet

Licet super omnes Apostolos ex aquo Ecclesia fortitudo solidetur (quia omnium doctrina æquè certa & firma) tamen propterea inter duodecim unus eligitur , ut capite constituto schismatis tolleretur occasio .

Obijc. 3. Si Ecclesia super Petrum edificata est : ergo illo negante Dominum , Ecclesia corrui . Respondeo , negando conseq. 1. quia tunc nondum erat fundamentum actu , sed solum designatione . Cæpit autem esse post passionem , cum ei dicitur : *Pasce oues meas &c.* 2. quia Ecclesia non est fundata super Petrum , ut ipse priuatim credit , vel confitetur fidem , sed ut publicè Ecclesiam docet . Vnde etiam si aliquis Pontifex priuatim fidem negaret , non ideo Ecclesia , aut eius fundamentum , quod fundamentum , corrueret .

Obijc. 4. Etiam postea Petrus grauiter errauit ; quam ob causam à Paulo reprehensus est , quod non secundum veritatem Euangelij ambularet , & gentes cogeret Iudaizare , ad Galat. 2. Repondeo , non errauit in doctrina , aut in fide , sed tantum incauta conuersatione . Cum enim Antiochiæ liberè ageret cum gentibus ad fidem conuersis , cibum cum eis sumendo , superuenerunt aliqui ex Iudæis conuersis missi à Iacobo ; quos cum Petrus vidisset , metuens ne sua cum gentibus conuersatione offenderet eos , eò quod non satis adhuc essent instructi de legalium cessatione , subduxit se à gentium commercio : & hac ratione dedit occasionem gentibus suspicandi legalia adhuc esse seruanda . hoc totum fuit peccatum Petri . Itaque solum peccauit per inconsiderationem . dum enim ex magno salutis Iudæorum desiderio cauet illis dare scandalum , non aduertit se gentibus occasionem scandali præbere . Itaque vel nulla hic fuit culpa , vel minima . facile enim accidere potuit , ut Petrus tale incommodum impendere non aduerteret .

Quomodo Petrus gentes cogerit Iudaizare.

Vide Baronium tomo 1. Annalium ad annum Domi-

ni 51. vbi post alios egregiè locum illum expendit. Hactenus de promissione Principatus Ecclesiæ sub metaphora fundamenti.

10.
De meta-
phora
Clauium.

Claues
Symbolū
supremæ
Potestatis

2. Eadem potestas promittitur sub nomine *Clauium regni cælorum*. Claves sunt symbolum supremæ potestatis. Qui enim habet claves, potest admittere & excludere, & ea quæ intus inclusa sunt dispensare. Hinc Oeconomo, qui toti familiæ præficitur, dantur claves domus: Gubernatori qui oppido vel arcis præficitur, datur claves oppidi vel arcis: & Principi cum primum admittitur, vel cum ciuitas obsessa deditur, offerri solent claves ciuitatis, vt eo signo indicetur omnia in ipsius constitui potestate. Itaque suprema potestas & auctoritas per *claves* designatur. quod etiam ex alijs Scripturæ locis confirmatur: Apocal. 1. *Habeo*, inquit Christus, *claves mortis & inferni*, id est, potestatem liberandi & educendi ad vitam, qui morte & inferis tenentur conclusi. Apocal. 3. *Hæc dicit sanctus & verus, qui habet clauem David, qui aperit & nemo claudit, claudit & nemo aperit. Clauem David* vocat supremam potestatem in Ecclesia (quæ per domum David figuratur) per quam quidquid fecerit, ratum est, à nullo irritum reddi potest. Esaia 22. *Dabo clauem domus David super humerum eius* (Elia-cim) *& aperiet, & non erit qui claudat, & claudet, & non erit qui aperiat*. Hic per *clauem domus David* intelligit summum Pontificatum, vt ait Hieronymus, qui erat suprema potestas in spiritualibus apud Iudæos.

Cur ap-
pelle-
tur
Clauis
Cælorum.

Itaque per *claves regni cælorum* designatur suprema potestas in Ecclesia Christi: quæ potestas rectè dicitur clauis regni cælorum; tum quia Ecclesia in Scripturis Regnum cælorum appellatur, cō quod illius regni sit quadam inchoatio, quæ tandem in perfectum Dei regnum crescet, & in cælum transferetur: tum quia per illam potestatem aditus in ipsum cælum hominibus aperitur,

titur. Per illam enim effecimur Christiani ; munda-
mur à peccatis, & iustificamur ; per illam omnia Sacra-
menta, omnes opes, & thesauri quos Ecclesiæ suæ Chri-
stus reliquit, dispensantur. meritis ergo Regni celo-
rum clavis dicitur, per quam nobis omnia quæ ad re-
gnum celorum ducunt, suppeditantur, omniaque impe-
dimenta submouentur.

3. Eadem potestas designatur metaphora *ligandi* 11.
& *soluendi*. omnis enim Iurisdictio in his duobus po- Potestas
tissimum consistit. Nam Superior non aliter ferè exer- ligandi.
cet Iurisditionem in subditos quàm ligando vel soluen-
do. *Ligando*, cùm eos obstringit legibus, præceptis, sen-
tentia Iudiciaria: cùm propter crimina subiicit pœnis:
cùm causam aliquam suæ cognitioni reservat. *Soluendo*,
cùm eos à vinculo legis, præcepti, sententiæ, voti, vel iu-
ramenti eximit; cùm à peccatis absoluit, aut pœnas il-
lis debitas relaxat. Cùm enim verbum *Ligandi* gene-
rale sit, extendit se ad omnia vincula quæ interdum sub-
ditis à superiore imponi expedit. similiter verbum *sol-
uendi*, ad solutionem, & exemptionem omnium vin-
culorum, quibus interdum eos solui, conuenit.

Hæretici, ne cogantur fateri Petro hic promitti Ec- 12.
clesiæ Principatum, *per claves & potestatem ligandi, ac* Expositio
soluendi, intelligunt ministerium verbi, seu potestatem Hæretico-
concionandi. Per doctrinam enim remitti peccata, & rum refel-
aperiri cælum; tum quia declarantur esse remissa, si quis litur.
crediderit; tum quia doctrina excitat fidem, per quam
peccata remittuntur. Sed hæc expositio facile refutatur.

1. quia repugnat toti antiquitati. nemini enim ante
nostros Lutheranos, & Calvinistas id in mentem venit.
2. quia est contra verborum proprietatem. verba enim
generalia sunt, nec solum ad remissionem peccatorum,
& eorum retentionem pertinent; sed etiam ad aliorum
vinculorum impositionem, vel solutionem. Excommu-

ni 51. vbi post alios egregiè locum illum expendit. Hactenus de promissione Principatus Ecclesiæ sub metaphora fundamenti.

10. 2. Eadem potestas promittitur sub nomine *Clauium regni cælorum*. Clauēs sunt symbolum supremæ potestatis. Qui enim habet clauēs, potest admittere & excludere, & ea quæ intus inclusa sunt dispensare. Hinc Oeconoמו, qui toti familiæ præficitur, dantur clauēs domus: Gubernatori qui oppido vel arcī præficitur, dantur clauēs oppidi vel arcis: & Principi cū primū admittitur, vel cū ciuitas obsessa deditur, offerri solent clauēs ciuitatis, vt eo signo indicetur omnia in ipsius constitui potestate. Itaque suprema potestas & auctoritas per *clauēs* designatur. quod etiam ex alijs Scripturæ locis confirmatur: Apocal. 1. *Habeo*, inquit Christus, *clauēs mortis & inferni*, id est, potestatem liberandi & educendi ad vitā, qui morte & inferis tenentur conclusi. Apocal. 3. *Hac dicit sanctus & verus, qui habet clauem David, qui aperit & nemo claudit, claudit & nemo aperit. Clauem David* vocat supremam potestatem in Ecclesia (quæ per domum David figuratur) per quam quidquid fecerit, ratum est, à nullo irritum reddi potest. Esaia 22. *Dabo clauem domus David super humerum eius (Eliaçim) & aperiet, & non erit qui claudat, & claudet, & non erit qui aperiat*. Hic per *clauem domus David* intelligit summum Pontificatum, vt ait Hieronymus, qui erat suprema potestas in spiritualibus apud Iudæos.

Itaque per *clauēs regni cælorum* designatur suprema potestas in Ecclesia Christi: quæ potestas rectè dicitur clauis regni cælorum; tum quia Ecclesia in Scripturis Regnum cælorum appellatur, cō quōd illius regni sit quædam inchoatio, quæ tandem in perfectum Dei regnum crescat, & in cælum transferetur: tum quia per illam potestatem aditus in ipsum cælum hominibus aperitur,

Cur appelletur
Clauis
Cælorum.

ritur. Per illam enim efficiamur Christiani ; mundamur à peccatis, & iustificamur ; per illam omnia Sacramenta, omnes opes, & thesauri quos Ecclesiæ suæ Christus reliquit, dispensantur. merito ergo Regni cælorum clavis dicitur, per quam nobis omnia quæ ad regnum cælorum ducunt, suppeditantur, omniaque impedimenta submoventur.

3. Eadem potestas designatur metaphora *ligandi* ^{11.} & *soluendi*. omnis enim Iurisdicção in his duobus potissimum consistit. Nam Superior non aliter ferè exercet Iurisdictionem in subditos quàm ligando vel soluendo. *Ligando*, cum eos obstringit legibus, præceptis, sententia Iudiciaria: cum propter crimina subijcit pœnis: cum causam aliquam suæ cognitioni referuat. *Soluendo*, cum eos à vinculo legis, præcepti, sententiæ, voti, vel iuramenti eximit; cum à peccatis absoluit, aut pœnas illis debitas relaxat. Cum enim verbum *Ligandi* generale sit, extendit se ad omnia vincula quæ interdum subditis à superiore imponi expedit. similiter verbum *soluendi*, ad solutionem, & exemptionem omnium vinculorum, quibus interdum eos solui conuenit.

Hæretici, ne cogantur fateri Petro hic promitti Ecclesiæ Principatum, *per claves & potestatem ligandi, ac soluendi*, intelligunt ministerium verbi, seu potestatem concionandi. Per doctrinam enim remitti peccata, & aperiri cælum; tum quia declarantur esse remissa, si quis crediderit; tum quia doctrina excitat fidem, per quam peccata remittuntur. Sed hæc expositio facillè refutatur.

12.
Expositio
Hæretico-
rum refel-
litur.

1. quia repugnat toti antiquitati. nemini enim ante nostros Lutheranos, & Caluinistas id in mentem venit.
2. quia est contra verborum proprietatem. verba enim generalia sunt, nec solum ad remissionem peccatorum, & eorum retentionem pertinent; sed etiam ad aliorum vinculorum impositionem, vel solutionem. Excommu-

nicare enim est *ligare*: absolvere ab excommunicatione est *soluere*, vt docet S. Augustinus tract. 70. in Ioannem. vis scripturæ inferitur, cum absque manifesta necessitate à proprietate receditur, aut generalitas restringitur. 3. quia ex scripturis & communi vsu ostensum est per *claves* designari supremam Iurisdictionem. 4. Si habere *claves* regni cælorum, & posse *soluere*, ac *ligare*, nihil est aliud, quàm habere ministerium verbi; ergo nihil hic peculiare Petro promittitur: tum quia etiam scribæ & pharisæi hanc potestatem habuere, Matth. 23. v. 2. *Super cathedram Moysi sederunt Scribæ & Pharisei* &c. Et Luc. 11. v. 52. *Va vobis qui tulistis clauem scientiæ* &c. tum quia hæc potestas etiam data fuit 72. discipulis, Luc. 10. 5. Potestas docēdi iam collata fuerat omnibus Apostolis Matt. 10. v. 7. at potestas clauium promittitur primū Matt. 16. idq; soli Petro. 6. Si is qui docet dicitur remittere peccata, eò quod auditor inde concipit fidem, qua peccata remittuntur: ergo si mulier instruat aliquem in fide, dicitur remittere peccata, dicitur habere *claves* regni cælorum, potestatem ligandi & soluendi, quod est absurdissimum, & in Ecclesia inauditum. 7. Ipsa fides immediate & proximè peccatum tollit & operit, vt ipsi docent: doctrina solum rempore quatenus excitat fidem: ergo potius ille qui fidem in se concipit, dicitur habere *claves regni cælorum*: quia ipse sibi cælū aperit credendo, vel claudit nolendo credere. 8. Si docere est *soluere*, ergo omnes homines sunt soluendi, omnes enim ex præcepto domini sunt docendi, Matth. 28. frustra ergo est potestas ligandi. 9. Si *Soluere* est docere, *Ligare* erit non docere: hæc enim duo sunt directe opposita. quicumque ergo non docet, ligat eos, quos non docet.

Sed inquirunt, *Ligare* est denuntiare eos qui non credunt, manere obnoxios damnationi. Si ita est, ergo femina ligare potest; quia hoc potest denuntiare: imò ipsa

ipsa scriptura id satis denuntiat, ut non sit opus peculiari ad hoc potestate. Rursus si *Ligare* est denuntiare hominem manere ligatum: ergo *Solvere* erit denuntiare hominem esse solutum (debent enim hæc inter se directe opponi) ergo prius est hominem esse solutum in cælis, quàm solui in terris; ac proinde non rectè dixit dominus, *Quicumq; solveritis super terram, erunt soluta & in cælis*: um dicendum esset, *quacumque soluta sunt in cælis. solvetis super terram*.

Ex his alijsque multis quæ adferri possent, apparet vanitas huius sententiæ. Maneat ergo firmum & indubitabile per *claves*, & *potestatem ligandi, ac soluendi*; supremam in Ecclesia potestatem hic designari, ac Petro promitti.

Nec obstat quòd Ioan. 20. omnibus Apostolis detur potestas remittendi, ac retinendi peccata, illis verbis: *Accipite Spiritum sanctum, quorum remiseritis &c.* quia ^{13.} *potestas soluendi*, de qua hic agitur, non solum ad peccata, sed etiam ad multa alia vincula tollenda pertinet: ^{12.} *Et potestas ligandi* longè aliud est quàm posse retinere ^{11.} peccata. *Retinere* enim peccata non est peccatorem ligare, aut vinculum ei iniicere; sed est nolle solvere, & cum vinculo peccati quod ipse sibi imposuit à se dimittere. Simili modo *Claves regni cælorum* latius patent, quàm potestas remittendi, aut retinendi peccata.

Dices, Matth. 18. v. 18. Omnibus Apostolis datur, vel promittitur etiam potestas ligandi & soluendi. Ad omnes enim dicitur, *Amen dico vobis, quacumq; alligaueritis super terram, erunt ligata & in cælis: & quacumq; solveritis super terram, erunt soluta & in cælis*. Confirm. quia omnes Apostoli habuerunt claves regni cælorum, imò omnes Prælati eas habent. Nam *Petrus cum claves accepit Ecclesiam sanctam significavit*, ut inquit Aug. tract. 50. in Ioannem.

Respondeo, Omnibus Apostolis datam potestatem ligandi & soluendi, non quidem illis verbis Matth. 18.

C 3



(cum

Potestas
ligandi
& soluendi
data A-
postolis
Ioannis 20.

Solus Pe-
trus pro-
priè iuxta
phrasim
S. Script.
claves ha-
buit.

(cùm illis tantùm indicare voluerit, quanta sit futura potestas eorum & successorum in Ecclesia) sed partim illis Ioan. 20. *Sicut misit me Pater. & ego mitto vos.* quibus facit eos suos legatos, & confert potestatem Iurisdictionis in totũ mundũ: partim illis eodem cap. *Quorũ remisistis &c.* quibus confert illis potestatem ordinis ad remittenda peccata. Petro tamen præcipuo quodam modo potestas ligandi & soluendi data, quando ipse solus Pastor totius ouilis fuit constitutus. Ipsi enim soli dictum: *Pasce oues meas*, Ioan. 21. Vnde etiamsi omnes possent soluere, & ligare: solus tamen Petrus ita poterat ligare, vt nemo posset soluere: & ita poterat soluere, vt nemo posset ligare. Ad Confirm. Etsi fatendum sit quodam sensu omnes Apostolos habuisse claves regni celorum (quatenus omnes habuere potestatem admittendi in Ecclesiam, & extra illam eijciendi, peccata condonandi, Sacramenta dispensandi &c.) tamen iuxta phrasim scripturæ, quæ per claves supremam potestatem designat, solus Petrus eas habuit, easque in successores suos transmisit. Ipse solus ita claudere poterat, vt nemo aperiret: ita aperire, vt nemo clauderet. Ad illud Augustini. Solum vult dicere Petrum, non accepisse claves, vt erat priuata persona, tantæ vel tantæ sanctitatis, quæ breui erat moritura (alioquin mortuo Petro Ecclesia non potuisset amplius ligare & soluere) sed vt representabat Ecclesiam. representabat autem Ecclesiam, vt erat caput & Princeps Ecclesiæ: sicut Rex representat Regnum: quasi dicas, claves datas esse officio non personæ; & ita officio, vt etiã cum inferioribus Prælatiſ secundum modum & proportionem cuiusque essent communicandæ. hanc esse mentem Augustini, clarissimum est locum illum tract. 50. in Ioannẽ expendenti, iunctis ijs quæ in eamdem sententiam scribit tract. 124. seu ultimo: vbi dicit *Petrum, quando ei dictum, Tibi dabo*
claves

claves regni calorum &c. propter Apostolatus sui primatum gessisse figurata generalitate personam Ecclesia. ubi nota, propter Apostolatus sui Primatum sensus est Petrum, quia princeps erat & caput Ecclesiæ, cuius dignitas in Ecclesia debebat manere, representasse omnes suos successores, & quodammodo etiam omnes alios inferiores Prælatos & Sacerdotes, ad quos aliqua ratione illa potestas erat derivanda. pro his enim omnibus, non pro sua tantum persona potestatem illam à domino accepit. Hæc de loco illo Matth. 16.

Alter locus est Ioan. 21. *Dicit Simoni Petro Iesus :*

14.

Simon Ioannis diligis me plus his ? Dicit ei, Etiam Domine

Expendi-

tu scis quia amo te. dicit ei : pasce agnos meos. Dicit ei ite-

tur alter

rum : Simon Ioannis diligis me ? Ait illi, Etiam Domine,

locus Ioã.

tu scis quia amo te. dicit ei : pasce agnos meos. Dicit ei ter-

21. Pasce

tio : Simon Ioannis amas me ? Contristatus est Petrus, quia

oues me-

dixit ei tertio, amas me ? Et dixit ei : Domine, tu omnia

as.

nostri ; tu scis quia amo te. dicit ei Iesus : pasce oues meas.

Hic Dominus confert illi Principatum Ecclesiæ quem

Matth. 16. ei promiserat. Ac primum soli Simoni Petro

Soli Si-

hic ouile Christi committi clarissimum est. solum enim

moni

Simonem Christus alloquitur, solius Simonis nomen

ouile Chri-

exprimit, idem planè quod Matth. 16. cum illi hanc po-

sti com-

testatem promitteret, nempe Simon Iona : subintelligi-

mitti.

tur enim Bar, filius. Vnde idem est, *Simon Iona*, seu

Ioannis, quod *Simon Bar-Iona*. qua in re dominus o-

stendit se eidem personæ hic conferre, quod ibi ei pro-

miserat. solius Simonis dilectionem trina interrogati-

one explorat. soli Simoni dicitur, *Diligis me plus his ?* id

est plus quàm ceteri Apostoli. Itaque ad solum Simo-

nem, non ad alios Apostolos pertinet illud : *Pasce oues*

meas : sicuti ad solum Simonem pertinebat illud : *Tu es*

petra, & super hanc petram edificabo Ecclesiam meam. Si-

cuti enim ibi præ ceteris ostendit fidem, & ideo facta est

ei

ei ista promissio, non alijs: ita hic ubi res promissa est conferenda, ab eo præ ceteris exigitur charitas. Qui enim ceteris omnibus præesse debet, cum fide & dilectione ceteris antecellere par est.

15.

Dari ple-
nam au-
thoritatem
regendi.

Deinde non dari hic solum potestatem docendi & administrandi Sacramenta, sed plenam auctoritatem regendi oues Christi, patet primò. quia pascere vsu Scripturæ non tantum significat præbere pabulum, sed præesse, regere, & totum munus pastorale obire. Vnde passim Regibus in Scriptura tribuitur. Psal. 79. *Qui regis Israel intende*, Hebraicè *Robe*, pascens, seu *qui pascis*. Psal. 77. de Dauide dicitur, quod Dominus cum ex pastore ouium fecerit pastorem populorum. *Pascere Iacob seruum suum, & Israel hereditatem suam*. Et versu sequenti, *Et pauit eos in innocentia cordis sui* &c. Psalm. 2. *Reges eos in virga ferrea, Terothem*, pascos eos. 2. Regum 5. *Tu pasces populum meum*, & alibi sæpissime. Quibus locis *pascere*, Hebraicè *Raha*, & Græcè ποιμαίνω. idem est quod Regia auctoritate præesse & gubernare. Vnde Reges veteribus *Pastores populorum* dicti sunt: & Homerus sæpissime Agamemnona ποιμήνα λαῶν appellat. 2. Quia pastoris non solum est pabulum ouibus præbere, sed etiam eos à lupis tueri, morbidas curare, noxias à grege remouere, errantes reducere &c. Ergo is qui committuntur oues rationales pascendæ, non solum accipit potestatem, ut eis pabula congruentia præbeat, sed etiam ut in ceteris omnibus regat, sicut expedit ad finem, ob quem illarum societas est instituta, qui finis in proposito est cultus diuinus, & salus animarum. Ad hoc enim Ecclesia, quæ est ouile Christi, est instituta.

Potesta-
tem docē-
di ubi de-
derit.

3. Potestatem docendi iam antè dederat omnibus Apostolis Matth. 10. v. 7. Luc. 9. v. 2. & rursus generatum Ioan. 20. illis verbis: *Sicut misit me pater, & ego mitto*

mitto vos. vbi omnibus dat authoritatem Apostolicam. Denique illis verbis Matth. 28. *Ite, docete omnes gentes, baptizantes eos* &c. Potestatem autem remittendi peccata illis verbis. *Quorum remisistis* &c. Ergo cū hic aliquid peculiariter conferat Petro, idque tam exquisito modo, tanto cum examine, tanta cerimonia, clarissimum est, non omnino idem, sed aliquid amplius dari, quod alijs non est concessum. Ter enim repetit ipsius nomen; ter explorat ipsius dilectionem; ter illi iniungit, *Pasce oues meas*; ter ipsius nomen repetitur, vt intelligat sibi hicaliquid peculiare præ ceteris imponi; ter ipsius dilectio exquiritur; non solum vt labem triplicis negationis, triplici confessione dilectionis abstergat, sed multò magis vt intelligat, quanta charitate opus sit, vt hac præfectura efficiatur dignus; & quantam eius administratio dilectionem postulet. Ter illi dicitur, *Pasce oues meas*, siue *agnos meos*; tum vt intelligat quanti hæc res sit momenti, & quantopere ea Christo sit cordi, vt notat Chrysostomus in hunc locum: tum vt indicetur huius muneris stabilitas, nimirum vsque in finem mundi non fore abolendum. repetitio enim in verbis Dei firmitatem & certitudinem insinuat. Sic etiam Matth. 16. triplici forma loquendi, idem significante, illud promissit.

Potestate remittendi peccata. Ioan. 20.

Cur ter repetat.

Ex his perspicuum est illis verbis, *Pasce oues meas*, 16.
 Πάσκει τὰ πρόβατά μου, Petrū constitui totius ouilis Christi Pastorem & Rectorem, ac proinde omnē ei dari authoritatem, quam par est totius Ecclesiæ Rectorem, & Christi Vicarium habere. Perinde enim hic fecit Christus, ac si Rex longinquam expeditionē suscepturus, dicat vni ex primarijs Principibus suis, cuius fidem, & in se amorem diligenter explorauit; Tu si me amas, administra regnum meum: Guberna subditos meos. Sane sicut ibi nemo dubitare posset, quin iste constituatur Vi-

Petrus Christi Vicarius.

Explicatur exemplo Regis.

D

carius

carius Regis cum omni potestate, quæ ad bonam administrationem regni illius est necessaria: ita hic ambigere non possumus, quin Petrus constituatur Vicarius Christi in regenda Ecclesia, cum omni autoritate ad eum finem opportuna.

Omnis
Christi o-
uis Petro
subiicitur.

Ex quibus ulterius sequitur, quicumque est ovis Christi, hunc Petro subijci tamquam Pastori, & Re-
ctori. hoc ipso enim quo Petrus constituitur omnium Pastor, omnes ei subijciuntur, ut oves ab ipso pascendæ, omnibus præcipitur ut ipsius vocem audiant, ei que obediant. Sicut hoc ipso quo Rex committit alicui regimen Regni, subijcit illi totum Regnum, & præcipit omnibus, ut ei obediant. Confirmatur. quia Dominus non dicit: *Pasce oves istas* vel illas, oves ex Iudæis, vel oves ex Gentibus: sed absolute & indeterminatè *oves meas*: ut bene expendit S. Bernardus lib. 2. de consideratione. quicumque ergo est ovis Christi, Petro hic subijcitur. Unde Epiphanius in Ancorato p. 3. dicit, *Istis verbis Petro concreditum ovile Christi.* & Chrysost. homil. 87. *Curam ei fratrum, & curam orbis terrarum mandatam.*

Probatur
altera pars
maioris
syll. sup-
rà nu. 5.
positi.

Haecenus de duobus illis Scripturæ locis. Ex quibus probata manet prima pars nostri syllogismi: nimirum *Petro collatum Ecclesie Principatum, & Iurisdictionem in omnes Christianos.* Nunc probanda est altera pars: videlicet *hanc potestatem non soli Petro datam, sed in ipso omnibus eius successoribus.*

17.
Omnibus
Petri suc-
cessoribus
hanc po-
testatem
datam.

Hæc probatur: quia Ecclesia cum debeat esse perpetua, non tantum tempore Apostolorum debebat habere vnum caput, & vnum communem Pastorem visibilem, à quo regeretur, & vnum fundamentum visibile, cui inniteretur: sed etiam postea usque ad finem sæculi. Et sanè si viventibus adhuc Apostolis, cum & numerus Christianorum esset minor, & feruor fidei maior, & hæreses pauciores, tamen ad vitanda schismata, & Ec-
clesiam

clesiam in vnitate conseruandam opus fuit vno capite; multò magis id fuit necessarium illis mortuis. Tunc enim Ecclesia in immensum aucta, & per totum orbem diffusa; tunc plurimæ hæreses & persecutiones exortæ. nec in successoribus Apostolorum erat illa autoritas vel sapientia, vel miraculorum grãtia ad resistendum istis malis, & Ecclesiam in vnione conseruandã, quæ fuerat in ipsis Apostolis. Itaq; tunc maximè opus erat vno communi Pastore, cui omnes subessent, & adhærent, ad quem vndiq; in subortis difficultatibus confugerent: qui omnes hæreses profligaret, & vnitatem fidei ac doctrinæ vbique conseruaret. deniq; cui commune bonum Ecclesiæ, eiusq; conseruatio, & propagatio præcipuo quodam modo esset curæ.

Confirmatur à simili. quia autoritas summi Pontificatus in veteri testamento, non solum fuit data Aaroni, sed in ipso omnibus eius legitimis successoribus, quamdiu synagoga debebat extare. Ergo similiter tota autoritas summi Pontificatus in nouo testamento debet trãfieri ad Petri successores. Eadem est communis Patrum sententia, quam apertè indicat Augustinus tract. 50. & 124. in Ioannem, cum ait: *Petrum, propter Apostolatus sui Primatum, representasse Ecclesiam, quando ei dictum est, Tibi dabo clauis regni calorum.* Idem repetit in enarrat. priore in psal. 108. & serm. 23. de verbis Domini.

3. Pars, nimirum Romanum Pontificem esse Petri 18.
successorem, probatur 1. Quia aliquis debebat B. Petro Probatio
in præfectura Ecclesiæ succedere, vt ostensum est. at ne- minoris
mo vmquam fuit habitus Petri successor in hac præ- syll. præ-
fectura præter Romanum Pontificem. Etsi enim Petrus dicti, Ro-
primò federit Antiochiæ, tamen ibi non mansit, sed man. Pöt.
Romam Sedē transtulit, ac proinde etiamsi deseruit Se- esse Petri
dem Antiochenam, & in ea habuit successorem Euo- Successo-
dium: tamè hic non successit ei in præfectura totius Ec- rem,
clesiæ

Ex Patri-
bus.

clesiæ : quia hanc Petrus non deferuit , sed secum vnâ
Romam transtulit , & ibidē per 25 . annos vsq; ad vlti-
mum , id est quartum decimum Neronis annum , à quo
& affixus cruci martyrio coronatus est , tenuit : vt Euse-
bius in Chronico anni 64 . & Hieronymus de viris illu-
stribus in Petro , alijsq; plurimi veterum testantur . Itaq;
qui Petro post mortem in Sede Romana subrogatus est ,
etiam in præfectura Ecclesiæ vniuersalis successit . hæc
enim per mortem iam vacabat , & illi Sedi annexa ma-
nebat . 2 . Idem patet ex omnibus , qui seriem Roma-
norum Pontificum recensent . omnes enim primum fa-
ciunt Petrum , deinde subiungunt alios vsque ad illum
qui pro tempore præsidet . Ita Irenæus lib . 3 . c . 3 . E-
piphanius hæresi 27 . Augustinus Epist . 165 . Optatus
lib . 2 . contra Parmenianum , & alij . 3 . Idem constat ex
communi sententia veterum , qui Sedem Romanam pas-
sim vocant *Sedem Apostolicam* , *Cathedram Petri* ; *Petrum*
in ea per suos successores viuere , & præsidere . Cypr . epist .
52 . ad Antonianū . *Factus est Cornelius Episcopus de Dei*
& Christi eius indicio &c . cum Fabiani locus , id est , locus
Petri vacaret . Et epist . 55 . ad Cornelium . *Nauigare*
audent & ad Petri cathedram , atq; ad Ecclesiam principālē ,
unde unitas sacerdotalis exorta est . Epist . 45 . ad Corne-
lium . Ecclesiam Romanā vocat , *Ecclesia Catholica ma-*
tricem & radicem . Hieronymus ad Damasum epist . 57 .
Faceat inuidia , Romani culminis cedat ambitio , cum suc-
cessore piscatoris , & discipulo crucis loquor . Ego nullum pri-
mum , nisi Christum sequens Beatitudini tuæ , id est Cathe-
dra Petri , communionē consocior : super illam petram (ca-
thedram intelligit) *adificatam Ecclesiam scio* . Augusti-
nus contra litteras Petiliani lib . 2 . c . 51 . *Cathedra tibi*
quid fecit Ecclesia Romana in qua Petrus sedit , in qua nunc
Anastasius sedet ? Epist . 162 . *Cum se videret Ecclesia Ro-*
mana in qua semper Apostolica cathedra viguit Principatus
continuo .

coniunctum, ubi paratus esset causam suam dicere &c. Concilium Chalcedonenſe actione 2. *Acta Leonis epistoſia omnes acclamarunt, Petrus per Leonem locutus est.* Leo ſerm. 2. de ſua aſſumpt. *Perſeuerat videlicet Petrus, & vixit in ſucceſſoribus ſuis &c.* Omitto alios innumeros.

Ex his probata manet maior, & minor propositio noſtri ſyllogiſmi, qui talis eſt: ex Scripturis conſtat ſupremam in totam Eccleſiam poteſtatem conceſſam B. Petro; & in B. Petro omnibus eius ſucceſſoribus. atqui Romani Pontifices ſunt ſucceſſores B. Petri: ergo habent hanc poteſtatem. Quæ hæretici hic obijciunt nullius ſunt momenti, quale in primis illud, Petrum numquam Romæ fuiſſe, quod adeo paradoxon eſt, vt paſſim pleroſque pudeat. Nimis enim clarè toti antiquitati repugnat. Sequitur probatio 3.

III. PROBATIO.

Ex Concilijs.

ROMANVM Pontificem habere Iuriſdictionem in totam Eccleſiam, ſiue eſſe caput totius Eccleſiæ vniuerſalis, probari poteſt ex multis Concilijs Oecumenicis, quorum ſumma ſemper in Eccleſia fuit authoritas, vt quæ totam Chriſti Eccleſiam repræſentent. vnde ſicut Eccleſia Vniuerſalis errare non poteſt, ita nec Concilia Oecumenica.

1. Ex Concilio Niceno primo 318. Episcoporum, vbi canone 39. in canonibus ex Arabico translatis ita habetur. *Sicut ille qui tenet Sedem Roma caput & Princeps eſt omnium Patriarcharum: quandoquidem ipſe eſt primus ſicut Petrus, cui data eſt poteſtas in omnes Principes Chriſtianos, & omnes populos eorum, vt qui ſit Vicarius Chriſti domini noſtri ſuper cunctos populos, & vniuerſam Eccleſiam Chriſtianam: & quicumque contradixerit, à Syno-*

D 3

do

clesiæ : quia hanc Petrus non deseruit , sed secum vñā Romam transtulit , & ibidē per 25 . annos vsq; ad vltimum , id est quartum decimum Neronis annum , à quo & affixus cruci martyrio coronatus est , tenuit : vt Eusebius in Chronico anni 64 . & Hieronymus de viris illustribus in Petro , alijsq; plurimi veterum testantur . Itaq; qui Petro post mortem in Sede Romana subrogatus est , etiam in præfectura Ecclesiæ vniuersalis successit . hæc enim per mortem iam vacabat , & illi Sedi annexa manebat . 2 . Idem patet ex omnibus , qui seriem Romanorum Pontificum recensent . omnes enim primum faciunt Petrum , deinde subiungunt alios vsque ad illum qui pro tempore præsidet . Ita Irenæus lib . 3 . c . 3 . Euphraphanius hæresi 27 . Augustinus Epist . 165 . Optatus lib . 2 . contra Parmenianum , & alij . 3 . Idem constat ex communi sententia veterum , qui Sedem Romanam passim vocant *Sedem Apostolicam* , *Cathedram Petri* ; *Petrum in ea per suos successores viuere , & præsidere* . Cypr . epist . 52 . ad Antonianū . *Factus est Cornelius Episcopus de Dei & Christi eius iudicio &c. cum Fabiani locus , id est , locus Petri vacaret* . Et epist . 55 . ad Cornelium . *Nauigare audent & ad Petri cathedram , atq; ad Ecclesiam principalē , vnde unitas sacerdotalis exorta est* . Epist . 45 . ad Cornelium . *Ecclesiam Romanā vocat , Ecclesiæ Catholica matricem & radicem* . Hieronymus ad Damasum epist . 57 . *Faceßat inuidia , Romani culminis cedat ambitio , cum successore piscatoris , & discipulo crucis loquor* . Ego nullum primum , nisi Christum sequens Beatitudini tuæ , id est Cathedra Petri , communionem consocior : super illam petram (cathedram intelligit) edificatam Ecclesiam scio . Augustinus contra litteras Petiliani lib . 2 . c . 51 . *Cathedra tibi quid fecit Ecclesiæ Romana in qua Petrus sedit , in qua nunc Anastasius sedet ?* Epist . 162 . *Cum se videret Ecclesiæ Romana in qua semper Apostolica cathedra vigit Principatus*
coniun-

Ex Patri-
bus.

coniunctum, ubi paratus esset causam suam dicere &c. Concilium Chalcedonense actione 2. *Acta Leonis epistolæ omnes acclamarunt, Petrus per Leonem locutus est.* Leo serm. 2. de sua assumpt. *Persenerat videlicet Petrus, & vivit in successoribus suis &c.* Omitto alios innumeros.

Ex his probata manet maior, & minor propositio nostri syllogismi, qui talis est: ex Scripturis constat supremam in totam Ecclesiam potestatem concessam B. Petro; & in B. Petro omnibus eius successoribus. atqui Romani Pontifices sunt successores B. Petri: ergo habent hanc potestatem. Quæ hæretici hic obijciunt nullius sunt momenti, quale in primis illud, Petrum nunquam Romæ fuisse, quod adeo paradoxon est, ut passim plerisque pudeat. Nimis enim clarè toti antiquitati repugnat. Sequitur probatio 3.

III. PROBATIO.

Ex Concilijs.

ROMANVM Pontificem habere Iurisdictionem in totam Ecclesiam, siue esse caput totius Ecclesiæ vniuersalis, probari potest ex multis Concilijs Oecumenicis, quorum summa semper in Ecclesia fuit autoritas, ut quæ totam Christi Ecclesiam repræsentent. unde sicut Ecclesia Vniuersalis errare non potest, ita nec Concilia Oecumenica.

1. Ex Concilio Niceno primo 318. Episcoporum, ubi canone 39. in canonibus ex Arabico translatis ita habetur. *Sicut ille qui tenet Sedem Roma caput & Princeps est omnium Patriarcharum: quandoquidem ipse est primus sicut Petrus, cui data est potestas in omnes Principes Christianos, & omnes populos eorum, ut qui sit Vicarius Christi domini nostri super cunctos populos, & universam Ecclesiam Christianam: & quicumque contradixerit, à Syno-*

clesiæ: quia hanc Petrus non deferuit, sed secum vnâ Romam transtulit, & ibidē per 25. annos vsq; ad vltimum, id est quartum decimum Neronis annum, à quo & affixus cruci martyrio coronatus est, tenuit: vt Eusebius in Chronico anni 64. & Hieronymus de viris illustribus in Petro, alijq; plurimi veterum testantur. Itaq; qui Petro post mortem in Sede Romana subrogatus est, etiam in præfectura Ecclesiæ vniuersalis successit. hæc enim per mortem iam vacabat, & illi Sedi annexa manebat. 2. Idem patet ex omnibus, qui seriem Romanorum Pontificum recensent. omnes enim primum faciunt Petrum, deinde subiungunt alios vsque ad illum qui pro tempore præsidet. Ita Irenæus lib. 3. c. 3. Eripihanus hæresi 27. Augustinus Epist. 165. Optatus lib. 2. contra Parmenianum, & alij: 3. Idem constat ex communi sententia veterum, qui Sedem Romanam passim vocant *Sedem Apostolicam, Cathedram Petri, Petrum in ea per suos successores viuere, & præsidere*. Cypr. epist. 52. ad Antonianū. *Factus est Cornelius Episcopus de Dei & Christi eius iudicio &c. cum Fabiani locus, id est, locus Petri vacaret*. Et epist. 55. ad Corneliū. *Nauigare audent & ad Petri cathedram, atq; ad Ecclesiam principalem, unde vnitas sacerdotalis exorta est*. Epist. 45. ad Corneliū. *Ecclesiam Romanā vocat, Ecclesia Catholica matricem & radicem*. Hieronymus ad Damasum epist. 57. *Faceat inuidia, Romaniculinis cedat ambitio, cum successore piscatoris, & discipulo crucis loquor. Ego nullum primum, nisi Christum sequens Beatitudini tuæ, id est Cathedra Petri, communionē consocior: super illam petram (cathedram intelligit) ædificatam Ecclesiam scio*. Augustinus contra litteras Petilianū lib. 2. c. 51. *Cathedra tibi quid fecit Ecclesia Romana in qua Petrus sedit, in qua nunc Anastasius sedet?* Epist. 162. *Cum se videret Ecclesia Romana in qua semper Apostolica cathedra vigit Principatus*
conium.

Ex Patri-
bus.

contunctum, ubi paratus esset causam suam dicere &c. Concilium Chalcedonense actione 2. *Lecta Leonis epistola omnes acclamarunt, Petrus per Leonem locutus est.* Leo serm. 2. de sua assumpt. *Perseuerat videlicet Petrus, & uiuit in successoribus suis &c.* Omitto alios innumeros.

Ex his probata manet maior, & minor propositio nostri syllogismi, qui talis est: ex Scripturis constat supremam in totam Ecclesiam potestatem concessam B. Petro; & in B. Petro omnibus eius successoribus. atqui Romani Pontifices sunt successores B. Petri: ergo habent hanc potestatem. Quæ hæretici hic obijciunt nullius sunt momenti, quale in primis illud, Petrum nunquam Romæ fuisse, quod adeo paradoxon est, ut passim plerosque pudeat. Nimis enim clarè toti antiquitati repugnat. Sequitur probatio 3.

III. PROBATIO.

Ex Concilijs.

ROMANVM Pontificem habere Iurisdictionem in totam Ecclesiam, siue esse caput totius Ecclesiæ vniuersalis, probari potest ex multis Concilijs Oecumenicis, quorum summa semper in Ecclesia fuit autoritas, ut quæ totam Christi Ecclesiam repræsentent. vnde sicut Ecclesia Vniuersalis errare non potest, ita nec Concilia Oecumenica.

1. Ex Concilio Niceno primo 318. Episcoporum, ubi canone 39. in canonibus ex Arabico translatis ita habetur. *Sicut ille qui tenet Sedem Roma caput & Princeps est omnium Patriarcharum: quandoquidem ipse est primus sicut Petrus, cui data est potestas in omnes Principes Christianos, & omnes populos eorum, ut qui sit Vicarius Christi domini nostri super cunctos populos, & vniuersam Ecclesiam Christianam: & quicumque contradixerit, à Syno-*

D 3

do

19.

clesiæ: quia hanc Petrus non deferuit, sed secum vnâ Romam transtulit, & ibidē per 25. annos vsq; ad vltimum, id est quartum decimum Neronis annum, à quo & affixus cruci martyrio coronatus est, tenuit: vt Eusebius in Chronico anni 64. & Hieronymus de viris illustribus in Petro, alijsq; plurimi veterum testantur. Itaq; qui Petro post mortem in Sede Romana subrogatus est, etiam in præfectura Ecclesiæ vniuersalis successit. hæc enim per mortem iam vacabat, & illi Sedi annexa manebat. 2. Idem patet ex omnibus, qui seriem Romanorum Pontificum recensent. omnes enim primum faciunt Petrum, deinde subiungunt alios vsque ad illum qui pro tempore præsidet. Ita Irenæus lib. 3. c. 3. Eusebius hæresi 27. Augustinus Epist. 165. Optatus lib. 2. contra Parmenianum, & alij. 3. Idem constat ex communi sententia veterum, qui Sedem Romanam passim vocant *Sedem Apostolicam, Cathedram Petri; Petrum in ea per suos successores viuere, & præsidere*. Cyr. epist. 52. ad Antonianū. *Factus est Cornelius Episcopus de Dei & Christi eius iudicio &c. cum Fabiani locus, id est, locus Petri vacaret*. Et epist. 55. ad Cornelium. *Nauigare audent & ad Petri cathedram, atq; ad Ecclesiam principalem, vnde unitas sacerdotalis exorta est*. Epist. 45. ad Cornelium. *Ecclesiam Romanā vocat, Ecclesia Catholica matricem & radicem*. Hieronymus ad Damasum epist. 57. *Faceat inuidia, Romani culminis cedat ambitio, cum successore piscatoris, & discipulo crucis loquor*. Ego nullum primum, nisi Christum sequens Beatitudini tue, id est *Cathedra Petri, communionem consocior: super illam petram (cathedram intelligit) edificatam Ecclesiam scio*. Augustinus contra litteras Petiliani lib. 2. c. 51. *Cathedra tibi quid fecit Ecclesia Romana in qua Petrus sedet, in qua nunc Anastasius sedet?* Epist. 162. *Cum se videret Ecclesia Romana in qua semper Apostolica cathedra vixit Principatus coniu-*

Ex Patri-
bus.

contunctum, ubi paratus esset causam suam dicere &c. Concilium Chalcedonense actione 2. Lecta Leonis epistola omnes acclamarunt, Petrus per Leonem locutus est. Leo serm. 2. de sua assumpt. Perseuerat videlicet Petrus, & vixit in successoribus suis &c. Omitto alios innumeros.

Ex his probata manet maior, & minor propositio nostri syllogismi, qui talis est: ex Scripturis constat supremam in totam Ecclesiam potestatem concessam B. Petro; & in B. Petro omnibus eius successoribus. atqui Romani Pontifices sunt successores B. Petri: ergo habent hanc potestatem. Quæ hæretici hic obijciunt nullius sunt momenti, quale in primis illud, Petrum nunquam Romæ fuisse, quod adeo paradoxon est, vt passim plerosque pudeat. Nimis enim clarè toti antiquitati repugnat. Sequitur probatio 3.

III. PROBATIO.

Ex Concilijs.

ROMANVM Pontificem habere Iurisdictionem in totam Ecclesiam, siue esse caput totius Ecclesie vniuersalis, probari potest ex multis Concilijs Oecumenicis, quorum summa semper in Ecclesia fuit autoritas, vt quæ totam Christi Ecclesiam repræsentent. vnde sicut Ecclesia Vniuersalis errare non potest, ita nec Concilia Oecumenica.

1. Ex Concilio Niceno primo 318. Episcoporum, vbi canone 39. in canonibus ex Arabico translatis ita habetur. *Sicut ille qui tenet Sedem Roma caput & Princeps est omnium Patriarcharum: quandoquidem ipse est primus sicut Petrus, cui data est potestas in omnes Principes Christianos, & omnes populos eorum, vt qui sit Vicarius Christi domini nostri super cunctos populos, & vniuersam Ecclesiam Christianam: & quicumque contradixerit, à Syno-*

D 3

do

19.

clesiæ : quia hanc Petrus non deseruit , sed secum vnâ
 Romam transtulit , & ibidē per 25 . annos vsq; ad vlti-
 mum , id est quartum decimum Neronis annum , à quo
 & affixus cruci martyrio coronatus est , tenuit : vt Euse-
 bius in Chronico anni 64 . & Hieronymus de viris illu-
 stribus in Petro , alijsq; plurimi veterum testantur . Itaq;
 qui Petro post mortem in Sede Romana subrogatus est ,
 etiam in præfectura Ecclesiæ vniuersalis successit . hæc
 enim per mortem iam vacabat , & illi Sedi annexa ma-
 nebat . 2 . Idem patet ex omnibus , qui seriem Roma-
 norum Pontificum recensent . omnes enim primum fa-
 ciunt Petrum , deinde subiungunt alios vsque ad illum
 qui pro tempore præsidet . Ita Irenæus lib . 3 . c . 3 . E-
 piphanius hæresi 27 . Augustinus Epist . 165 . Optatus
 lib . 2 . contra Parmenianum , & alij . 3 . Idem constat ex
 communi sententia veterum , qui Sedem Romanam pas-
 sim vocant *Sedem Apostolicam* , *Cathedram Petri* ; *Petrum*
in ea per suos successores viuere , & præsidere . Cypr . epist .
 52 . ad Antonianū . *Factus est Cornelius Episcopus de Dei*
& Christi eius iudicio &c . cum Fabiani locus , id est , locus
Petri vacaret . Et epist . 55 . ad Cornelium . *Nauigare*
audent & ad Petri cathedram , atq; ad Ecclesiam principalē ,
vnde unitas sacerdotalis exorta est . Epist . 45 . ad Corne-
 lium . Ecclesiam Romanā vocat , *Ecclesiæ Catholica ma-*
tricem & radicem . Hieronymus ad Damasum epist . 57 .
Faceat inuidia , Romani culminis cedat ambitio , cum suc-
cessore piscatoris , & discipulo crucis loquor . Ego nullum pri-
 mum , nisi Christum sequens Beatitudini tuæ , id est Cashe-
 dra Petri , communionem consocior : super illam petram (ca-
 thedram intelligit) *adificatam Ecclesiam scio* . Augusti-
 nus contra litteras Petiliani lib . 2 . c . 51 . *Cathedra tibi*
quid fecit Ecclesia Romana in qua Petrus sedit , in qua nunc
Anastasius sedet ? Epist . 162 . *Cum se videret Ecclesia Ro-*
mana in qua semper Apostolica cathedra viguit Principatus
 conium-

Ex Patri-
bus.

conlunctum, ubi paratus esset causam suam dicere &c. Concilium Chalcedonense actione 2. Lecta Leonis epistola omnes acclamarunt, Petrus per Leodem locutus est. Leo serm. 2. de sua assumpt. Perseuerat videlicet Petrus, & vixit in successoribus suis &c. Omitto alios innumeros.

Ex his probata manet maior, & minor propositio nostri syllogismi, qui talis est: ex Scripturis constat supremam in totam Ecclesiam potestatem concessam B. Petro; & in B. Petro omnibus eius successoribus. atqui Romani Pontifices sunt successores B. Petri: ergo habent hanc potestatem. Quæ hæretici hic obijciunt nullius sunt momenti, quale in primis illud, Petrum nunquam Romæ fuisse, quod adeo paradoxon est, vt passim plerosque pudeat. Nimis enim clarè toti antiquitati repugnat. Sequitur probatio 3.

III. PROBATIO.

Ex Concilijs.

ROMANVM Pontificem habere Iurisdictionem in totam Ecclesiam, siue esse caput totius Ecclesie vniuersalis, probari potest ex multis Concilijs Oecumenicis, quorum summa semper in Ecclesia fuit autoritas, vt quæ totam Christi Ecclesiam repræsentent. vnde sicut Ecclesia Vniuersalis errare non potest, ita nec Concilia Oecumenica.

1. Ex Concilio Niceno primo 318. Episcoporum, vbi canone 39. in canonibus ex Arabico translatis ita habetur. *Sicut ille qui tenet Sedem Roma caput & Princeps est omnium Patriarcharum: quandoquidem ipse est primus sicut Petrus, cui data est potestas in omnes Principes Christianos, & omnes populos eorum, vt qui sit Vicarius Christi domini nostri super cunctos populos, & vniuersam Ecclesiam Christianam: & quicumque contradixerit, à Syno-*

D 3

do

19.

do excommunicatur. Extant hi canones Arabicè in codice Patriarchæ Alexandrini, & in alio quodam vetustissimo, vt testatur Franciscus Turrianus præfat. in hos canones; estque hic canon conformis duobus alijs, quos Iulius 1. in epist. sua ad Episcopos Orientales affirmat in Concilio Niceno vnanimi patrum consensu editos: quorum alter est de appellationibus. *Omnibus Episcopis fas esse ad Sedem Apostolicam appellare, eiusque sententia standum:* alter de Concilijs, *Sine consensu Romani Pontificis non posse Concilia celebrari.* Hi enim duo canones aperte indicant ipsum esse Superiorem & Iudicem omnium Episcoporum. Si dicas istorum canonum Arabicorum auctoritatem esse obscuram, non pertendo: at ex illis constat quid Ecclesiæ orientales quæ istos canones admittunt de Primatu summi Pontificis multis sæculis senserint. Idem Primatus insinuat can. 6. eiusdem Concilij, vt fuisse inter alios ostendit Turrianus lib. 3. pro epist. Pontif. cap. 3.

2. Ex Concilio Sardicensi 300. Episcoporum sub Iulio primo, qui per suos Legatos ei præfedit, vbi cap. 4. statuitur, vt Episcopo in aliqua causa adiudicato, fas sit appellare ad iudiciū Romani Pontificis; & iubentur firma esse, quæ ille in causa illa decreuerit. & cap. 7. conceditur, vt Episcopus iudicio Concilij Prouincialis condemnatus & depositus, si iniquè secum actum putat, confugiat ad Sedem Romanam, & petat ab ea iudices; qui vnà cum Episcopis Prouinciæ rursus causam cognoscant, & iudicio præsent.

3. Ex Synodo Constantinopolitana prima 150. Episcoporum. Hæc enim in epist. sua ad Damasum, fatetur se iussu Damasi primò conuocatam fuisse Constantinopolim, eoque conuenisse: deinde eiusdem mandato se vltèriùs vocatam Romam, vt se Episcopis Latinis ibidem congregatis coniungeret; à qua profectioe se excusat

fat multis causis allegatis, vt Damasus satisfaciat, & mittit suo loco tres Episcopos, qui ei rationem actorum, & statum Synodi explicant; simul rogans, vt omnia rata habere velit. Ex quibus apertè constat hanc Synodum Pontificem Romanum Superiorem suum, cui parere deberet, agnouisse. Idem confirmatur ex eo quòd Damasus rogantibus Episcopis orientalibus damnauerit & exauthorauerit Apollinarem, & Timotheum eius discipulum, vt patet ex epist. Damasi ad Orientales, & Theodoro I. 5. histor. Eccles. c. 10.

4. Ex Ephesina 1. 200. Episcoporum. Hæc Synodus omnia acta sua mittit ad Celestinum Papam, vt patet ex epist. ad ipsum: addens, *necessitatem postulare vt omnia ad Sanctitatis ipsius cognitionem referrentur*. At cur id necessarium, nisi quia ipse erat ea confirmare, vel infirmare? Ibidem dicit se causam Ioannis Patriarchæ Antiocheni (qui sententiam depositionis in Cyrillum & Mënonem, & sententiam excommunicationis in ipsam Synodum tulerat) reseruasse iudicio Celestini, & hortatur Celestinum, vt illum pro meritis castiget; vbi insinuat sententiam Pontificis Romani plus ponderis habituram, quàm totius Synodi. At vnde tanta potestas Romano Pontifici in Patriarcham Antiochenum, nisi quia iure diuino est omnium Superior & Iudex?

5. Ex Synodo Chalcedonenſi 630. Episcoporum, vbi actione 1. Paschasius *Vicarius sedis Apostolicae dicit Romam esse caput omnium Ecclesiarum, & proferit preceptum Leonis, quo precipit, vt Dioscorus Alexandrinus Patriarcha non sedeat in Concilio, sed audiendus intromittatur*. Item accusatur Dioscorus, quòd Synodum ausus sit facere sine auctoritate Sedis Apostolicae; quod inquit nunquam licuit, nunquam factum est: & assentitur totum Concilium. A. 3. recitantur quatuor libelli à diuersis destinati ad Pontificem Romanum, & Concilium genera-

20.

nega-

nerale, quorum singuli habent hanc inscriptionē. *Sanctissimo, & Beatissimo, & Vniuersali Archiepiscopo, & Patriarcha magna Roma Leoni, & sancta & vniuersali Chalcedonensi Synodo.* Vbi quater vocatur *Archiepiscopus Vniuersalis*, & præponitur toti Concilio; nimirum quia omnium totius orbis Episcoporum Caput est & Superior. Eadem actione ipsius Legati proferunt sententiam damnationis in Dioscorum petente Concilio, & primi subscribunt, & in subscriptione rursus appellatur *Vniuersalis Episcopus*. Denique ipsa Synodus in relatione ad Leonem, inter crimina Dioscori, ob quæ ipsum dicit depositum, recenset: quodd *ipsum Romanum Pontificem, cui, inquit, vinea custodia à Salvatore commissa est, & corpus Ecclesia in unitate conseruat, ausus fuit excommunicare.* Deinde petit acta sua ab illo confirmari, & vocat illum caput, & se filios eius. *Rogamus, inquit Synodus, & tuis decretis nostrum honora iudicium, & sicut nos capiti in bonis adiecimus consonantiam; sic & Summitas tua filijs quod decet, adimpleat.*

6. Ex Nicena 2. quæ vocatur septima generalis, Episcoporum 350. vbi act. 2. legitur epistola Adriani Papæ ad Tharasium, & approbatur à toto Concilio: in qua epistola inter cetera habentur ista: *Cuius (Petri) Sedes per totum orbem terrarum primatū obtinens lucet, omniumq; Ecclesiarum Dei caput existit. Vnde & ipse B. Petrus Apostolus iussu Dei Ecclesiam pascens, nihil omnino pratermisit sed ubiq; principatū obtinuit & obtinet: Cui etiā, & nostra beata & Apostolica Sedi, quæ est omnium Ecclesiarum Dei caput, velim beata vestra Sanctitas ex sincera mente, & toto corde agglutinetur, vspote quæ re vera sit bene sentiens, & pietatis incorrupta conseruatric.* Similia habentur in epistola eiusdem ad Imperatores, quæ eadem actione lecta est, & approbata. Actione 6. dicitur: *Execrabilis, prophana & adulterina est* (Synodus Constantinop. contra Imagines)

gines) non enim habuit, ut hac quæ nunc celebratur coöperarium Romanum Pontificem, neque illius Sacerdotes; neque per Vicarios, neque per Prouinciales, litteras: quemadmodum fieri in Synodis debet.

7. Ex Synodo Constantinop. 4. quæ dicitur octaua generalis Episcoporum 385. can. 21. *Desinimus neminẽ prorsus mundi potentium, quæcumquẽ eorum qui Patriarchalibus sedibus præsunt, inhonorare, aut mouere à proprio throno tentare: sed omni reuerentia, & honore dignos iudicare: præcipuẽ quidem Sanctissimum Papam senioris Romæ &c. Et infra. Porro si Synodus vniuersalis fuerit congregata, & facta fuerit etiam de sancta Romanorum Ecclesia quæuis ambiguitas & controuersia, oportet venerabiliter, & cum conuenienti reuerentia de proposita questione sciscitare, & solutionem accipere, aut proficere, aut prosectum facere: nemo tamen audacter sententiam dicere contra Sũmos senioris Romæ Pontifices. Denique Legati Adriani 2. præsident Synodo, primi subscribunt, & in subscriptione Adrianus Vniuersalis Papa nominatur.*

8. Ex Concilio magno Lateranensi, in quo 1215. Patres, quorum 484. erant Episcopi, sub Innocentio 3. Cap. 5. *Antiqua Patriarchalium Sedium privilegia renouantes sancta vniuersali Synodo approbãte sancimus, ut post Romanam Ecclesiam, quæ disponente Deo super omnes alias ordinaria potestatis obtinet Principatũ, utpote mater omnium Christi fidelium & magistra; Constantinopolitana primum, Alexandrina secundum, Antiochena tertium, Hierosolymitana quartum locum obtineat &c.*

9. Ex Concilio Lugdunensi 2. sub Gregorio 10. 1560. Patrum, ex quibus Episcopi 500. habetur cap. Vbi periculum. de Elect. in 6. ubi in statuto à Concilio approbato inter cetera dicitur. *Pensantes attentius quid eis imminet cũ agitur de creatione Vicarij Iesu Christi, successoris Petri, Re-
storis vniuersalis Ecclesie, gregis Dominici directoris &c.*

E

10. Ex

10. Ex Florentino. *Definimus, inquit Conciliū, Sanctam Apostolicam Sedem & Romanum Pontificem in vniuersum orbem obtinere Primatum, & ipsum Pontificem Romanum successorem esse B. Petri Principis Apostolorum, & verum Christi Vicarium, totiusq; Ecclesie caput, & omnium Christianorum Patrem ac Doctorem existere, & ipsi in B. Petro pascendi, regendi, & gubernandi Vniuersalem Ecclesiam à Domino nostro Iesu Christo plenam potestatem traditam esse, quemadmodum etiam gestis Oecumenicorum Conciliorum, & in sacris canonibus continetur.*

21.
Quanta
sit autho-
ritas Con-
ciliorum.

En 10. Concilia Oecumenica, quorum septem priora celebrata apud Græcos, tria reliqua apud Latinos quidem, sed ita vt Græci illis interfuerint: in quibus Primatus & autoritas Romani Pontificis in totam Ecclesiam vel agnoscitur, vel definitur. At quæ potest esse maior autoritas in terris, quàm Concilij Oecumenici cum suo capite vniti? Est enim veluti magnum regni Christi, vt ita loquar, Parlamentum. sicut ergo in rebus politicis, qui non admittit quod à magno Regni Parlamento definitum vel declaratum est, meritò censendus est hostis Regni, non ciuis: ita in negotio religionis & Ecclesiæ, qui reiicit quod à Concilio Oecumenico approbatum vel definitum est, se non Christianum, sed hostem regni Christi declarat. Quid ergo illis fiet, qui pernegant ea quæ toties diuersis sæculis, à tot Concilijs generalibus, tot regni Christi plenis comitijs omnibus consentientibus probata sunt & decisa?

Præter supradicta habemus alia quinque etiã Oecumenica, quibus Græci non interfuerunt. Primū est Lugdunense 1. sub Innoc. 4. circa annum Domini 1224. & habetur cap. Pro humani. de homicidio in 6. Vbi dicitur 1. *Quod Dominus ascensurus in calum post resurrectionem suam, ne Ecclesiā suam sine pastore relinqueret ipsius curam B. Petro Apostolo commiserit. 2. Pontificem Romanum esse.*

esse eiusdem Apostoli successorem. 3. Ipsum tenere locum Redēptoris nostri in terris &c. Secundū est Viennense sub Clemente 5. habetur Clement. de Iureiurando. Tercium est Cōstantiense, quod sess. 8. damnat articulos Ioannis Hus, inter quos est iste: *Non est de necessitate salutis, credere Romanā Ecclesiam esse supremam inter Ecclesias.* Quartum Lateranense sub Leone 10. sess. 11. Quintum est Tridentinum, sess. 6. cap. 1. de Reformat. sess. 14. cap. 7. & alijs locis plurimis. Itaq; habemus 15. Oecumenica Concilia, quibus hæc veritas comprobatur. Nimirum docuit illud fundamentum quo omnes hæreses profligantur, & corporis Ecclesiæ vnitas conseruatur (vt Conc. Chalced. ait) tot modis stabiliri.

IIII. PROBATIO.

Ex Epistolis Decretalibus Pontificum.

ROMANI Pontifices iam inde ab initio nascentis Ecclesiæ, ita se gesserunt in negotijs Ecclesiæ, vt manifestè suam auctoritatem in omnes Episcopos & vniuersam Ecclesiam per totum orbem declarauerint; quod partim ex historijs Ecclesiasticis, partim ex epistolis illorum Decretalibus est perspicuum: ex quibus hic pauca delibabimus.

Anacletus epist. 3. cap. 3. *Hæc sacrosancta Romana & Apostolica Ecclesia, non ab Apostolis. sed ab ipso Domino Salvatore nostro Primatum obtinuit, & eminentiam potestatis super vniuersas Ecclesias, ac totum Christiani populi gregem affecta est, sicut ipse B. Petro dixit: Tu es Petrus, & super hanc petram &c.* Similia habent ceteri in suis Decretalibus. Euaristus epist. 1. Alexander epist. 1. Sixtus epist. 2. Pius epist. 1. Anicetus epist. ad Episcopos Galliarum c. 3. Eleutherius ad Galliarum prouincias cap. 2. Victor epist. ad Theophilum Alexandrinū, & Episcopos Aegypti.

Zepherinus ad Episcopos Siciliae. Callistus epist. 1. Sixtus secundus epist. 1. Dionysius epist. 2. Marcellus 1. epist. 1. Eusebius epist. 3. Melchisedech ad Episc. Hispaniae, & alij.

Cur primi illi Pontifices, toties proferant eminentiam Sedis Apostolicæ.

Censuerunt sancti illi Pontifices primis sæculis rem illam sæpius inculcandam; quia cum ad sedandas contentiones, ad consentionem doctrinæ ac religionis, & ad pacem in Ecclesia per totum orbem retinendam, frequenter litteræ, decreta, & mandata varijs prouincijs essent destinanda: necessarium erat, ut omnes intelligerent Sedis illius potestatem, & super ceteras eminentiam. priusquam enim id longo usu esset declaratum, non ita erat omnibus manifestum. Itaque ut ipsis obedientia præstaretur operæpretium erat, ut suam auctoritatem probarent. Hanc autem ostendunt à Christo descendere, & in illis verbis Matth. 16. *Tu es Petrus, & super hanc petram edificabo Ecclesiam meam* &c. & in illis Ioannis 21. *Pasce oues meas*, fundari. Hæc dixerim ne quis miretur à sanctissimis illis viris tanto studio eminentiam suæ Sedis asseri & proponi. erat enim id omnino necessarium ad Ecclesiæ gubernationem. Hæretici istas epistolas non recipiunt: sed id mirum non est, quia nimis aperte in illis astruuntur ea quæ ipsi destruunt. & in primis auctoritas Summi Pontificis, quam ipsi supra omnia oderunt. Hac enim stante necesse est omnes hæreses concidere. defendit eas luculentè Franciscus Turrianus.

23.

In Episcopum Alexandrinum.

Idem facile probari potest ex aliorum Pontificum scriptis, quæ ab omnibus siue controuersia recipiuntur. Iulius Papa epistola ad Eusebianos, quam in secunda sua apologia refert Athanasius. *Cur in primis nihil nobis de Alexandria ciuitate scribere voluistis? An ignari estis hanc consuetudinem esse, ut primum nobis scribatur, ut hinc quod iustum est, desiniri possit? quapropter si isthuc suspicio huiusmodi in Episcopum concepta erat, id huc ad nostram Ecclesiam referri oportuit.* Et infra. *Quæ accepimus à B. Petro*

Apo-

Apostolo ea vobis significo : non scripturus alioquin quæ nota esse apud vos arbitror, nisi sacra ipsa nos conturbassent. Athanasius erat primus Patriarcha post Romanam Pontificem, & tamen Iulius Papa doctrina & sanctitate clarus, illius causam sicut & aliorum Episcoporum ad suum tribunal, non ad Synodum Antiochenam pertinere affirmat: hanc esse receptam consuetudinem omnibus notam, idque à B. Petro esse traditum. quam consuetudinem ex omnibus ferè antiquorum Pontificum, qui vsque ad Petrum numerantur, epistolis colligere licet. Damasus epist. ad Episcopos Illyric. refertur apud Theodoret. lib. 2. c. 22. *Numerus Episcoporum qui erant Arimini in unum congregati, præiudicij vim habere nõ debet, præsertim cum formula illa composita sit, neque Romano Episcopo, cuius sententia præ ceteris omnibus expectanda erat, neque alijs consentientibus.* Cur eius sententia præ ceteris omnibus expectanda, nisi quia ipse est caput ceterorum? Idem Damasus epist. ad Orientales Episcopos (quam refert Theodoretus lib. 5. cap. 10.) vocat illos *filijs*, & dicit sibi *in sancta Ecclesia Primas deferri; & se illius gubernacula suscepisse.* loquitur autem de tota Ecclesia Vniuersali.

Siricius epist. 1. ad Himericum Tarraconensem Episcopum. *Pro officij nostri consideratione, non est nobis dissimulare, non est tacere libertas; quia maior cunctis religionis Christiana zelus incumbit. Portamus onera omnium qui grauantur; quinimo hac portat in nobis beatus Petrus Apostolus, qui nos in omnibus, ut confidimus, administrationis suæ protegit & tuetur hæredes &c.* Hic aperte curam omnium Ecclesiarum ad officium suum pertinere docet, & se esse successorem Petri in administratione Ecclesiæ. Et infra Ecclesiam Romanam vocat *caput Ecclesiarum Hispania*, & mandat sua decreta alijs Episcopis *insinuari.* Idem epist. 3. ad Orthodoxos per varias pro-

uincias, dicit *omnium Ecclesiarum curam sibi impositam, & idcirco non posse dissimulare &c.*

Zosimus epist. ad Hefychium Episcopum Salonitanum. *Sciet, quisquis hoc, postposita Patrum & Sedis Apostolicæ autoritate, neglexerit, à nobis districtius vindicandum, ut loci sui minimè dubitet sibi non constare rationē: si hoc putat, post tot prohibitiones, impune posse tentari.* minatur depositionem Episcopis Illyrici, qui præcepta Sedis Apostolicæ non seruant. Idem epist. ad vniuersos Episcopos per Gallias, & septem Prouincias constitutos dat varia præcepta, proposita graui pœna, tum in Episcopos, tum in alios.

Anastasius ad omnes Germaniæ & Burgundiæ Episcopos, præcipit illis autoritate Apostolica, ut non sinant Sacerdotes sedere dum in Missa legitur Euangelium, sed curent eos stantes audire.

Innocentius 1. epist. 2. ad Victricium Episcopum Rathomagensem, explicat quomodo minores causæ in Prouincia sint terminandæ, permessa tamen libertate in omnibus causis appellandi Sedem Apostolicam. deinde addit. *Si autem maiores causæ in medium fuerint deuolutæ, ad Sedem Apostolicam, sicut Synodus statuit (Nicena) & beata consuetudo exigit, post iudicium Episcopale referantur.*

Idem epist. 17. ad Arcadium Imperat. qui Chrysostomum in exilium eiecerat. *Itaque ego minimus & peccator, cui thronus magni Apostoli Petri creditus est, segrego & reijcio te & uxorem à perceptione immaculorum mysteriorum Christi Dei nostri: Episcopum etiam omnem, aut Clericum ordinis sanctæ Dei Ecclesiæ, qui administrare, aut exhibere ea vobis ausus fuerit, ab ea hora, qua præsentis vinculi mei legeritis literas, dignitate sua excidisse decerno.* Hic aperte ostendit se habere Iurisdictionem non solum in omnes Episcopos & Clericos, sed etiam in ipsum

Im-

Imperatorem, excommunicans ipsum &c. Epistola 32. ad Synodum Mileuitanam. *Quoties fidei ratio ventilatur arbitror omnes fratres & Coepiscopos nostros non nisi ad Petrum, idest sui nominis & honoris authorem referre debere.* Ibidem dicit, *sibi omnium Ecclesiarum incumbere sollicitudinem.*

Celestinus epist. 6. ad Ioannem Antiochenum, dicit se tulisse sententiam in Nestorium, nisi intra certum tempus resipiscat. Similia habet in epistola ad Cyrillum.

Leo serm. 1. de natali Apostolorum Petri & Pauli, Romanam alloquens ait. *Per sacram B. Petri Sedem caput orbis effecta, latius præsidet religione divina, quam dominatione terrena. quamvis enim multis aucta victorijs, ius imperij tui terra marique protuleris; minus tamen est quod tibi bellicus labor subdidit, quam quod pax Christiana subiecit.* Quibus verbis aperte loquitur de Iurisdictione. Idem in suis epistolis passim ostendit se etiam in prouincias Orientis, in Africam, & in Aegyptum Iurisdictionem habere.

Gelasius epist. 2. ad Episcopos Dardanix. *Nec plane tacemus quod cuncta per mundum nouit Ecclesia, quoniam quorumlibet sententijs ligata Pontificum, Sedes B. Petri Apostoli ius habet resoluendi: utpote qua de omni Ecclesia fas habet at iudicandi; neque de eius liceat iudicare iudicio. siquidem ad illam de qualibet mundi parte canones appellari voluerunt: ab illa autem nemo sit appellare permissus.* Epist. 6. cap. 11. docet omnes debere conformari *Sedi Apostolica, ubi Dominus totius Ecclesia posuit Principatum.*

In commonitorio ad Faustum fungentem Legatione Constantinopoli. *Isti sunt canones, qui appellationes totius Ecclesia ad huius Sedis examen voluere deferri: ab ipsa verò numquam appellari debere sanxerunt &c.*

Idem in decreto de apocryphis. *Sancta Romana Catholica & Apostolica Ecclesia nullis Synodicis constitutis ceteris*

Sedes Petri caput orbis præses religionis.

Iudicat de omni ecclesia & omnibus Episcopis.

Ad Sedem Petri ab omnibus appellari potest.

Ecclesia
Rom. iu-
re diuino
Primatū
obtinet.

teris Ecclesijs pralata est: sed Euangelica voce Domini Saluatoris nostri Primatum obtinuit, Tu es Petrus, inquit, & super hanc petram &c.

Anastasius PP. secundus. Gloriosissimo & Clementissimo filio Anastasio Augusto. Per ministerium humilitatis meae, sicut semper est, Sedes Petri in vniuersali Ecclesia assignatum sibi à Domino teneat Principatum. & infrà ostendit se esse Superiorem Imperatoris, cuius mandatis Imperator parere teneatur.

24.

Bonifacius 2. Epistola ad Eulaliū Alexandrinum Episcopum. Olim & ab initio tantam percepimus à B. Petro Apostolorum principe fiduciam, ut habeamus auctoritatem vniuersali Ecclesiae, auxiliante Domino, subuenire: & quidquid nociuum, auctoritate Apostolica corrigere, & emendare.

Ioannes 2. epist. 2. ad Iustinianam Imperat. Inter claras sapientiae ac mansuetudinis vestrae laudes, Christianissime Principum, puriore luce tamquam aliquod sidus irradiat, quod amore fidei, quod charitatis studio edocti Ecclesiasticis disciplinis, Romanae Sedis reuerentiam conseruatis, & ei cuncta subijcitis, & ad eius deducitis vnitatem, ad cuius authorem, hoc est Apostolorum primum Domino loquente praecceptum est, Pascite oues meas: quam esse omnium Ecclesiarum caput, & Patrum regula, & Principum statuta declarant, & pietatis vestrae Reuerendissimi affatus testantur.

Vigilius epist. 1. ad Eutheriū Episcopū. Nulli vel tenuiter sentienti, vel pleniter sapiendi dubium est, quod Romana Ecclesia forma ac fundamentum sit Ecclesiarum. Et infrà dicit, eam omnium Ecclesiarum tenere primatum: Vnde, inquit, omnium appellantium Apostolicam Sedem Episcoporum iudicia, & cunctarum maiorum negotia causarum eidem sanctae Sedi reseruata esse liquet: cuius tramiti si quis obuierit tentauerit sacerdotum, causas se non sine honoris sui periculo

eulo apud eandem Sedem nouerit redditurum.

Hic minatur depositionem ijs, qui ipsius decreta non seruauerint. Idem ad Episcopos Galliarum committit vices suas Episcopo Arelatenſi per totam Galliam cum potestate cogendæ Synodi & puniendi inobedientes.

Pelagius 1. epist. 1. ad Vigilium. *Memor sum me sub illius nomine Ecclesia praesidere, cuius est à Domino Iesu Christo glorificata confessio; cuius quidem fides omnes hæreses destruit, sed maxime impietatem præsentis erroris expugnat &c.* Epistola ad Sepaudum Arelatenſem, instituit eum suum Vicarium per Gallias cum magna potestate.

Pelagius 2. epist. ad Synodum Constantinopolitanam illegitimam. *Relatum est ad Sedem Apostolicam Ioannem Constantinopolitanum Episcopum Vniuersalem se scribere, vosque ex hac præsumptione ad Synodum conuocare generalem: cum generalium Synodorum conuocandi auctoritas Apostolica Sedi B. Petri singulari priuilegio sit tradita: & nulla unquam Synodus rata legatur, quæ Apostolica auctoritate non fuerit fulta.* Deinde rescindit eorum acta. *Quapropter, inquit, quidquid in vestro conuenticulo (quia Synodus taliter præsumpta esse non potuit) statuistis, ex auctoritate S. Petri Apostolorum Principis, & Domini Saluatoris voce, quæ B. Petro potestatem ligandi atque soluendi ipse Dominus dedit, quæ etiã potestas in successoribus eius indubitanter transiuit: præcipio omnia quæ ibi statuistis, & vana & cassa esse, ita ut deinceps numquam ventilentur.* Denique sub pœna excommunicationis præcipit, ne in posterum tale quid aſint: addens *Romanam Sedem instituentem Domino esse caput omnium Ecclesiarum.* Hoc factum Pelagij refert, & valde probat S. Gregorius l. 4. Epist. 36. & lib. 7. epist. 69.

His denique S. accedat Gregorius, qui multis locis Primatum Sedis Romanæ ostendit. lib. 4. epist. 7. vniuersis Episcopis per Illyricum. *Iuxta postulationis vestra*

stra desiderium, prædictum fratrem, & Cœpiscopum nostrum, in eo in quo est ordine sacerdotij constitutus, nostri assensus autoritate firmamus, ratamque nos eius confirmationem habere, dirigentes pallium, indicamus. Deinde committit ei vices suas, & mandat omnibus, ut ei obtemperent.

Idem lib. 7. Epist. 64. *De Constantinopolitana Ecclesia quod dicunt, quis eam dubitet Apostolica Sedi esse subiectam? quod & piissimus Dominus Imperator & frater noster Eusebius eiusdem ciuitatis Episcopus assidue consitentur.*

Lib. 11. epist. 44. *Illud autem admonemus, ut Apostolica Sedis reuerentia nullis presumptionibus turbetur. Tunc enim status membrorum integer manet, si caput fidei nulla pulsetur iniuria &c. Hic Sedem Apostolicam vocat Caput fidei.*

Lib. 1. epist. 1. *Vices suas per Siciliam committit Petro Subdiacono.*

Lib. 2. epist. 33. *Accusatur apud Sedem Apostolicam Maximianus Ecclesiæ Pudentianæ in Africa Episcopus. Vnde Gregorius Columbo Episcopo Numidiæ mandat, ut adunato Episcoporum vniuersali Concilio, si reus conuincatur, à dignitate officioque degradetur.*

Lib. 2. Epist. 37. *Ad Natalem Salonitanum Episcopum; ubi reprehendit illum Episcopum, quod contempta ipsius & decessoris sententiâ, Honoratum Archidiaconum gradu suo deiecerit: addens, Quod si quilibet ex quatuor Patriarchis fecisset, sine grauissimo scandalo tanta contumelia nullo modo transire petuisset. Vbi apertissime indicat se esse Superiorem etiam Patriarchis, & posse eos punire. Eiusdem Honorati causam ad se reuocat.*

Lib. 7. epist. 64. *Cùm de quodam crimine Primas Bizæcenus fuisset accusatus, inter cetera de illo sic scribit Gregorius. Nam quod idem Primas se dicit Sedi Apostolica subijci; signa culpa in Episcopis inuenitur, nescio quis ei*
Episco-

Episcopus subiectus non sit. Cùm verò culpa non exigit, omnes secundum rationem humilitatis aequales sunt.

Lib. 1. epist. 27. scribit se usum pallij Anastasio Patriarcha Antiocheno concessisse.

Deniq; in quintum Psal. pœnitent. ad illum vers. *Tota die exprobrabant &c. Rex in tantum suæ temeritatem extendit vesania, ut caput omnium Ecclesiarum Romanam Ecclesiam sibi vendicet, & in Dominam gentium terrena ius potestatis usurpet: quod omnino ille fieri prohibuit, qui hanc B. Petro Apostolo specialiter commisit, dicens: Tibi dabo Ecclesiam meam.*

Omnes isti Pontifices ante annum sexcentimum exitere, & tamen apertè suum Primatum asseruerunt, cumq; per totam Ecclesiam omnibus modis, quibus authoritas & iurisdicção demonstratur, exercuere, & quibus plerique sanctitate & doctrina illustres fuere. Imò quò quisque in his fuit illustrior, eò magis hunc Primatum defendit, ut patet in Iulio primo, Damaso, Zosimo, Innocentio, Celestino, Gelasio, Leone & Gregorio, qui omnes sanctitate & doctrina fuere conspiciui.

V. P R O B A T I O.

Ex Patrum testimonijs.

TESTIMONIA antiquorum in hanc causam possent adferri supra mille. Nos paucis contenti erimus: qui plura desiderat, consulat Sanderum.

26.

Irenæus lib. 3. cap. 3. Cùm dixisset omnes hæreses refutari ac confundi allata doctrina Ecclesiæ Romanæ, à duobus gloriosissimis Apostolis fundatæ, quæ doctrina ab ipsis Apostolis tradita per successiones Episcoporum ad nos peruenit, addit: *Ad hanc enim Ecclesiam*

Omnes hæreses per doctrinam Ecclesiæ Romanæ confundi.

propter potentio rem principalitatem , necesse est omnem conuenire Ecclesiam , hoc est eos qui sunt undique fideles , in qua semper ab his qui sunt undique , conseruata est ea qua est ab Apostolis traditio . Hic dicit esse necessarium vt omnes Ecclesie adhæreant Ecclesie Romanæ: cuius rei duas insinuat rationes . prior est , quia ipse est Princeps & caput omnium : altera , quia Apostolica traditio semper ab omnibus , qui huic Ecclesie adhærent , hætenus seruata est , ita vt numquã ad hæreses deflexerint .

Pontifex
max. Epi-
scopus E-
piscopo-
rum.

Tertullianus lib. de pudicitia cap. 1. *Audire esse Edictum propositum & quidem peremptoriũ: Põtifex scilicet maximus, Episcopus Episcoporum dicit, Ego & machia & fornicationis delicta, pœnitentia sanctis dimitto .* Hæc scribit iam hæreticus contra Pontificem , indicans quo loco & nomine censeretur apud Catholicos : & etiam illo tẽpore toti Ecclesie edicta & decreta sua proposuisse seruanda .

Idem lib. contra Praxeam cap. 1. insinuat Montanistas in Asia & Phrygia à decessorib⁹ Zephyrini Papæ fuisse excommunicatos . & Zephyrinum aliquorum informationibus fuisse inductum *ad pacem Ecclesijs Asia & Phrygia inferendam*, hoc est ad illos ab excommunicatione absoluen- dos , sed per Praxeam fuisse impulsu ad litteras pacis renocandas . Vbi apertè agnoscit Tertullianus auctoritatem Pontificis in Ecclesias Asiae .

Viõtor
excom-
municat
Ecclesias
Asiae.

Eusebius lib. 5. historię cap. 24. Refert Viõtorem Papam *excommunicasse Ecclesias totius Asiae & omnes illis adherentes , quòd in celebratione Pasche se nolent alijs accommodare*. Nec obstat quòd Irenæus & alij propterea reprehenderint Viõtorem : quia non reprehenderunt illum de usurpata potestate , sed quòd non videretur ea secundum regulam charitatis vsus , tot Ecclesias ob tam leuem (vt ipsis videbatur) causam à communione segregans . Itaque per hoc apertè declarabant se sentire illum habere in omnes potestatem , & Decretum ipsius validum

dum esse ; alioquin non fuissent ita solliciti ne illas Ecclesias excommunicaret , & vt excommunicatas iterum ad pacem admitteret . *Nam extra suum territorium ius dicenti impune non paretur* , vt Iureconsultus ait . Addo Victorem nihil etiam contra charitatem egisse : quia res erat summi momenti , vtpote tendens ad latenter introducendum Iudaismum . Obseruabant enim Asiani pascha luna decima quarta cum Iudæis , non tamquam liberam traditionem , sed vt necessariâ ex præcepto legis veteris , vt scribit Nicephorus lib . 4 . cap . 38 . & insinuat Polycrates in sua epistola ad Victorem , apud Euseb . supra , cum ratione reddens , cur Victori non obtemperet , ait : *oportere magis obedire Deo quàm hominibus* : aperte insinuans esse præceptum diuinum , vt vnâ cum Iudæis pascha nostrum celebretur . Et Blastus eodem tempore latenter Iudaismum introducere conabatur , asserens pascha non aliter seruandum esse , quàm secundum legem Moyfi , luna quarta decima , vt refert Tertullianus lib . de præscript . Denique Victoris sententia stabilita fuit in Concilio Niceno ; & ex eo tempore , omnes qui cum Iudæis pascha celebrarent , hæretici habiti , & Quartadecimani appellati .

Cyprianus epist . 45 . ad Cornelium . Nos , inquit , *sin-* 27 .
gulis nauigantibus (Romam) *ne cum scandalo vllò nauigarent , rationem reddentes , scimus nos hortatos esse , vt Ecclesia Catholica radicem & matricem agnoscerent & tenerent* . Hic Ecclesiam Romanam vocat *radicem & matricem Ecclesia Catholica* . Et paulò pòst . *Vt te vniuersi collega nostri , & communicationem tuam , id est Ecclesia Catholica unitatem pariter & charitatem probarèt ac firmiter tenerèt* . Est ergo Romanus Pontifex vinculum Ecclesiæ Catholicæ . Epistola 42 . rursus Ecclesiam Romanam vocat *radicem & matricem Ecclesia Catholica* .

Idem epist . 55 . ad Cornelium , Sedem Romanam

Ecclesia
Principa-
lis.

vocat *Cathedrā Petri & Ecclesiam principalem*, unde *vnitas sacerdotalis orta est*. Vocat *Ecclesiam principalem*, quia est Principis & capitis. ab ea *orta est vnitas sacerdotalis*, quia quoddam omnes per orbem Episcopi in vna fide contineantur, ab illa prouenit; nimirum quia illi adhærent. Illa est vinculum confociationis & vnionis omnium Catholicorum, omnium Ecclesiæ membrorum.

Quomo-
do Eccle-
sia sit vna.

Idem lib. de vnitate Ecclesiæ docet Ecclesiam esse vnā, licet in multa membra sit diuisa, *sicut multi solis radij sunt vnum lumen: & multi arboris rami vnum robur* (vna quercus) *tenaci radice fundatum: & multi riuus vnus fontis, vna aqua ratione vnus originis*. Deinde addit, *Auelle radium solis à corpore, diuisionem lucis vnitas non capit: ab arbore frange rami, fractus germinare non poterit: à fonte præcide riuum, præcisus arefcet. sic & Ecclesia Domini luce perfusa per orbem totum radios suos porrigit; vnum tamen lumen est, quod vbique diffunditur* (ratione originis à qua pendet) *ramos suos in vniuersam terram copia vbertatis extendit; profluentes largiter riuos latius expandit: vnum tamen caput est, & origo vna, & vna mater fecunditatis successibus copiosa. Illius factu nascimur, illius lacte nutrimur, spiritu eius animamur*. Hic apertè docet omnes Ecclesias esse vnā Ecclesiam ratione vnus capitis & originis, à qua reliquæ Ecclesiæ dependent, sicut membra à capite, riuus à fonte, rami à radice, radij à sole: à qua omne bonum ad reliquas dimanat. Quæ autem sit ista origo, & istud caput, satis aperit, cum Ecclesiam Romanam vocat *Ecclesiam principalem*, unde *vnitas sacerdotalis orta est*: cum illam vocat *matricem & radicem Ecclesiæ Catholicæ*. Hæc enim nomina non minùs indicant illius auctoritatem, & aliarum subiectionem ac dependētiā, quā cum dicitur *Caput* Ecclesiarum. quod enim est *caput* in animante, id est *radix* in arbore.

Nec obstat quod Cyprianus eodem lib. de vnitate

Ec-

Ecclesiæ ait: *Episcopatus unus est, cuius in solidum à singulis pars tenetur*: Inde enim non sequitur quin omnes subsint vni, & ab vno pendeant. Omnia enim membra sunt vnum corpus; caput tamen præest reliquis. & omnes partes arboris constituunt vnam arborem; tamen radix habet vim in ceteras &c. Ita omnes Episcopatus constituunt vnam potestatem completam, qua corpus Ecclesiæ gubernatur: in hac tamen ita potestas Romani Episcopi eminet, vt ceteris præsit, & in ea ceterarum vis contingatur. Ecclesia similis est rebus compositis ex partibus heterogeneis, quæ partes ita inter se sint dispositæ & connexæ, vt ceteræ omnes ab vna principali dependant, à qua vim omnem accipiant. Idem dicendum de Episcopatu, & Ecclesiastica potestate.

Athanasius apologia 2. *Vrsacius & Valens Romam profecti peccata sua cum pœnitentia confessi sunt, gratiamque facti postularunt*. Et infrà ponit litteras eorum ad Iulium Papam, in quibus fatentur suas calumnias in Athanasium, & promittunt emendationem, & faciunt fidei professionem, damnantes Arium, & recipiunt Athanasij communionem, addita hac causa: *Maximè, inquirunt, quia tua Pietas veniam secundum suam genuinam pietatem nostro errori impertiri dignata est*. At cur apud Iulium culpam suam fatentur, & veniam petunt, & emendationem promittunt, & non potius apud Athanasium, in quem peccauerant, nisi quia Iulium agnoscebant suum Superiorem?

28.

Idem in opusculo de sententia Dionysij Alexandrini dicit quosdam Catholicos iuisse Romam, & accusasse Dionysium Patriarcham Alexandrinum apud Romanum Pontificem, quodd videretur Filium Dei facere minorem Patre. Sentiebant ergo isti Romanum Pontificem esse illius Superiorem.

Basiliius epist. 52. ad Athanasium Ancyra Episcopum

pum, dicit sibi *videri consentanum ut scribatur ad Episcopum Romanum, ut sua autoritate in negotio utatur* (*αὐτὸς ἀποδιδόναι πρὸς τὸ πρᾶγμα*) & *deligat viros idoneos, quos mittat ad visitandas Ecclesias Orientales, & ad exterminandam hæresim Marcelli, tamquam à sana fide alienam.* Habet ergo Episcopus Romanus iuxta Basilium in Ecclesiis Orientales auctoritatem.

Gregorius Nazianzenus epist. 2. ad Cledonium. *Quod Damasus quoque ipse cum postea rectius edoctus fuisset, simulque in pristinis eos expositionibus perstare audisset, eos ab Ecclesia proscripsit, fideique libellum cum anathematismo delent.* Loquitur de Apollinari, & eius discipulis, qui Damasum oblata fidei confessione, sana quidem iuxta communem intellectum, sed peruersa iuxta mentem illorum, deceperant: qua fraude intellecta Damasus eos excommunicauit, cum tamen essent Orientales.

Chrysostomus epist. ad Innocentium Papam. *Obsecro te, ut scribas quòd hac tam iniquè facta nō habeant robur: illi autem qui iniquè egerunt, pœna Ecclesiasticarum legum subiaceant. Nos autem insontes Ecclesijs nostris iubere restitui.* Hic tria petit Chrysostomus veræ Iurisdictionis opera à Romano Pontifice. 1. ut acta Synodi contra Chrysostomum declaret irrita. 2. ut puniat eos qui iniquè egerunt. 3. ut iubeat illum restitui suæ Ecclesiæ.

Ambrosius oratione in obitum fratris. *Percunctatus est ex eo (Satyrus) utrumnā cum Episcopis Catholicis, hoc est, cum Romana Ecclesia conuenires?* Idem ergo Ambrosio, cōuenire cum Catholicis, & cum Romana Ecclesia: nimirū quia omnes Catholici cum illa, tamquam cum sua matre conuenire debent. Idem epistola 81. ad Siricium Papā vocat illum *Pastorem & custodem ouilis Christi, dignum quem oues Domini audiant & sequantur* &c. Et in cap. 3. prioris ad Timotheum. *Ecclesia est domus Dei, cuius hodie Rector est Damasus.*

Op.

Optatus Mileuitanus l. 2. aduersus Parmenianum .
Negare non potes scire te in vrbe Roma Petro primò ca-
thedram Episcopalem esse collocatam , in qua sederit ,
omnium Apostolorum caput Petrus (vnde & Cephas ,
appellatus est) in qua vna cathedra ab omnib⁹ vnitas ser-
uaretur, ne ceteri Apostoli singulos sibi defēderent, vt iā ,
schismaticus & peccator esset, qui cōtra singularē cathe-
dram alteram collocaret. Ergo cathedra vnica est &c. .
Vnicam dicit, quia est vna suprema cui omnes debent
copulari & subesse.

Sic Prudentius de S. Hippolyto .

Vna Sedes vigeat , prisca quæ condita sæclo est ;

Quam Paulus retinet , quamq̃ue Cathedra Petri .

Hieron . epist. 57. ad Damasum , ex deserto Syriae
consulit Sedem Romanam . *Apud vos solos* , inquit, *Pa-*
trum incorrupta seruat hereditas . Vos estis lux mundi ,
vos sal terra , vos vasa aurea & argentea &c. Et infra .
Ego nullum primum nisi Christum sequens, Beatitudini tuæ,
hoc est Cathedra Petri communionē consocior : super illam
petram edificatam Ecclesiam scio . quicumque extra hanc do-
mm agnum comederit , prophanus est . Si quis in Arca Noë
non fuerit , peribit regnante diluuiō . Et infra . Non noui
Vitalem , Meletium respuo , ignoro Paulinum . quicumque
tecum non colligit , spargit ; hoc est , qui Christi non est, Anti-
christi est. Itaque omnes Calvinistæ cū non adhæreant
Sedi Romanæ ad Antichristum pertinent , iuxta Hiero-
nymū . Ibidē vocat se *ouiculam*, & Damasum suū *Pastorē*,
cū tamē ipse Paulino Antiocheno Patriarchæ subesset.

Augustinus Epistola 157. *Iniuncta nobis à venerabili*
Papa Zosimo Apostolica Sedis Episcopo, Ecclesiastica neces-
sitas ad Cæsaream in Mauritania nos traxerat . Poterat
ergo Pontifex Romanus præcipere Episcopis Africanis,
& imponere necessitatem indicendi Synodum . quod eti-
am refert Possidius in vita Augustini cap. 14 .

G

Epist.

Epist. 106. *Missa sunt hac de re à duobus Concilijs Carthaginensi & Mileuitano relationes ad Apostolicam Sedem &c. Ad omnia nobis Innocentius Papa rescripsit eomodo quo fas est, atque oportebat Apostolica Sedis Antistitem. Cur Synodi Africanæ referunt Acta sua ad Sedem Apostolicam confirmanda, nisi quia ipsum agnoscunt Superiorem?*

Epist. 162. *Episcopum Cacilianum potuisse non curare conspirantem inimicorum multitudinem, cum se videret, & Ecclesia Romana, in qua semper Apostolica Cathedra viguit Principatus, & ceteris terris, unde Euangelium ad ipsam Africam venit per communicatorias litteras coniunctum: ubi paratus esset causam suam dicere, si aduersarij eius ab eo illas Ecclesias alienare conarentur.*

Seuerus Sulpitius lib. 2. sacrae historiae. *Instantius; Saluianus & Priscillianus in Synodo apud Casaraugustam damnati, Romam profecti sunt, ut apud Damasum Urbis eam tempestate Episcopum, obiecta purgarent. Cur damnati à Synodo Hispaniæ volunt se purgare apud Damasum, si Damasus non erat Synodo Superior, qui damnatos posset absolvere?*

Vincentius Lirinensis contra hæreses cap. 42. *Iulianus Urbis Romæ Episcopum vocat Caput orbis. Prosper l. contra ingratos c. 2.*

— *pestem subeuntem prima recedit*

Sedes Roma Petri; quæ pastoralis honoris

Facta caput mundo: quidquid non possidet armis,

Religione tenet.

Idem lib. 2. de vocat. gentium c. 16. *Quæ (Roma) per Apostolici Sacerdotij Principatum, amplior facta est arce religionis, quam solio potestatis.*

Victor Vticensis lib. 2. de persecutione Vandalica. *Veniant Coepiscopi mei qui vobis nobiscum communem fidem nostram valcant demonstrare, & præcipuè Ecclesia Romana, qua*

qua caput est omnium Ecclesiarum.

Episcopi Metropolis Arelatensis epist. ad Leonem. refert eam Baron. tom. 7. p. 713. *Per Beatissimum Petrum Apostolorum Principem sacrosancta Romana Ecclesia tenet supra omnes mundi Ecclesias Principatum.*

Ennodius lib. de Synodis sub Symmacho. *Sanctorum voce patet Pontificum dignitatem Sedis Apostolica factam toto orbe venerabilem, dum illi quidquid fidelium ubique est, submittitur; dum totius corporis caput esse designatur: de qua mihi videtur dictum per Prophetam, si hac humiliatur, ad cuius confugietis auxilium.*

Fulgentius lib. de Incarnatione & gratia Iesu Christi cap. 11. *Quod Romana (qua cacumen est mundi) tenet & docet Ecclesia, totusque cum ea Christianus orbis &c.*

Cassiodorus lib. 11. epist. 2. ad Ioannem Papam. *Vos speculatores Christiano populo praesidetis: vos patris nomine universa dirigitis. Securitas ergo plebis ad vestram spectat famam, cui diuinitus est commissa custodia. quapropter nos decet custodire aliqua, vos omnia. Et infra. Sedes illa toto orbe mirabilis proprios regat affectione cultores: qua licet generalis mundo sit praestita, vobis etiam cognoscitur & localiter attributa. Singula expendenda. nam aperte indicat generalem in omnes Iurisdictionem, non solum in spiritualibus, sed etiam in temporalibus: quatenus videlicet necessarium ad spiritualia. Addit enim. *Pascitis quidem spiritualiter (commissum vobis) gregem, tamen nec ista potestis negligere, qua corporis videntur substantiam continere. Nam sicut homo constat ex dualitate: ita boni patris est utraque refouere.**

Liberatus Archidiaconus Carthaginensis in Breuiario cap. 21. refert Agapitum Papam deposuisse Anthimum Constantinopolitanum Patriarcham, & Menam pro eo ordinasse. Et cap. 22. Cum Syluerius Papa ab Imperatore missus esset Pataram in exilium, venerabilis E-

„ piscopus ciuitatis illius venit ad Imperatorem , & iudi-
 „ cium Dei contestatus est de tantæ Sedis Episcopi expul-
 „ sione, multos esse dicens in hoc mundo Reges , & non
 „ esse vnum , sicut ille Papa est super Ecclesiam mundi to-
 „ tius . quem audiens Imperator , reuocari Romam Syl-
 „ uerium iussit.

Hi omnes extitere ante annum sexcentesium , &
 Primatum Romani Pontificis agnouere. De postero-
 ribus nec aduersarij negant .

VI. PROBATIO.

Ex testimonijs Imperatorum , & Principum .

30.

HIS addamus aliquot Principum confessionem ,
 omiſſis illis qui iam à mille annis , nimirum à
 tempore Phocæ Imperatoris , qui Bonifacium
 tertium *Oecumenicum Episcopum* appellauit , & vetuit ne
 Patriarcha Constantinopolitanus hoc titulo vteretur ,
 extiterunt . quia fatetur Author pag. 106. omnes Princi-
 pes Christianos ab eo tempore hanc potestatem in sum-
 mo Pontifice veneratos esse . itaque solum adducemus
 eos qui ante illud tempus regnarunt .

Gratianus , Valentinianus , & Theodosius Imppp.
 L. 1. C. de summa Trinitate , & fide Catholica , du-
 centis amplius annis ante Phocam . *Cunctos populos*
quos Clementia nostra regit Imperium , in tali volumus reli-
gione versari , quam D. Petrum Apostolum tradidisse Ro-
manis , religio vsque adhuc ab ipso insinuata declarat , quam-
que Pontificem Damasum sequi claret . Quare iubet om-
 nes sequi fidem Ecclesiæ Romanæ , nisi quia ipsa est
 Princeps , & Magistra omnium Ecclesiarum ?

Valentinianus tertius epist. ad Theodosium Impera-
 „ torem annis 160. ante Phocam . Cum venissem ad Vr-
 „ bem Romam , rogatus sum à Romano Episcopo , & alijs
 scribere

scribere vestræ Mansuetudini de fide, quæ dicitur per-
turbata. quâ nos à nostris maioribus traditam debemus
defendere, & dignitatem propriæ venerationis B. Petro
Apostolo intemeratam conseruare : quatenus Beatissi-
mus Romanæ Ciuitatis Episcopus, cui Principatû sacer-
dotij super omnes antiquitas contulit, locum habeat, &
facultatem de fide & sacerdotibus iudicare. Hac enim
gratia secundum solemnitatem Conciliorum, & Con-
stantinopolitanus Episcopus eum per libellos appellauit,
propter contentionem, quæ orta est de fide &c.] Itaque
Pontificem Romanum esse *Principem sacerdotum*, & posse
iudicare de fide, & de omnibus Episcopis, iam tunc Impe-
ratore teste, erat res antiqua.

Valentinianus & Martianus AA. Epistola ad Leo-
nem PP. *Ad hoc maximum Imperium venimus Dei prou-
dentia, & electione Senatus Excellentissimi, cunctaque mi-
litiæ. Vnde pro reuerenda & catholica religione, cuius auxi-
lijs virtutem nostræ potentia confidimus gubernari, tuam
Sanctitatem Principatum in Episcopatu diuinæ fidei possiden-
tem, sacris literis credimus in principio alloquendam. Nota,
Principatum in Episcopatu diuinæ fidei possidentem.*

Martianus Augustus epist. ad Leonem annis 150.
ante Phocam, petit à Leone, vt curet celebrari Synodum
in Oriente, quò Episcopi Orientis, Thraciæ, & Illyrici con-
ueniant, & quæ Catholica religioni prosint. sicut, inquit,
Sanctitas tua secundum Ecclesiasticas regulas definierit, sua
dispositione declarent. Hic agnoscit Imperator autoritatē
in Rom. Pont. cogendi Synodum in Oriente, illamque
dirigendi, & illi præscribendi quæ tractanda.

Iustinianus Imperator annis 70. ante Phocā epist.
ad Ioannem PP. C. de Summa Trinitate, & fide ca-
tholica. Reddentes honorem Apostolicæ Sedi & Vestræ
Sanctitati (quod semper nobis in voto fuit, & est) &
vt decet, patrem honorantes Vestrā Beatitudinem, om-

nia quæ ad Ecclesiarum statum pertinent, festinamus,
ad notitiam deferre vestræ Sanctitatis: quoniam semper
fuit nobis magnum studium vnitatem vestræ Apostolicæ
Sedis, & statum sanctarum Dei Ecclesiarum custodire,
qui hætenus obtinet & incommotè permanet. Ideoque
omnes Sacerdotes vniuersi Orientalis tractus & subij-
cere, & vnire Sedi vestræ Sanctitatis properauimus.] Et
infra. Nec enim patimur quidquam quod ad Ecclesiarum
statum pertinet, vt non etiam Vestræ innotescat Sancti-
tati, quæ caput est omnium sanctarum Ecclesiarum. Hic
Iustinianus apertè fatetur, *Romanum Pontificem esse caput
omnium Ecclesiarum.* & ideo omnia quæ vbique geruntur,
ipsi debere innotescere, ipsi debere omnes subijci, &
vniri.

Idem Authent. vt Ecclesia Romana centum anno-
rum gaudeat præscript. *Vt legum originem Roma anterior
sortita est: ita & summi Pontificatus apicem apud eam esse
nemo est qui dubitet. Vnde & nos necessarium duximus pa-
triam legum, fontem sacerdotij speciali nostri numinis lege
illustrare &c.*

Ex quibus patet, diu ante Phocam, Primatum Ro-
mani Pontificis ab Imperatoribus fuisse agnitum: ac pro-
inde falsum esse hæreticorum commentum eum à Phoca
primùm concessum.

VII. PROBATIO.

Ex varijs rationibus & indicijs.

31.

AUTHORITAS & Iurisdicção Principis, ex vsu,
functionibus, & effectis elucet. Si esset aliquis
Princeps politicus, qui plurimis sæculis orbi de-
disset leges, Regibus particularium regnorum posuisset
præcepta, statuisset poenas, abdicasset inobedientes, con-
firmasset electos, restituisset iniquè expulsos, indixisset
comitia,

VARIIS RAT. ET INDIC. 55

comitia, appellationes ex omnibus Prouincijs admississet, iudicia retractasset, sententias roborasset vel in irritum reuocasset, causas grauiores vbique emergentes suo tribunali reseruasset; & hæc omnia miro regnorū & populoꝝ omniū consensu fecisset: quis dubitare posset de talis Principis in totum orbem Primatu & Iurisdictione? quis non diceret illum esse Regum Regem, & Iudicem? Itaq; cū Romanos Pontifices hæc omnia omnibus sæculis, in tota Ecclesia fecisse cōstet: nemo sanæ mentis de eius Primatu & Iurisdictione in totam Ecclesiā, ambigere potest.

P R I M A R A T I O

Ex Legibus & Præceptis.

Primū enim, præscribere leges & dare præcepta, certissimum signū est Iurisdictionis; præsertim cū ipsa ratio Iurisdictionis potissimū in potestate præcipiendi consistat. Atqui constat iam inde ab initio Ecclesiæ nascentis Romanos Pontifices toti Ecclesiæ, & Episcopis aliarum Prouinciarum dedisse leges, ac mandata. Plerique enim singulis sæculis Decretales Epistolas ad varias Prouincias scripsere; quibus quid vel in fidei questionibus credendum sit, aut in cultu diuino & moribus seruandum, ex autoritate declarant; vel varia de varijs rebus ad bonum Ecclesiæ pertinentibus statuunt, ordinant, & præcipiunt: vt de ratione in iudicijs Ecclesiasticis seruanda; de ritibus cultus diuini, & Sacramentorum; de Ecclesiarum gubernatione; de correptione morum in clero, aut populo; de fidei integritate retinenda, & alijs huiusmodi, quæ ad formam Ecclesiæ, vel salutem animorum spectant. Ostendam id aliquot exemplis.

Euaristus epist. 1. ad Episcopos Africa, præscribit quomodo incunda sunt Christianis connubia. Epist. 2. ad E-

ad Episcopos Aegyptios, statuit vt Episcopus Ecclesiam suam non dimittat, nec sua dimissa alteram capessat. Vt sententiam non ferat nisi re antea diligenter discussa. Alexander epist. ad omnes orthodoxos; praescribit in sacrificio miscendam aquam vino; populum aqua benedicta adspargendum; & quomodo hæc conficienda. Sixtus statuit sacra vasa non nisi à sacratis ministris contrectanda; & alia quædam circa liturgiam. Telephorus in epist. decretali ad vniuersam Ecclesiam, statuit vt clerici septem hebdomadas plenas ante Pascha à carnibus abstineant; & vt nocte Natiuitatis Dominicæ tres missas celebrent. Pius statuit Pascha die Dominico post decimam quartam lunæ celebrari, & varios canones poenitentiales sancit. Anicetus epist. ad Episcopos Galliarum quædam praescribit de ordinatione Archiepiscoporum, & habitu Clericorum. Soter epist. 2. ad Episcopos Italix multa constituit circa cultum diuinum, & præcipit ab omnibus seruari. Eleutherius instruit Provincias Galliarum, nullas escas vt immundas refutandas: Britannis petente Lucio eorum Rege, ministros Euangelij mittit, & Episcopos ordinat. Fabianus epist. ad Orientales quotannis chrisma in die Cœnæ Domini conficiendum, & vetus cremandum. *Ista, inquit, à sanctis Apostolis & eorum successoribus accepimus, & vobis seruanda mandamus.* Ter, vt minimum, quotannis omnibus fidelibus communicandum. Cornelius ep. ad Rufum Episcopum Orientalem vetat ab Episcopis, & Dei ministris exigi iuramentum, nisi pro recta fide. Item iuramentum à ieiuniis nuncupandum. Lucius epist. 1. ad Episcopos Galliarum & Hispaniarum, excommunicat eos qui bona Ecclesiæ occupant, vel Ecclesijs vexationem inferunt. Decernit vt ministri altaris Presbyteri, & Diaconi non eligantur, nisi qui continentiam seruant, & alia quædam circa conuersationem Clericorum cum feminis.

Et

Et vt antiquiores omittā , quàm multa statuit Syluester , Iulius primus , Felix secundus , Damasus , Siricius , Zosimus , Anastasius , Innocentius , Leo , Pelagius & Gregorius magnus , ad vniuersam Ecclesiam , vel ad exterās Prouincias pertinentia ? Quàm saepe præscribunt quid credendum , quid in moribus , & vsu tenendum & seruandum ? Quanta authoritate Episcopis aliarum Prouinciarum dant præcepta ? Denique omnibus sæculis multæ Decretales à Romanis Pontificibus editæ , quæ huiusmodi præscriptis , & mandatis sunt plenæ .

SECUNDA RATIO ,

Ex pœnis .

2. **N**Eque solùm leges & præcepta alijs omnibus dedere , sed etiam minas & pœnas in præuaricatores addidere , easque sæpius sunt executi : quo nullum potest esse certius argumentum Iurisdictionis & potestatis coactiuæ . Anicetus epist. ad Episcopos Galliæ , iubet Metropolitanum , qui non seruat rationem in Iudicijs præscriptam , ad Sedem Apostolicam deferri ; vt , inquit , *vindicta de eo fiat , & ceteri timorem habeant* . Liberius epist. ad Athanasium . *Nulli liceat statum sanctæ Ecclesiæ commouere absque sui periculo honoris* . Innocentius 1. epist. 17. Arcadium Imperatorem & eius Vxorem , longissimè absentes , nimirum Constantinopoli agentes , excommunicat , quòd Chrysostomum restitui non permisissent , vt Innocentius iusserat ; & omnes Episcopos , ac Clericos communionem sacram illis porrigentes , dignitate priuat . Zosimus præscribit legem circa ordinationem ministrorum , & tam ordinantem , quàm ordinatum , qui contrà fecerit , ab executione sacerdotij suspendit : *Vterque* , inquit , *Sacerdotio se carere cognoscat* . Celestinus epist. ad Cyrillum Alexandrinum , mandat Cyrillo , vt

33.

H

nisi

nisi Nestorius intra decem dies resipiscat autoritate Sedis Apostolicæ alium eius loco in Ecclesia Constantinopolitana substituat. Leo 1. Epist. 80. ad vniuersos Episcopos Campaniæ, cùm quædam scripssisset de tempore solemnisi baptismi, addit: *Si quis post hoc interdictum, in eadem fuerit usurpatione detectus, dignam pertinaciæ suæ incidet ultionem.* Hilarius PP. in Concil. Romano. *Nulla fas sit absque status sui periculo, vel diuinis constitutionibus, vel Apostolica Sedis decreta temerare.* Vigilus epist. 1. ad Eutherium Episcopum, cùm ostendisset deferendum esse appellationi ad Sedem Apostolicam, addit: *Cuius tramiti si quis obuiauerit sacerdotum, causas se non sine honoris sui periculo, apud eandem Sedem nouerit redditurum.* Pelagius 2. cum irritasset acta Synodi Constantinopolitanæ illegitimæ, addit. *Vos quoque deinceps nullius horum talia præsumatis, si Apostolica Sedis communionem carere non vultis.* Gregorius magnus lib. 2. epist. 37. aperte insinuat se quemuis ex quatuor Patriarchis, culpa exigente, punire posse. Lib. 7. epist. 64. Dicit omnes Episcopos Sedi Apostolicæ esse subiectos, si culpam aliquam admitterint.

34.

Neque solum pœnas suis legibus sunt minati, sed etiam sæpissime sunt executi. Nam præter excommunicationis sententiam in Episcopos aliarum prouinciarum, & in summos Principes sæpius latam, non rarò Episcopos suo gradu deiecerunt, & Episcopali dignitate priuarunt, alijs in eorum locum subrogatis.

Damasus deposuit Flavianum Patriarcham Antiochenum, teste Theodoretto lib. 5. historiæ cap. 23. Leo 1. Dioscorum Patriarcham Alexandrinum. nam actione tertia Concil. Chalcedonenfis per legatos Leonis consentiente Concilio, spoliatus est omni dignitate Episcopali, & omni ministerio sacerdotali abdicatus. Vnde Gelasius Epistola ad Episcopos Dardaniæ: *Dioscorum se-*

Secunda Sedis Prasulem sua autoritate Sedes Apostolica damnauit. Sixtus 3. deposuit Polychronium Episcopum Hierosolymitanum per Leonem Archidiaconum (qui postea fuit Papa Leo primus) quem eam ob causam Roma in Orientem miserat ; vt patet ex actis Sixti 3. Denique multi Episcopi Constantinopolitani per Romanos Pontifices gradu suo deiectioni fuere: Ex quibus vt paucos commemoramus (inquit Nicolaus primus epist. ad Michaëlem Imperatorem) nonne Maximus, postquam multum à Damaso Papa laboratum est, Constantinopoli pulsus est? Nonne Nestorius? Nonne Acacius? Nonne Anthimus, Sergius, Pyrrhus, Paulus, Petrus, Sedis Apostolica discurrentibus consultationibus ac decretis, eiectioni sunt? Et Gelasius in commonitorio ad Faustum: In hac ipsa causa Timotheus Alexandrinus, & Petrus Antiochenus, Petrus, Paulus, Ioannes, & ceteri sola Sedis Apostolica autoritate sunt deiectioni; cuius rei testis est ipse Acacius, qui preceptionis huius exitit executor.

Præterea Damasus abdicauit Apollinarem & Timotheum, teste Theodoro l. 5. hist. c. 10. Leo epist. 87. priuat Hilarium Viennensis Prouinciæ potestate, quia Sedi Apostolicæ rebellis fuerat.

Gregorius magnus cum apud illum accusatus esset Maximianus Africae Episcopus, mandat Columbo Episcopo Numidiæ, vt adunato Episcoporum Vniuersali Concilio, si reus conuincatur, à dignitate officioque degradetur: vt constat ex l. 2. epist. 33.

Idem Gregorius quemdam Hispaniæ Episcopum, qui in Ecclesia alterius Episcopi adhuc viuentis ordinari præsumperat, priuat sacerdotio & omni Ecclesiastico ministerio, & iubet haberi in custodia, vel ad se Romam transmitti. Episcopos qui illum ordinarant, sex mensibus priuat sacra comunione, & addicit poenitentiam in monasterio: vt patet l. 11. epist. 50. & 53. Idem per

Vicarium deponit Anastasium Episcopum in Græcia; & punit eius Clericos lib. 4. epist. 50. Præterea exempla alia plurima, ex quibus perspicuum est, quâta semper in omnes Romani Pontificis fuerit potestas; ut qui omnibus potuerit dare leges & præcepta, & omnes non obtemperantes castigare.

TERTIA RATIO,

Ex Vicarijs.

35. 3. **P**robare potest autoritas suprema Summi Pontificis ex eo, quod in alijs Prouincijs constituere solet Vicarios, qui nomine ipsius visitarent, præessent, causam cognoscerent, & similia Iurisdictionis munia obirent, qui modo dicuntur Nuntij Apostolici, vel Legati. hi omnes Prouinciæ Episcopos antecedeabant; in omnes auctoritatem habebant.

Basilii epist. 52. dicit scribendum ad Damasum, ut auctoritate Apostolica mittantur aliqui, qui visitent Ecclesias Orientis, & corrigant, quæ ibi corrigenda. Cælestinus Papa vices suas in causa Nestorij committit Cyrillo, & mādāt, ut Nestorio Episcopo Constantinop. deposito, alium in eius locum præfici curet: ut constat ex epist. ipsius ad Cyrillum. Zosimus epist. ad Vniuersos Episcopos per Gallias, Arelatensem præficit toti Gallia in causis Ecclesiasticis.

Leo epist. 84. apertè indicat Episcopos Thessalonicenses solere esse Vicarios Sedis Apostolicæ in regendis Ecclesijs Orientalibus. *Sicut*, inquit, *prædecessores mei prædecessoribus tuis; ita etiam ego dilectionem tuam, priorum secutus exemplum, vices mei moderaminis delegavi, ut curam, quam vniuersis Ecclesijs principaliter ex diuina institutione debemus, adiunares, & longinquis ab Apostolica Sede Prouincijs, præsentiam quodammodo nostræ visitationis*

rationis impenderes. Et infra. Vices enim nostras ita tua credimus Charitati, ut in partem sis vocatus sollicitudinis, non in plenitudinem potestatis &c. Epist. 87. ad Episcopos Africæ, committit vices suas Potentio per Mauritaniæ Cæsariensem. Cùm, inquit, de ordinationibus sacerdotum quadã apud vos illicitè usurpata, crebrior ad nos cõmeantium sermo perferret: ratio pietatis exigit, ut pro sollicitudine, quam vniuersa Ecclesia ex diuina institutione impendimus, rerum fidẽ studeremus agnoscere, vicem cura nostra fratri, & sacerdoti nostro Potentio iniungentes, qui de Episcopis, quid veritas haberet, inquireret, & nobis omnia fideliter indicaret &c.

Simplicius Papa commisit Acacio Episcopo Constantinop. vices suas in disponendis negotijs Ecclesiæ Alexandrinæ, & Patriarcha Alexandrino deponendo: ut constat ex epist. Simplicij ad Acacium, & Acacij responsio. Et ex epist. Gelasij ad Episcopos Dardaniæ.

Hormisdæ epist. 4. Salustium Hispalensem Episcopum constituit suum Vicarium per Bæticam, & Lusitaniam, monens ut vbique Patrum decreta seruari faciat.

Vigilius epist. ad Episcopos Gallix. *Auxentio fratri & Cœpiscopo nostro Arelatensis ciuitatis Antisliti, vices nostras Charitas vestra nos dedisse cognoscat.* Ibidẽ dat ei potestatem cogendi Synodum quoties iudicauerit expedire, mandans authoritate Apostolica, ut omnes illi obtemperet: & nemo sine eius epistola formata ad longinquiora loca audeat proficisci. Idem Episcopum primæ Iustinianæ constituit suum Vicarium in Prævincijs Daciæ Mediterraneæ, & Daciæ Ripensis, item Triballiæ, ac Dardaniæ, Mysiæ superioris, & Pannoniæ: ut colligitur ex Nouella Iustiniani 131.

Pelagius 1. vices suas per Gallias cõmittit Sepaudo Arelatensi. *Sedis, inquit, nostra Vicarius institutus ad in-*

star nostrum in Galliarum partibus primi Sacerdotis locum obtineas : & quidquid ad gubernationem, vel dispensationem Ecclesiastici status gerendum est, seruatis Patrum regulis, & Sedis Apostolica constitutis, diuini iudicij consideratione dispenses &c.

Gregorius lib. 2. epist. 33. vices suas committit Columbo Episcopo Numidix in Africa. & lib. 11. epist. 50. Ioanni defensori eunti in Hispaniam. lib. 4. epist. 52. Virgilio Arelatensi per Galliam. lib. 10. epist. 36. scribens Episcopo Scodritano. *Ioannes*, inquit, *prima Iustiniana Episcopus seruat vices nostras &c.* Martinus primus vices suas cum magna potestate in prouincijs Orientis delegat Episcopo Philadelphix, vt liquet ex epist. eius 10. & 11.

Ex quibus patet Romanos Pontifices in longissimè diffitis Prouincijs suos Vicarios habuisse : quod est clarissimum supremæ Iurisdictionis argumentum. Quanta autem hi Vicarij Pontificis haberent auctoritatem, & quanta præsidia ad exequendum quod statuerant ; patet ex epistola 261. S. Augustini ad Cælestinum. & ex epist. 88. S. Leonis, & ex S. Gregorij lib. 11. epist. 50. Præsto enim illis erat apparitura sæcularis, & subsidium Præfeutorum Prouinciæ, vt ex prædictis authoribus constat.

Q V A R T A R A T I O ;

Ex reservatione causarum grauiorum.

36. 4. **P** Robatur eadem auctoritas ex eo quòd causæ Episcoporum in quibus agebatur de eorum depositione, vel translatione, & alix maioris momenti, semper fuerint Apostolicæ Sedi, per totam Ecclesiam Catholicam reseruata: quod etiam est signum euidentis supremæ illius auctoritatis, & subiectionis aliorum. Qui enim

enim non habet in alios Iurisdictionem, non potest eorum causas, & lites suæ cognitioni reservare: vt per se notum est.

Sixtus 2. *Sedis Apostolica dispositioni omnes maiores Ecclesiasticas causas, & Episcoporum iudicia, antiqua Apostolorum eorumque successorum, atque canonum auctoritas reservauit.* Marcellus primus epist. ad Episcopos Antiochenæ Prouinciæ. *Ad quam (Petri Sedem) cuncta maiora Ecclesiastica negotia, diuina dissonante gratia, iussa sunt reservari.* Et infra. *Episcoporum iudicia, & summarum causarum negotia, Apostolica Sedis auctoritate sunt agenda, & finienda.* Melchiades ad Episcopos Hispaniæ. *Episcopos nolite iudicare, nolite condemnare absque huius Sedis auctoritate: quod si feceritis, irrita erunt vestra iudicia, & vos condemnabimini. hoc enim privilegium huic sanctæ Sedi à temporibus Apostolorum statutum est seruari, quod illasum manet usque in hodiernum diem.*

Similia habet Alexander primus, Sixtus primus, Anicetus, Eleutherius, Victor, Zephyrinus, & alij! Sæpè enim hoc primis illis sæculis erat ingerendum, vt rectus iudiciorum ordo statueretur. Eadem habet Iulius 1. epist. 1. & 2. Felix 2. epist. 1. ad Athanasium, & ceteros Aegypti Episcopos. Damasus epist. 2. ad Stephanum, & ad Concilia Africa. Innocentius primus epist. 2. ad Victoricium Rathomagensem. *Si maiores, inquit, causæ in medium fuerint deuolutæ, ad Sedem Apostolicam sicut Synodus statuit, & beata consuetudo exigit referantur.*

Leo epist. 88. apertè indicat maiores causas Ecclesiæ solere Sedi Apostolicæ seruari, etiam si ipsa Vicarios in Prouincias longè distitas mitteret. Vigilius epist. ad Eutherium Episcopum. *Omnium appellantium Apostolicam Sedem Episcoporum iudicia, & maiorum negotia causarum eidem sanctæ Sedi reservata esse liquet &c.* Gregorius magnus lib. 4. epist. 52. referuat sibi maiores causas per Galliam

Galliam. & epist. 50. ad Episcopum Corinthiorum dicit Vicarium suum, deposito Anastasio, ex sua commissione quorundam causas referuasse Sedi Apostolicæ.

QVINTA RATIO,

Ex Iure appellationis, & retractatione iudiciorum aliorum Episcoporum.

37. 5. **P**robatur hæc suprema autoritas ex eo quod semper licuerit ex omnibus Prouincijs ad Sedem Apostolicam appellare: & ipsa aliorum sententias solita sit vel confirmare vel in irritum reuocare: restituendo in suas Sedes eos qui iniquè pulsi fuerant. Vnde perspicuè colligitur, Pontificem Romanum in tota Ecclesia semper habitum supremum omnium Iudicem, qui omnibus personam Christi tamquam Vicarius repræsentaret. Ius esse omnibus ad Sedem Apostolicam appellare, affirmant omnes suprà in probatione 4. citati. Adducam verba paucorum, quæ etiam ab aduersarijs non negantur. Innocent. primus epist. 2. ad Victorium. *Si quæ causa vel contentiones inter clericos fuerint exortæ, ut secundum Synodum Nicenam congregatis eiusdem Prouinciæ Episcopis iurgium terminetur: nec alicui liceat (sine præiudicio tamen Romana Ecclesia, cuius in omnibus causis debet reuerentia custodiri) relictis Episcopis eiusdem Prouinciæ, ad alias Prouincias conuocare.* Hic aperte indicat, etiamsi non liceat ad alios extra Prouinciā appellare, semper tamen posse appellari Sedem Apostolicam.

Leo epist. 92. ad Episcopos Prouinciæ Viennensis
 „ c. 2. Nobiscū vestra fraternitas recognoscat Apostolicā
 „ Sedem pro sui reuerentia à vestra etiam Prouinciæ sacer-
 „ dotibus innumeris relationibus esse consultam, & pro
 „ diuersarum (quemadmodū vetus consuetudo poscebat)
 „ appellatione causarum, aut retractata, aut confirmata
 fuisse

fuisse iudicia.] Et infra. Sed hunc tramitem semper inter maiores nostros seruatum, & bene tentum, & salubriter institutum, Hilarius Ecclesiarum statum nouis præsumptionibus turbaturus excessit &c.] Fuit ergo, testimonio S. Leonis, hæc cōsuetudo ab initio Ecclesiæ semper seruata.

Gelasius epist. 2. ad Episcopos Dardanix. *Cuncta per mundum nouit Ecclesia, quoniam quorumlibet sententijs ligata Pontificum, Sedes B. Petri Apostoli ius habeat resol- uendi, utpote quæ de omni Ecclesia fas habeat iudicandi: neque de eius liceat iudicare iudico. Siquidem ad illam de qualibet mundi parte canones appellari voluerunt. ab illa autem nemo sit appellare permissus. Eadem habet & quidem fufus in communitario ad Faustum fungentem legatione Constantinopoli.*

Vigilius epistola ad Eutherium Episcopum. vide supra probat. 4. Nicolaus primus epist. 8. ad Michaëlem Imperatorem. Omitto posteriores. constitutum autem id fuit in Concilio Oecumenico Sardicensi circa annum Domini 351. can. 4. & 7. Canone 4. sic habetur: *Si aliquis Episcopus iudicatus fuerit in aliqua causa, & putat se bonam causam habere, ut iterum iudicium renouetur; si vobis placet S. Petri Apostoli memoriam honoremus, ut scribatur ab his qui causam examinarunt, Romano Episcopo: & si iudicauerit renouandum iudicium, renouetur, & det Iudices. Si autem probauerit talem esse causam, ut non refricentur quæ acta sunt; quæ decreuerit confirmata erunt. & respondit tota Synodus, Placet.*

38.

Canone 7. Placuit, ut si Episcopus accusatus fuerit, & iudicauerint congregati Episcopi regionis ipsius, & de gradu suo eum deiecerint; si appellauerit qui deiectus est, & confugerit ad Episcopum Romanæ Ecclesiæ, & voluerit se audiri; si iustum putauerit, ut renouetur iudicium, vel discussionis examen, scribere his Episcopis

I

digne-

» dignetur , qui in finitima , & propinqua Prouincia sunt ,
 » vt ipsi diligenter omnino requirant , & iuxta fidem ve-
 » ritatis definiant . Quod si is qui rogat causam suam ite-
 » rum audiri , deprecatione sua mouerit Episcopum Ro-
 » manū , vt è latere suo Præsbyterū mittat , erit in pote-
 » state Episcopi Romani quid velit , & quid æstimet . Et
 » si decreuerit mittendos esse , qui præsentes cum Episco-
 » pis iudicent , habentes eius authoritatem à quo destinati
 » sunt , erit in suo arbitrio . Si verò crediderit Episcopos
 » sufficere , vt negotio terminum imponant , faciet quod
 » sapientissimo consilio suo iudicauerit .

- 39 . Vbi notandū , nihil hic Episcopo Romano præcipi ,
 nec vllum Ius nouum illi tribui in appellationibus ad-
 mittendis ; sed tantū id agi , ne Episcopi Prouinciæ ,
 qui causam iudicarunt , appellantem impedian , sed ob
 honorem Sedi B. Petri debitum , appellationi deferant :
 & rogari Romanum Pontificem , vt iudices vicinos as-
 signet , vel etiam è suo latere mittat . His accedit perpe-
 tuus Ecclesiæ vsus . Basilides enim Episcopus Hispaniæ
 ob sua crimina priuatus Episcopatu à Synodo , confugit
 Romam ad Stephanum Papam , & falsis narrationibus
 cum fallens , curauit se ab eo in Episcopatum restitui :
 vt refert Cyprianus epist . 68 . *Basilides* , inquit , *Roma-*
m pergens collegam nostrum longè positum , & gesta rei ,
& tacita veritatis ignarum fefellit , vt ex ambiret reponi se
iniusè in Episcopatu , de quo iusè fuerat depositus . Hanc
 restitutionem vult Cyprianus esse inualidā , non ob de-
 fectum potestatis , sed quia fraude extorta ; vnde dicit Ste-
 phanū excusandū . Rursus Fortunatus & Felicissimus E-
 piscopi Africani excōmunicati à Synodo in Africa , Ro-
 mā se conferunt ad Cornelium Papam , ibi causam suam
 acturi . Vnde Cyprianus epist . 55 . ad Cornelium Papā
 multis agit , vt causa eorum non Romæ , sed in Africa di-
 scutiatur , vbi facile accusatores & testes haberi possunt .
 Marcel-

Marcellus Ancyrae Episcopus in exilium eiectus, quod videretur cum Sabellio sentire, appellauit ad Iulium Papam, & Romam se conferens, rogauit Pontificem, vt suos accusatores Romam accerferet, & ibi eius causa discuteretur. ita Epiphanius hæresi 72. Eodem tempore Athanasius Alexandrinus, & Paulus Constantinopolitanus depositi à Synodo Antiochena, Romam ad Iulium Papam se receperunt, & curarunt suos aduersarios Romam citari, qui cum non comparerent absoluti fuere, & suis sedibus autoritate Romani Pontificis restituti: qui etiam minatus est Orientalibus se in posterum non passurum eos inultos esse, nisi nouis rebus studere desisterent. ita refert Sozomenus l. 3. c. 7. & Socrates l. 2. c. 11. Et quidem hæc omnia ante Synodum Sardicensem facta, vt ex Socrate constat.

Instantius, Saluianns, & Priscillianus in Synodo Cæsaraugustana damnati, Romam profecti sunt ad Damasum Papam, vt apud eum causam agerent, & obiecta purgarent. verum Damasus conscius criminum ipsorum, eos non admisit: vt scribit Seuerus Sulpitius l. 2. historię sacrę. Ioannes Chrysostomus à Theophilo Alexandrino depositus, confugit ad Innoc. Papam, rogans illum vt acta Synodi rescinderet, & aduersarios suos pœnæ Ecclesiasticæ subijceret, & se suæ Ecclesiæ restitui iuberet: vt constat ex epistola ipsius ad Innocentium Papam.

D. Augustinus epist. 261. adfert tria exempla Episcoporum sui temporis ex vna Africæ Prouincia, qui à Synodo in Africa damnati, ad Sedem Apostolicam appellarunt: qui etiam spoliati fuere administratione, retento solo titulo Episcopi.

Theodoretus à Synodo Ephesina secunda depositus, appellauit ad Leonem Papam. *Ego*, inquit, *susfragium Sedis Apostolicæ expecto, & supplex oro atque obsecro*

secro Sanctitatem vestram, ut ea me tribunal vestrum iustum ac rectum appellanti defendat ac protegat. Porro Leo discussa eius causa illum absoluit, & suæ Ecclesiæ restituit. Vnde in Concilio Chacedonensi act. 1. dicitur à Patribus: *Ingredietur & Reuerendissimus Episcopus Theodoretus, ut sit particeps Synodi, quia restituit ei Episcopatum Sanctissimus Archiepiscopus Leo.* Adeumdem Leonem appellauit quoq; Flavianus Episcopus Constantinopolis, teste Liberato in Breuiario cap. 12. Idè Leo epist. 87. scribit ad Episcopos Mauritanæ, se Lupicino Episcopo communionem restituisse, eò quòd Sedem Apostolicam appellasset.

Honoratus Archidiaconus ab Episcopo Salonitano in Dalmatia Archidiaconatu priuatus, confugit ad Gregorium magnū. Gregorius monet Episcopum, ut Archidiaconum suo loco restituat: alioquin se quòd iustum est decreturum. Cùm Episcopus non pareret, priuat illum pallio, & communione: & si pergat minatur depositionem. vide lib. 2. epist. 14. 15. 16. 17. Idem Ioannem Episcopum primæ Iustinianæ, cassatis eius decretis & actis, priuat communionem sacra per triginta dies, eò quòd Adrianum Thebanæ Ciuitatis Episcopum, Sedem Apostolicam appellantem, ausus fuisset deponere: & eumdem Episcopum in suum gradum restituit. Wilfridus Episcopus Eboracensis, regnate Egfrido pulsus Episcopatu, Romam confugit, coram Apostolico Papa Agathone causam dicturus, à quo absolutus est, & ad Sedem suam remissus: ut scribit Beda l. 5. historiæ gentis Anglorum cap. 20.

40.
An Afri-
cani se op-
posuerint
appella-
tioni.

Nec obstat quòd Patres Concilij 6. Africani videantur se huic appellationi opposuisse. 1. Quia non negant Pontificem Romanum habere ius admittendi appellationes Episcoporum Africanorum; imò id satis aperte fatentur, cùm in epistola ad Cælestinum Papam sic scribunt

bunt: *Impendiò deprecamur, vt deinceps ad vestras aures hinc venientes non faciliè admittatis.* Rogant, non impetrant; quod tamè facerent, si putarent hoc ius indebitè in ipsos vsurpari. Deinde non rogant vt numquam nullo euentu, sed ne faciliè admittat: nimirum nisi grauissima causa subsit. Itaque ius appellationis agnoscunt, sed eius vsum ordinariè censent non expedire suæ Prouinciæ. multò enim faciliùs & certius posse causam cognosci ab Episcopis in Prouincia, vbi accusatores & testes suppetunt, quàm Romæ. Et sanè molestissima est appellatio, nulloque modo admittenda, quando crimina, ob quæ quis damnatus est à suo iudice ordinario, sunt manifesta, & pœna mensuram delicti non excedit. vnde Cyprianus epist. 55. fusè agit aduersus huiusmodi appellationes, easque docet nò admittendas: nihilominus quàm necessaria sit interdù appellatio, etiam à sententia Synodi Prouincialis, ostendunt exempla Athanasij, Pauli, Chrysostomi, Theodoret, & similia suprà allata. 2. Quia Episcopi Africani, si quis bene aduertat, non recusant appellationes ad Sedem Apostolicam, sed solùm deprecantur duos modos prosequendi: cùm enim tribus modis Romanus Pontifex posset prosequi appellationem. 1. deputando Iudices in Prouincia, vel locis vicinis. 2. causam auocando Romam. 3. mittèdo aliquos è suo latere, qui cognitioni in Prouincia præessent: illi non recusant primum, sed solùm deprecantur secundum & tertium; vt manifestum est ex illorum epistola. Iudicium enim transmarinum detrectant, quòd testium necessaria personæ ob sexus vel senectutis infirmitatem, aliæque impedimenta (ò adduci non possent: Legatum à latere, quòd hi interdum nimia vterentur autoritate, & manu militari sua decreta exequerentur; vt colligitur ex eadè epistola, vbi rogant Celestinum ne executores mittat cum potentia se-

culari . & ex epistola D. Augustini 261. 3. Episcopos Africanos manifestè fuisse deceptos . ita enim scribunt . *Nam ut aliqui tanquam à tua Sanctitatis latere mittantur , nulla inuenimus Patrum Synodo constitutum* . Et si enim id modò non reperiatur in Synodo Nicena : tamen expressè habetur in Synodo Sardicensi can . 7 . quam fuisse Oecumenicam constat ex Athanasio , apologia 2 . in principio , & Hilario lib . de Synodis . adfuerunt enim plusquam 300 . Episcopi ex 36 . Prouincijs totius orbis . & Legati Iulij Papæ teste eodem Athanasio . Vnde in fine Concilij dicitur : *Vniuersa qua constituta sunt , Catholica Ecclesia in vniuerso orbe diffusa custodiat* . Vnde autem contigerit Africanos Patres huius Synodi decreta ignorare , cùm tamè Primas Africæ cū 30 . Episcopis Africanis illi interfuerit . item an Zosimus errauerit , canonem Synodi Sardicensis tribuendo Nicenæ , vide Baronium ad annum Domini 419 .

VI. R A T I O ,

Ex autoritate ipsius in Concilijs .

41. 6. **E** Minet suprema autoritas Romani Pontificis in Cōcilijs Oecumenicis . Ipsius enim est illa indicare , illis præsidere , illorum decreta confirmare , vel reprobare : adeo v; sine ipsius autoritate , nullum Concilium celebrari possit , nullum robur habeat : quod est apertissimum signum supremæ autoritatis . Sicut enim in regno politico nemini ius est indicendi Comitia generalia , nisi supremo regni moderatori : ita neque in regno Christi .

Non posse Cōcilia sine autoritate Romani Pontificis celebrari , constat ex multis veterum testimonijs . Marcellus primus epist. 1 . ad Episcopos Antiochenæ Prouinciæ scribit , fuisse constitutum ab Apostolis ut
nulla

nulla Synodus fieret, præter autoritatē Sedis Romanæ.

Iulius 1. epist. 1. ad Episcopos Orientales: *Ipsi primæ Sedis Ecclesia convocandarum generalium Synodorum iura, & Episcoporum iudicia, singulari privilegio, Evangelicis & Apostolicis, atque Canonicis concessa sunt institutis &c.* Idem constitutum fuit in Synodo Nicena teste Iulio in eadem epistola. Eiusdem canonis meminit Socrates lib. 2. c. 13. referens Iulium Papam reprehendisse Synodum Orientalem, *Quòd contra canones egissent Synodum celebrando ipso non vocato: cùm Ecclesiasticus canon iubeat, ne absque sententia Romani Pontificis canones Ecclesijs sanctantur.* Sic enim vertendum videtur illud, *μη δειν, παρὰ τῶν ἐκκλησιῶν ἐπισκοπῶν ἁγιοποιεῖν τὰς ἐκκλησίας*: siue vt Nicephorus lib. 9. cap. 5. habet, *τὰς ἐκκλησίας (ωδοικῶς ἁγιοποιεῖν)*. Cassiodorus lib. 4. historiæ tripartitæ cap. 9. vertit *Concilia indicere*, alij *Canonicum conuentum convocare*. sed ferè in idem redit. Nam sicut non possunt canones Ecclesijs præscribi absque sententia Romani Pontificis, vt ubique fidei, & cultus diuini, sacræque religionis seruetur vniformitas: ita nec Concilia in eum finem indicati. Ridiculè prorsus Centuriatores Magdeburgenses verba illa Socratis interpretantur de Ecclesiarum dedicatione: quasi *ἁγιοποιεῖν τὰς ἐκκλησίας*, sit Ecclesias cōsecrare. quid enim hoc ad propositū Iulij, & causam Synodi Antiochenæ? Non enim illos reprehendit Iulius, quòd Ecclesiam aliquam consecrassent, sed quòd se inconsulto Synodum ad statuendum de rebus fidei coegissent, & Athanasium è gradu suo deiecissent. deinde si canon Ecclesiasticus iubet ne tantilla res, nimirum consecratio Ecclesiæ, absque consensu Romani Pontificis fiat, vt ipsi volunt: quomodo permittit vt Synodici conuentus, quæ res tanti est momenti, illo inconsulto agantur? Omitto quòd consecrare, dedicare Ecclesias, Græci dicant *ἁγιοποιεῖν, ἱεροποιεῖν, non ἁγιοποιεῖν*.

Eiusdē

Eiusdem meminit Sozomenus lib. 3. histor. c. 9. ubi dicit : *esse legem Sacerdotalem (virescens) qua decernuntur inualida esse, qua prater mentem Romani Pontificis acta fuerint.*

In Synodo Chalcedonenſi act. 1. accusatur à Vicario Sedis Apostolicæ Dioscorus : *Quod ausus sit Synodum facere sine auctoritate Sedis Apostolica : quod, inquit, numquam licuit, numquam factum est.*

In Synodo 3. sub Symmacho, Episcopi Romæ à Theodorico Rege conuocati, responderunt Regi : *Papam debere Synodum conuocare, quia eius Sedi Petri principatus & Conciliorum auctoritas singularem in Ecclesijs tradidit potestatem.* Denique Pelagius 2. epist. ad Synodum Constant. dicit esse Apostolicam constitutionem. *Multis, inquit, Apostolicis & Canonicis instruimur regulis, non debere absque sententia Romani Pontificis Concilia celebrari.*

42.

Imperator
quomodo
possit Synodum
conuocare.

Nec obstat quod Imperatores interdum legantur Synodos conuocasse. Id enim non fecerunt, nisi ex consensu Romani Pontificis, qui ea in re utebatur Imperatorum opera. Hæc enim erat necessaria ob multas causas. 1. quia multi Episcopi ex locis remotis noluisſent venire, nisi auctoritate Imperatoris, cui penè totus orbis Christianus parebat, fuisset compulsi. Deinde, quia plerisque deerant facultates, ad tam longinquas profectio- nes. itaque sumptu publico illis vehicula & alimenta erant præbenda, quod insinuat Epiætetus Episcopus Arianus, qui cum Liberius Papa peteret à Constantio fieri Synodum Alexandriæ in causa Athanasij, ad diuertendum Imperatorem, respondit : *Ad Episcopos cò conuendendos, publicæ vecturæ Prouinciæ non sufficient; ut refert Theodoretus l. 2. hist. cap. 16. 3.* Quia Imperator locum Concilio assignare debebat. non enim poterant, nisi cum bona ipsius venia, tanti ex toto orbe conuentus

conuentus in aliquo ipsius oppido fieri. Denique Conciliū in multis aduersus hæreticos & malignos homines egēbat ipsius protectione & auxilio; tum vt Patres possent tunc conuenire & discedere, tum vt omnia tranquille & absque turbis transigerentur, tum vt damnati suis Sedibus pellerentur, iniquè depulsi restituerentur, & decreta Concilij executioni mandarentur. Itaque vterque ad Concilij conuocationem concurrebat: Romanus Pontifex vt author Principalis, qui sua auctoritate ceteros posset obligare, & cuius consensus erat necessarius, vt Synodus cēseretur legitima: Imperator vt generale instrumentum, sine quo non posset fieri executio. Sic Nicenuni primum congregatum fuit à Constantino & Syluestro; vt habetur actione 18. Synodi sextæ. Sardicense à Iulio primo, opera Constantis Imperatoris, & Constantij; vt colligitur ex Socrate l. 2. hist. c. 16. Constantinopolitanum primum à Damaso, opera Theodosij; vt habetur in epistola huius Concilij ad Damasum, quam refert Theodoretus lib. 5. histor. c. 9. Ephesinū primum auctoritate Cælestini, teste Prospero in chronico. Chalcedonense auctoritate Leonis primi, opera Martiani Imperatoris; vt colligitur ex epistola Leonis 93. cap. 17. Et ex epistola Martiani ad Leonē Papam, & Gelasij ad Episcopos Dardaniæ. Si penes Imperatorem primaria auctoritas conuocandæ Synodi esset, pessimè consultum foret Ecclesiæ. nam postquam Imperiū in multos Reges est diuisum, nulla ampliùs Synodus generalis cogi posset. Episcopi enim aliorum Regnorum nollēt ipsi morem gerere, nec etiam Reges permitterent; ne Imperatori in aliquo adhuc subiecti viderentur, & ipse aliquid iuris in eorum regnis habere. Simili modo si Imperator esset Ethnicus vel hæreticus, nulla posset haberi Synodus. itaque luce meridiana clarius est penes Imperatorem hoc ius non residere.

K

Quod

43.
Præfide-
re Concilij.

Quodd etiã Pontifex Romanus per se, vel per Lega-
tos suos omnibus Concilijs Oecumenicis præfuerit, cer-
tum est. Nam Niceno 1. præfedit Siluester per suos
Legatos, vt apertè testatur Photius de 7. Synodis; qui
Legati fuere Hosius Cordubensis Episcopus, & duo
Presbyteri Vitus & Vincentius: vnde primi subscri-
bunt.

Sardicensi Iulius primus per Legatum suum Hosi-
um. Hic enim totum Concilium dirigit, & vbiq; tam-
quam Præses loquitur. Constantinopolitanum 1. per se
non fuit Oecumenicum, sed solùm quatenus se studio,
conatu, & sententia coniunxit cum Romano, cui præ-
fuit Damasus, vt apertè colligitur ex epistola illius ad
Damasum, quam refert Theodoretus l. 5. c. 9. & 10.
Ephesino 1. præfuit Cælestinus per Cyrillũ suum Vi-
carium, teste Photio suprã, & apertè colligitur ex epi-
stola Cælestini ad Cyrillum. Chalcedonensi præfuit
Leo primus per suos Legatos, Paschasium & Lucen-
tium, vt ex 1. & 3. actione, & ex epistola Leonis 49.
perspicuum est. Constantinopolitano 2. quod coactum
fuit contra Petrum Antiochenum, Anthimum, Seue-
rũ, & Zoaram hæreticos præfedit Eutychius Patriarcha
Constantinop. sed permissu Vigilij Papæ: vt apertè
colligitur ex epistola Eutychij ad Vigilium. Deniq; per
suos Legatos præfedere Constantinopolitano tertio cõ-
tra Monothelitas Agatho; Ephesino 2. contra Icono-
machos Adrianus primus; Constantinopolitano 4. con-
tra Photium Adrianus secundus: vt ex actis singulorum
est perspicuum. De reliquis nulla potest esse dubitatio,
cũ in Occidente celebrata sint.

Niceno 2.

44.
Acta con-
firmare
vel repro-
bare.

Postremò, Ipsius esse Conciliorum acta confirma-
re, vel in irritum reuocare, constat ex antiqua tot sæcu-
lorum consuetudine. Solent enim Synodi acta sua, &
decreta, ad Romanum Pontificem mittere, & ab eo pe-
tere.

tere confirmationem : vt patet ex epistola Orientalium ad Damasum , & ex relatione Synodi Ephesinæ ad Cælestinum : & epistola Leonis 60 . ad Martianum Augustum : & ex actione 18 . Synodi sextæ &c . Hinc omnia Concilia quæ in Ecclesia legitima habentur , videmus à Sede Apostolica esse confirmata ; & multa quæ non legitime facta , reprobata . Leo primus epist. 55 . ad Pulcheriam Augustam : *Consensiones Episcoporum sanctorum canonum apud Niccam conditorum regulis repugnantes , vnita nobiscum vestra fidei pietate , in irritum mittimus , & per auctoritatem B. Petri Apostoli generali prorsus definitione cassamus* . Hic irritat canonem Concilij Chalcedonenlis , quo Episcopo Constantinop . tribuitur primus honor post Romanum Pontificem , & Epistola 60 . dicit Imperatorem à se petiisse , vt scriptis ad Concilij Patres litteris , firmaret ea quæ de fidei regula illic essent definita ; seque id implese .

Gelasius epist. 11 . ad Episcopos Dardaniæ : *Prima Sedes vnquamque Synodum sua auctoritate confirmat , & continuata moderatione custodit* . Pelagius 2 . ad Synodum Constantinop . illegitimam , irritat illius Synodi acta , & præcipit ea vana & cassa haberi . Eius decreti verba suprâ nu. 25 . à nobis relata . Commendat illud decretum S. Gregorius lib. 4 . epist. 36 . & lib. 7 . epist. 69 . qui etiâ epist. illa 69 . ad Episcopos Græciæ ait : *Sine Apostolica Sedis auctoritate & consensu , quacumque acta (in Synodo) fuerint , nullas vires habent* . Et infrâ excommunicat eos , qui cōtra ea , quæ ibi præcipit egerint . In Romana Synodo 4 . sub Symmacho dicitur : *Præsulem Apostolicæ Sedis , qui beata prerogatiua B. Petri meritis per totū orbem primatum obtinet sacerdotij , statutis Synodalius consensuisse tribuere firmitatem* . Isidorus præfat . de Concilijs : *Nullam Synodum ratam esse legimus , qua non fuerit Sedis Apostolicæ auctoritate congregata vel fulta* .

45.

Omitto aliqua alia Iurisdictionis munia, quæ Pontifices Romani passim solent in alijs Prouincijs præstare, vt confirmare vel reijcere Episcopos recens electos; Archiepiscopis pallium mittere, vel denegare; Ecclesias & novos Episcopatus vbique instituire; Episcopatum ordinem præscribere; alios alijs subijcere, vel aliorum Iurisdictioni eximere. Horum exempla & testimonia plurima extant in historijs Ecclesiasticis, & in Epistolis Pontificum, præsertim Innocentij primi, Leonis primi, & Gregorij primi, qui tres sanctitate & doctrina illustres fuere.

Ex his perspicuum est, omne genus functionis ad authoritatē Superioris & Iurisdictionem pertinens, à Romanis Pontificibus in vniuersam Ecclesiam, etiam prioribus illis sæculis obitum esse ac frequentatum: ac proinde ipsum semper pro Superiore & Pastore vniuersalis Ecclesiæ habitum & receptum.

S E P T I M A R A T I O,

Ex unitate fidei.

46.

7. **H**is addo necessarium fuisse, vt vnus toti Ecclesiæ, cui omnes parere tenerentur, præficeretur. 1. Vt in Ecclesia per totum orbem retineretur vna fides. 2. Vt eadem vbique retinerentur sacramenta, nec in illis vlla fieret mutatio. 3. Vt iidem ritus. Consensio enim in ritibus externis diuini cultus, multum facit ad consensionem animorum, & Ecclesiæ authoritatem. 4. Vt omnes Ecclesiarum particularium Episcopi in officio continerentur, cum haberent Superiorem, à quo possent puniri. Denique vt Episcoporum seu Procerum Ecclesiæ possent celebrari cōuentus generales, quorum saluberrima & maxima semper in Ecclesia fuit authoritas, quique maxime conducunt tum ad fidei, tum animorum coniunctionem.

Cur vnus
debeat
præfesse.

tionem. Ad hæc omnia necessarium fuit, vt vnum omnibus caput præesset. Ac primum quod ad fidem & sacramenta attinet, in quibus ratio Ecclesiæ consistit; nisi sit vnum caput, hæc eadē vbique integra & intemerata seruari nequeunt. quilibet enim Episcopus, imò quilibet Parochus nouam populo suo credendi formulam condere poterit, nouas Scripturæ sacræ expositiones comminisci, noua sacramenta instituere. denique addere, demere, mutare omnia pro arbitrio. Si enim nemo in illos ius habeat, quis illos coget alijs consentire? Sicque tot erunt diuersæ fides & religiones, quot sunt Regna vel Prouinciæ, vel etiam Dioceses & Episcopatus. Cum enim humanum ingenium sit curiosum & ambitiosum, semper aliquid noui excogitabit & inducet, vnde gloriam & sapientiæ famam capter, nec alijs volet acquiescere: præsertim cum nihil æquè amet ac suas inuentiones; & nihil æquè affectet, ac sapientia videri antecellere ceteris.

Dices, sient Synodi generales, & omnes tenebuntur obedire & consentire Synodo. Sed id non rectè dicitur. Quis enim coget Synodum, si nemo sit, cui omnes teneantur obedire? Quis è longinquis partibus magno sumptu & labore volet conuenire, nisi præcepto Superioris compellatur? Quis item huic Synodo præsidebit, cum nemo sit Superior reliquorum? Denique sapissime huiusmodi Synodis opus erit, quia semper nouæ quæstiones excitari poterunt.

Confirmatur hæc omnia quotidiana experientia. Lutherani enim quia caput non habebāt, cui tenerentur se accommodare, statim in varias sectas & factiones sunt diuisi, nihil curantes suum Prophetam & Parentem Lutherum. Carolstadius enim & Zuinglius discipuli Lutheri circa annum Domini 1523. parte dogmatum ipsius recepta, parte reiecta, noua quædam præ-

sertim de cœna Domini addidere, ita vt aliam sectam cuderint, quam Lutherus cum suis vt hæresim & blasphemiam execrantur: neque hætenus vlla Synodus ab illis fieri potuit, qua hæc controuersia sopiretur. Simili modo Bernardus Rotmā & Menno quibusdā articulis Lutheri receptis, & nouis quibusdam adiunctis aliam sectam fabricati sunt, quam & Lutherani & Zuingliani detestantur. Denique lingulæ istæ sectæ rursus in multas alias sunt dissectæ, exortis nouis Doctoribus qui non minùs spiritu Dei præditos se putabant, quàm eorum maiores. Itaque alius hunc articulum, alius alium correxerit, & noua placita adiecit. Vnde factum est, vt modò tot sectæ Lutheranorum, Anabaptistarum, & Sacramentariorum inter se mutud digladiantes, & se vicissim hæresios damnantes reperiantur, nec vlla Synodus ab illis possit fieri, qua in concordiam redigantur: idque quia non agnoscunt vllum Caput, cui omnes teneantur obedire. idem accidit sectæ Arianæ, & alijs antiquis. Ex quibus apparet quàm sit necessarium, vt sit vnum caput summæ apud omnes authoritatis, ad vnitatem fidei & diuini cultus vbique retinendā, ac proinde ad Ecclesiæ ipsius, quæ in hac vnione consistit, conseruationem. Sublato enim capite statim in varias sectas & schismata scindetur.

Hanc rationem insinuant Patres. Cyprianus lib. de vnitatem Ecclesiæ: *Quamuis*, inquit, *Apostolis omnibus parem tribuas potestatem* (ratione ordinis, & amplissimæ in totum orbem Iurisdictionis) *tamen vt unitatem manifestares, unitatis eiusdem originem ab vno incipientem, sub authoritate disposuit*: id est, vt ostenderet Ecclesiam debere esse vnā, statuit vt vnus ei præsetter, & super vno fundaretur, à quo hæc vnitas penderet. Et infra: *Exordium ab unitate profisciscitur, vt Ecclesia vna monstretur*, id est, Ecclesiæ structura ab vno tamquā

quam à fundamento inchoatur , vt vna esse ostendatur . sicut domicilium vnicū est , quod ab vno fundamento assurgit , et si plurimas contignationes habeat . Idem epist. ad Iubaianum . *Nos , inquit , Ecclesia vnus caput & radicem tenemus : deinde dicit hanc radicem esse Petrum : Nam Petro primum Dominus , super quē adificauit Ecclesiam , & vnde unitatis originem instituit & ostendit , potestatem istam dedit . à Petro ergo & eius successoribus pendet Ecclesiæ unitas : sicut unitas domus à fundamento . Hieron . l . 1 . contra Iouinianum : Propterea inter duodecim vnus eligitur , vt Capite constituto schismatis tollatur occasio . Leo epist . 82 . ad Anastasiū Episcopum Thessal . Cum omnium (Apostolorum) par esset electio , unitamen datum est , vt ceteris praemineret , de qua forma Episcoporum quoque orta est distinctio ; & magna dispositione prouisum est , ne omnes sibi omnia vindicarent , sed essent in singulis provincijs singuli , quorum inter fratres haberetur prima sententia : & rursus quidam in maioribus urbibus constituti , sollicitudinem susciperent ampliorem , per quos ad vnā Petri Sedem vniuersalis Ecclesiæ cura consueret , & nihil vsquam à suo capite disideret .*

Quod etiā ad ritū consensionē , quæ maximè Ecclesiam ornat , & fideles diuersarum prouinciarum inter se coniungit , unitas capitis sit necessaria , perspicuū est . Quia alioquin in sacramentis administrandis , in sacrificio celebrando , in officijs diuinis , in festis , in ieiunijs , alijsque huiusmodi cultus diuini ceremonijs , pro diuersitate locorum , maxima esset diuersitas , maxima inconstantia . quisque enim Episcopus pro suo ingenio omnia disponderet , & quod decessor induxisset , successor abrogaret . cuique enim sua placent instituta , displicent aliena , nimirum vt plus alijs sapere videamur . Sicque in Ecclesiā summa introduceretur confusio , & simul animorum dissensio , cultusque diuini contemptus : cum quisque

quisque à populo suæ Ecclesiæ ritus præferret, aliarum improbareret & refugeret.

Quantum etiam sit momenti ad bonam Ecclesiæ gubernationem, ut omnes Episcopi & vineæ Dominicæ cultores habeant vnum veluti *ἐκκλησιαστικόν*, qui operi omnium inuigilet, & omnes ad officium compellat; cui rationem reddere teneantur; qui illos, si populum non rectè doceant, si moribus sint offendiculo, possit castigare, & si opus sit gradu deijcere, per se notum est.

Denique id esse necessarium ad Synodos maximè generales, iam ostensum est. quod etiam exemplū Græcorum declarat. Hi enim cū Romanum Pontificem caput suum agnoscerent, intra 540. annos, octo Synodos Oecumenicas habuere. postquam verò ab eius obedientia recessere, iam per 760. annos ne vnā quidem cogere potuerunt. Addo si non sit vnum caput, vix fieri posse, ut Synodi Prouinciales, vel Nationales instituantur. Si enim singuli Episcopi sunt supremi, nec vllum habent superiorem cui teneantur obedire; quis iure poterit illis imperare, ut Synodum ineant? Nam Synodi Prouinciales quæ modò celebrantur, imperio Romani Pontificis coguntur, qui statuit ut certis temporibus fiant, & omnes conuocante Primate Metropolitā vel Archiepiscopo conueniant,

49. Ex his perspicuum est, articulum de *Primatu Summi Pontificis* non solum ad fidem catholicam pertinere: Esse articulum fidei. sed etiam inter primarios fidei articulos censendum. Etenim aliqui alij, ut quibus Personarum in vna essentia Trinitas, mysterium Incarnationis, & Redemptionis humanæ nobis proponitur, sint excellentiores ratione materiæ, magisque singulis necessarij ad salutem: tamen in ordine ad conseruationem corporis Ecclesiæ in vna fide & vnius religionis cultu, nullus est magis necessarius quàm iste: cū vnitas Ecclesiæ ab eo dire-

directè pendeat, vt ostensum est. Vnde non est mirum sanctissimos Pontifices tum primis sæculis, tum posterioribus, tantopere in hoc Primatu asserendo laborasse. Non enim id ex ambitione, & Imperij affectu fecere, vt hæretici, & politici, qui summum bonum in honoribus & principatu collocant, illis imponunt: cùm multi illorum humillimi fuerint, & magis subesse in monasterio, quàm orbi præesse optauerint. sed quia id necessariū ad Ecclesiæ incolumitatē cernebant, & honor Christi, cuius vices gerebant, postulabat. Sicut enim qui vices Regis in administratione Regni gerit, censeretur proditor sui muneris, & iniurius in suum Principem, si autoritatem suam pessumdari sineret: ita Summus Pontifex grauiter in Christum & Ecclesiam peccaret, nisi autoritatem, quam ad regendam Ecclesiam, vt Christi Vicarius accipit, omni ope tueretur: imò potius mortem oppetere debet, quàm illam permittere imminui. Vnde B. Gregorius lib. 7. epist. 1. *Antè paratior sum mori, quàm B. Petri Ecclesiam meis diebus degenerare.*

Quod autem hæretici obijciunt, fieri non posse, vt vnus homo totius orbis administrationē rite obeat, manifestè falsum est, si loquamur de gubernatione generali, per quādam, vt ita dicam, superintendentiam, qua veluti in specula constitutus, maioribus & generalibus Ecclesiæ negotijs inuigilat, curando vt Prælati officium præstent, & eadem fides ac religio vbique conseruetur. Singulæ enim Ecclesiæ suos habent Episcopos; his præsunt Archiepiscopi, Archiepiscopis Primates, qui pauci sunt, & proximè Summo Pontifici subiecti: sicque facili modo per certos gradus tota gubernatio ab vno capite, in totum Ecclesiæ corpus diffunditur. Idipsum confirmat iam tot sæculorum vsus, quibus feliciter Ecclesia vniuersa ab vno capite

50.
Obiectio
hæretico-
rum re-
pellitur.

L

gubernata

gubernata est.

Haftenus ex facris Scripturis , Concilijs, Pōtificum decretis , sanctis Patribus , & varijs rationibus satis demonstratum est , Romanum Pontificem tamquam Vicarium Christi, etiam prioribus sæculis, ante annum sexcentefimū , in totam Ecclesiā habuisse authoritatem & iurisdictionem : eamque plurimis modis ab omnibus in grauioribus causis occurrentibus , fuisse passim agnitam . Obiectiunculas quasdam hæreticorum, quas Author Monitionis attingit , infra suo loco proferemus.



SECUNDA

SECUNDA PARS.

SEQVITVR nunc altera Pars huius Disputationis, in qua explicandum nobis est, quousque se Iurisdicctio Sūmi Pontificis extendat: nimirum, vtrum se proferat etiam ad Iura temporalia Laicorum; ita vt Sūmus Pontifex ob aliquā causam possit de illis disponere, & Laicos, præsertim Principes, suis Iuribus & Dominijs priuare?

Diuidimus hāc partē in tres Sectiones. Prima Sectio proponit statum controuersie, discrimen sententiarum, & quinque genera Probationum nostræ sententiæ. Secunda continet Obiectiones Aduersariorum & nostras Responsiones. Tertia agit de certitudine istius doctrinæ, & Fidelitatis Iuramento.

Sectio Prima.

Statum Controuersie, & quinque genera probationum continens.

Politici quidam & Protestantes docent Romano Pontifici nihil esse iuris in Principes, nec posse illos, etiāsi id mereantur, suis Dominijs & Iurisdictione tēporali priuare: & quidquid hætenus ea in parte ab aliquibus tentatum est, id totum iniuste vsurpatum.

51.
Sententia
Protestan-
tium, &
Politico-
rum.

L 2

Idem

Idem ferè tradit Guilielmus Barclaius Iureconsultus, in libello de potestate Papæ, qui cum hæc scriberem ad manus meas peruenit; vbi ista quatuor docet. 1. Summum Pontificem esse Christi Vicarium, Petri successorem, & totius Ecclesiæ Pastorem, eumque plenam potestatem habere in spiritualibus. 2. Etiam Principes Christianos in spiritualibus illi esse subiectos, tamquam oues suo pastori: ac proinde si delinquant, posse ab eo illos pœna spiritali, nimirum excommunicatione castigari. 3. Summum Pontificem nihil habere iuris, nec directè nec indirectè in iura, & bona temporalia Laicorum, multoque minus in iura temporalia Principum; adeo ut ob nullam causam, etiamsi Ecclesiam perturbent, opprimât, vastet, & hæreses inferant, possit eos iure regnandi, aut principatu temporali priuare, aut alijs ius illius occupandi concedere. 4. Pontifices Romanos, & alios Ecclesiasticos in temporalibus semper fuisse subiectos principibus secularibus, in quorum ditionibus degebant, & ab illis potuisse iudicari, & pœnis temporalibus lege statutis puniri.

§ 2. Verùm sententia communis Catholicorum est, Summi Pontificis potestatem etiam ad temporalia, saltem indirectè pertinere, nimirum quatenus id ad bonum spiritale est necessarium. Vnde Laicos etiam Principes posse in temporalibus ab ipso puniri, suisque bonis, iuribus, & iurisdictione priuari, quando magnitudo rei id postulat, nec ipsi aliter ad officium reuocari, aut grauissima mala, quæ Ecclesiæ ab eis irrogantur, impediri queunt.

Fraus hæreticorū. Sed notanda hic est mira hæreticorum vel malignitas vel inconstantia, qui hanc doctrinam Catholicis tamquam in Principes iniuriam exprobrant, ut qui sua sceptrà à Deo immediatè habeant, neminem præter illum Superiorem agnoscant, & illi soli rationem reddere

re teneantur : ac proinde non possint iudicio Pontificis esse subiecti . atque hac ratione , Catholicis Doctoribus apud Principes inuidiam odiosissimis dictis concitare nituntur ; quasi eos micipia Papæ faciamus , de quibus ipse pro arbitrio possit disponere , & quoties libuerit , è folio deijcere . Interea ipsi cùm de noua eorum religione tuenda agitur , contemptissimè de potestate Principum sentiunt & scribunt ; eosque si aliquo modo eorum placitis repugnant , tamquam impios , & à Deo exauthoratos furori populi obijciunt . Itaque pauculos aliquos nouellæ Religionis Ministros , Principum iudices faciunt , & populum sententiæ Ministrorum executorem . Si enim Ministris visum fuerit Principem impiè agere , hoc est , ipsorum Religioni aduersari ; possunt illi statim ex verbo diuino declarare , ipsum à Deo esse depositum , & populum diuinæ sententiæ constitutum executorem ; sicque pro commodo causæ se gerunt , nunc politicorum , nunc reformatæ religionis Ministrorum personam agentes . Id ita esse ostendam ex eorum verbis .

Hæretici
Principē
subijciunt
iudicio
suorum
Ministro-
rum &
populari
manui .

Lutherus Patriarcha hæreticorum huius temporis , de coniuratione Smalcaldica contra Cæsarem inita , rogatus an esset licita ? Respondit (teste Sleidano lib . 8 . historix) *Quoniam hoc tempore tam dubio , tamq̃ periculoso multa possunt incidere , sic ut non modò ius ipsum , sed conscientia quoque necessitas arma nobis porrigat , & conscientia causa sœdus iniri potest , siue Cæsar ipse , siue alius bellum faciat .* Quo oraculo accepto , coniurati populum vbique concitant contra Cæsarem ; allata causa , quod Cæsar Religioni & libertati conscientia exitium moliretur : & scribunt ad Cæsarem se nullo amplius vinculo illi esse obstrictos . Verba eorum apud Sleidanum sunt : *Quamquam propter hoc tuum institutum nullo tibi sumus obstricti vinculo : tamen amplioris cautionis loco , renunciamus eam tibi qua diuincti sumus fidem atque officium .* Idem Lu-

Sententia
Lutheri .

therus passim concitat plebem contra Principes Catholicos, eosque vocat *Tyrannos, Euangelij persecutores, Inimicos Dei, Liçtores Dei, Porcos, Sues, Bestias, Animalia fera, Lupos, Vrsos, Apros, Lendes capitis, Pediculos, Stultos, Moriones*: & vt reddat plebi magis contemptibiles, probrosissimū canticum in eos sub Lendium nomine comminiscitur; vt ex ipsius scriptis commemorat D. Ioannes Cochläus in suo opere *Septiceps Lutherus* cap. 13.

Zuinglij.

Zuinglius Lutheri filius, Sacramentariorū Apostolus tom. 1. a. 42. sic scribit: *Quando Rex perfidē & extra regulam Christi egerit, potest cum Deo deponi. Cum autem manifestē impios & delinquentes non animaduertit, extra regulam Christi ambulat: magis verò cum sceleratos prouehit, & innoxios prægrauat &c Et infra. Quòd autem deponi ab officio possit, Saulis exemplum manifestē docet* 1. Reg. 15. 16. *Quin dum flagitiosi Principes & Reges loco non mouentur, totus populus à Deo punitur: vt patet Ierem. 15. In summa, si Iudai Regem suum non ita impune consceleratum esse permisissent, à Deo non tam grauiter fuissent puniti: nec filij Israel, si Manassen exauthorassent. oportet oculū offendentem effodere, & abijcere.* & alia multa in eamdem sententiam. idem docet lib. 4. epist. pag. 186. Itaque iste populo non solum facit potestatem, Principem qui criminofus videtur, vel impios (Catholicos) prouehit, aut innoxios (Sacramentarios) prægrauat, solio deturbandi: sed etiam adiectionis minis vindictæ diuinæ imponit necessitatem.

53.
Caluini.

Eadem est mens Caluini, qui in hoc præceptorem suum est secutus. nam in cap. 6. Danielis ad v. 22. in fine, ita scribit: *Abdicant se potestate terreni Principes dum insurgunt contra Deum, imò indigni sunt, qui censentur in hominum numero. potius ergo conspuere oportet in illorum capita, quàm illis parere, vbi sic proteruiunt, vt velint spoliare Deum iure suo.* Deinde vt sciamus quidnam sit

fit in Deum insurgere, & eum suo iure spoliare, id explicat ad v. 25. *Nisi omnes superstitiones aboleantur, Deus ius suum nimirè obtinet.* Itaque iuxta Calvinum, hoc ipso, quo Princeps non vult fieri Calvinista, nec abolere Religionem Catholicam, excidit iure regnandi, & ab omnibus est ejiciendus & conspuendus. Idem magis explicat eodem v. 25. cum ait: *Rex Darius exemplo suo damnabit omnes eos, qui hodie se profitentur vel Catholicos vel Christianos Reges, vel fidei defensores, & in terra non modò obruunt veram putatem, sed etiam quantum in se est, labefaciunt totum dei cultum, & libenter nomen eius extinguunt è mundo: exercent tyrannidem in omnes pios, & sua sanities impias superstitiones stabiliunt.* Quibus verbis abundè declarat omnes Reges Catholicos, & etiam Principes Lutheranos in Deum insurgere, & illum suo iure spoliare: ac proinde à Deo esse abdicatos, & posse à populo ejci.

Idem verbo & exemplo docuit Beza, qui sapius milite stipatus, subditos causa novæ religionis aduersus suum Principem incendit, & author maximorum tumultuum, & præliorum extitit, externis etiam hostibus in viscera patriæ immisissis, *Nullam spem pacis esse, dicatans, nisi hostilus ad internecionem deletis: nullam cum Satana* (hoc est cum Rege & Regijs) *umquam incundam concordiã.* *Geneva præterea* (inquit Genebrardus) *consilium de Francisco II. Rege Francia, Regina uxore, Regina matre, eius liberis, Proceribus, & bonis Magistratibus ad certum diem per insidias trucidandis, Beza Principe, Calvino autore, Ottomanno subsegnatore, Spisamio suo-fore, omnibus Gallia prædonibus & lanistis consensu in initum.* Idem testatur Surius ex scripto Petri Carpentarii Calviniani.

Beza:

Genebrardus lib. 4.
Chronol.
ad annum
Domini.
1561.

Eamdè doctrinã copiosè præscribit Synodus Calvinistarum Bernæ habita anno 1572. & multos ad ejus praxim

54.

Synodus
Bernen-
sis.

xim tradit canones, quibus tota Galliae monarchia ad merā oligarchiā Ministrorū reducitur. Inter cetera, canone ultimo sic præcipitur: *Habeant duces & præfecti omnes hoc axioma instar oraculi, numquam ut fidant ijs (Regi & Regijs) qui toties, & tam insigniter fidem violarunt: nec umquam arma deponant, quamdiu viderint eos persequi doctrinam salutis, aut eius doctrinæ discipulos.* Et intra. *Si Deo placuerit mollire corda Tyrannorum, eosque mutare (ut fiant Calvinistæ) tum bona cum voluntate omnes se submittent ijs, quos Deus nobis dedit Principes naturales. si verò malum sit insanabile, & diuina voluntatis sit eos exterminare; tum si Domino placuerit aliquem Christianum (Calvinistam) Principem suscitare ad peccata istorum vlciscenda, & populum suum liberandum; ei se Principi subiectos tradant, tamquā alteri Cyro diuinitus ad eos misso.* Itaque ex sententia huius Synodi, nisi Princeps fiat Calvinista, potest deturbari, & alius eius loco surrogari.

Ministri
Angli.

Eadem planè tradunt Ministri Angli & Scoti. De Anglis constat ex libello quodam (cui titulus, Quemadmodum Superioribus Magistratibus obediendum sit.) quem primarius Anglicanæ Ecclesiæ apud Geneuenses Minister Goodmanus nomine emisit, quo generalem omnium Anglorum Genevæ agentium, & aliorum Genevæ atque Helvetiæ Ministrorum sententiam explicat.

» Cap. 9. pag. 118. sic ait. *Quamdiu Principes &*
 » *Magistratus, etiam si coram Deo impij sint, scelesti &*
 » *reprobi, exterius tamen curant Dei leges custodiri &*
 » *observari ab alijs, tamdiu debemus illis obedientiam.*
 » *sin verò audacter & ipsi leges Dei transgrediantur, &*
 » *alijs idipsum præcipiant: tunc perdiderunt eum hono-*
 » *rem & obedientiam, quam aliàs subditi eis præstare te-*
 » *nebantur: neque deinceps habendi sunt pro Magistra-*
 » *tibus, sed puniendi tamquā priuati homines.*] Hic nul-
 lam requirunt sententiam, sed solùm euidentiā facti,

vt

ut imperium amittant, & puniri possint. Verum quia dubitari poterat à quo essent puniendi, explicat id cap. 13. pag. 180. & sequentibus, docens id populo iure diuino esse commissum & iniunctum : *Si Princeps & Magistratus omnes repugnent legi diuina, habetis vos qui à populo estis expressum verbi diuini testimonium pro parte vestra, & Deus ipse vobis dux & signifer erit : qui precipit non solum Primoribus & Magistratibus auferre malum ex ipsis, siue idololatriam, siue blasphemiam, siue apertam iniuriam : sed hoc à tota multitudine requirit, cui gladius iustitiæ ex parte commissus est. Ideoque si Magistratus omnes simul despicere velint iustitiam & leges Dei ; vestrum est contra Magistratum, aliosque omnes eas defendere & conseruare, quanta maxima vi & contentione potestis. Hoc enim Deus à vobis postulat. Toti populo hoc onus incumbit, ut animaduertat in idololatram quemcumque, nemo excipitur siue Rex, siue Regina, siue Imperator.*

Et Infra idem lic confirmat. Factum illud quod memoratur Num. 25. perpetuum est exemplum in omnem aternitatem, & certa denuntiatio populo, ut in simili defectione à cultu Dei, Rectores suos qui à Deo ipsos abducunt, ad furcas abripiant & suspendant. Et quamquam hoc videri possit magna confusio, ut populus tantum sibi asumat ; tamen cum Magistratus officio suo fungi desinit, populus ita considerandus est, ac si careret omni Magistratu : & tum Deus ipse gladium in manus populi tradit, & Deus ipse efficitur immediatè eorum caput, eosque defendet & benedict.

Ex his patet istos Ministros lege diuina obstringere populum, ut Principem diuersæ religionis, præsertim catholicum, & omnes catholicos statim interficiant.

De sententia Ministrorum Scotiæ constat ex libello Ioannis Cnoxi Genetiæ excuso, cui titulus : Appellatio ad Nobilitatem & Populumoticum. Vbi inter alia pag. 36. ita habetur . *Illud audacter affirmauerim debuisse*

Scotorum
Ministri.

M

Nobiles,

Nobiles, Rectores, Iudices, populumque Anglicanum non modo resistere & repugnare Maria illi Isabel, quam vocant Reginam suam; verum etiam de ea & sacerdotibus eius, & alijs omnibus, quotquot ei auxilium tulerant, mortis supplicium sumere, ut primum cœperunt Evangelium Christi suppressere. Omitto alia plurima, quæ in hanc sententiam, tum ex ipsorum libellis, tum ex Catholicorum scriptis, qui ipsorum hac in re doctrinam ad verbum referunt adduci possent. qui plura desiderat, videat libellum Doctissimi & Illustrissimi Cardinalis Alani, cui titulus, Ad persecutores Anglos, qui nobis in prædictis testimonijs plerisque notandis, non parùm adiuventi attulit.

Anabapti-
stæ.

His planè consentiunt Anabaptistæ, quorum est iste articulus, qui inter articulos anno 1534. ab ipsis editos, est octauus: *Nulli potestati obedire.* Denique hanc doctrinam omnes Sæctæ huius temporis suo facto, & exemplo satis declararunt, & quotidie declarant; quando prætextu Religiohis, arma contra suos Principes corripiunt, vrbes inuadunt, Ecclesias & monasteria diripiunt, Catholicos bonis & vita exuunt, Principes suis Prouincijs & Dominijs spoliunt.

§ 5.
Discrimen
inter sen-
tentiã Ca-
thol. &
Hæret.
quod ad
Regis ab-
rogatio-
nem atti-
net.

Ex quibus perspicuum est, non solum Catholicos, sed etiam Sæctarios omnes, quando aliquem religionis sensum præ se ferunt, tamquam indubitatum statuere, Principem si Religionem opprimat, deponi posse, & regno spoliari. Verum inter sententiam Catholicorum & illorum est discrimen triplex. 1. Quod ipsi nomine Religionis intelligant suas hæreses, & proprii cerebri intutiones. Catholici antiquam Ecclesiæ Catholicæ doctrinam, quæ tot sæculis toto orbe viguit, tot miraculis, tot Sanctorum scriptis, actis, sanguine confirmata. 2. Quod ipsi Principem Religionis eorum aduersantem, aut Catholicani fidem promo-

uen-

uentem statim velint excidisse, vel Ministris auctoritatem tribuant declarandi ipsum à Deo esse exauthortatum. At Catholici etiam si Princeps Ecclesiam vexet, non ideo volunt illum suo iure priuatum, nec concedunt particularibus Pastoribus auctoritatē ferendi sententiam, qua vel priuatur, vel priuatus declaretur: sed causam volunt referri ad Summum Ecclesiæ Pastorem, qui primū illum roget, hortetur, moncat, & opera aliorum Principum ac virorum sapientum interpolata, ad sanitatem reducere studeat. Quod si omnibus remedijs diu adhibitis, videatur animus in malo obstinasse: tunc demum Pontifici deliberandum, quid ad Ecclesiæ vniuersalis, & illius Regni bonum expediat. qua in deliberatione semper adhibetur iudicium Cardinalium, & multorum virorum magnæ auctoritatis, doctrinæ, & experientiæ: & res diutissimè discutitur, vt patet ex cap. Ad Apostolicæ, de sententia & re iudicata in 6. 3. Quod ipsi, omnia clanculū agant, & ex improviso in Principem insurgant, eiusque ditiones inuadant & occupent, nulla antè iuridica denuntiatione præmissa. vnde non potest sibi ab illorum vi & machinatione cauere. At ea quæ gerit Pontifex in huiusmodi negotijs, toti mundo sunt manifesta: ac proinde semper in manu Principis est respicere, & se omni periculo eximere. Itaque facile est videre, quàm lubricus sit Principum status, quanteque in periculo versetur apud Sectarios, & omnibus illis locis, vbi magnus est Hæreticorum numerus: & è contrario quàm firmus & tutus apud Catholicos. Neque solum Principum Catholicorum status apud Sectarios in periculo versatur, sed etiam eorum, qui fidem catholicam deseruere. Ea enim Ministri ex verbo scilicet Dei iam statuere axiomata, per quæ tota popularis potentia ipsis redditur obnoxia, & in eorum ponitur arbitrio; vt

Periculū
statui Prin-
cipum im-
pendens
ex senten-
tia Hære-
ticorum.

ea ad quidlibet, sub prætextu verbi diuini & religionis, facile possint vti. Itaque sentim omnem gubernationem & authoritatem ad suum Consistorium pertrahere curant. cum enim populus, vt ipsi inquirunt, ex verbo Dei regi debeat, Deo ita in scripturis passim iubente, & Principes verbum Dei non intelligat, sed Ministris verbi hoc intelligentiæ donum, & cura diuinæ voluntatis interpretanda sit commissa: consequens est, vt Princeps nihil nisi ex sententia Ministrorum agere debeat. Hoc vbi semel populo est persuasum, quid amplius authoritatis apud Principem residet? Etli enim nomen Principis ei permittant, res tamen penes ipsos est; cum ille nihil quod sit alicuius momenti, absque eorum consilio vel consensu agere possit. alioquin plebem aduersus eum tamquam verbi diuini perduellem concitant. Exemplis hæc res multis apud Anglos, Scotos, Gebennenles, & alibi gestis declarari posset, quibus historiæ sunt plenæ. Hic enim videtur totius purioris Calvinisticæ religionis finis, vt tota administratio tam in temporalibus quàm in spiritualibus ad Consistorium, siue cœtum Ministrorū & Seniorum reducat; & Principes ac Magistratus nihil omnino nisi ex eorum consilio agere queant. Cœtus enim Seniorum, iuxta Calvinum & puriorem ipsius Sectam, habet supremam authoritatem in spiritualibus, & consequenter etiam in politicis, quantum opus vt ea legi diuinæ consentaneè administrantur. Et quia sæculares Principes scripturas plerumque non intelligunt, neque quænam in singulis sit Dei voluntas per se cognoscere possunt; oportet vt nihil maioris momenti absque consilio Consistorij agant. Porro quidquid Consistorio visum fuerit, id pro verbo Dei, Principi & populo obtruditur, sicque omnia ex illius arbitrio geri debent.

Et

Lib. 4. In-
stit. cap. 11.
§. 6.

Et quamvis nondum ubique Consistorium aduersus Principes & Magistratus obtinuerit : res tamen ita sunt comparatae , vt sensim videatur obtenturū . Quod cum non immerito quidam Principes & Magistratus metuant , vt huic conatui obuiam eant , sibi capitis , vel supremi gubernatoris , aut gubernatricis Ecclesiae dignitatē & auctoritatem vindicant , vt hac ratione Consistorio & Ministris ansam illam prae-textu verbi Dei , religionis & rerum spiritualium , vsurpandi auctoritatē in politicis excutiant . Prudenter placet , si rem politicē consideres ; sed impie , si negotium religionis . Vt enim o-mittam 15. solidis saeculis , nulli vique Principi , nulli Haretico , nulli Catholico , nulli ratione praedito hoc paradoxon in mentem venisse ; quid hoc est aliud , quam religionem subijcere & facere seruam Politiae ? Quotusquisque enim Principum erit , qui si apud ipsum summa religionis sit auctoritas , eam in regno suo non instituat religionem , quam politiae & suo regimini iudicabit aptissimam ? sicque tot erunt religiones , quot erunt Principes , vel diuersae politiae . Itaque ex hoc fundamento tollitur omnis religio . ea enim religio quae seruit politiae non est religio , sed fucus & hypocrisis . Et id quod tollit religionis vnitatem , tollit etiam eius veritatem , cum vera religio sit vnica , vnde patet hoc esse praecclarum semen Atheismi .

His praemissis accedamus ad confirmationem nostrae assertionis , quam probabimus , 1. Ex Concilijs Oecumenicis . 2. Ex Scripturis . 3. Testimonio Doctorum & Principum . 4. Exemplis . 5. Rationibus duodecim Philosophicis , Theologicis , Politicis .

P R I M A P R O B A T I O.

Ex Concilijs Oecumenicis.

ADDUCAM Concilia ante Scripturas, nō quod illorum sit maior autoritas, sed quia expressius & clarius rem istam definiunt; & apud Catholicos planè certam efficiunt. Scripturæ facilius praua interpretatione eluduntur.

56.

Pœna in
hæreticos

PRIMUM sit Concilium magnum Lateranense sub Innocentio 3. celebratū, ante annos ferè quadringētos. Hoc Conciliū cap. 3. multis modis ostendit Ecclesiam habere Iurisdictionem in temporalia Laicorū, quatenus ea spiritalibus deferuiunt. 1. Dum statuit, *ut bona hæreticorū Laicorum addicantur fisco: & ipsi hæretici relinquātur potestati Laica debita animaduersione puniendi*. Sentit ergo se habere potestatem disponendi de rebus temporalibus Laicorum, eaque fisco addicendi, & eos pœna mortis plectendi. Nec enim Princeps sæcularis per se ius habet ad hæresim puniendam (cū sit crimen merè spiritale, de quo ipse non potest cognoscere, nec iudicare) sed solū ex commissione Ecclesiæ, cuius est de illa cognoscere & pœnā congruam statuere. Crimen enim hæresis per se est contra bonū spiritale, & finē quē Ecclesia spectat, qui est salus animarum, non autem contra politicam tranquillitatem, cuius procuratio ad Principem pertinet. Itaque non potest à Principe politica autoritate puniri nisi ratione effectū, qui ex hæresi sequitur: ut si obtentu religionis seditiones moueant, & publicam tranquillitatē perturbent. Vnde quod eorū bona fisco sint addicta, & ipsi morte sint plectendi, est ex lege, & statuto potestatis Ecclesiasticæ, quæ in executione utitur brachio sæculari, vel certè quod ad pœnā mortis attinet, ex lege Principis cui Ecclesia hac in re suam

suam auctoritatem impertit, ut Religionis & fidei defensori. Itaque habet Ecclesia, ac proinde Summus Pontifex in quo tota potestas Ecclesiastica collectim existit, auctoritatem de bonis, & vita laicorum disponendi.

2. Cum præcipit potestatibus sæcularibus, *ut omnes hæreticos è suis ditionibus pro viribus expellant: & simul* Præceptum de Hæreticis expellendis, & ea de re iurandum Principum. *statuit, ut quando assumuntur, præstent iuramentum se hoc pro viribus, & bona fide executuros.* An hoc non est disponere de iuribus temporalibus Principum, præcipere illis, ut tot subditos à quibus plurimum emolumenti temporalis fortasse obueniebat, regno expellant, & iuramentum Ecclesiæ præstent se id pro viribus facturos? Hoc statutum ab omnibus Principibus Christianis fuit receptum, & iam penè quatuor sæculis seruatum.

3. Cum Dominis temporalibus illud negligentibus, statuit pœnam excommunicationis & depositionis: *Verba Concilij sunt hæc. Si verò Dominus temporalis requisitus, & monitus ab Ecclesia, terram suam purgare neglexerit ab hac hæretica sæditate, per Metropolitanum, & ceteros comprouinciales Episcopos, excommunicationis vinculo innodetur: & si satisfacere contempserit intra annum, significetur hoc summo Pontifici, ut ex tunc ipse vassallos eius ab eius fidelitate denuntiet absolutos, & terram exponat Catholicis occupandam, qui eam exterminatis hæreticis sine ulla contradictione possideant, & in fidei puritate cõseruent, saluo iure Domini principalis (si feudũ sit) dummodo super hoc ipse nullum præstet obstaculum nec aliquod impedimentum opponat: eadem nihilominus lege seruata circa eos, qui non habent Dominos principales.* Pœna in eos qui id neglexerint in suis ditionibus præstare. Hic manifestè Concilium agnoscit in summo Pontifice potestatem priuandi Principem (siue feudatarius sit, siue principalis) imperio, & trāsferendi illud in alium, quando in perniciem Ecclesiæ cedit illius administratio.

4. Cum

Varie pœ-
næ in hæ-
reticorum
fautores.

4. Cùm credentes, receptatores, defensores, & fautores hæreticorum excommunicat, & si ita excommunicatus intra annum satisfacere contempserit, statuit ut talis ipsa iure sit infamis, nec possit admitti ad publica officia vel consilia, nec ad electionem, nec ad testimonium dicendum: Item, ut sit intestabilis, sic ut nec liberam testandi habeat facultatem, nec ad hereditatis successionem accedat, & ut neminem possit pertrahere in iudicium. Item, si Iudex sit, sententia eius nullam habeat firmitatem: si aduocatus, eius patrocinium non admittatur: si tabellio, instrumenta sint nullius momenti &c. Hic Conciliū disponit de multis rebus & iuribus temporalibus omnium Laicorum, etiam si hi Magnates sint vel Principes, infligendo infamiam, inhabilitatem ad officia publica, ad condendum testamentum, ad successionem hereditatis, ad ferendam sententiam, ad postulandum &c. Omnes hæ pœnæ sunt temporales, & priuant iure vel re tēporali. Idem Concilium sub finem multa de temporalibus statuit. Ne Iudæi graues vsuras à Christianis extorqueant: ut per omnes Prouincias Christianorū habitu ab alijs distinguantur: ne officijs publicis præficiantur: ne tēpore Dominicæ passionis in publicum prodeant. præcipit Principibus, ut Iudæos Christum blasphemantes puniant. Item ut Christiani qui ferrum, vel ligna ad Saracenos mittunt, vel eos iuuant: priuētur bonis & fiant serui capientium: ne mercatores ad quadriennium in Syriā nauigent; ne Torneamenta intra triennium fiant: ut toto orbe Christiano Pax per quadriennium seruetur: & ei qui seruare noluerit minatur priuationem status & Imperij.

Habemus itaque iudicium & exemplum multiplex Concilij Oecumenici, cui non minùs quàm Euangelio iuxta B. Gregorium lib. 1. epist. 24. fides est adhibenda. vnde nemo vnquam in Ecclesia Catholicus fuit habitus, qui in Concilij Oecumenici iudicio nollet

ac-

acquiescere. Est enim magnum, ut ita dicam, Regni Christi Parlamentum, totam Christi Ecclesiam representans, omnem eius auctoritatem continens. Vnde quod sentit vel statuit Concilium, sentit & statuit vniuersa Christi Ecclesia. *Disputare autem contra id, quod vniuersa frequētas Ecclesia, insolentissima insania est*, ut ait S. Augustinus epistola 118. nec minoris insaniæ & arrogantia est sentire contra id quod vniuersa Ecclesia sentit. Accedit, quoddam istud Concilium longè fuerit amplissimum, ut cui tum ex Latinis, tum ex Græcis interfuerint Archiepiscopi 70. Episcopi 412. Prælati 800. Viri eruditione præstantes ex toto orbe plurimi. Denique Legati Imperatoris Latini & Græci, & reliquorum ferè Principum orbis Christiani. Ex quibus omnibus nemo huic sententiæ contradixit, nemo de hac Ecclesiæ potestate dubitauit.

Dicit aliquis, Concilium non definiuit Ecclesiam habere hanc potestatem. Respondeo non definiuit quidem in actu signato, ut Scholæ loquuntur, condendo canonem fidei: definit tamen in actu exercito, quia supponit hanc doctrinam ut claram & certam in tota Ecclesia, omnibusque Christianis indubitatam, eaque tamquam fundamento utitur in condendis decretis, quæ sub anathemate præcipit seruari. Si doctrina illa vera non esset, erraret Concilium. 1. In doctrina maximi momenti circa potestatem Ecclesiæ. 2. Insignem iniuriam faceret toti Laicorum ordini, de rebus & iuribus eorum temporalibus statuendo. 3. Decreta illa essent omnino irrita, & nullius momenti, utpote sine legitima potestate condita: ac proinde tutò possent contēni. 4. Grauiissimam iniuriam faceret, excommunicationis sententiam in eos, qui illa non seruarent vel contemnerent, statuendo. Quis catholicus ita de Concilio Oecumenico senserit?

58.

Iudicio
Concilij
Frederi-
cus depo-
nitur.

SECUNDVM sit Concilium Lugdunense Oecumenicum sub Innocent. 4. habitum ante annos 366. in quo Concilio summus Pontifex commemoratis grauissimis sceleribus ac iniurijs in Ecclesiam à Frederico 2. Imperatore patratis, & ijs quæ à se acta essent ad illum placandum, & ad sanitatem reuocandum, tandem subdit: *Nos itaque super pramissis & quâ pluribus alijs eius nefandis excessibus, cû Fratribus nostris, & sancto Concilio deliberatione prahabita diligenti (cû te s'u Christi vices, licet immeriti teneamus in terris, nobisque in Petri persona sit dictum, Quodcumque ligaueris super terram, erit ligatum & in calis) memoratum Principem qui se Imperio & Regnis, omniq; honore ac dignitate reddidit tam indignum: quique propter suas iniquitates à Deo ne regnet vel imperet, est abiectum; suis ligatum peccatis & abiectum, omniq; honore ac dignitate priuatum à Domino ostendimus, denuntiamus, & nihilominus sententiando priuamus: omnes qui ei Iuramento fidelitatis tenentur adstricti, à iuramento huiusmodi perpetuò absoluentes: auctoritate Apostolica firmiter inhibendo, ne quisquam de cetero ei tamquàm Imperatori pareat & intendat. Denique excommunicat omnes qui illi vt Imperatori vel Regi consilium, auxilium vel fauorẽ præstiterint, & mandat Electoribus, vt alium eligant. Hæc tota sententia approbata est in Concilio generali: nec vllus fuit qui dubitaret, an summus Pontifex haberet potestatem huiusmodi sententiam ferendi.*

Si Summus Pontifex non haberet hanc potestatem, hic rursus Concilium erraret in doctrina maximi momenti, & perniciose exponeret sacram Scripturam; & consentiret in grauissimas iniurias, & sacrilegam diuinæ potestatis vsurpationem.

TERTIVM sit Viennense plusquam 300. Episcoporum, vbi sancitum fuit decretum de Iuramento ab Imperatoribus electis præstâdo, & declaratur illud Iu-

ra-

amentum esse verè & propriè Iuramentū Fidelitatis. Porro in eo decreto multa habentur, quæ ad nostrum propositum faciunt. 1. Dicitur Imperatores non reputare indignum submittere capita sua Romano Pontifici Christi Vicario. 2. Approbationem personæ ad Imperialis Celsitudinis apicem assumendæ, nec non vñtionem, consecrationem, & Imperij coronationem à Romano Pontifice fieri debere. 3. Autoritate Ecclesiæ Romanæ Imperium à Græcis translatum in Germanos. 4. Eiusdem Ecclesiæ autoritate, ius & potestatem eligendi Regem in Imperatorem postmodum promovendū, ad certos Germaniæ Principes peruenisse. 5. Imperatores se Pontifici, & Ecclesiæ Romanæ adstringere vinculo Iuramenti consuevisse: idque manifestū esse, tum ex more obseruationis antiquæ nouissimis temporibus renouatæ, tum ex forma Iuramenti sacris canonibus inserta. 6. Ponuntur tres formæ Iuramenti ab Imperatoribus electis præstari consuetæ; & declaratur ea propriè esse Iuramenta Fidelitatis. Habentur hæc omnia Clement. Romani Principes, de Iureiurando: & à Concilio generali sunt approbata.

QUARTVM sit Concilium Constanriense. Hoc enim Sess. 31. in monitorio contra Philippum Comitem, qui Episcopum suum in carcerem coniecerat, & alia grauiā patrarat, statuit, & committit duobus Episcopis, vt si post Excommunicationis & Interdicti sententiam prædictus Comes, & eius Commissarij, vel Officiales obstinati perstiterint, *ad omnes alias pœnas spirituales & temporales, autoritate præsentium aduersus eos procedere valeant*. Habet ergo Ecclesia autoritatē infligendi pœnas quaslibet temporales etiam Principibus, quando magnitudo criminis, & contumacia postulat. Idē sess. 39. In prouisione aduersus schismata statuit, vt *Quicumque Electoribus in electione Papæ metum aut vim*

60.

Pœnastē-
porales
infligi iu-
bet.

Renouat
pœnas c.
Felicis.

fecerit, vel feriprocrauerit, vel factum ratū habuerit, aut in hoc consilium dederit aut fauorem &c. cuiuscumq; Status, gradus, aut præminētia fuerit, etiamsi Imperiali, Regali, Pontificali, vel alia quauis Ecclesiastica, aut seculari præfulgeat dignitate, illas pœnas ipso facto incurrat, quæ in constitut. fel. recordat. Bonifacij 8. quæ incipit, Felicis, continentur, illisque effectualiter puniatur. ita Conciliū. Porro pœnæ illius capitis maxima ex parte sunt temporales: vt infamia, intestabilitas, bonorū confiscatio, inhabilitas ad omnes dignitates tam seculares quàm Ecclesiasticas, inhabilitas ad agendū in iudicio, ad postulandum, ad testificandū &c. Itaq; manifestum est etiam hoc Concilium sentire, & tamquā certum & extra omnem cōtrouersiam supponere, Ecclesiam habere potestatem ad omnes illas pœnas infligēdas.

61.

Innouat
tur Con-
stitutio c.
Felicis.

QVINTVM sit Conciliū Lateranense sub Leone 10. sess. 9. Approbante sacro Concilio, cū à Iure tam diuino quàm humano Laicis nulla in Ecclesiasticas personas, attributa sit, innouamus omnes & singulas Cōstitutiones felicis recordat. Bonifacij 8. etiam prædecessoris nostri, quæ incipit, Felicis: & Clementis V. quæ incipit, Si quis suadense &c. Atqui pœnæ vtriusque illius constitut. præter excommunicationem pleræque sunt temporales. Et infrā. Statuimus & ordinamus, vt de cetero talia præsumentes, ultra supradictas pœnas (quas innouamus) ad omnes actus legitimos inhabiles, & intestabiles habeantur. Quod statutum etiam ad Principes pertinere, patet ex ijs quæ ibidem præmittuntur.

62.

SEXTVM sit Concilium Trident. quod sess. 25. cap. 20. ita statuit: Decernit & præcipit (Sancta Synodus) sacros canones, & Concilia generalia omnia, nec non alias Apostolicas sanctiones in fauorem Ecclesiasticarum personarum, libertatis Ecclesiastica, & contra eius violatores editas, quæ omnia præsentī etiam decreto innouat, exactē ab omnibus obseruari debere. Hic Concilium confirmat, &c

& innouat inter cetera duas prædictas constitutiones, in quibus multæ pœnæ temporales, vt dictum est, in omnes hominū ordines Ecclesiasticam libertatem violantes decernūtur, & præcipit illas seruari. innouatio autem vim habet nouæ cōstitutionis. Habemus itaque sex Concilia Oecumenica, quæ apertè tradunt vel supponunt hanc doctrinam, eaque in praxi vtuntur, & super ea decreta plurima fundant. Itaque dubium nullum est, quin fide Catholica sit tenenda.

His addi possunt multa Concilia particularia, varijs locis habita; sed omissis ceteris, solum proferam decretum Gregorij in Synodo Romana editum ante annos 534. Nos, inquit, *sanctorum prædecessorū nostrorum statuta tenentes, eos, qui excommunicatis fidelitate aut sacramento cōstricti sunt, Apostolica auctoritate à iuramento absoluimus: & ne fidelitatem obseruent, omnibus modis prohibemus, quousque ipsi ad satisfactionem veniant.* Hoc decretum per totum orbem fuit receptum, & in corpus Iuris relatum: nec vnquam aliquis catholicus dubitauit, an Pontifex illud sancire potuerit. Huic conforme est decretū Gregorij 9. cap. fin. de Hæreticis. *Absolutos se nouerint à debito fidelitatis dominij, & totius obsequij, quicumque lapsis manifestè in hæresim aliquo pacto, quacumque firmitate vallato, tenebantur astricti.*

Can. Nos
Sanctorū
15. q. 6.

SECUNDA PROBATIO.

Ex Sacra Scriptura.

VENIAMVS nunc ad Scripturam sacram, cui Concilia innixa hanc doctrinam tenuere. 1.
Ex Scripturis sacris habemus summum Pontificem Petri successorem, esse constitutum Pastorem totius ouilis Christi; eiūque datam omnem potestatem necessariam ad regendum oues Christi, in ijs quæ ad salutē

637

Habet omnē potestatem Pastoralem.

N 3

per-

pertinent, vt suprà nu. 14. & sequët. ostensum est ex illis verbis Domini, Ioan. 21. ter repetitis, *Pasc oves meas*. Atqui temporalium bona dispositio, & rectus vsus est ad salutem necessarius: ergo data est ei à Domino potestas, vt possit statuere de omnibus temporalibus, quatenus ad rectum eorū vsū & salutem ouium est necessarium. Itaque in omnibus contractibus ciuilibus, & temporalibus negotijs, in quibus incurritur periculum salutis æternæ, potest ipse se inferere, iniqua & periculosa vetando, & in irritum reuocando; iusta præcipiendo, & congruentem modum, qui saluti non repugnet præscribendo, vel vt à Principe præscribatur iubendo. Neque dici potest Principes esse exemptos: quia si sunt Christiani, non minùs sunt oues Christi, quàm alij: imò quòd sunt maiores, & plurium ab illorum regimine pender salut vel damnatio, ed magis summo Pastori debet esse curæ illorum administratio, vt saluti subditorum non aduersetur. idem expressè fatetur Barclaius c. 34. p. 283. *Papa, inquit, potest imperare & iubere, vt Principes faciant quæ ad suam & suorum salutē pertinent: & ni faxint, etiam cogere per excommunicationem.*

64.

Potestas
puniendi
ad plura
se extendit
quàm
præcipiendi.

Dicit aliquis, posse illum per sua decreta statuere de temporalibus & humanis negotijs, quatenus opus est vt absque salutis detrimento agantur, & omnes teneri parere; non tamè posse animaduertere in eos, qui recusant parere, temporalium priuatione, sed solum subtractione spiritualium per Excommunicationem, & Interdictum, & similes pœnas spirituales. Verùm hoc nullum colorem habet. Si enim potest de temporalibus Laicorum statuere præcipiendo, vetando, leges præscribendo, acta confirmando, vel irritando: cur non etiam potest de illis statuere puniendo, & priuando, si temporalia Laicorum ita illi subsunt, vt in illorum vsu & commercijs possit modum præscribere, ne

ne cum salutis perniciē tractentur ? cur non possit etiam auferre , si illorum retentio , & vsus manifestē saluti aduersetur ; præsertim cū potestas puniendi ad plura & maiora se extendat quā præciendi ? Princeps enim per iustam vindictam etiam vita priuare potest , de qua tamen alia ratione non potest disponere .

2. Rursus Pastor habet potestatem in lupos , non solum ad eos abigendos , si gregi se immisceant , sed etiam exarmandos & occidendos . Atqui omnis hæreticus iuxta S. Scripturam est lupo , & quod potentior eò nocentior , & magis coercendus . ergo Summus Pontifex , qui est Pastor ouilis Christi habet ius non solum ut illum è grege abigat , sed etiam ut illum exarmet , ac potentia , qua tamquam vnguibus & dentibus gregem discerpit , exuat . Idem dicendum , si ouis aliqua fiat gregi perniciosa . Si enim pastor ouium arietem furiosum , qui gregem turbat , potest cohibere , & cornibus mutilare : cur Pastor ouilis Christi non poterit coercere quēlibet Christianum , qui potentia sua in perniciem aliorum abutitur ? Vnde friuolum est , quod ad simile argumentum Cardinalis Bellarmini respondet Barclaius cap . 32 . de potestate Papæ , vbi dicit : *Hoc argumento solum conuinci* ; Pastori Ecclesia ius fasque esse expellere malum Principem de ouili Domini , & eum excludere , ne cum reliquo grege Christiano in caula dominica conquiescat : id est , eum extra communionem Ecclesia & Sanctorum per excommunicationem eicere . *ultrà nihil Ecclesiam posse , vel contra priuatum* . Non enim Pastor solum potest lupos & furentes arietes excludere à grege : sed etiam instrumentis nocendi spoliare , & si opus sit interficere . alioquin gregem commissum tueri non poterit . Quid enim proderit excommunicatio , si ei nolit deferre , & pergat gregem vastare ? Sed de hoc fusius infra .

Pastoris
est lupos
abigere &
coercere.

Refutatus
resp. Bar-
claij.

3. Ex Scripturis constat Romano Pontifici concessam 65.

Potestas
ligandi ge-
neralis.

sam esse potestatem ligandi ad Ecclesiæ regimen neces-
sariam, ut supra ostensum est ex verbis Domini, Matth.
16. *Quodcumque*, inquit, *ligaueris super terram, eris liga-
tum & in calis*. Atqui cuiusque pœnæ non solum spiri-
talis, sed etiam temporalis, quæ iuste ab homine impo-
ni potest, per statutum vel sententiam impositio, est li-
gatio & vinculum quoddam. ergo potestas Pontificis
ad eam se extendit, quando Ecclesiæ usus postulat. Con-
firmatur. quia cùm Scriptura loquatur vniuersè, nec
restringat ad vinculum spiritale, nulla causa est, cur nos
restringamus: præsertim cùm vinculum pœnæ tempo-
ralis sæpe sit vtilius, vel etiam necessarium. plerique e-
nim magis pœnæ téporalis, quàm spiritalis metu in of-
ficio continentur. Denique incredibile est Dominum
maximorum vinculorum & pœnarum, ut sunt spiritales,
ei facere potestatem, minima verò non concedere.

Ex quibus patet hanc potestatem non inuerecundè,
nec impudèter ex illis duobus Scripturæ locis, *Pasce oves
meas*, & *Quodcumque ligaueritis super terram* &c. asseri,
ut Author Monitionis pag. 113. criminatur: præser-
tim cùm Gregorius 7. in Concilio Romano, & Inno-
cent. 4. in Concilio Lugdunensi, eandem ex illis locis
asserunt. Idem probatur ex illis verbis, *Tibi dabo claves
regni calorum*: quibus designatur suprema potestas ad
Ecclesiæ regendam. atqui regimen Ecclesiæ postulat
sæpenumero temporalium dispositionem, & authorita-
tem de illis statuendi, ut experientia constat, & infra
ostendetur. ergo hæc autoritas in clauibus continetur.
Item per *Claves* designatur potestas tollendi impedimē-
ta salutis, per quæ cæli introitus impeditur. atqui hæc im-
pedimenta sæpe per temporalia obijciuntur: ergo cō-
ceditur potestas de his statuendi.

66. 4. Eadem confirmari potest ex veteri Testamento.
Nam Deuter. 17. omnes nullo excepto sub pœna mor-
tis

tis in quæstionibus ad religionem, vel diuinæ legis obseruationem pertinentibus, iubentur summi Sacerdotis iudicio acquiescere: *Qui autem superbiebit*, inquit, *nolens obedire Sacerdotis imperio, qui eo tempore ministrat Domino Deo tuo, ex decreto Iudicis morietur homo ille, & auferes malum de Israel, cunctusque populus audiens timebit, vt nullus deinceps intumescat superbia*. Vbi in primis habemus summum Sacerdotem in veteri lege habuisse potestatem statuendi de rebus temporalibus, iudicando hoc esse licitum secundum legem diuinam, hoc illicitum. Non enim solum loquitur de causis religionis, qualis est lepræ & similium ceremonialium, sed etiam de politicis, vt patet ex illis verbis, *inter causâ & causam*: & vt est apud 70. *inter iudiciû & iudicium, controuersia & controuersiam*, quæ generalia sunt, & omnino quæstionem ac causam comprehendunt. Itaque etiam de politicis, quatenus legi diuinæ consentiunt vel repugnant, iudicare poterat, & suo iudicio omnes, etiam Laicos ita obligare, vt nisi parerent, morte essent plectendi.

Dices, hæc non esse extendenda ad Principes, quia Superiorem non habent, cuius decreto mors illis infligatur. Nā ipse Princeps est iudex ille cuius decreto rebellis Sacerdoti morte est plectendus. Respondeo. Valde probabile est summum Sacerdotem hic vocari *Iudicem*, vt colligi potest ex verbis antecedentibus, cum ait: *Veniesque ad Sacerdotes Leuitici generis, & ad Iudicem qui fuerit illo tempore*. Vbi per *Iudicem* designatur summus Sacerdos, quia quæstiones in quibus agebatur de lepra, ceremonialijs, & lege diuina non deferrebantur ad Iudicem politicum, sed ad summum Sacerdotem. vnde paulò post ait; *qui autem superbiebit, nolens obedire Sacerdotis imperio &c.* itaque Sacerdos erat Iudex Principis. Quod si velimus per *Iudicem* intelligi Iudicem politicum, dicen-

Imperiû
Sacerdotis
obstringe-
bat omnes

dum est eo euentu quo ipse Iudex in summum Sacerdotem contumax esset, ad officium Sacerdotis pertinuisse id quod diuina lege generatim constitutum erat, in ipsum, si commodè posset, exequi: sicut ad illum spectabat Principem lepra infectum à regni administratione amouere, & extra conuietum hominum constituere: vt ex ijs quæ Leuit. 13. habentur, constat.

Hinc Lucifer Calaritanus lib. 1. pro S. Athanasio p. 12. commemorato loco isto Deuteronomij, ita scribit: *Præceptum est tibi Imperator hoc loco non solum non dominari Episcopis, sed & ita obedire eorum statutis, vt si subuertere eorum decreta tentaueris, morte mori iussus sis. Ex quomodo dicere poteris, inuicere te posse de Episcopis, quibus nisi obedieris, iam quantum ad Deum, mortis pœna fueris multatus.* Hic Lucifer etiam Reges comprehendit docet, & eadem pœna afficiendos. Et paulò antè dicit Imperatorem *ita traditum & subiectum potestati Episcopi à Deo, vt si illi iussa defendenti* (in causa religionis) *resisteris, morte sis plectendus.*

67. 5. Quod confirmatur 2. Paralip. 26. vbi legimus Oziam Regem cum Sacerdotum officium vsurparet, & idcirco lepra à Deo percussus fuisset, statim à Sacerdotibus fuisse è templo expulsum, & vrbe eiectum, & regni administratione priuatum. Quod enim non sua sponte, sed ex sententia summi Sacerdotis vrbe & regni administratione priuatus fuerit, colligitur ex ijs quæ habentur Leuitici 13. 3. vbi de leproso dicitur: *Ad arbitrium Sacerdotis separabitur.* & v. 44. *Quicumque maculatus fuerit lepra, & separatus ad arbitrium Sacerdotis; habebit vestimenta dissuta, caput nudum &c. omni tempore quo immundus erit, solus habitabit extra castra.* Quod si olim Sacerdos summus in causa lepræ corporalis poterat Regem iudicare, vrbe eicere, & regni procuratione priuare: cur modò in nouo Testamento non idem poterit sum-

Summus Sacerdos in lepra spiritali, nimirum in hæresi? Hæc enim per lepram figurari docet S. August. qq. Euangel. lib. 2. q. 40. cur quod Sacerdos typicus poterat ob peccati contagiosi figuram corpori solum noxiam; idem non poterit Sacerdos verus propter ipsius peccati substantiam animabus nocentissimam: præsertim cum idcirco in veteri Testamento illa Deus sanxerit de lepra corporali, ut intelligamus quid nobis faciendum in nouo de lepra spiritali?

Huic argumento simili ferè modo à doctissimis viris Sanderò & Bellarmino proposito, mirè insultat Barclaius cap. 37. Summa responsionis est, Oziam non fuisse priuatum regno; sed regni dumtaxat procuratorem quam ipse ob vim morbi obire non poterat, filio eius commēdatam. Eadē habet Blacuellus q. 2. p. 162. Verū nihil dicunt quod ad rem magnopere faciat. Non enim illi vrgent priuationem tituli, vel authoritatis Regiæ consideratæ in habitu, ut Philosophi loquūtur; sed quatenus expedita ad actum. Quia etsi fortè authoritas Regia non omnino fuerit ei adempta, tamen non potuit ea vlllo modo vti, nec honoris Regij esse particeps. vnde fuit ea priuatus, si facultatem vtendi, & eius vsum, & cetera quæ in hac dignitate æstimari solent spectemus. Quid enim prodest nomen Regium, si domi conclusum & solitarium manere oportet, nec vlli negotio te potes miscere, aut vllius honoris esse particeps? Quamobrem Chrysostomus homilia 5. de verbis Esaïæ bis ait, *Oziam dum vult usurpare sacerdotium etiam amisisse regnū*. Itaque ex hoc loco illud saltem manifestè conuincitur, Principem si spiritalem lepram incurrat, iudicio summi Sacerdotis non solum extra Ecclesiam posse eijci, ut vult Barclaius, sed etiam administratione regni, donec resipiscat, priuari: sicut olim ob lepram non solum extra ciuitatem & castra pellebatur, sed etiam regni procu-

68.

Resp. ad-
uersarij
refutatur.

ratio ei adimebatur.

Non fuit
amotus
ob vim
morbi.

Neque id fiebat ob vim morbi, vt ipse sine Authore & ratione confingit, quasi idcirco administratio regni alteri committeretur, quod lepræ vis Regem effecisset ineptum: sicut cum quis incidit in amentiam, paralyfin, vel sensibus necessarijs destituitur: quia Levit. 13. Scriptura omnem leprosum iubet separari, etiam si corpore, sensibus & iudicio ad consuetas functiones satis polleat; & sæpè lepra vnā tantum corporis partem, vt caput, frontem, mentum vel manum occupat. Imò etiam ingens lepra totum corpus occupans sæpè hominem aptum ad functiones publicas & priuatas relinquit. Nani Almaricus Rex Hierosolymæ etsi lepra vehementi laboraret, Regnum tamen constantissimè & prudentissimè vsque ad mortem gubernauit, vt scribunt Platina in Alexandro 3. Tyrius, & alij. Naaman quoque Princeps militiæ Regis Syriæ, totus leprosus erat, & tamen rem bellicam optimè gerebat 4. Regum 5. Itaque propter ipsam speciem morbi, non propter valetudinis imbecillitatem administratione priuabatur. nec obstat quod non priuabatur titulo Regni; quia cum lepra corporalis non esset culpa, sed pœna, vel calamitas inuoluntaria, non suberat ratio, cur propter illam titulo priuaretur. Aequitas enim postulabat, vt obtenta sanitate restitueretur. secùs in lepra spiritali; quæ cum culpa sit grauissima, meretur hanc priuationem.

Sed inquit, Deus disertè iusserat vt leprosi separarentur, & ita Sacerdos solùm erat executor diuini mandati. Respondeo. Etiam modò est executor diuini mandati, quando Hæreticum Ecclesiæ perniciosum eijcit, & viribus spoliât, vt nocere desinat. Ideo enim Dominus illa statuit de leprosis corpore, vt intelligamus quid modò faciendum de leprosis animo. Res legis veteris figuræ sunt earum rerum, quæ gerendæ in lege noua,

1. Cor.

1. Cor. 10. Accedit, quod iure diuino Pastor teneatur totis viribus oues suas tueri, & lupis resistere. Si ergo Princeps lupus fiat, poterit pastor ouium Christi, tamquam Iuris diuini executor, aduersus illum insurgere, & facere quidquid ad ouium salutem est necessarium.

6. Rursus in lege veteri Ioiada summus Sacerdos congregatis Ducibus & manu militari, iussit eis vt Athalia matrem Regis defuncti, quæ occisis nepotibus Regnum occuparat, interficerent, & omnes eos, qui eius partes tueretur: & in locum eius Ioas filium Regis nepotem Athalia Regem creauit, vt habemus 4. Reg. 11. & 2. Paralip. 23. Causa verò huius facti primaria non erat, quod illa per tyrannidem, & eadem legitimorum heredum regnum occupasset: sed quod esset impiissima, vt quæ filium ad cultum Baal impulerat; & eo mortuo, eundem cultum in regno foueret. Vnde cum Scriptura narrasset quomodo præcepto Ioiadae fuerit interfecta, statim subdit: *Pepigit autem Ioiada fœdus inter se, vniuersumque populum & Regem, vt esset populus Domini. Itaque ingressus est omnis populus domum Baal, & destruxerunt eam, & altaria, ac simulacra illius confregerunt. Mathan quoque Sacerdotem Baal interfecerunt apud aras.* Si causa religionis hæc poterat summus Sacerdos in lege veteri, cur non in lege noua? præsertim cum Religio nunc longè sit excellentior, & potestas summi Sacerdotis longè maior & diuinior?

Ad hoc argumentum Barclaius cap. 38. post aliqua parerga respondet. Exemplum de Ioiada & Athalia nihil ad hanc disputationem pertinere: hic enim agi de legitimo Principe, Athalia autem nullo iure regnum possedisse, sed immani tyrannide per vim & scelus, & cruentâ Regiæ sobolis necem: quæ propterea in ea causa fuit, vt in iussu Ioiadae Sacerdotis, cadi iussu à quolibet privato posuerit. Sed contrâ. 1. Quia etsi Athalia initio ius ad regnum

69.

70.
Respon-
sio aduer-
sarij.

Refutatur **Athalia** nō poterat à quouis priuato interfici.

gnum non haberet, legitimis heredibus extantibus; tamen illis interfectis ipsa debebat succedere. Quare cum non putaretur aliquis superesse, opinione populi Ius habuit, & à populo pro legitima Principe fuit admissa, ita vt per 6. annos pacificè regnum possederit. Itaque verum non est illam à quouis priuato potuisse interfici. Et si enim tyrannicè egerit legitimos heredes interficiendo: non tamen visa est tyrannicè agere, regnum postea occupando & possidendo, cum putaretur hoc iam ad illam pertinere. Vt autem posset ratione tyrannidis interfici, opus erat declarari illam re vera Ius non habere, & per ignorantiam veri heredis illam à Regno fuisse admissam: iudè debebat constare id regno placere. Rebus enim tranquillis, non facillè aliquid aduersus eum qui tyrannicè ingressus est, attetandum; quia consensus regni ex tyrannicè ingresso, iustum Principem facere potest. Hoc enim modo pleraque regna exorta; est quæ res in omnibus regnis, & præsertim in Romano Imperio crebrò vñitata.

2. Tyrannus non potest occidi, nisi in modum iustæ defensionis, nimirum quia alia ratione vis eius quam infert Reipub. auerti nequit. Athalia verò non est occisa ob necessariam defensionem (facillè enim potuisset coerceri absque morte, ne Reipub. noceret, vniuerso populo ad nouum Regem transeunte) sed in vindictâ præcedentium scelerum: ac proinde autoritate iudiciaria. itaque Ioiadas egit ibi tamquam Superior & Iudex. Quare non solum suasu (vt vult Barclaius, falsò addens interpretes id notare) sed præcepto & autoritate Ioiadæ interfecta fuit, quod etiam apertè indicat Scriptura, cum ait: *Egressus Ioiada Pontifex ad centuriones & Principes exercitus dixit eis: Educite illam extra septa Tēpli, & interficiatur gladio: præcepitque Sacerdos ne occideretur in domo Domini &c.* Quæ verba manifestè insinuant autoritatem

tem & præceptum. Accedit, quòd in centurionibus & milite non fuerit vlla ad hoc faciendum authoritas. Necesse ergo est affirmare eam in Ioiada fuisse, cuius ductu hæc omnia peracta.

7. Lex diuina iubet interfici omnes diuinos, ariolos, pseudopphetas, & omnes qui populum à cultu diuino auerūt, vt patet Leuit. 20. Deuteron. 13. & alibi, nec vllus ab hac lege excipitur. quia etiam integræ vrbes cum omnibus suis habitatoribus ob desertam religionem deleri iubentur: ergo etiam Princeps quando ad hæc scelera se conuertebat, nec vlla ratione ad sanitatem reduci poterat, coerceri & puniri poterat, si vires ad exequendum suppeterent. Sicut enim quia lege diuina statutum erat, vt leprosus degeret extra castra, nec vllum cum hominibus haberet commercium, hoc ipsum etiam cum Principibus obseruandum erat, Sacerdote cognitore, iudice, & executore, vt ostensum est suprâ nu. 67. ita etiam ea quæ de tollendis è medio, vel coercendis ijs, qui à cultu diuino ad impietatem se conferunt diuinitus sunt statuta, cum ijsdem seruanda erunt, quia eadem lege sancita sunt; præsertim cum in his longè maior sit ratio. Absurdum profectò est dicere Sacerdotem potuisse exequi legem diuinam circa Principem leprosum; non tamen circa Principem Atheum, Idololatram, Hæreticum, qui vniuersum populum ad impietatem impelleret. Hunc locum Deuteronomij adducit Lucifer Calaritanus in lib. de non parcendo in Deum relinquenti p. 227. & ex eo etiam Principem, qui populum à vera religione abducit plestendum ostendit. *Præceptum*, inquit, *est Te interfici, quippe Deum me derelinquere, inuitantem.* alloquitur Imperatorem Constantinum. & sanè si integræ Ciuitates cum omnibus suis habitatoribus à populo deleri iubentur propter ista scelera, quis dicat vni Principi parcendum fuisse?

8. De-

71.

72. 8. Denique Deus ipse interdum in vetere lege curauit Reges ob impietatem deponi, & quosdam etiam penitus deleri, ac alios eorum loco constitui, vt ostenderet quid ob similes causas etiam in noua lege fieri posset & deberet, cum occasio daretur. Sic Saul ob usurpatum sacerdotale ministerium, & alias diuinæ legis transgressiones, regni Iure quoad transmissionem in posteros, exutus fuit opera Samuelis, & in locum eius Dauid inunctus 1. Reg. 15. & 16. Sic Regnum Salomonis propter eius Idololatriam scissum est, & posteri maxima parte illius priuati, retentis solum duabus tribubus, reliquis 10. in Ieroboam translatis, idque ministerio Ahizæ Prophetæ 3. Reg. 11. & 12. Sic Regnum Israel à Ioram translatum in Iehu opera Elifæi, & interfectus est ipse Ioram & Iesabel, & Ochozias, ob impietatem & eadem Prophetarum ac Sacerdotum Domini 4. Reg. 9. totaque stirps Achab à Iure regni submota.

73. Dices, hæc omnia iussu diuino & extraordinaria Obiectio: cōmissione peracta: ac proinde non rectè colligi similia posse fieri in noua lege per ordinariam summi Pontificis potestatem. Resp. negando consecutionem. quia tota illa potestas Iurisdictionis necessaria ad regimen populi fidelis, qua Deus varijs occasionibus illo tempore vsus fuit per Prophetas, hoc tempore eminenter existit in Christo, & à Christo deriuata est in eius Vicarium, qui vice ipsius Ecclesiæ gubernaculis præsidet. Sicut enim ante Christi aduentum Deus sæpe mittebat doctores cum extraordinaria authoritate docendi, nimirum Prophetas; quia doctrina salutis adhuc erat imperfecta: ita etiã quia authoritas Sacerdotis erat imperfecta, mittebat subinde aliquos cum extraordinaria Iurisdictione ad aliquid in Republica mutandum, corrigendum, aut fontes plectendos; adeo vt etiam Prophetis daretur authoritas interficiendi. Vnde 3. Reg. 19. dicitur: *Qui-*

Potestas in
veteri Te-
stamento
sparsa, in
nouo est
collecta.

cum-

tumque effugerit gladium Hazael, occidet eum Iehu: & quicumque effugerit gladium Iehu, interficiet eum Elisæus. Et 2. Reg. . 18. Elias Iesabelis pseudoprophetas qui comedebât de mēsa eius quadringentos quinquaginta viros vna die occidit. Samuel 1. Reg. . 15. Agag Regem captiuum, quem Saul & populus volebant seruare, in frustra concidit coram Domino. At post Christum doctrina salutaris est satis reuelata; autoritas summi Pontificis est eminentissima, vtpote Vicarij Christi. Vnde Deus numquam mittit hoc tempore Doctores cum extraordinaria autoritate, sed omnes vult pēdere à Vicario Christi, & eorum doctrinam eius examini & iudicio esse subiectam. Similiter nec vlli dat extraordinariam Iurisdictionem ad aliquid mutandum vel corrigendum in Ecclesia, vel ad puniendos Religionis desertores: sed hanc omnem vult esse penes summum Ecclesiæ Pastorem, qui cū vices Christi gerat in terris ad eius regnum gubernandum, omnem habet potestatem, quam decet habere Proregem in absentia Regis. Quidquid ergo olim Deus disposuit per Prophetas in populo Iudaico circa politix mutationem ad religionis tutelam, potest summus Pontifex sua ordinaria autoritate, quam habet vt Vicarius Christi, quādo causa religionis postulat: alioquin Deus maiore curam habuisset Legis veteris quā nouæ, vmbra quā veritatis. Cōfirmatur ex S. Bernardo lib. 2. de Consideratione, vbi ponit in illo collectim omnem dignitatem & autoritatem, quæ in veteri lege diuissim concessa fuit: *Age (inquit) indagemus adhuc diligentius qui sis, quam geras videlicet pro tempore personam in Ecclesia Dei. Quis es? Sacerdos magnus, summus Pontifex. Tu Princeps Episcoporum, Tu heres Apostolorum, Tu primatu Abel, gubernatu Noe, patriarchatu Abraham, ordine Melchisedech, dignitate Aaron, autoritate Moyses, indicatu Samuel, potestate Petrus, vñti-*

one Christus . Tu es cui clauēs tradita , cui oves credit a sunt . Sunt quidem & alij cali ianitores , & gregum pastores : sed Tu tantò gloriosius , quātò differentius utrumque pra ceteris nomen hereditasti . Habent illi sibi assignatos greges , singuli singulos : Tibi vniuersi crediti ; vni , vnus ; nec modo ouium , sed & pastorum Tu vnus omnium Pastor . Vnde id probè quæris ? Ex verbo Domini . Cui enim non dico Episcoporum , sed etiā Apostolorum sic absolute & indiscretè tota cōmissa sunt oves , Si me amas Petre , pasce oves meas ? Quas ? Illius aut illius populos ciuitatis , aut regionis , aut certi regni ? Oves meas inquit . Cui non planum non designasse aliquas , sed assignasse omnes ? Nihil excipitur , vbi distinguitur nihil . Hæc & alia multa electū illud Spiritus Sancti organum . Ex quibus patet testimonio B. Bernardi omnem auctoritatem olim per partes varijs pastoribus & populorum Iudicibus collatā , in hoc pastore reperiri collectā & vnitā .

T E R T I A P R O B A T I O .

Ex testimonijs Principum , & Doctorum Ecclesiæ .

44. **F**ATETVR Author Monitionis omnes Principes Christianos , iam à tempore labentis Imperij , & præsertim à mille annis , hanc potestatem in summo Põtifice agnouisse . pag. enim 106. dicit , *omnes in cōmune Principes Christianos perdiuturno tempore (nimirū à tēpore Bonifacij 3.) in adorāda bestia perseuerasse , agnoscēdo & venerando ipsius supremam , & illimitatam potestatem , quæ ad Iura Regum extenditur .* hoc enim est adorare bestiam , vt ipse pag. 79. explicat . Itaque non est quòd laboremus in eo probando , cū aduersarius sponte fateatur . Quòd si tanto tempore in pacifica possessione huius potestatis fuit , quo iure nunc deturbabitur ? Verum hunc

hunc locum satis expendimus suprà numero 2. & 3. Hæc argumenti forma vsus est Henricus 8. Rex Angliæ scribens aduersus Lutherum in assertionem 7. Sacramentorum art. 2. *Sit tantã (inquit) & tam latè fusam potestatem neque Dei iussu Pontifex, neque hominum voluntate consecutus est, sed sua sibi vi vindicauit; dicat velim Lutherus quomodo in tanta ditionis irrupit possessionem? non potest obscurum initium esse tam immensa potentia, præsertim si intra hominum memoriam nata sit. Quod si rem dixerit unam fortasse, aut duas ætates superare, in memoriam nobis rem redigat ex historijs: alioquin si tam vetusta sit, ut rei etiam tanta obliterata sit origo, legibus omnino cautum esse cognoscat, ut cuius Ius omnem hominum memoriam ita supergreditur, ut sciri non possit cuiusmodi habuerit initium, censetur habuisse legitimum; vetitumque esse constat omnium consensu gentium, ne qua diu manserint immota, moueantur &c.*

Quibus adde iudicium Reginæ Angliæ totiusque Epist. 144.
Regni Anglicani. Hæc enim cum Rex è bello sacro re- inter epist.
uertens per Germaniã ab Imperatore detineretur, ita Petri Ble-
scribit ad Cælestinum Papam, ultionē flagitans: *Gentes 146.
diuulsa, populi lacerati, prouincia desolata, & generaliter to-
ta occidentalis Ecclesia confecta lamentis, in spiritu contri-
to & humiliato supplicat Vobis, quem constituit Deus super
gentes & regna in omni plenitudine potestatis.* [Nota] in om-
ni plenitudine potestatis. *Afflictorū quaso clamor introcat
in aures vestras. calamitates enim nostræ multiplicatæ sūt su-
per numerum, nec ista dissimulare potestis citra criminis &
infamia notam, cum sis Vicarius Crucifixi, successor Petri,
sacerdos Christi, Christus Domini, Deus etiã Pharaonis. Et
infrã. Vbi est zelus Elia in Achab? Zelus Ioãnis in Herodem?
Zelus Ambrosij in Valentem? Zelus Alexandri tertij, qui si-
cut audiuius & vidimus, patrem istius Principis Frederi-
cum, plena auctoritate Apostolica Sedis, à fidelium com-*

munione praecludit ? Porro Tyrannus Apostolicas claves habere ludibrio, nec nisi verba reputat legem Dei. Scriptum est enim: Qui vos spernit me spernit.

Præterea quod Principes Christiani hanc potestatem semper agnouerint, etiam ex eo manifestè colligitur; quod cum summus Pontifex diuersis sæculis, tum in Imperatores, tum in alios Principes ea usus fuerit; reliqui Principes non se opposuerint, non cōtradixerint nec Pontificem vsurpatæ potestatis accusauerint. quod tamen haud dubiè fecissent, si existimassent illum tale Ius iniquè vsurpasse. id enim in communem omnium iniuriam redundasset. At tantum abest, ut se commouerint, ut plerumque sua autoritate & potentia illi ista molientem tutati sint & iuuerint, præsertim Christianissimi & Potentissimi Galliarum Reges. Sic Callistus 2. cum adhuc esset Legatus Paschalis Papæ, & intellexisset quæ Henricus 5. in Pontificem iniquè admiserat; Viennæ in Gallia coacto Concilio illum publicè excommunicauit: quod extra Galliam illi periculosum fuisset, Henrico omnia obtinente. Deinde Pontifex factus mansit in Gallia donec Henricum Ius inuestituræ compulset Ecclesiæ renuntiare: testatur Massonius in Callisto 2. Alexander 3. in controversia cum Frederico 1. cum nusquam tutus esset, recepit se in Galliam, & inde Fredericum excommunicauit, suamque autoritatem aduersus illius conatus egregiè tutatus est: refert Platina in Alexandro 3. Innocentius 4. in contentione cum Frederico 2. in Gallias tamquam in tutissimum portum fugit, ibique Synodo Oecumenica indicta Fredericum deposuit Gallorum potentia protectus: referunt Platina & Masson. in Innoc. 4. Interfuit huic actui S. Ludouicus, & se viresque Regni sui tutandæ Pontificiæ potestati paratas esse professus est: ut scribit Paulus Aemilius. Idem Innocentius vsque ad Frederici mortem in Gallia mansit.

Ioan-

Ioannes 22. fretus Gallorum viribus Ludouicum Bauarum excommunicauit, Imperio priuauit, & alium in eius locum eligi iussit: cuius deinde sententiam Benedictus 12. confirmauit, eodem Regno se continens: referunt Plätina & alij. Ex quibus patet Galliae Reges nō solum hanc potestatem in summo Pontifice agnouisse, sed etiam eius præcipuos fuisse defensores.

Nec obstat quod Philippus pulcher cum tantas gereret cum Bonifacio 8. simultates, visus sit hanc auctoritatem non agnoscere. quia non negabat, quin Pontifex Principem ex iusta causa (vt si fieret Hæreticus) posset regno priuare, & subditos à Iuramento absoluere; sed non posse id facere ex quauis causa, pro suo arbitrio, & iure directo; quo modo Bonifacius ipsi videbatur hanc potestatem sibi velle vindicare. hoc enim erat, quod Regem illum potissimum offendeat. Quod enim idem Rex hanc potestatem in Pontifice agnouerit, patet ex ijs quæ sub Clemente 5. paulò pōst sunt consecuta. vacante enim sede Imperiali per mortem Alberti Imperatoris, Philippus Rex cum suis proceribus consilium habuit, in quo tandem illud decretum est, vt à Pontifice peteretur, vt Imperium rursus à Germanis ad Gallos veller transferre. *Cui enim (inquit Rex) fiat iniuria, si vacantis Imperij conditio permutetur? Idem fecerunt olim Pontifices alij.* refert ista Conradus Vercerius lib. de gestis Henrici 7.

Eandem potestatem agnouere & Imperatores Græcorum. Nam, vt scribit Zonaras, Patriarcha Constantinopolitanus palàm dixit Isaaco Cōneno Imperatori; quod quemadmodum per manus ipsius Imperium acceperat (tolent enim à Patriarcha coronari, facta prius proprio chirographo sponcione fidei Catholicæ seruandæ;) ita nisi rectè ac pro dignitate administraret, illud ipsius auctoritate esset amissurus.

Emanuel Cōnenus cū Fredericus primus iure Imperij videretur excidisse, duabus legationibus egit cum Alexandro 3. vt ipsius decreto Imperium occidentale rursus ad Græcos transferretur, promissa ingenti pecunia, & valido exercitu aduersus Fredericum; & vnione Ecclesiæ Græcanicæ cū Latina sub vnus Pastoris Romani Pontificis obedientia: vt refert Platina in Alexandro 3.

Denique hanc ipsam potestatem agnouerunt etiam illi Imperatores, qui à summo Pontifice excommunicati & abdicati fuere, vt Henricus 4. Henricus 5. Fredericus 1. Ortho 4. Ludouicus Bauarus &c. Cuius signum est, quod multis modis egerint, vt Ecclesiæ reconciliarentur; & aliqui etiam reipsa præstita satisfactione se submiserint. Deinde quod Pontifici resisterent, id non erat quod prætenderent nullo euentu hanc potestatem illi competere (sicut modò politici quidam faciunt) sed quod vel negarent crimina de quibus accusabantur, vel negaret ea esse digna tali pœna: imò dicerent iure se facere quod criminis loco obijciebatur, aut Papam non esse legitime electum. Nullus eorum eò impudentiæ (quantum aduertere potui) venit, vt apertè omnem huiusmodi potestatem in omni euentu legitimo Pontifici abiudicaret. Vide plura infrà nu. 114. Ex his euanescent ea quæ in libello Regio de Imperatoribus & Regibus Angliæ Pontifici aduersantibus proferuntur.

Quod ad sententiam Sanctorum Patrum attinet, cū doceant Romanum Pontificem esse totius Ecclesiæ Pastorem, & supremum in terris Sacrorum Principem, habere clauēs Regni cælorum, & omnem ligandi & soluendi in terris potestatem; non est dubitandum quin sentiant etiam de temporalibus posse disponere, quando id ad sacræ religionis tutelam, & salutem ouium Christi est necessarium. Cui enim cōcessa sunt maxima non sunt denegata minima. cui cōmissa est procuratio finis,

ei

ei necessarium est potestas in media.

Itaque pluribus testimonijs, quibus id speciatim affirmetur, opus non est. Quia tamen aduersarij sæpe clamant hanc sententiam veteri Ecclesiæ planè ignotam fuisse, nonnulla adferemus, quibus perspicuè & in specie contrarium demonstratur. Lucifer Calaritanus lib. 1. pro Athanasio pag. 11. & 12. clarè docet Principè hæreticum iure diuino esse morte plectendum; idque probat ex cap. 17. Deuteron. *Præceptum tibi* (Cōstanti Imperator) *non solum non dominari Episcopis, sed & ita eorum obedire statutis, ut si subuertere eorum decreta tentaueris, si fueris in superbia comprehensus, morte mori iussus sis.* Et lib. de non parcendo in Deum delinquenti pag. 227. id ipsum probat ex cap. 13. Deuter. pag. 253. *Si fuisses inter manus Mathathie illius zelantis, aut in manu Phinees, & alienigenarum more viuere tentares, sine dubio Te gladio interfecerent, illi Te gladio fuerant interfecuturi.* Idem docet Principem hæreticum procul à populo Christiano abigendum, & ab omnibus vitandum, ne suo contagio alios inficiat, idque exemplo Oziæ lepra percussit. Lib. enim de non parcendo &c. pag. 286. ita scribit. *Quæ ista nostra, Constanti superbia est, quæque arrogantia, si, quia te videmus morbidum esse, pestiferum, quippe Ariannum elephantiam in te esse, urgeamus te secedere à populo Dei sicut illi Sacerdotes Domini Oziam de templo compulerunt egredi, quia te ita cogitamus dare Deo honorem? Si enim Oziam Dei Sacerdotes idcirco pellebāt ex aula Dei, quia meminissent diuinitus præceptum leprosos ante expiationem ingredi templum prohibitos: quando magis nos dignè Te, conspice, ex Ecclesia pellere Christi, de domo Domini: quia non sit licitum hæreticum hominem conuenire cum Catholicis, insanum cum sanis, plenum immundis spiritibus cum eis in quibus inhabitat spiritus Dei.* Et lib. de non conueniendo cum hæreticis pag. 190. *Legisti Deum dixisse*

Esse expellendum.

ad

ad Moysen & Aaron, secedite à medio populi huius indisciplinati & contumacis, & disperdami eos ego. Quid ergo nos vult facere, nisi ut vos indisciplinatos & contumaces fugiamus, ne simul vobiscum, sicut illi qui cum Core, Dathan, & Abiron fuerant coadunati, percamus? Aut negabis te indisciplinatum & contumacem? respice actus tuos circa Domini exhibitos Ecclesiam, & inuenies quàm sis indisciplinatus & contumax. Pag. 193. Quomodo poteramus vobiscum conuenire, quando in Regnorum tertio scriptum sit libro, nec domos vestras esse calcandas, nec cibos vobiscum sumendos, nec aquam accipiendam à vobis &c.

Idem lib. 1. pro Athanasio p. 12. docet Hæreticum non posse esse Principem super fideles. Quis es tu, qui tibi usurpasti hanc autoritatem quã tibi Deus non tradidit, & si traderet & inter te esse permetteret, primo in loco Christianum te esse oportuerat, quia scelus est alienigenam Dei seruos iudicare, inimicum religionis domesticos Dei. Deinde si fuisses Christianus, & te participem censuisset Deus sacerdotibus fieri ad gerendum populum eius, accipe qualem te preceperit in Deuteronomio &c.

Lib. 2. pag. 125. ostendit hæreticum Imperatorem ne quidem in testem admitti posse aduersus Catholicum. Neque tu (Constanti) neque consacrilegi tui filij meretricis hæresis Ariana potestis admitti testes contra Catholicum Episcopum. Dominus enim loquebatur de tribus Catholicis testibus, de seruis Maiestatis suæ, ut illis crederet beata Ecclesia non vobis prophanis ex adulterio de meretrice natis. Si vos hæretici & quidem omnium sectarum admittendi essis testes contra Christianos, debent & Ethnici & Iudæi &c. Quomodo ergo poterit admitti in Iudicem? Omitto alia plurima quibus libri istius Authoris pleni sunt.

Hier. de script. Eccl. in Lucifero.

Idem fuit communis sensus aliorum sanctorum Patrum. Nam Lucifer iste valde laudatur à S. Hieronymo, Hilario, Athanasio, & alijs Patribus, tamquam præcla-

rus

rus Christi Confessor, bonus Episcopus, & vir religiosus clarissimæ confessionis, nimirum quia tam præclare se aduersus Imperatorem hæreticū gesserit. Nec solum ipse laudatus fuit, sed etiam Opus eius aduersus Constantium ab Athanasio, & ceteris sanctis Confessoribus in exilio degentibus summopere commendatū. Sic enim omniū Episcoporum & Confessorū in exilio degentium nomine ad illum scribit Athanasius. *Accepimus itaque epistolas & libros religiosissima ac sanctissima animæ tuæ, in quibus perspeximus imaginem Apostolicam, fiduciam propheticam, magisterium veritatis, doctrinam veræ fidei, viam caelestem, martyrij gloriam, triumphos aduersus hæresim Arianam, traditionem integram Patrum nostrorum, regulam rectam Ecclesiastici ordinis &c. Docuisti calcandos esse frendores diabolicos. videris esse verum templum Saluatoris, qui in te habitans, hæc ipsa per te loquitur. Tantus nunc est amor affectionis tuæ in animis omnium collocatus, ut Heliam te temporibus nostris nominet &c. Crede mihi Lucifer, non tu solus hæc locutus es, sed Spiritus sanctus tecū &c.* Extat hæc epist. in fine operis Luciferi. Idem S. Athan. libros Luciferi in Græcum sermonem transtulit, vt refert Marcel. I. de schismate Vrsicini ad Theodosium.

Hilarius I.
contra
Constantium.

Athanas.
epist. ad
solitarios.

Opus Luciferi sum-
mè com-
mendatū
à Patrib.

Dicer aliquis, Luciferum fuisse hæreticum. At cū illud opusculum scripsit non fuit hæreticus, sed gloriosus Christi Confessor, multa exilia pro defensione fidei perpeffus, & Catholicorū aduersus Arianos coryphæus. Itaque lapsus eius qui multis annis pōst accidit, non in hæresim, sed in schisma tantū, non potest eius opusculis aliquid authoritatis detrahare.

S. Babylas martyr summis laudibus à Chrysostomo celebratur, qudd Imperatorem quasi vile mancipium impacta in pectus dextra è templo exegit, contempto ipsius comitatu & turba militari, qua cinctus erat. *Quomodo (inquit) senex ille accessit? quomodo prætoria cohorte dispauit?*

Q

pauit?

pauit? quomodo verba fecit? quomodo increpuit? quomodo dextram in pectus impactam firmanit? pectus, inquam, ira surgens ac cadoferuens. Quomodo homicidam exegit? Exclamare hic libet. O animum imperterritum, mentemque excelsam! ô caleste pectus & constantiam angelicam! Illum sacra erudierant littera mundi huius res omnes non nisi umbrâ esse ac somnium. & si quid his vanius est &c. Et infra. Licetbat Balyla si voluisset ulterius progredi. ei enim qui vitæ curam semel abiecerat, omnia liberè agere licebat, & Imperatorem conuicijs aspergere, & diadema capite detrahere & pugnis os contundere. nam & dextram in pectus iam impigerat; sed tamen his omnibus abstinuit &c. Qui hoc modo se in Imperatorem Decium gessit, quis dubitare potest, quin eum potentia imperij qua in damnum religionis abutebatur exururus fuisset, si id in eius fuisset potestate?

S. Hilarius lib. contra Constantium Augustum. Proclamo tibi, Constanti, quod Neroni locuturus fuissim; quod ex me Decius & Maximianus audirent: Contra Deum pugnas contra Ecclesiam sanis, sanctos persequeris. prædicatores Christi odis, religionem tollis tyrannus iam non humanorum sed diuinorum. Hæc tibi cum multis communia sunt. at verò nunc propria tua accipe. Christianum te mentiris, Christi nouus hostis es, Antichristum prauis, & arcanorum eius mysteria operaris. Et infra. Tu Constanti omnium crudelitatum crudelissime damno maiore in nos & venia minore quam Pagani illi persecutores desauis: subrepis nomine blandiente; occidis specie religionis: Christi fidem Christi mendax prædicator extinguis: sceleratissime mortalium omnia persecutionis mala ita temperas, ut excludas & in peccato veniam & in confessione Martyrium &c. Item. Pugnamus contra persecutorem fallentem, contra hostem blandientem, contra Constantium Antichristum &c. Ita toto illo opusculo sanctissimus ille Doctor in Imperatorem fulminat. Quibus ille clarè ostendit hæreticum Principem qui Ecclesiam perse-

persequitur, non esse habendum pro Principe, sed pro tyranno & hoste publico: neque ei obedientiam deberi, qua potentia eius roboretur, sed potius infamiam & dedecus, ut ab omnibus contemnatur. Quis enim umquam ita in suum legitimum Superiorem inuectus est? Quomodo ei debetur humilis obedientia, cui iure tanta irrogatur ignominia? cur non possit spoliari potentia qua Ecclesiam vastat, qui potest spoliari honore & publica affici ignominia?

S. Chrysostomus homil. 5. in sextum caput Esaie Lib. de
S. Babyla
contra gé-
tiles to. 5.
tomo 1. *Ingressus est Ozias in templum Domini: ingressus est & Azarias Sacerdos post eum. Non temerè dicebam Sacerdotem Rege maiore esse. neque enim ut Regem effecturus, sed ut profugum & ingratum famulum expulsurus cum austeritate ingressus est. non aliter quam generosus canis incurrit ad impuram bestiam, & illam exigit ex adibus herilibus. Non aspicebat principatus fastum. non audiebat illud Salomonis, Mina regis sicut ira leonis: sed sublati oculis ad verum Regem calorum, & ad illud tribunal, easque pœnas considerans, & his cogitationibus se muniens, impetum fecit in Tyrannum. Nouerat enim quod cōminatio regis similis sit ira leonis, dumtaxat ijs, qui terram spectarent. Verum homini qui calum haberet pra oculis, quouis cane vilior erat ille. Nihil enim illo imbecillius, qui diuinas conculcat leges: & contra, nihil potentius eo, qui leges diuinas defendit. Nam qui peccatum committit seruus est peccati, etiamsi decem millia coronarum habeat in capite &c. Et infra. Ingressus est (Rex) ut sacerdotium usurparet, & Regnum perdidit: ingressus est ut fieret venerabilior, & factus est execrabilior. Nam quouis homine priuato posthac erat execrabilior. adeo res est mala non manere intra fines nobis à Deo praescriptos, siue honoris, siue cognitionis res fuerit.*

Idem homil. 4. & 5. docet populum peccasse, quodd reueriti regalem dignitatē, Regem procul extra urbem

non expulerint ; ideoque Deum illis subtraxisse prophetiam usque ad mortem Oziæ. Homil. 4. *Exiit igitur Rex cum lepra, nec tamen eiecerunt illum è ciuitate, diadema illius regiamque dignitatem reueriti. quid ergo? Deus irascens Iudæis, interrupit prophetiam. Quasi dicat: non vultis vlcisci meam vicem? Non colloquar vobiscum. neque enim non poteram ego illum eijcere; verum quod restabat vobis relictum esse volui.* Similia habet homilia 5. Si Deus iratus est populo iuxta S. Chrysost. quoddam regem corpore leprosum non expulerit è ciuitate procul ab hominum commercio: quantum magis irascetur si leprosum mente, cuius lepra innumeras perdit animas, non eijciant, cum facultas & opportunitas suppetit?

S. Ambrosius, cum Imperator depositum viduæ cui-dam, Ecclesiæ commendatum auferre vellet, fortissimè ei restitit: & ipsius consilio Episcopus Ticinensis ea conclauia, ad quæ viduæ depositum fuerat translatum, obsedit; ne videlicet vi auferri posset. Ita refert Ambros. lib. 2. officiorum cap. 29. ubi etiam indicat populum se Episcopo in huiusmodi causis, contra impetum Principis debere coniungere. *Egregiè (inquit) hinc vestrum enitescit ministerium, si suscepta impressio potentis, quam vel vidua, vel orphani tolerare nequeant, Ecclesiæ subsidio cohibeatur: si ostendatis plus apud vos mandatum Domini, quam diuitis valere gratiam. Meministis ipsi, quoties aduersus regales impetus, pro viduarum, imò omnium depositis certamen subiecirimus. Commune hoc vobiscum mihi recens exemplum Ecclesia Ticinensis proferam, quæ vidua depositum quod suscepit amittere periclitabatur &c.*

Quod si pro defensione depositi ne fides & auctoritas Ecclesiæ periclitetur, Episcopus cum plebe se potest aduersus vim iniquam Principis opponere: quantum magis pro defensione sacramentorum, & totius religionis?

Neque dici potest Ambrosium non agere de opposi-
tione

tione armorum . etſi enim non dicat expreſſè debere armis reſiſtere : tamen vult plebem Epifcopo ſuo ſe coniungere , & oſtendere ſe pro illo ſtare , vt Princeps metu plebis abſterreatur ab iniqua executione . quod ſanè extra cauſam Principis iniquam eſſet rebellio & crimen læſæ maiestatis : hic vero eſt iuſta & neceſſaria deſenſio . Confirmatur . quia quando Princeps manifeſtè limites ſuæ poteſtatis excedit , non eſt in ea re Superior , ſed ſe habet inſtar priuati vim iniquam inferētis . Vnde abſque periculo rebellionis ei à populo cum debito moderamine reſiſti poteſt : vt omnes DD . tradunt , & per ſe notum eſt .

Idem S. Ambroſius nullo modo permiſit Eccleſiam ſuam occupari ab Arianis , ſed Imperatori id præcipienti , & omnibus modis tentanti reſtitit populi ſuffulſus præſidio , qui diu noctuque excubias agebat , ne qua viſ Ambroſio fieri , aut ipſe in exilium abripi poſſet . Idem Ambroſius cùm Imperator mandaſſet , vt ciuitate exiret , & abiret quò vellet , non paruit . Putabat enim vir ſanctiſſimus magnum eſſe ſacrilegium permittere Arianis Eccleſiam , quamdiu eſſet aliqua ſpes eius defendendæ : eamque ad extremum non tueri nihil eſſe aliud , quàm illam prodere & tradere . Denique adeò ad nutum habebat populum , vt Ariani obijcerent ei , quòd commoueret ſeditionem , & tyrannicè aduerſus Imperatorem ageret : vt patet oratione contra Auxentium , & epiſt. 33. ad ſororem . Et quamvis ipſe deſiderio martyrij incenſus , hortatus fuerit populum , vt ſe reciperet , & permitteret ipſum cum hoſte committi : nunquam tamen illi ſeditionem obiecit ; quinimo ſtadium eius & zelum plurimùm commendauit .

S. Auguſtinus in pſal. 81. explicans illum verſiculum , *Eripite pauperem* : dicit grauiter peccaſſe plebem Iudaicam , quòd Chriſtum è manibus impiorum Ma-

» glitratum non eripuerint . Hæc (inquit) dicta sunt , vt
 » sciretur in eo populo , nec illos fuisse immunes à tanto
 » scelere , qui cùm essent tanta multitudinis , vt eos time-
 » rent Iudæi , & propterea in Christum manus mittere non
 » auderent ; & postea conuenerunt , cumque interimi à ma-
 » lignis & inuidis Iudæorum Principibus permisissent :
 » qui si voluissent , timerentur semper , & numquam in e-
 » um sceleratorum præualerent manus . De his quippe &
 » alibi dicitur , Canes multi nescierunt latrare . & illud ,
 » Ecce quomodo iustus perit , & nemo considerat .] Et
 » infra . Porro si iuste increpantur qui tantum scelus fieri
 » dissimulando siluerunt ; qua seueritate damnandi , qui
 » hoc consilio malitiaque fecerunt ?]

Ex quibus verbis colligimus : Primò , populum ha-
 bere ius impediendi & cohibendi Principem , quando a-
 pertam infert iniuriam , præsertim viris sacratis aut reli-
 gioni . Glossa in can . Ostendit 23 . q . 3 . infert ex hoc
 loco populum non ita trāstulisse in Imperatorem suam
 iurisdictionem , quin aliquo modo eam sibi retineat , &
 ea in euentu uti possit .

2 . Populum teneri id facere , si absque graui in-
 commodo potest ; & si omittat , peccare . *Qui enim desi-
 nit obuiare cùm potest , consentit .* d . can . Ostendit suprà :
 præsertim cùm illa potestas , qua Princeps abutitur , à
 populo veniat , & nomine ipsius administratur ; ita vt
 quidquid facit Princeps , populus facere censeatur .

3 . . Grauius peccasse populum Catholicum , quan-
 do initio per ignauiam non se opposuit hæreticis , & per-
 misit hæresim induci : ac proinde merito à Deo plerisque
 locis non solum in spiritalibus , sed etiam in temporali-
 bus castigari .

Denique cùm Iulianus incerto auctore interfectus
 esset , Libanius Sophista id factum attribuebat Christi-
 anis , vt refert Sozomenus lib . 6 . histor . c . 2 . Chri-
 stiani

Riani verò hanc suspensionem à suis non depellebant, quasi id esset nefarium aut illicitum: sed permittebant gentiles ita sentire, & factum illud summis laudibus extollunt, ipsique Deo & angelis tribuunt: ut patet ex Greg. Nazianzeno orat. 1. in Iulianum in principio. Sozomenus quoque ait, huiusmodi facta apud omnes gentes commendata semper fuisse.

Ex his perspicuum est quis ante 1200. annos fuerit hac de re Ecclesiæ sensus: nimirum Principem impium qui subditos ad hæresim vel aliam impietatem compellit, ab Ecclesiâ repudiari posse, suæque potentia & auctoritate exui. Idem quoque plurimi Martyres in tormentis insinuarunt, probrosissimis nominibus eos compellantes; nimirum, ut eos dignos contemptu & omni ignominia esse ostenderent. Vnde etiam patet falsum esse quod aduersarius toties ingerit SS. Patres & Martyres semper submisit & humiliter cum illis persecutoribus tamquam Superioribus Dei locum tenentibus se gessisse, & omnem illis obedientiam detulisse. Sane qui ita illos tractabant verbis, satis declarabant quid re ipsa de illis facturi fuissent, si id æquè in promptu habuissent. iure enim naturæ poterant & vitam suam & religionem tueri. His nunc addamus aliquot testimonia Doctorum qui sequentibus sæculis floruerunt.

PRIMVS sit S. Gregorius ante annos 1000. qui etiam humillimus fuerit, & Mauritium Imperatorem saepe Dominum, & se eius famulum vocet, nimirum ut hac honoris non dominationis & subiectionis sunt nomina: tamen alibi quid de ipso & similibus Ecclesiæ persecutoribus vel oppressoribus sentiat, satis exprimit. Nam in psalmum 5. penitentialem, in illum versiculum, *Tota die exprobrabant* &c. censet Mauritium non esse habendum in Regum numero, quod Ecclesiam, quam dominam agnoscere deberet, in famulatum redigere sudeat.

Nul-

» Nulla (inquit) ratio finit, vt inter Reges habeatur, qui
 » destruit potius quàm regit imperium: & quotcumque
 » potest habere suæ peruerſitatis socios, à consortio Chri-
 » ſti efficit alienos: qui turpiſſimi lucri cupiditate illectus
 » ſponſam Chriſti captiuam cupit abducere, & paſſionis
 » dominicæ ſacramentum auſu temerario contendit eua-
 » cuare. Eccleſiam quippe, quam ſui ſanguinis pretio re-
 » demptam Saluator noſter voluit eſſe liberam, hanc ille
 » poteſtatis Regiæ iura tranſcendens facere conatur ancil-
 » lam. Quantò melius foret ſibi Dominam ſuam eſſe a-
 » gnoſcere, eiſque religioſorum Principum exemplo, de-
 » uotionis obſequium exhibere: nec contra Deum faſtum
 » extendere dominationis, à quo ſuæ dominium accepit
 » poteſtatis. Ipſe eſt enim qui ait: Per me Reges regnant.
 » ſed immenſæ cæcatus cupiditatis caligine, & diuino in-
 » gratus beneficio, & contra Deum faſtuſus, terminos
 » quos poſuerunt Patres noſtri, contempto diuino timore
 » tranſgreditur, & contra Catholicam veritatem ſuæ fu-
 » rore tyrannidis efferatur. In tantum autem ſuæ temeri-
 » tatem extendit veſaniæ, vt caput omnium Eccleſiarum
 » Romanam Eccleſiam ſibi vendicet, & in dominam gen-
 » tium terrenæ ius poteſtatis uſurpet.] Et in verſiculo. *In-*
itio tu Domine &c. cod. 6 pſal. [Sunt etiam portæ inferi
 » quædam poteſtates huius mundi. Quid enim Nero? quid
 » Diocletianus? quid denique iſte (Mauritius) qui hoc
 » tempore Eccleſiam perſequitur? numquid non omnes
 » portæ inferi?]

Impera-
tor ſubeſt
Eccleſiæ.

Iniuria
&
tyrannis
contra Ec-
cleſiam.

Eccleſia
Romana
Caput om-
nium
Eccleſia-
rum.

75.

Idem S. Gregorius lib. 11. epiſt. 10. in priuile-
 gio Xenodochio Regio conſeſſo ſic ſcribit: *Si quis verò*
Regum, Sacerdotum, Iudicum, ac perſonarum ſecularium
hanc Conſtitutionis noſtræ paginam agnoſcens, contra eam
venire tentauerit, poteſtatis honorisq; ſui dignitate careat,
reumque ſe diuino iudicio exiſtere de perpetrata iniquitate
cognoſcat. Idem lib. 12. epiſt. vltima in priuilegio mona-
 ſte-

sterij S. Medardi : *Si quis autem Regum , Antistitum , Iudicum , vel quorumcumque secularium personarum huius Apostolicae auctoritatis , & nostra praeceptionis decreta violauerit aut contradixerit , aut negligenda dixerit , vel fratres inquietauerit , vel aliter ordinauerit ; cuiuscunque dignitatis vel sublimitatis sit , honore suo priuetur , & ut Catholica fidei deprauator , vel sanctae Dei Ecclesiae destructor à consortio Christianitatis , & corpore & sanguine Domini Iesu Christi sequestretur .* His duobus locis aperte ostendit , saeculares homines etiam Principes , suis honoribus & potestate priuari posse , si contumaces aduersus Ecclesiae decreta extiterint .

Honore
suo priue-
tur .

Respondet Barclaius cap. 39. *Illam verba* (suo honore priuetur) *non esse imperantis , sed imprecantis , quibus admonet & adiurat omne genus hominum , ne priuilegium à se datum violent ; quod si violauerint , Deum vindicem fore , qui eos suo honore priuet . quod genus , inquit , imprecationis nunc semper addi solet extremis Bullarum , & Constitutionum Pontificiarum , hoc modo : Nulli ergo hominum liceat hanc paginam &c. infringere . Si quis autem hoc attentare praesumpserit , indignationem omnipotentis Dei , ac Beatorum Petri & Pauli Apostolorum eius incurrat : siue quod idem est , se nouerit incursum .* Hæc ille .

Resp.
Barclaij :

Sed hæc expositio est contra vsitatam illius formulæ acceptionem . Nam . . . Quotiescumque in Canonibus antiquis , vel Constitutionibus Pontificum , aut Principum huiusmodi verba reperiuntur , *honore suo priuetur , dignitate sua excidat , careat* : non significant imprecationem diuinæ vindictæ , sed priuationem latæ sententiæ , vel ferendæ , & executioni mandatæ per homines . Et sanè si terror numinis violatori erat incutendus , debebat eius fieri mentio , ut Deum potius quam homines timeret , & sciret à quo sibi honoris damnum impenderet . Deinde ponuntur hic tres pœnæ ; nimirum

Refuta-
tur .

R

ut

ut honore priuaretur, ut à consortio Christianitatis separaretur, ut careret communione : in quarum 2. & 3. non est vlla vindictæ diuinæ imprecatio, sed sententiæ humanæ punitio: ergo & in prima. Denique post illas pœnas tandem in fine addit imprecationem, cum ait: *& omnium maledictionum anathemate cum Iuda traditore in inferno inferiore damnetur*. Simili modo Summi Pontifices in suis Bullis 1. præmittunt pœnas humanas, & tandem in fine iram diuinam verbis apertis ponunt ob oculos. Vnde hoc ipsum, quod hic Barclaius adducit, ipsius figmentum confutat.

76.

SECUNDVS sit S. Bernardus qui lib. 4. de Consideratione sic ait: *Dracones, inquis, me mones pascere & scorpiones, non oues. Propter hoc, inquam, magis aggredere eos, sed verbo non ferro. Quid tu denuo vsurpare gladium tentes, quem semel iussus es ponere in vaginam? quem tamen qui tuum negat, non satis mihi videtur attendere verbum Domini, dicentis sic: Conuerte gladium tuum in vaginam. Tuus ergo, & ipse tuos forsitan nutu, etsi non tua manu euaginandus. Alioquin si nullo modo ad te pertineret & is, dicentibus Apostolis, Ecce gladij duo hic, non respondisset Dominus. Satis est; sed nimis est. Vterque ergo Ecclesiæ & spiritualis scilicet gladius & materialis, sed is quidem pro Ecclesiâ, ille verò à Ecclesiâ exerendus est. ille sacerdotis, is militis manu, sed sanè ad nutum sacerdotis, & iussu Imperatoris. Hic Bernardus expressè tribuit Ecclesiæ vtriusque gladij potestatem, & solum statuit discrimen in ordine & modo vtendi. Primum vtendum spirituali, quo si nihil effectum fuerit, posse vti corporali: non quidem sua manu (id enim minùs esse decorum) sed ministerio Principum, & potestatis politicæ. Itaque iuxta Bernardum, Ecclesiâ habet potestatem puniendi, non solum pœna spiritali, sed etiam corporali; quamuis ob decorum executio pœnæ corporalis non per ipsam, sed per*

per secularem potestatem fieri debeat.

Hunc locum S. Bernardi noua & insolenti interpre- Resp.
tatione conatur elidere Barclaius pag. 152. sicut ante Barclaij.
ostendimus eum fecisse in testimonio S. Gregorij. Sum-
ma verbosi responsi est: gladium materiale esse exe-
rendū *nutu* sacerdotis, id est consilio & rogatu Eccle-
siae, non imperio. Sed contrā. 1. Si hoc satis est, vt Sum- Refuta:
mus Pontifex dicatur habere gladium materiale, aut tur.
vt hic gladius dicatur esse Summi Pontificis, aut ad eum
pertinere; etiam Consiliarij Principum, & Theologi,
& Confessarij dicendi erunt habere ius & potestatem
gladij, & gladius iste ad eos pertinebit: quia ipsorū est
dare consilium Principi, vt rectē gladio vtatur: & ha-
bent ius ab eo petendi vindictam. Simili modo Consi-
liarij Episcoporum, & periti Canonum dicentur habere
gladium spiritale: quia ipsorum consilio Episcopus eo
vti debet. quæ omnia sunt absurda, & à mente S. Ber-
nardi aliena. Deinde *Nutus* non significat consili-
um, vel preces; sed voluntatis *potē*, seu inclinatio-
nem leui aliquo indicio expressam. Vnde cū summam
alicuius in gubernando auctoritatem indicare volumus,
dicimus *eius nutu omnia geri, omnes eius nutum intueri*.
qua forma loquendi insinuamus tantam esse alterius au-
thoritatem, vt ad rem conficiendam non opus sit ex-
presso præcepto, sed solus nutus, & minimum volunta-
tis indicium sufficiat. eo loco deberet esse apud omnes
authoritas Summi Pontificis, in quo personam Christi,
cuius est Vicarius, debemus intueri. Accedit, quod om-
nes Authores, qui postea hac phrasi, de duobus Eccle-
siae gladijs, vsi sunt, eam intellexerint de vero iure &
potestate statuendi pœnas, non solū spirituales, sed e-
tiam temporales, easque exequendi & irrogandi: quam-
uis in his ob decorum conueniat vt ministerio potesta-
tis politice. Ita S. Bonauentura in 4. dist. 37. n. 5. in

exposit. litteræ. S. Antoninus 3. p. tit. 2. cap. 3. §. 7.
 Glossa in can. Omnes. dist. 22. & passim omnes Theologi & Canonistæ: & ipsi summi Pontifices, vt patet in extrauag. Bonifacij 8. Vnam sanctam, de Maiorit. & Obedien. Non contendo hunc esse sentum litteralem illius loci scripturæ, *Ecce duo gladij hic* & c. neque S. Bernardus, aut alij Doctores id volebant: sed ago de sensu verborum Bernardi. Cum enim ipse supponeret rem ipsam tamquam certam in Ecclesia, ad eam explicandam aptauit illum locum Scripturæ sensu mystico, quod illi, & multis Patribus est familiare. Idem confirmatur ex ijs quæ scribit eodē l. 4. in fine: *De cetero oportere te esse (cōsidera) formam iustitiæ, sanctimoniam speculū, assertorem veritatis, fidei defensorē, Christianorum Ducem, refugium oppressorum, ultorem scelerum, malorum metū, bonorum gloriam, virgam potētum, malleū Tyrannorū, Regum patrē, postremū Deum Pharaonis. Intellige quæ dico: dabit tibi Dominus intellētū, & tibi malitia iuncta potentia est, aliquid tibi supra hominē præsumendū.* quomodo *virga potētum, malleus Tyrannorum, Deus Pharaonis*, si nihil nisi sacramenta, & officia diuina illis subtrahere potest? Quid si illa spiritalia nihil curent, sed potius rideant, vt plerumque Tyranni & Pharaones, hoc est Principes hæretici Ecclesiam in suum commodum opprimentes, faciūt: quomodo se tunc præstabit malleum Tyrannorū, & Deum Pharaonis? Voluit ergo illis verbis Bernardus aliquid amplius innuere, quod satis etiam indicat illa monitio, *intellige quæ dico*: nimirum posse summum Pontificem cōtemptorem spiritalium tēporalibus malis affligere, subditos ab eius obedientia soluendo, eumque iure sceptri, si res postulet priuando, & illud in alterum conferendo. Hoc demum est, quod eorum, qui Deum non timent, contumaciam frangit. Nouerat vir sanctus quid ante annos 50. à Gregorio 7. tum in Imperatorem, tum in Regem

Regem Poloniae S. Stanislai interfectorem, gestum fuerat. Idem confirmari potest alio Bernardi testimonio supra recitato & expenso.

TERTIVS sit Hugo à S. Victore lib. 2. de Sacramentis p. 2. cap. 4. *Terrena potestas caput habet Regem: spiritualis potestas summum Pontificem. Ad potestatem Regis pertinent quae terrena sunt & quae ad terrenam vitam facta omnia: ad potestatem summi Pontificis pertinent, quae spiritualia sunt & vita spirituali attributa universa. Quando autem vita spiritualis dignior est quam terrena, & spiritus quam corpus: tantò spiritualis potestas terrenam siue saecularem potestatem honore ac dignitate praecedit. Nam spiritualis potestas terrenam potestatem & instituire habet ut sit, & iudicare habet, si bona non fueris. ipsa verò à Deo primùm instituta est, & cum deniat, à solo Deo iudicari potest: sicut scriptum est: Spiritus iudicat omnia, & ipse à nemine indicatur. Hæc ille, sui avi Augustinus. Quod ait, potestatem terrenam institui à spirituali, explicat paulò inferiùs, cum ait: in veteri lege primò institutum à Deo sacerdotium; & postea per sacerdotium iubente Deo ordinatam potestatem Regalem. In Ecclesia verò per sacerdotalem dignitatem consecrari regalem, eiusque benedictione sanctificari & institutione formari.*

1. Cor 2.

QUARTVS sit Alexander Halensis 3. p. q. 40. membro 2. Iudicare (inquit) secundum quod propriè dicitur, solum est Prælatorum. Vnde quod dicitur Regem non habere hominē qui facta sua diiudicet nec Superiorem, intelligendum est in suo ordine. Est enim ordo potestatum duplex: ordo scilicet potestatum saecularium & ordo potestatum spiritualium. In ordine potestatum saecularium nullus maior est Rege vel Imperatore: sicut in ordine potestatum spiritualium nullus est maior Papa. Tamen collatione facta potestatis spiritualis ad saecularem, potestas spiritualis est supra saecularem, sicut spiritus est

R 3

supra

„supra corpus. Vnde & Ieremias 1. dicitur: Ecce constitui te super gentes & regna &c. Et ostensum est 2. Paralip. 26. in Ozia, qui volens sibi usurpare sacerdotalem dignitatem percussus est lepra.]

77. QUINTVS S. Thomas Aquinas 2.2. q. 12. a. 2. *Per infidelitatem peccant: potest sententialiter ius dominij amittere, sicut etiam quandoque propter alias culpas. Ad Ecclesiam autem non pertinet punire infidelitatem in ijs qui numquam fidem susceperunt, secundum illud Apostoli 1. ad Corinth. 5. Quid mihi de his, qui foris sunt iudicare? Sed infidelitatem eorum, qui fidem susceperunt, potest sententialiter punire. & convenienter in hoc puniuntur, quod subditis fidelibus dominari non possint. Hoc enim vergere possit in magnam fidei corruptionem. Et ideo quam citò aliquis per sententiam denunciatur excommunicatus propter apostasiam à fide, ipso facto eius subditi sunt absoluti à dominio eius, & iuramento fidelitatis, quo illi tenebantur. Hic D. Thomas non solum docet Ecclesiam habere potestatem priuandi Principem ob infidelitatem dominio in fideles: sed etiam ostendit hanc potestatem esse necessariam ad Ecclesiæ tutelam.*

Idem planè sentire D. Thomam de hæreticis patet ex argumento, Sed contrà: & quia eadem utrobique ratio. imò sub apostasia à fide multi cōprehēdunt hæresim, ut Bannes & alij recentiores in hunc locum S. Thomæ. Idem lib. 3. de regimine Principum cap. 10. fusc ostendit potestatem summi Pontificis simul esse sacerdotalem & regalem, ita ut possit disponere de temporalibus omnium Ecclesiæ membrorum, etiam Principum, nimirum quatenus ad fidei tutelam, & salutem æternam est necessarium. idque ostēdit varijs exemplis quæ infra adducemus. Similia habet cap. 19.

SEXTVS S. Bonauentura lib. de Ecclef. Hierarchia p. 2. *Sicut (inquit) spiritus dignitate, & officio præcellit*

*præcellit corpori: sic potestas spiritalis dignior est quam sa-
cularis: & ideo bene sortitur nomen dominationis: unde Rega-
lis potestas subiacet potestati & authoritati spiritali: sunt*

1. Petri 2. dicitur: *Vos estis gens sancta, regale sacerdotium &c.* Non temporale regnum velut quoddam adiutum
subiacet sacerdotio in nouo testamento: sed in veteri, sacer-
dotium subfuit regno. Vnde dicitur Exodi 19. *Elegi vos in
populum peculiarem, in sacerdotale regnum &c.* Vbi regnū
ponitur substantiuè, sed sacerdotium adiectiuè. Et ideo Re-
ges tunc poterant amouere ab officio summos sacerdotes: si-
cut Salomon amouit Abiathar 3. Reg. 2. Iam verò possunt
sacerdotes & Pontifices ex causa amouere Reges, & deponere
Imperatores, sicut sapius accidit & visum est: quando sci-
licet eorum malitia hoc exigit, & Reipub. necessitas sic re-
quirat. Summus verò Pontifex penes quem prima in terris
residet authoritas, non à Rege, non à Principe seculari,
non ab homine indicatur, sed solius Dei indicio reseruetur.

Hic 4. habemus ex verbis S. Bonauenturæ. 1. Sicut spiri-
tus præstantior est corpore: ita potestatem spiritalem præ-
stare seculari. 2. Sicut caro spiritui subiecta esse debet:
ita potestatem secularem potestati spiritali. 3. Hinc in-
fert in nouo testamento Principem ex causa posse deponi
à Summo Pontifice, cum hic sit illius Superior. 4. Pō-
tificem non posse deponi ab homine, cum nullum homi-
nem, sed solum Deum superiorem habeat.

Dices, Loca illa sacra Scripturæ quæ. D. Bonauen-
tura adfert, ad rem non faciunt. alia enim est illorum ve-
ra intelligentia. Respondeo. Etiam si id verum esset, id
nullo modo officeret soliditati doctrinæ: quia illis locis
in hac veritate asserenda non nititur. sed eam tamquam
certam aliunde supponens, applicat illa in sensu proba-
bili ad vberiore explicationem: quod frequens est Do-
ctoribus sacris, etiam in maximis fidei mysterijs.

SEPTIMVS sit Henricus à Gandauo, qui quodlib.

6. q. 23. eruditè de vtraque potestate disputat. Inter cetera sic scribit: *De iure diuino & naturali, Sacerdotium supereminet Imperio, & penes ipsum residet de iure diuino & naturali vtraque Iurisdictio, & super spiritualia, & super temporalia; & similiter eius immediata executio &c.* Vbi notandum illum loqui de *Iurisdictione super temporalia*, non ordinariè exercenda (non enim vult Papam habere regularem potestatem in temporalibus Regum, sicut habet in spiritualibus Episcoporum, vt authores illius sententiæ existimant) sed solum in casu, nimirum quatenus est necessarium ad bonum spiritale, vt paulò antè explicuerat; vt cum lex, vel consuetudo politica repugnat legi diuinæ, vel salutis animæ. Deinde illum dicere potestatem istam super temporalia iure diuino & naturali coniunctā & cōnexam esse potestati super spiritualia; nimirum quia potestas quæ versatur circa finem, necessariò se extendit ad media. Idem sub finē soluēs 1. argumentum ait: Nō enim potest Papa deponere Principes nisi ratione delicti, aut insufficientiæ, quod bene exprimitur in illo c. Alius 15. q. 6. Vbi dicitur, Romanus Pontifex Zacharias Regem Francorum non tam pro suis iniquitatibus, quā pro eo quodd tantæ potestati inutilis erat, à regno deposuit. Et secundū hoc sacerdos Apostolicus se habet ad Reges & Principes, sicut Architectonicus ciuilis ad alios artifices in ciuitate. Sicut enim Architectonici est præcipere qui & quales debeant exercere scientiam medicinalem, rhetoricam, & sic de alijs in ciuitate, & quosdam admittere, quosdam repellere (hoc est, ad magistratum pertinet cauere ne tales admittantur, qui bono publico possent esse damnosi:) sic sacerdos Apostolicus debet considerare, qui & quales regna & principatus regere debeant, & bonos honorare, malos autem & malè regentes deponere, & alios loco illorum substituere.]
Hæc ille.

OCTAVVS fit Petrus Paludanus vir doctissimus & Patriarcha Ierosolymitanus, qui in libro de potestate Ecclesiastica fusc hanc sententiam docet, inter cetera sic scribens. *Licet Papa non habeat confirmare omnem Regem qui consensu populi à principio regimen sumpsit: nihilominus tamen potest omnem talem deponere, non solum propter hæresim aut schisma, aut aliquod crimen intolerabile in populo; sed etiam propter insufficientiam: ut si idiota sensu, vel impotens viribus regno præset, propter cuius insufficientiam regnum fidelium periclitaretur; talis certum est quod quia meretur deponi (quia bonum commune est præferendum privato) debet deponi per Superiorem. Vbi notanda illa verba: propter cuius insufficientiam regnum fidelium (& consequenter religio) periclitaretur. Non enim quouis euentu insufficientis deponendus est, sed quando ratio boni communis, præsertim spiritualis id postulat. Pergit Paludanus: Et quia illi de regno siue sint Procures, siue alij, sūt Rege inferiores, & inferior nō potest iudicare Superiorem, ideo ab eis non potest deponi. sed quia Papa est superior eo in spiritualibus, & per consequens in temporalibus, in quantum necesse est pro bono spiritali ipsius & aliorum conservando, & ad minus ratione delicti; & ille sana conscientia non potest retinere regnum ad quod est insufficientis & indignus: per consequens potest eum monere ut regno cedat, quod sine peccato retinere non potest. Quod si nolit facere, excommunicet eum: quia ad officium Papæ spectat de quocūque peccato mortali corripere quemlibet Christianum; & si correctionem contempserit, per distractionem Ecclesiasticam coercere. Cap. Novit, de Iudicijs. Quod si in excommunicatione perseveret, potest ut dictum est deponere, & subditos eius ab eius subiectione absolvere, sicut schismaticum propter contumaciam & inobedientiam pertinacem: & etiam ex hoc, quod excommunicatus legitimis actibus & officijs publicis fungi nō debet, & schismatici cingulo militie sunt nudandi, 19. q. 1. can.*

S

Qui

Qui contra. Et 15. q. 6. can. penult. *Sed si Proceres suæ Electores non meruerunt perdere ius eligendi; non potest Papa eis alium substituere.* Hæc ille.

NON V S fit Reinerus Pisanus, qui in Summa v. Dominium cap. 2. 4. rationibus probat potestatem spiritalem præminere seculari. [1. est quãtò vita spiritualis dignior est quàm terrena, & spiritus quàm corpus: tantò potestas spiritualis potestatem sæcularem honore & dignitate præcellit. 2. Sicut sæcularia ordinantur ad spiritualia; ita potestas sæcularis ad spiritalem: sed sæcularia sub sunt spiritualibus ordine rationis & diuino: ergo potestas sæcularis subest potestati spirituali, vt Imperator summo Põtifici.] 3. & 4. ratio est ex verbis Hugonis à S. Viãore suprà n. 76. allatis.

DECIMVS, Vldericus in Summa, quẽ citat Turcremata lib. 2. de Ecclesia cap. 114. *Si Rex esset manifestè hæreticus, vel si interpellatus ab Ecclesia, negligeret nihilominus regimen regni sui quantum ad ea quæ sunt fidei, scilicet si non intenderet extirpationi hæreticorum, potest ab Ecclesia deponi à Regia dignitate.*

VNDECIMVS, S. Antoninus 3. p. tit. 22. cap. 5. §. 17. [Qui dicunt Papam in orbe totum dominium habere super spiritualia, non autem super temporalia, similes sunt Consiliarijs Regis Syriæ, qui dixerunt 3. Reg. 20. Dij montium sunt Dij eorum, & ideo superauerunt nos: sed pugnemus contra eos in campestribus, & in vallibus, in quibus Dij eorum dominium non habet, & obtinebim' eos. Sic hodie mali Cõsiliarij adulatione pestifera feducunt Reges & Principes terræ, dicentes: Dij montium, putà spiritualium bonorũ, sunt Summi Pontifices, sed non sunt Dij vallium: quia temporalium bonorum nullum dominium habent. Ideo in campestribus, id est, in potentia bonorum temporalium pugnemus contra eos, & obtinebimus. Sed quid dicat eis diuina sententia audiamus

amus. Quia dixerunt, inquit, Syri, Deus montium est „
 Deus eorum, & non Deus vallium, dabo omnem hanc „
 multitudinem in manu vestra, & scietis, quia ego sum „
 Dominus. Et hoc patet per multa exempla etiam Chri- „
 stianorum Principum, qui bellantes contra Ecclesiam, „
 vel persequentes summum Pontificem, exterminati sunt „
 & ad inferos descenderunt.] Quibus verbis insinuat e- „
 tiam huius sententiæ ἀλλογίαν, nimirum, sicut fatuum est
 dicere Deum qui montibus præest, non habere ullam
 potestatem in vallibus: ita etiam à ratione alienum videri,
 si putes eum, qui in rebus diuinis & spiritualibus supremam
 Iurisdictionem habet, nullam in temporalibus
 & terrenis habere: & cui summa concedita sunt, ei in
 infima nihil iuris concessum. Idem eodem tit. cap. 3. §.
 7. ostendit, Papam posse ex causa Principes deponere,
 varijs ad hoc exemplis allatis.

¶ D VODECIMVS, Franciscus Mayronis Doctor
 illuminatus vulgò dictus, in 4. sentent. d. 19. q. 4. *Ter-*
tia (inquit) *conclusio est. Quod Princeps temporalis debet*
esse subiectus illi, qui est primus Hierarcha in spiritualibus.
Hoc probatur quadrupliciter. 1. Quādocumque sunt aliqua
potestates ordinatae inter se, illa quæ est de fine, præest & de-
bet præesse illi quæ est circa ea quæ sunt ad finem: sicut patet
de Architectonica respectu aliarum; & de militari respectu
franosæctinæ. Cū igitur temporalia ordinentur ad spiri-
tualia, & Papa præsit spiritualibus; sequitur Papā debere præ-
esse illi qui curat temporalia. omitto ceteras probationes.
 Deinde addit conclusionem quartam: *Quòd plenitudo po-*
testatis secundum utramque Iurisdictionem concurrit in eā-
dem personam. Hoc tamen, qua parte loquitur de Iurisdic-
 tione in res temporales, intellige solum in ordine ad spi-
 ritualia, ut sæpius dictum est.

DECIMVSTERTIVS, Ioannes à Turrecremata
 lib. 2. Summæ de Ecclesia cap. 114. fusissimè hoc probat

16. propositionibus totā eam quæstionem complectens;
 4. propositione sic ait: *Romanus Pontifex videtur Iurisdic-
 tionem etiam in temporalibus habere; quia non solum Prin-
 cipes seculares circa usum sue Iurisdictionis delinquentes po-
 test per censuram Ecclesiasticā coercere: verum etiam eos no-
 tabiliter negligentes à dignitate deponere.* Quod intellige
 de negligentia vergente in publicam perniciem: vt pa-
 tet ex eius probationibus. Probat enim ex cap. Alius 15.
 q. 6. Et ex cap. Grādi. de supplenda negligentia Præla-
 torum in 6. adducitq; Paludanū & Henricū, quorū sen-
 tentiā iam explicuimus & Vlricū in sūma. 5. propositione
 sic ait: [Romanū Pōtificem inde iurisdictionem tempo-
 ralē habere manifestè ostēditur; quod nō modò excōmu-
 nicare potest Principes seculares; sed etiam ipsis in com-
 tumacia perseverantibus, subditos eorum à iuramento ab-
 soluere, ne eis fidelitatem obseruent. Patet ex can. Gre-
 gorii 7. in Synodō præsentis, qui habetur can. Nos sã-
 ctorum 15. q. 6. & ex can. Urbani 2. can. Iuratos milites,
 ibidem.]

DECIMVS QVARTVS, Gabriel lect. 23. in Ca-
 nonem, comparat inter se duas istas potestates, Papa-
 lem & Imperialem, & multis rationibus ostendit Pa-
 palem esse superiorē. Inter ceteras adfert hanc: *Quia
 Papa transfert potestatem supremam secularem de gente in
 gentem, cap. Venerabilis. Et Imperatorem deponere potest.*
 15. q. 6. Alius. Et ipsum excōmunicate. dist. 96. Duo sunt.

DECIMVS QVINTVS, Caietanus 2. 2. q. 12.
 a. 2. toto, docet Principe denunciato per sententiam,
 apostata à fide, subditos eo ipso esse absolutos à iura-
 mento fidelitatis & obsequij, quo ipsi erant obstricti,
 &c. imò hoc ipso quo res est notoria, subditos posse de-
 negare obsequia consueta, etsi non teneantur id facere,
 nisi posita denuntiatione. Idem ~~hom.~~ 1. tract. 2. de
 author. Papæ c. 13. ad 8. *Papa habet supremam potestatem*
ia

in temporalibus, & non habet supremam potestatem in temporalibus. affirmatiua namque vera est in ordine ad spiritualia: negatio verò est vera directè, seu secundū seipsa temporalia.

DECIMVS SEXTVS Franciscus à Victoria re-
lectione de potestate Eccles. sect. 6. cōclus. 8. [In ordi-
ne ad finem spiritalem Papa habet amplissimam potesta-
tem temporalem supra omnes Principes, & Reges, &
Imperatorem.] Deinde id probat. [Quia (inquit) tem-
poralia aliquo modo sunt necessaria & ordinata ad finem
spiritualem. ergo Christus non satis prouidisset & ca-
uisset rebus spiritualibus, si non reliquisset aliquam po-
testatem, ad quam spectaret, quādo opus esset ordina-
re, & vti temporalibus conuenienter ad finem spiritu-
alem. Sed hoc non spectat ad officium Principum sæcu-
larium, qui ignorant proportionem rerum temporalium
ad spiritualia, nec habent curam rerum spiritualium: er-
go ista cura vtendi temporalibus ad spiritualia, est po-
testatis Ecclesiasticæ. Ergo si necessarium sit ad confer-
uationem & administrationem rerum spiritualium ali-
quando vti gladio materiali, & autoritate temporali,
Papa hoc poterit. Dico verò, quòd habet amplissimam
potestatem, quia quantum, & quando necesse est ad fi-
nem spiritualem, potest non solum omnia quæ Principes
sæculares possunt, sed & facere nouos Principes, & tol-
lere alios, & imperia diuidere, & pleraq; alia.] Hæc ille.

DECIMVS SEPTIMVS, Driedo de libertate
Christiana lib. 1. cap. 15. [Ex his itaque primò per-
spicuum est, quòd etsi iurisdicção sæcularis, seu potestas
Imperialis nō sit à Papa: Papalis tamē potestas ac iurisdic-
tio super omnia Ecclesiæ mēbra, est iure diuino sæcula-
ri potestati seu iurisdictioni Imperiali prælata atq; præfe-
cta. atq; ita nō est in terra potestas vlla quæ possit autho-
ritate ordinaria secundū tribunal exterioris fori iudicare]

„personam Papæ.]

„ Idem author cap. 16. [Tertio manifestū est, quod
 „ etsi Principes Christiani & Reges per Papam possint
 „ priuari dominijs temporalibus propter crimen hæresis,
 „ obligenturque præstare iuramentum fidelitatis; non ta-
 „ men inde sequi imperia & temporalia dominia esse à
 „ Papa.]

Idem lib. 2. cap. 2. cū ostendisset sæcularem
 potestatem iure diuino esse subiectam spiritali in ijs quæ
 ad salutem pertinent, ita cōcludit. [Proinde longè à ve-
 „ ritate Euangelica aberrant, qui putant Ecclesiasticum
 „ ordinem acquisiuisse immunitatem hanc, seu libertatem
 „ Ecclesiasticam habere à sola potestate sæcularis Iudicis,
 „ aut ex priuilegio Cæsaris aut Regis, aut esse ad nutū Cæ-
 „ saris reuocabilem.] deinde id probat ex Scripturis.

DECIMVS OCTAVVS, Alfōsus à Castro l. 2. de
 „ iustā hæret. punitione cap. 7. [Hoc dominium ciuile &
 „ politicum etiam amittitur per hæresim manifestam; ita
 „ vt Rex factus hæreticus, ipso iure sit regno priuatus, &
 „ Dux suo ducatu, & Comes comitatu: & idem de alijs
 „ populorum dominijs, quocumque nomine cēseantur,
 „ dicendū est. nam de omni dominio generaliter loquitur
 „ illud cap. finale de hæreticis.]

Nec mirari debet aliquis, quod Papa propter hæresis
 „ crimen Regem à regia dignitate deponat, & regno
 „ priuet: quoniam in negotio fidei etiam Reges sicut &
 „ alij inferiores subduntur Summo Pōtifici: quo fit, vt
 „ illos sicut quoslibet alios punire possit. &c.]

Deinde quærit ad quem deuoluatur illud regnum; &
 responder: Si sit hereditariū deuolui ad heredem, mo-
 dō hic sit Catholicus. Si non sit Catholicus, liberū esse
 regno alium Regem eligere. *Si Rex hæreticus, inquit,
 nullum habet heredem, aut ille quem habet est etiam hæreti-
 cus, tunc si regnum non est etiam hæresi infectum, dicerem*
regnum

regnum ipsum habere ius & potestatem eligendi sibi Regem, iuxta id quod 1. libro Regum dicitur: Populus facit sibi regem. Si verò regnum est etiam eadem peste infectum sicut Rex; regnum etiam erit ipso iure priuatum potestate eligendi sibi Regem: & tunc negotium deuoluetur ad summum Pontificem, ut ille tamquam summus Ecclesiæ Iudex decernat quid agendum, sicut faciliè colligi potest ex dictis in cap. Excommunicamus, §. Moneantur, extrau. de hæreticis &c.

DECIMVS NONVS, Dominicus Soto Confessarius Caroli 5. Imperatoris in 4. dist. 25. q. 2. a. 1. *Ad horum maiorem claritatem & firmitatem adhibetur quinta eademque Catholica conclusio, contra eorum hæsim qui omnem abdicant Pontifici temporalem potestatem. Potestas quacunque civilis, eatenus est Ecclesiastica subiecta in ordine ad spiritualia, ut Papa possit per suam spiritualem potestatem, quoties ratio fidei & religionis exegerit, non solum Ecclesiasticarum censurarum fulminibus aduersus Reges agere, eosque cogere: verum & cunctos Christianos Principes temporalibus bonis priuare, & usque ad eorum depositionem procedere &c. Hic doctrinam nostram dicit pertinere ad fidem Catholicam; & contrariam, esse hæsim.*

VIGESIMVS, Dominicus Bannes 2.2. q. 10. a. 10. dubit. 4. [Papa habet in ordine ad spiritualia potestatem quamdā plenariam circa temporalia, qua potest uti quando opus fuerit in ordine ad gubernationem spiritualem. quam potestatem non potest à se abdicare, & alteri conferre: quia ista potestas est annexa officio Pontificis.]

Habemus hic præter Patres primæ Ecclesiæ qui ante 1200. annos floruerunt. 20. illustres Doctores, quorum multi non solum doctrina toto orbe sunt celeberrimi, sed etiam sanctitate & miraculis clari. Possem longè plures proferre, sed cui isti non sufficiunt, nulla numerositas satis erit. His accedunt reliqui omnes

tum

tum Theologi tum Canonistæ, quorū testimonia infinitum esset verbatim recitare . denique omnes Academicæ Catholicæ . Altera sententia nullus habet patronos sanctitate vel doctrina illustres, sed solum aliquot hæreticos vel schismaticos, vt Marsilium à Padua, Ioannem à Ianduno, Waltramum Nauburgensem (qui tamen postea resipuit) & similes aliquot, qui tempore schismatis Henrici 4 . Frederici 1 . vel 2 . vel Ludouici 4 . extiterent . Potentibus enim numquam desunt asseclæ, quantumuis iniqua sit causa quam tuentur .

QVARTA PROBATIO .

Ab Exemplis .

80.

IDEM confirmari potest ex eo, quòd Summi Pontifices iam à multis sæculis hac potestate sepius sunt vsi . Multa enim extant exempla eorum, qui ab illis Imperio temporali, vel in totū vel ex parte fuere priuati .

Aduersarij
exempla
reijciunt.

Barclaius cap . 40 . respondet ista exempla parui se facere . [Quia, inquit, factum Pontificum (teste Soto) non facit fidei articulum . Pontifices fuisse homines, & humano more in rebus gerendis labi potuisse . ideoque de factis illorum quibus talem potestatem exercere nisi sunt, Iuris quæstionem adhuc superesse, rectène an secus peracta sint . Nec illud, inquit, nos mouere debet, quòd authores Historiarum, qui facta illa Pontificum litteris mandarunt, nullam reprehensionis notam adiecerint, sed potiùs probarint, laudarintque . Nam eius rei causas complures fuisse video . Primum, quia omnes eius temporis Scriptores, aut Monachi erāt, aut saltem Clerici ; quibus præcipuè augere dignitatem Pontificiam curæ fuit : ideoque summopere cauebant, ne qua Pontificum facta sugillarent, aut iniustitiæ arguerent . Deinde quia tanta sanctitatis Papæ tunc temporis opinio fuit, vt

gesta

gesta ab eo tamquam à Deo facta vulgus amplecteretur. „ Denique, quia præsens illis imminerebat periculum, quod „ multorum adhuc manus ligat, linguamque ocludit, „ ne si quid Papæ ingratum exarassent, aut eius facta re- „ prehédissent; tam scriptor quàm scriptum diris Pon- „ tificijs statim percelleretur. his accedit, quòd præcipuū „ historici officium in narrando, non in iudicando consi- „ stit. Vnde multi memoria magis quàm iudicio pollen- „ tes, animos ad historicam narrationem appulerunt, & „ nuda tantum ac simplice rerum gestarum relatione con- „ tenti, earum æquitatem omnibus æstimandum in medio „ reliquerunt.] Et infra. [Hanc æquitatem vel ex autho- „ ritate Scripturarum, vel ex traditionibus Apostolicis, „ vel ex antiquis Ecclesiæ decretis, vel denique ex recta „ naturalis rationis norma addiscimus. Atq; ita eò res sem- „ per redit, vt de cuiusq; facti æquitate sit inquirendū &c.] „

Hæ sunt causæ cur Barclaius de exemplis istis nihil laboret. Primùm hic velim consideret prudens lector, an non sit magnæ temeritatis & arrogantiae, hominem priuatum reuocare ad suum examen Ecclesiæ facta, quæ tot sæculis ab omnibus passim Catholicis iusta sunt habita: quæ non vnius, aut paucorum iudicio, nec præcipitanter gesta, sed longa disquisitione præuia, multis consultationibus cum primarijs Ecclesiæ viris, & plerumque cum Synodo Prouinciali vel Oecumenica præmissis, doctissimis & sanctissimis quibusque consentiētibz, & approbantibz. Quādo enim agitur de alicuius Principis excommunicatione, vel de relaxando subditos eius fidelitatis iuramēto, lentè admodum, & summa cum deliberatione proceditur, nec quidquā quod obistere videatur, indiscussum relinquitur. Eodem iure in examen à quolibet priuato reuocari poterunt omnes Pontificiæ censuræ, omnes votorum & iuramētorum relaxationes, omnes sanctorum canonizationes, & religiosorum ordi-

81.

Refutatio

T

num

num approbationes : quia sunt facta Pontificum , qui in rebus gerendis more humano labi possunt . At quid hoc aliud est , quàm omnem ordinem turbare , & ouem se iudicem sui pastoris constituere , & priuatum iudicium communi Ecclesiæ iudicio , ac sententiæ antepondere ? Non est hæc Catholici viri , qualis Author videri cupit , modestia , sed hæretici spiritus insolentia . Omitto quod ipse tenuiter admodum , vt scripta præ se ferunt Philosophicis & Theologicis disciplinis , ex quibus examen huius rei totum pèder , imbutus videatur . Deinde , non est quaestio , vtrum facta summorū Pontificū aduersus Principes iusta fuerint an iniusta ; laudanda an improbanda (fieri enim potest , vt ob aliquam circumstantiam interdum non fuerit expediens eousque procedere) sed vtrum summi Pontifices habeant auctoritatem iusta causa subsistente , talis poena in Principem statuendæ . Id autem optimè colligimus ex tam crebro vsu huius potestatis . Vnde etiam si facta Pontificum non faciant articulum fidei , quo teneamur credere singula rite & legitimè gesta , ob varias rerum peristases in quibus potest esse deceptio : tamen possunt facere articulum fidei circa ipsam potestatem , ita vt non possimus sine graui errore negare talem potestatem ei competere , præsertim alijs quibusdam circumstantijs concurrentibus : vt , quòd summa cum deliberatione gesta sint , accedente plerumque iudicio Synodi Prouincialis , vel Generalis ; quòd de ea potestate nunquam in Ecclesia dubitatum ; quòd anathema in repugnantes intortum , & similia . Sic , ex eo quòd sapius Indulgentias per totam Ecclesiam concessit ; quòd votorum & iuramentorum vincula relaxauit ; quòd impedimentorum matrimonij subinde gratiam fecit , certò colligimus huiusmodi potestatem ei suppeditare : quamuis non sit æquè certum singula facta omni ex parte rata & valida extitisse . Itaque publica exempla in quibus e-

xtat:

stat vsus alicuius publicæ potestatis, maximam vim habent ad eam potestatem asserendam. Non enim est credibile rem toties iudicatam & exercitam, non fuisse à maiorib' nostris diligētissimè discussam: aut eos ita extitisse temerarios & infanos, vt tanta fiducia in re tanti momenti potestate ambigua vterentur. Ita de supremis iudiciis, & in primis de summo Pontifice Christi Vicario par est credere, qui in Ecclesia regenda præcipuo quodam modo à Spiritu sancto dirigitur, & in rebus arduis sapientissimos quosque viros, ex toto orbe in consilium adhibere consuevit.

Frustra ex dicto quodam Dominici Soto Barclaius sibi præfidiū quærit. scitur enim quid vir ille doctissimus in hac causa senserit. Verba eius ex comment. in 4. sent. suprâ nu. 79. posuimus, quibus sententiam Barclaij hæreseos damnat. Sed inquit Barclaius, *Non exemplis sed legibus iudicandū*, l. Nemo iudex i3. c. de sentētijs & interlocut. Quare exempla illa Pontificū temporalem pœnā in Reges statuentiū parui sunt pendenda: miror Iureconsultum tam præposterè, ne dicā imperitè leges allegare. Ea enim lege id solū agitur, ne Iudices in ferenda sententia aliorū exemplis, sed præscriptis legibus nitantur. Non enim ideo aliquis certa pœna plectendus, vel absolvendus est, quia aliàs in simili casu id factum: sed quia leges ita præscribunt; nisi fortè exēpla consuetudinem adduxerint iuxta l. Si de interpretatione 37. ff. de legibus. Nam *consuetudo optima legū interpret*, vt ibi dicitur, & ipsamet vim legis obtinet. At quid hoc facit ad causam præsentem, vbi non agitur de sententia Iudiciaria in facto aliquo singulari ferenda, sed de probanda iurisdictione? vnde enim hæc meliùs quàm ex crebro vsu multorū sæculorum probari possit: præsertim cū tanti temporis vsus & possessio etiam auctoritatem & iurisdictionem, quæ antea non competebat, cōferre pos-

82.

Sententia
Soti.Quomodo non
exēplis iudicandum

T 2

sit?

sit? Deinde etiam si exemplis non sit iudicandum sed legibus, maxime tamen valent exempla ad legum interpretationem, ut ex dicta l. 37. constat. unde adduci solent, non ut ex eis iudicetur, sed ut ex eis veritas comprobetur, ut ait Bartolus in d. legem, Nemo iudex. c. de sentent. & interlocut. n. 2. & colligitur ex l. 1. ff. de postulando. Itaque in hac causa, exempla faciunt tum ad ius diuinum, quo Summi Pontificis auctoritas constituitur, declarandum: tum ad ostendendum quid aequitati sit consentaneum, quidque fieri possit, ubi similes euentus inciderint. Denique veterum exempla praesertim tantae auctoritatis maxime solent esse ponderis apud posteros, eaque tamquam oracula suscipi, nisi forte haereticum supercilium hanc insitam animis reuerentiam exemerit.

83.
Cur ad-
uersarius
fidem scri-
ptoribus
abroget.

Scriptoribus qui ista Pontificum facta probarunt, Barclaius fidem abrogandam censet; tum quod Monachi vel Clerici fuerint, ac proinde potestati Pontificiae aequo addictiores: tum quod metu Pontificis verum fateri non sint ausi: tum quod multi eorum memoria magis quam iudicio praestiterint. Ego vero contra, istam vitae conditionem maxime ad fidem conciliandam valere pertendo. Cum enim monachi rebus huius vitae nuncium remiserint, & spes mundanas abruperint, ut soli Deo se probent, causas nullas habent veritatis prodendae. Neque erat cur timore Pontificis id faceretur, quia nemo illos coegit mentiri, aut contra conscientiam facta Pontificum probare & laudare; cum ad omnem securitatem factis esset ea ex fide referre, absque ulla in alterutram partem censura. Denique nescio cur multos eorum valuisse magis memoria velit, quam iudicandi facultate, cum examen huius rei potissimum ad Philosophiam, & Theologiam spectet, quibus illi disciplinis praeter ceteris instructi fuere: adeo ut omnes pene viri eruditione praestantes olim monachi vel clerici fuerint. Monachis omnes
pene

pene Septentrionis prouinciæ acceptum referre debent, quòd barbariem exuerint, quòd ad humanitatem & ciuilem cultum sint formatae, quòd diuinarum & humanarum rerum notitia instructae. denique quidquid habent laude dignum, monachorum institutione acceperunt. Itaque non est quòd iudicij laudem monachis detrahat, absque quibus foret, Scotia, Anglia, Germania, multaeque aliae prouinciæ in sua barbarie & cæcitate manerent. Politicorum potius quorundam, qui saecularem auctoritatē tantopere effecerunt, & Ecclesiasticam deprimunt, sublesta & suspecta debet haberi fides; partim quia rerum diuinarum notitia, quæ ad huius causæ iudicium est necessaria, destituti: partim quia terrenis additi, plerumque & conscientiam, & sensum suum potentibus, spe commodorum temporalium nundinantur.

84.

Quòd veid Barclaius ait, *tantam sanctitatis Papa olim fuisse opinionem, ut gesta ab eo, tamquam à Deo facta vulgus amplecteretur*: quidnam obsecro ad rem facit? Non enim scriptores illi qui gesta Pontificum & annales sunt persecuti, in vulgo censendi, sed in eruditorum & sapientum numero. Deinde ipsum quoque vulgus in summis Pontificibus non tam vitæ sanctitatem, quam auctoritatem & eminentiam dignitatis suspexit: quæ sanè tanta est, ut meritò eius decreta & iudicia, publica præsertim, quæ tanto geruntur causarum examine, à Deo profecta censi debeant. Utinam & modò talis esset omnium populorum erga Vicarium Christi reuerentia, longè melius res Christiana se haberet, nec in tot pestíferas sectas esset diuulsa. Denique non soli scriptores facta illa Pontificum probarunt; sed etiam integræ Synodi, & orbis Christianus pene totus, exceptis paucis quibusdam schismaticis vel politicis, qui temporalium commodorum causa interdum aduersæ parti fauebant. Numquam defunt potentibus affectu & admini-

stri impietatis, etiam si omnia diuina & humana miscere conentur.

85. Discussis Barclaij cauillis, ipsa exēpla factorum inspiciamus. PRIMVM sit Constantini Papæ circa annū 713. qui cū Imperator Philippicus sacras imagines aboleri iuberet, *coacta Synodo sententiam Imperatoris damnavit, & cōstituit, ne illius nomē publicis scriptis aut priuatis in are, argēto, plumbeue reciperetur*: vt Platina & alij scribunt. At quid hoc aliud fuit, quā priuare iure temporali & tributis, imō ipsa dignitate Imperij? Nec obstat, quōd Paulus Diaconus in historia Longobardica scribit: *Senatum, Populūque Romanum decreuisse, ne Philippici nūmi, neue littera à quoquam in posterum susciperentur*: quia cū addat, *Hoc ideo factum, quia Statuas & imagines templorum Philippicus cōminui iusserat*, satis insinuat authoritatem Pontificis interuenisse, cuius erat eam iniuriam vindicare.

86. SEC VNDVM sit Greg. 2. circa annū 720. qui Leonem Isaurum Iconomachū sapius monitum vt ab infania deturbandi sacras imagines, & earum cultores persequēdi desisteret; cū nihil proficeret, tandem *excommunicauit, & Italia uectigalibus priuauit, prohibens Italis, ne consuetis tributa ei persoluerent*. Referunt hoc Cedrenus, & Zonaras in Leone Isauro, & ceteri Scriptores, qui illorum temporum gesta scriptis mandarūt. Barclaius negat hoc exemplo rei gesta veritatem contineri, idque propter duas rationes. 1. *Propter singularem illius Pontificis eruditionem cum summa morū integritate coniunctam*. 2. *Quia Platinarefert hunc Pontificem sua authoritate obstitisse Italis volentibus, ab illo impio Principe deficere, & alium sibi Imperatorem deligere*. Quapropter, inquit, humanius videtur, & veritati congruentius Platinam hac in re sequi, atq; in Zonara scriptis mendacium arguere, quā innocentem optimi Pontificis vitam sorda nota iniustitia & rebellionis

ma-

maculare. Et infra dicit: *Pontificem id non potuisse facere sine manifesta legis diuina, & Euangelica doctrina prauaricatione.*

Verum hæ rationes sunt nullius momenti. 1. Quia *Refutatur* assumitur hic tamquam certum & manifestum id de quo tur-
agitur controuersia, quod vitium in disputando vocatur *petitio principij*, locus omnibus qui ratione destituuntur, perquam familiaris. Quæstio enim est, vtrum Summus Pontifex possit Principem vastantem Ecclesiam pœna temporali coërcere? Nos dicimus posse; neque id vlllo modo cum sanctitate pugnare. & probamus ex facto Gregorij, quod passim ab historicis memoriæ proditum Barclaius negat posse, & ad factum Gregorij respondet, illud non esse credendum, & historicos mentiri: quia non est credibile virum tam sanctum & doctum voluisse tam fœda & iniqua rebellionem se contaminare, & tam manifestè legem diuinam, & Euangelicam doctrinam prauaricari. An potuisset apertius principium petere, & sumere tamquam certum, de quo vertitur quæstio?

2. Quod ad Platina attinet, falsum est, ipsum aliorum *historicorum sententiam manifestam contradictionem impugnare*, vt iste constringit. Nusquam enim Platina negat Gregorium id fecisse, quod alij eum fecisse affirmant. Nec refert quòd Platina scribat, Gregorium sua autoritate obstirisse, ne Itali alium Imperatorem eligerent. potuit enim ei tributa negare, & simul nolle alium Imperatorem deligi: vel quòd speraret illum hac ratione emendandum, vel quòd nondum esset opportunum alium adfiscendi, Longobardis adhuc magnam Italiæ partem tenentibus. Similiter non refert quòd Platina illud de negatis tributis non cõmemoret: quia multa alia omisit, quæ alij postea ex antiquis Scriptoribus collegere, vt ex Onuphrio & Massono est perspicuum. hinc annotationes ab Onuphrio ad Platinam additæ. Adde Platinam expressè scribere.

bere Paulum Exarchum, qui loco Imperatoris in Italia præerat, à Gregorio fuisse prohibitum, ne noua vectigalia exigeret: vnde mandato Imperatoris, eius vitæ infidiatum. An hoc non est idri Imperatoris se opponere, & eum temporalibus bonis priuare? Quomodo Barclaius hoc factum sanctissimi & doctissimi Pontificis excusabit, si denegare tributa non poterat absque scda iniustitiæ & rebellionis nota; & manifesta legis diuinæ, ac Euangelicæ doctrinæ præuaricatione?

87.

3. Exemplum contra Leonē Isaurum.

TERTIVM sic Gregorij 3. qui proximè Gregorio 2. successit, prudentia, doctrina ac sanctitate vitæ ei nō impar, vt omnes scriptores testantur. *Hic statim ubi Pontificatum inijt, Cleri Romani consensu Leonem tertium Imperatorem Constantinopolitanum, Imperio simul & communione priuat, quod sanctas imagines è sacris adibus abrasisset, & statuas demolitus esset, quodque etiam de hominibus male sentiret.* Hæc Platina, cui præ omnibus fidem habendam censet Barclaius, quod ei multa ex antiquis monumentis adiumenta suppetere ad indagationem veritatis rerum in Vrbe & Italia gestarum. Verum non videtur hoc exemplum legisse, vel si legit dissimulasse: alioquin committere non poterat, quin hunc Gregorium rebellionis & iniustitiæ damneret, sed immeritò. nemo enim hætenus Catholicorum scriptorum illud factum reprehendit, sicut nec Constantini primi, aut Gregorij 2. hic notandum vt Pontifices sensim aduersus hæreticos Imperatores processerint. Primò enim Cōstātinus Philippici ~~Leonem~~ *Leonem* nomen & effigiem abrogandā censuit: quo facto ei tacitè dignitatem Imperij detraxit. 2. Leonem tertium excommunicatum vectigalibus Italiæ priuauit. Postea Gregorius 3. eidem Leoni expressè honorem & ius Imperij abrogauit, saltem donec resipisceret. Neque dubitandum est, quin hæc omnia magna deliberatione præuia, & iudicio Synodico statuta sint, cum

monothelita

2. Gregorius 2.

cum res totam Italiam concerneret : quod etiam Scriptores diserte testantur .

QUARTVM fit Zachariæ primi, successoris Gregorij 3 . Hic rogatu Primatum Franciæ, Childericum Regem regno priuari iussit, & in monasterium concludi, ac in eius locum Pipinum Caroli Magni patrem Regem creari . Causa fuit, quia Childericus ad gubernacula regni erat ineptus, vtpote hebes, socors, & totus in voluptates effusus : & aliunde magnum religioni & regno ab hostibus imminebat periculum . Vide Trithemium de origine Francorum anno Domini 751 . Paulum Diaconum l. 6. c. 5 . de gestis Longobardorum, & Cedrenum in vita Leonis Isauri.

88.

4. Exemplum.

Depositi
Childeri-
ci.

Barclaius vt hoc exemplum eludat, valde se torquet. 1. multa notat, sed ita perplexè, vt nescias quid tandem velit concludere . Videtur tamen insinquare Childericum non fuisse verè Regem, nec regiam habuisse auctoritatem, sed solum nomen nudum retinuisse : totam verò potestatem fuisse penes Pipinum militiæ præfectum, qui Maior-domus vocabatur . Itaque non tam mirum videri debere, si Proceribus omnibus in Pipinum propendentibus Zacharias consenserit, vt qui multis beneficijs à Pipino, & eius patre Carolo Martello fuisset affectus. Verùm etsi Childerici parua fuerit apud Primores & plebem auctoritas : certum tamen est ius regiæ potestatis apud ipsum resedisse, donec eo per sententiam fuit priuatus . Non enim socordia, aut libidines ipso facto regno priuant, sed dignum reddunt qui priuetur . Neque etiam vsucapione illud sibi Pipinus acquisierat ; quia quidquid ipse & eius maiores in regni administratione gesserant, id non suo nomine, tamquam ipsi essent Reges, sed nomine Childerici, cuius erant ministri & instrumenta, fecerant . Itaque dignitas & auctoritas regia nondum erat in illum translata, sed apud solum

Barclaij
oppugnatio.

V

Child-

Childericum remanebat.

a. lib. a.
de Pont.
c. 17.

Nulla e-
uentu
Princeps
à subditis
potest de-
poni iu-
sta Barcl.

Hoc aduertens Barclaius, tandem respōdet, factum hoc Zachariæ & Francorum iniustum fuisse. quia per se malum est, Regem legitimum à subditis deponi, aut deponentibus consentire. Scio (inquit) Bellarminū^a a-
libi nimia huius facti Zachariæ acquitatis fiducia, audacter
affirmare, neminem sana mentis negaturum, factum istud
fuisse iustum. At nihil proponit cur non sapientissimus quis-
que iniustum fuisse asseneret. nullam, dico, rationē probabi-
lem & efficacem reddit, qua sapiens sibi persuadeat Papam
Francis in deponendo Childerico iuste consensisse. quando-
quidem nullo casu licet malum facere, ut bonam inde quan-
tumvis magnum consequatur. deponi autem Regem legiti-
mum à proprijs subditis, aut deponentibus consentire, cum
ille solum Deum supra se habeat, cui soli gestorū suorum ra-
tionem reddere tenetur, per se & simpliciter malū esse iam
fatis ostendimus. Hæc ille. eadem ferè habet Blacuellus q.
2. pag. 146. & 147. Quo in responso rursus principium
petit, ut ante fecerat, assumens pro ratione vltima
& peremptoria id quod est in controuersia, & quod ab
omnibus Doctoribus censetur manifestè falsum & ab-
surdum. Omnes enim Theologi & Philosophi, omnes
Canonistæ & Iurisperiti docent Principem ob aliquas
causas à subditis deponi posse; idque nos etiam infra de-
monstrabimus. At Barclaius vult hoc in omni euentu
esse intrinsecè malum; idque esse adeo manifestum, ut
nullus sapiens factum illud Francorum possit approbare,
& ex hoc principio condemnat quicquid in contrarium
adfertur, qua in re mentis vel inopiam in ratiocinando
declarat, si putet se aliquid efficere; vel malignitatē, si
huiusmodi officijs lectorum intelligentiæ illudere. De-
inde condemnat insipientiæ omnes Doctores, & tot sa-
culorum sapientes, qui hoc factum Zachariæ & Franco-
rum probarunt, & iustum censuerunt. Quis enim tot
centurijs

Sæculijs annorum præter huius extremi xui hæreticos aliquot illud factum reprehendit? Denique Pipinum & Carolum Magnum facit inuasores Regni, tyrannos, & reos perduellionis, vt qui iniuste contra suum legitimum Principem se erexerint, illum solio deturbarint, & illud per vim occuparint. quo crimine simul omnes Primores & totum populum inuoluit.

Attulerat Bellarminus in confirmationem illius facti duo argumenta vel indicia, quæ à Barclaio fuisse refutantur. *Argumenta*, inquit, *duo quibus ad depositionis illius iustitiam probandam utitur, adeo incerta sunt & friuola, vt illa ab eo proposita esse mirer. Nam primò quòd facti Zachariae equitatem ex euentu rerum metitur, quasi i- deo factum istud iustum censi debeat, quod illa regni mutatio prosperos & felices successus habuerit, id adeo plebecium est & puerile, vt ne cogitari quidem à tanto Viro, nedum scribi debuerit. careat successibus opto, quisquis ab euentu facta notanda putet.* Omissa styli acrimonia qua iste vitur, & qua vicissim faciliè perstringi pro meritis posset: Resp. facta non esse ex solo euentu pensanda; vt si quid inconsideratè, temerariè, vel contra ius & fas gestum sit, quod felicem exitum habeat, non ideo id probandum: sed si res magno consilio, magna consideratione ad publicam salutem & religionis instaurationem instituta fuerit, nec quidquam in ea appareat quod legi diuinæ vel humanæ repugnet; si ea felicissimum exitum habeat, sanè magnum signum est Deo auctore conceptam, eiusque fauore directam & peractam. Qualis fuerit status Franciæ per 80. annos vsque ad illa tempora, Regum nimirum socordia, scribit S. Bonifacius in epistola ad Zachariam Papam: vbi dicit, *ab 80. annis nullam fuisse ibi Synodum, nullum Archiepiscopum, Episcopales sedes maxima ex parte traditas laicis, cupidis ad possidendum, vel adulteratis Clericis, scortatoribus, & publicanis seculariter ad*

89.
Defendū-
tur duo
argumen-
ta Bellar.
aduersus
Barclaij
cauillos.

Quando
felix exi-
tus est in-
diciū
diuini fa-
uoris.

perfruendum : & alia enormia commemorat . At translata Regia potestate ad Pipinum , & filium , omnia hæc fuere emendata , & regnum istud religione , potentia ; & politia factum est clarissimum . Quis non dicat hic fauorem diuinum interuenisse ? Nec refert quodd interdum sapienter & optimo consilio suscepta , tristes exitus habeât , vt videre est in duplici expeditione transmarina S. Ludouici ; & in alia pro recuperanda Terra Sancta tempore B. Bernardi : & è contrario iniquè acta , felices hoc , inquam , non obstat ; quia nihilominus felices exitus , si ceteræ quas diximus circumstantiæ concurrant , ordinariè magnū diuini fauoris & iusti conatus sunt argumentum .

90. Alterum indicium erat à sanctitate B. Bonifacij , cuius opera Zacharias Papa vsus est in Pipino Rege inungendo & coronado . Si enim illud factum iniquum fuisset , numquam vir ille sanctissimus se illi executorem & administrum præstitisset . Respondet Barclaius : *Leue & nullius momenti hoc argumētum esse . Nam Bonifacius nudas executoris mandati Apostolici partes in illo negotio obibat , ideoque nihil eius sanctitati detraxit , quod iubente Pontifice peregit : quippe tenebatur Papa sententiam exequi , licet scinisset eam esse iniustam , iuxta Cap . Pastoralis , § . Quia verò , de officio & potestate Iudicis delegati . Idem confirmat ex can . Quid culpat 23 . q . 1 . & can . Miles 23 . q . 5 .*

Verū fallitur , vel fallit largiter , & sibi ipse reputat . Paulò enim antè docuit esse foedam & iniustam rebellionem , & manifestam diuinæ legis præuaricationem . item esse per se & simpliciter malum , si subditi aliquo casu suum Principem deponere , & alium sibi adoptare conentur . quomodo ergo mandatum Pontificis potuit facere , vt S. Bonifacius sciēs qualitatem facti , posset ad illud licitè cooperari , & totius illius operis fieri executor ?

Si

Si Iudex aliquid mandet quod apertè sit iniquum, & contra legem diuinam, id quæ sciat mādātarius, poteritne ei parere, & se executorem nefarii mādātari præbere? Perspicuum est nō posse. tūc enim locum habet illud Apostolicum pronunciatum, *obediendum potius esse Deo quàm hominibus*. alioquin excusari poterunt omnes carnifices martyrum, & milites mandato principis iniqua bella persequentes.

Neque ad rem facit Cap. Pastoralis. Quia non loquitur in eo casu quo mandatum est de re per se illicita, & legi diuinæ manifestè contraria (qualem vult Barclaius esse Principis depositionem) vt annotat ibi Panormitanus n. 2. & alij DD. sed de ea, quæ solū priuata sciētia scitur esse contra ius litigatoris (cū tamen secundum ordinem iuris ex allegatis & probatis aliter sit iudicatum :) neque est tanti momenti, vt propter illam rem publicum iudiciorum ordinem perturbari expediat. Itaque debet esse talis, vt de ea Iudex supremus possit disporre boni publici causa. ita Glossa, Panormitanus, & alij DD. At iuxta Barclaium nihil horum competit in casum de quo est quæstio. Pari modo ad rem nō facit can. Quid culpatnr, ex S. Augustino l. 22. contra Faustum cap. 74. & 75. quia apertè ibi requiritur, vt non constet re præceptam esse contra legem diuinā. *Vir, inquit, iustus si fortè sub Rege sacrilego militet, velle potest illo iubente bellare, ciuica pacis ordinem seruans; cui quod iubetur vel nō esse cōtra Dei præceptum certum est, vel vtrum sit, certum non est: ita vt fortasse reū faciat Regem iniquitas imperandi, innocentem autem militem ostendat ordo seruicndi*. Ex quibus perspicuū est, subditū vt possit parere Superiori, debere apud se certò statuere, opus præceptum non esse cōtra legem Dei: vel si ambigat, ita debere esse ambiguū, vt prudenter possit credere superiorem non falli, eiusque præceptum esse licitum. Quomodo ergo S. Bonifacius à

Intellectus
aus cap.
pastoralis.

scelere excusabitur, si sciuit rem sceleratam præcipi, & nihilominus paruit? Quomodo illum *innocentem offendit ordo seruendi, & parendi necessitas*, si res præcepta legi diuinæ erat manifestè contraria? Denique nec Canon Miles ex D. Augustino l. 1. de Ciuit. cap. 26. aduersæ sententiæ fauet: quia manifestè loquitur de Imperio iusto, & ex vera Iurisdictione profecto: vt cùm Princeps iubet occidi subditum reum mortis & condemnatum. Hunc enim obustum imperiū Principis miles absque sua culpa occidere potest: quem si iniussu Principis & propria autoritate interficeret, scelere homicidij se alligaret. At Imperium illud de quo agimus, iuxta Barclaium, iniquum erat, nec summus Pontifex vllam ad illud factum Iurisdictionem habebat. Ex quibus patet 1. quo iudicio vel fide iste in Canonibus & sententijs Doctorum versetur. Deinde solida constare duo illa indicia seu argumenta quæ Bellarminus ad iustitiam facti Zachariæ & Francorum adduxerat. His adde alia sex.

91.
Alia argu-
menta pro
facto Za-
chariæ.

Itaque 3. accipe à moribus & sanctitate ipsius Zachariæ. *Hic enim*, vt scribit Platina, *inter optimos Pontifices annumeratur. Fuit vir mitissimi ingenij, mira suauitatis & gratiæ, omni vertute præditus, Cleri & populi Romani amator, ad iram tardus, ad misericordiam & clementiam promptissimus, nulli malum pro malo reddens, sed ad imitationem Saluatoris malum in bono vincens &c.* Quomodo credibile est talem virum in scædam coniurationem, & manifestam legis diuinæ præuaricationem fuisse consensurum, eamque sua autoritate promoturum?

4. Ab autoritate Synodi, quæ tunc temporis opera S. Bonifacij, petente Pipino Duce, in regno Franciæ est celebrata, in qua non est dubitandum hanc causam fuisse tractatam, agitatam, & approbatam.

5. A conditione eorum per quos hæc res apud Sedem Apo-

Apostolicam est tractata , quod per S. Burghardus Episcopus Wirtceburgensis , & Volradus Abbas . Hi enim ad Zachariam Pontificem à Primoribus Francorum missi Legati , ut ipsius consilium & consensum obtinerent : ut scribit Trithemius de origine Francorum ad annum Domini 751 . Et Adelmus in suis annalibus ad annum 749 . teste Papyrio Massono .

6. A communi consensu totius regni . *Placuit* , inquit Trithemius , *in communi omnibus , ut Regem Childericum nullam regnandi vel peritiam vel potestatem habentem deponerent , & Pipinum penes quem totius Regni summa manebat autoritas , in Regem sublimarent* . Mirum est in tanto numero neminem fuisse qui manifestam legis divinæ prævaricationem , quam Barclaius Scotus post tot sæcula vidit , in eo facto non adverteret .

7. Quod successor Zachariae Stephanus ratam habuit decessoris sui voluntatem . Itaque Childerico in monasterium relegato , Pipinus regni ornatum nomenque sumpsit ; ut scribit Papyrius Massonus in Pipino . *Exemplo , ut inquit ille , publice salubri , ne reges imbelli otio victi , pro virtute ignaviam colant . Semper enim illustribus familijs otium & ignavia exitio fuere .*

8. Quod hactenus nemo repertus sit præter aliquot hæreticos & Barclaium , qui hoc factum iniustitiæ & rebellionis arguerit . Quod autem ista depositio non solum consilio & consensu , sed etiam autoritate summi Pontificis peracta sit , patet ex multis signis . 1. Quia Proceres à iuramento fidelitatis absoluit . id enim ipsi ab eo petierant , ut indicat Massonus in Zacharia . idem expressè habetur apud Gratianum 15. q. 6. can. Alius . & in regesto Gregorij 7 . lib. 8 . epist. 21 . & apud Ivonem p. 5 . cap. ult. 2. Quia Adelmus apertè scribit , Zachariam per Legatos consultum rescripsisse , *inutiles esse Reges , qui otiosi forent ; datâq; autoritate sua inuisse Pipinum Regem consti-*

Esse factâ
depositionem au-
thoritate
Pontificis.

constitui. Gallia enim viris opus erat, Hispania tum ab Arabibus & Afris occupata, qui illam penitus subiecissent ditioni suae, nisi Carolus Pipini pater cum maximo exercitu eis occurrisset. Similia scribit Platina. Pipinus, inquit, regnandi cupidus, Legatos suos ad Pontificem mittit, eumque rogat, ut regnum Franciae sibi sua auctoritate confirmet. Annuit Pontifex eius postulatis, atque ita eius auctoritate regnum Francia Pipino adiudicatur, anno Domini 753. quia Childericus non solum fuit regno abdicatus, sed etiam in monasterium iussu Pontificis detrusus, ut Trithemius, vetus Chronicon Francorum, & alij scribunt. 4. quia Pontifex S. Bonifacio per Apostolica scripta mandavit, ut Pipinum in Regem Francorum ungeret. Itaque Pipinus iussu Zachariae Papae in Regem Francorum in ciuitate Sueffonum unctus & coronatus est per manus S. Bonifacii Archiepiscopi Moguntiacensis anno Domini 752. ut idem Trithemius testatur. Nec obstat Glossa can. Alius 15. q. 6. ubi illa verba Zacharias deposuit Regem, interpretatur deponentibus consensit. quia loquitur de consensu authoritativo. neque etiam his obstat quod Pipinus electione & communi consensu Regni factus sit Rex; quia ad eundem effectum plures causae quoque in suo ordine & gradu concurrere possunt.

92.
Altera
respons.
Barcl.

Tandem Barclaius secundam solutionem facto Zachariae adhibet, qua, concessa illius facti iustitia, pernegat inde sequi Pontificem Reges perniciosos, si potentes sint, sua auctoritate posse deponere. Demus, inquit, factum istud fuisse iustissimum; quid inde quaeso roboris & firmitatis accedere potest ad probationem temporalis potestatis, quam Papa in Principes tribuit? Nunquid aliud quam ut eius facti exemplo Papa nunc faciat, quod tunc fecit Zacharias? Nempe ut alicui populo Regem suum paribus de causis abdicare cupienti consensum praebeat &c. Hoc ergo exemplum Zachariae quid ad immensam illam potestatem stabilis-

bilendam confert, qua sequentibus sæculis freti Pontifices interdum Reges potentissimos, & omnibus copijs florentes, animique & corporis viribus præstantes, non populorum rogatu vel cōsensu, sed proprio motu per bella, per cades, per schismata, per maximas Reipub. calamitates, regnis & sceptris priuare gloriati sunt & conati? Numquid facti Zachariae exemplo id illis licere quisquam sapiens iudicabit? Hæc ille.

Sed hæc solutio euertit primarium authoris fundamentum. Si enim Rex iustè deponi potest in illa rerum Refuta-
tur.

peristasi; quæ in causa Childerici concurrerunt: ergo falsum est illud subditorum studium esse fœdam rebellionem, & manifestam legis diuinæ præuaricationē: & falsum est regem à solo Deo posse iudicari & deponi, & solum Deum habere superiorem. hæc tamen sunt aduersarij fundamenta, vt ex ijs quæ suprâ diximus constat. Deinde si Rex potest deponi quando est ineptus, vel inutilis regno; cur non multò magis quando est perniciosus, vastator sacræ religionis, animorum & corporum tyrannus ac prædo? Nam quod de potentia regis & opibus & viribus corporis ac animi dicitur, quid obsecro facit ad propositum, vbi de iustitia depositionis agitur? Non enim quia reus est potens ad resistendum, ideo iniusta in eum executio: nec quia imbecillis ideo iusta. Pari modo non ideo iniusta erit regis depositio, quia ipse potentia & opibus valet, ita vt sine cæde & sanguine exturbari nequeat: nec ea res potestatem & Ius deponentium minuit. Sunt quidem illa consideranda, ne imprudens, incircumspecta, & temeraria sit depositio. ad iustitiam autem vel iniuriã faciit in ipsum Regem nihil efficiunt. Quare si summus Pontifex imbecillum Principem regno inutilem iure deponere potest: etiam perniciosum quantumuis potentem poterit. sed vtrum Ecclesiæ expediat, perpẽdere debet. Præterea si populo petente causa religionis deponi potest: cur non

X

etiam

etiam populo non petente? Non enim autoritas summi Pontificis in ijs quæ ad religionis tutamen pertinent, à populo pender, sed contrà autoritas populi in huiusmodi causis à summo Pontifice. huic enim, non populo religionis cura commissa. Itaque causa religionis nihil populus in suum Principem attentare debet, nisi ex Pontificis consensu. Rursus si petitio populi iustam facit Principis inutilis abrogationem: cur abrogatio perniciosi non semper iusta censi debet? Quia etiamsi populus ob metum expressè non agat ut talis deponatur; optat tamen id quàm maximè, præsertim qui sunt saniores, quibus nimirum salus patriæ & religio est cordi. Itaque depositio illa erat ex voto populi, & ex eius consensu, ac præsentis rati habitatione. Denique siue oves petant, siue nō petant; ad pastoris officium pertinet curare ne lupi ouibus dominantur. Ex his patet, quale sit quod scribit iste Barclaius: Nullum sapientem exemplo facti Zachariæ iudicaturum summum Pontificem sua autoritate Principem potentia & opibus florentem, etsi Ecclesiæ perniciosum*, posse deponere. Omitto quod hac sua definitiua sententia insipientiæ condemnet S. Thomam, S. Antoninum, Petrum Paludanum, Cardinalem Turrecremata, & alios multos viros doctissimos, qui hoc exemplum in confirmationem Pontificiæ autoritatis adducunt.

93.
g. Exemplum.

Translatio Imperij.

Q V I N T V M sit Leonis 3. qui Imperium à Gracis transtulit in Germanos, ed quodd Ecclesiam occidentalem ampliùs protegere, & ab hostibus tueri non possent. Id autem autoritate Leonis Papæ, non Senatus Populiq; Romani aut alterius factū, probat clarissimè Card. Bellar. 1. testimonijs 33. historicorum, ex quibus etiam ostendit ab illo tempore Imperatores Romanorū à Pōtifice Romano fieri & creari consueuisse: nec esse verè & absolutè Imperatores Romanorum, sed solū Germaniæ

nix Reges, etiam si electi sint, nisi à Pontifice sint consecrati & coronati. 2. Idem probat testimonijs & confessione 10. Imperatorũ, & Regis Gallix, & publico instrumento Electorum Imperij. 3. Probat testimonijs 7. Pontificum: ex quibus hic solum ponam illud Innoc. 3. (qui annos abhinc ferè 400. Ecclesiæ præfuit) quod habetur cap. Venerabilem. Ex. de Electione. *Illis Principibus ius & potestatem eligendi Regem in Imperatorem postmodum promouendum recognoscimus, ut debemus, ad quos de iure ac antiqua consuetudine noscitur pertinere, præsertim cū ad eos ius & potestas huiusmodi ab Apostolica Sede peruenit, quæ Romanum Imperium in personam magnifici Caroli à Græcis transtulit in Germanos. Sed & Principes vice versa recognoscere debent, & utique recognoscunt (sicut ijdem & in nostra recognouere præsentia) quod ius & auctoritas examinandi personam electam in Regem, & promouendam in Imperium ad nos spectat, qui eum inungimus, consecramus, & coronamus &c. Vbi apertè habemus nō solum Imperatores iam ab 800. annis, sed etiam Electores suam dignitatem Sedi Apostolicæ acceptam ferre debere: & ad summum Pontificem pertinere Electum approbare si dignus sit, vel reiicere si indignus. Eadem disertè habemus Clement. Romani, de iureiurādo, approbata à Concilio Generali, ut suprà n. 59. ostensum est.*

Hæreticorum triplex ad hæc est responsio. 1. est Cæturiatorum Magdeburgensium centur. 8. cap. 10. Hanc translationem fuisse iniquè factam, usurpata non legitima potestate: imò esse præcipuum miraculum Antichristi. Sed contradicunt omnes Scriptores, imò consensus totius orbis. Nam Carolus & eius successores semper veri & legitimi Imperatores ab omnibus etiam Principibus habiti fuere. nec quisquam Regum illis litem de iure tituli mouit, aut se illis præponere vel æquare di-

94.
Respon.
hæretic.
Transla-
tionem
fuisse ini-
quam.

Refutatur

gnitate in animum induxit; sed omnes tamquam vetis Imperatoribus semper cessere, & primum honorem detulere. Verum tantum est hæreticorū in summum Pontificem odium, ut suam gentem malint Imperij iure spoliare, & suos Principes tyrannos, & iniquos alienorum Regnorum inuafores facere, quàm tanti beneficij gratiā Pontifici debere.

Respons. Altera est Marsilij Patauini & quorundam aliorum
Marsilij, hæreticorū: hāc translationē esse factā autoritate Sena-
Translat. tus, Populiq̃ue Romani, ut refert Albertus Pighius lib.
factam à 5. de Eccles. Hierarchia c. 14. Sed 1. huic sententiæ
S. P. Q. R. aduersantur omnia testimonia suprà insinuata. 2. Quia

Refutatur: vix vnquam antea apud Senatum vel Populum fuit au-
 thoritas Imperatoris eligendi. nam ferè semper vel ab
 exercitu Imperiali fuere electi, vel iure hereditario suc-
 cesserunt. Et quāuis aliquando penes illos fuisset, iam
 tamen à 500. annis, nimirum ex quo sedes Imperij in
 Oriētem translata fuerat, non erant vsi; ac proinde iam
 pridem eam amisissent. Quod si apud eos non erat au-
 thoritas, etiam vacante Imperio, noui Imperatoris de-
 ligendi: multò minus viuēti & florenti Imperatori hāc
 dignitatē & ius Imperij Occidētalīs adimēdi, & in alte-
 rum conferendi. Denique Senatus Populusq̃ue Roma-
 nus nullam habebat auctoritatem in Imperium Occi-
 dentale; sed tota eorum potestas Urbis Romanæ limitibus
 coercebatur: ac proinde non poterant ipsum Imperium
 alteri dare.

Politico- 3. Est multorum hæreticorum & politicorum, qui
rum resp. dicunt Carolum iure belli, & vi armorum comparasse
Armīs sibi Imperiū Occidentale, & totū ius Imperiale; sum-
quæsitum mum Pontificem solū contulisse inanem titulum. Sed
Imperium à Carolo. & hāc sententia omnibus testimonijs suprà indicatis lu-
 culentē refutatur. Omnes enim scribunt hanc dignita-

Refutatur. tem per summum Pontificem collatam, non autem iure
 armo-

armorum acquisitam. Deinde, si iure armorum acquisiuit Ius Imperij, cur bello Longobardico confectio, ~~nimirum anno 781.~~ cum Romam profectus, ibidemque honorificè susceptus curauit filios suos Pipinum & Ludouicum Adriani manu Reges inungi, Pipinum Longobardiæ, Ludouicū Aquitaniæ, vt Massonus ex Adelmo cōmemorat? Cur inquā tunc nomē quoque & dignitatem Imperatoriam non assumpsit? Cur per 20. annos expectauit, nimirum vsque ad annum Domini 801. quo anno Leo tertius illum Imperatorē constituit & coronauit? Cur tunc primū Imperator & Augustus salutatus est, si hanc dignitatē iam à 20. annis obtinuerat? Cur omnes historici eo anno translatum Imperium scribunt, & Carolum 33. anno regni sui Imperatorem factum, & solū annos 14. post acceptum Imperium vixisse? Ita enim scribūt Abbas Vrspergensis & alij. 3. Imperatoria dignitas non solū tribuebat Carolo ius ad ea retinenda, quæ armis occuparat, sed etiam ad alia obtinenda, quæ non occuparat, & Occidentali Imperio accensebantur. Vnde factus est Imperator Romanorum, cum tamen antea nullum in Romanos ius haberet, vt pote quos numquam subiugarat, sed semper vt amicos tractarat. Itaque quod à Pōnifice accepit, non erat inane nomen, sed dignitas & ius maximi mōmenti: quod & ipse Carolus & eius successores, & omnes Principes Christiani semper maximi fecere. Cuius signum est quod cum Ecclesia à Frederico primo grauiter affligeretur, Emmanuel Cōnenus Imperator Græcus bis per legatos egerit cum Alexandro tertio, vt Occidentale Imperium, à quo Fredericus primus iūre excidisse videbatur, rursus Orientali vniret, & ipsi restitueret, oblata ob eam causam magna vi pecuniæ, & exercitu valido aduersus Fredericum, & promissa vnione Ecclesiæ Græcanicæ cum Latina sub obedientia Romani Pontificis.

A (nimirum 2^o 781)

Imperat:
Græcus
agnoscis
hæc pote-
statem.

Ita scribit Platina in Alexandro 3. Blondus decade 2. lib. 5. Naclerus generat. 39. & alij. Vbi aduertendum Imperatorem Græcum nihil aliud petiisse à summo Pontifice quàm titulum & ius Imperij occidentalis. nam possessio armis quærenda erat. Censebat ergo ille non esse vanum & theatricum titulum, sed ius maximi momenti, quod summus Pontifex conferre poterat.

4. Ius illud quod Carolus armis in Prouincias Imperij acquisierat, non erat solidum, nec per se ad iustam retentionē sufficiens. Non enim, si mea bona, vi à latronibus occupata, quæ ego defectu virium non possum recuperare, tu iniquis possessoribus extorqueas, idcirco tibi ius erit ea retinendi. nam nihil commisi cur illis priuari debeam. solum teneor rependere sumptus, quos in eam rem exhausti. Quare cum Longobardi fuerint iniqui inuasores & occupatores Prouinciæ Imperialis, & Imperatori Græco semper ius fuerit illos exturbandi; nec quidquam iniuriæ Carolo ipse intulerit ob quam iure suo priuari debuerit, perspicuum videtur Carolum ex illa occupatione non satis iuris habuisse ad ea quæ occuparat retinenda. Tunc enim solum iure belli possunt occupata retineri, quando vindicantur illatæ iniuriæ, pro quibus Princeps ille ad quem ea pertinebant, legitimè monitus, satisfactionem exhibere contempsit; vt passim DD. tradunt. Quod sanè hic locum non habet. quia Imperator Græcus nullam iniuriam Carolo, aut Francis fecerat, nec vlla in hac re obtendebatur. Ex quibus patet Ius Caroli non fuisse ex solis armis, sed potissimum ex donatione summi Pontificis. qui cum Ecclesiæ rationes postulât, potest etiam absque culpa prioris Domini, si ipse inutilis sit, ius regale ad alium potentem & idoneum transferre. Non enim illæ dignitates institutæ sunt ad commodum & fastum imperantium, sed propter bonum commune Reipublicæ & Ecclesiæ.

SEX-

SEXTVM sit translatio Imperij à Francis ad Germanos, eiusdemq; in illa gente cōfirmatio, & Electorū institutio. Cum enim à Leone 3. attributum esset Carolo Magno, & eius stirpi, vt absq; electione, iure hereditario in perpetuum succederent, sic tamen vt cōfirmationem & coronationem à Romano Pontifice peterent; permansit in familia Caroli annos circiter 119. nimirum ab anno 801. quo Carolus Magnus coronatus est, vsque ad 920. quo tempore stirpe Caroli exhausta translatus est in Ducem Saxonie Henricum Aucupem nuncupatum. Duo tamen postremi ex familia Caroli, nimirum Ludouicus Arnulphi filius, & huius successor Conradus Arnulphi nepos, nō fuere propriè Imperatores, sed solū Reges, quia à Summo Pontifice non fuerunt coronati. Similiter nec Henricus Saxo, cui cū vnctio & diadema à Summo Pontifice offerretur, respōdit: *Satis mihi est, vt prae meis maioribus Rex dicar ac designer diuina annuente gratia, ac Vestra Pietate. penes meliores verò nobis vnctio & diadema sit: tanto honore nos indignos arbitramur*, vt refert Witichindus Saxo, qui illo tempore scripsit. Vnde historici, tres istos Ludouicum, Conradum, & Henricum non vocant Imperatores, sed Reges tantū, cū tamen præcedentes & sequentes à Pontifice coronatos, semper Imperatores vocent. Imò nec ipsi Imperatores iisdem nominibus appellati hos in numero Imperatorum censent. alioquin qui se scribit Henricum primum, deberet se scribere Henricū 2. & sic deinceps. Et qui Ludouicum 4. deberet se scribere Ludouicum 5. &c. vt benè ostendit Card. Bellarm. l. 2. de translat. Imperij. c. 2.

Primus igitur è gente Saxonum Imperator fuit Otto 1. Henrici filius, qui multis rebus pro Ecclesia præclare in Italia gestis, obtinuit à Summo Pontifice Ioanne 13. Imperatoriam dignitatem. Sicut enim Carolus Ma-

95.
6. Exēplū.
Translatio
à Francis
ad Germanos.

Magnus capto Desiderio & confecto bello Longobardico, meruit vt fieret primus Imperator ex gente Francorum: ita iste Ottho capto Berengario, & Italia eius tyrannide liberata, meruit vt exhausta iam Caroli stirpe primus ex gente Saxonum Imperator crearetur, *idque Romani Pontificis autoritate*, vt scribit Ottho Frisingen. lib. 6. Chrō. cap. 22. & 24. & Cuspinianus in vita Otthonis, Platina in Ioanne 13. & alij. Ex quibus patet quodd sicut antea Franci summo Pontifici acceptam referre debebant hanc dignitatem; ita modo à 670. annis eandem eidem Pontifici debere Germanos. Accedit quodd ad eos non solum Imperium transtulit, sed etiam in futurum confirmauit, & non hereditarium, sed electiuum fecerit, vt virtuti potius quam generi deferretur. Denique hoc ius eligendi solis Germaniæ Principibus concessit: vt scribit Trithemius in Chronico Hirsaugienfi ad annum 995. *Gregorius Papa V. inquit, congregata Synodo statuit, consentientibus Romanis, & omni Clero, Romanum Imperium apud Germanos debere perpetuis futuris temporibus permanere; ita vt Germania Principes per Otthonem 3. deputati, ius habeant & potestatem Imperatorem deligendi.* Idem testatur Iacobus Wimpelingus in epitome rerum Germanicarum cap. 20. *Gregorius, inquit, cognita Imperij imbecillitate, varietateque fortuna, vt is qui ceteris virtute prastaret, prastet etiam dignitate, sanctionem tulit, haud abnuente Otthone, de Imperatore deligendo anno Christi 1002. quam vsque ad nostra tempora seruatam videmus: videlicet solis Germanis licere Principem eligere, qui Caesar & Romanorum Rex appellatus, tam demum Imperator & Augustus haberetur, si cum Romanus Pontifex inuinxisset.* Idem constat ex testimonio Innoc. 3. supra posito, & ex ipso diplomate Electorum, cuius autographum seruatur Romæ in Arce S. Angeli, & ad verbum ex autographo descriptum, extat apud Cardinalem Bel-
larminum

Electores
Imp. à
Romano
Pontifice
constit.

larminū lib. 3. de translatione Imperij c. 3. in quo primò agnoscunt & dignitatem Imperialem & electoratum esse beneficiū Romani Imperij, his verbis: Nos Principes Imperij vniuersis præsentem paginam inspecturis, *Complectens ab olim Romana Mater Ecclesia, quadam quasi germana charitate Germaniam, illam eo terreno dignitatis nomine decorauit, quod est super omne nomen temporaliter tantum præsidentium super terram, plantans in ea Principes tamquam arbores præelectas, & rigans illas gratia singulari. Illud dedit eis incrementum miranda potentia, ut ipsius Ecclesiæ autoritate suffulti, velut germen electum per ipsorum electionem, illum qui fræna Romani teneret Imperij, germinarent &c. 2. Imperatorem in firmamento militantis Ecclesiæ esse luminare minus, Pontificem Christi vicarium luminare maius. 3. Imperatorem esse eum, qui ad nutum Pontificis materialem gladium excutit & conuertit, ut eius præsidio Pastorum Pastor adiutus, oues sibi creditas spiritali gladio protegendo communiat, temporali refrænet & corrigat. 4. Approbant & ratificant omnia quæ ab Imperatoribus Ecclesiæ Romana concessa, donata, præmissa, & specialiter quæ de fidelitate, obedientia, honorificentia, & reuerentia per Romanos Imperatores & Reges Romanis Pontificibus, & ipsi Ecclesiæ impendendis. Denique hoc scriptum omnium sigillis munitum sic claudunt. Actum & datum anno Domini 1279. indiçtione 7. regnante Domino nostro prædicto D. R. Romanorum Rege glorioso, regni eius anno sexto. Vide Baronium tom. 10. ad annum Domini 996. Denique Centuriatores ipsi fatentur Electoratum esse Romani Pontificis beneficium. Sic enim scribunt centuria 10. cap. 10. Gregorius (quintus) suam patriam insigni aliqua dignitate ornaturus, sanxit ut penes solos Germanos ius esset eligendi Regem, qui post diadema à Romano Pontifice acceptum, Imperator & Augustus appellaretur. Hæc illi.*

Pontificis

96.
7. Exem.
plum.
Depositio
Henrici 4.

SEPTIMUM Sit Gregorij 7. Hic Henricū 4. regē & tertium Imperatorem eius nominis, ob grauissima & turpissima scelera excōmunicauit primū: deinde cū non emendaretur sed deterior euaderet, tamdē dignitate Imperij spoliavit, & alium in locum eius Imperatorem eligi iussit, quod & factū est. Improbant hoc factū summo opere hæretici omnes huius tēporis, & Barclaius cap. 9. & 10. non solum vt imprudens & præcipitatum; sed etiā vt iniquum, & potestatis vsurpatæ. Hæretici multa Gregorio obijciunt, quæ ad 4. capita reuocari possūt. 1. Quodd per vim militarem & simoniam inuasit Pontificatum. 2. Quodd Henricum infontem excommunicarit. 3. Quodd hæresi Berēgarianæ additus fuerit. 4. Quodd omnibus sceleribus fuerit contaminatus, vtpote, magus, simoniacus, homicida, adulter &c. Sed hæc omnia luce meridiana clariūs refutat, & falsissima esse ostendit Bellarminus lib. 4. de Pontifice cap. 13. allatis plusquam triginta scriptoribus. Idem facit Gretzerus ex authoribus quinquaginta. Opusculū illud vnde hæretici ista acceperūt vel fictitiū est, vtpote nuper primū, nimirum anno 1535. in lucem editum (potuerunt enim Lutherani ista confingere vel addere quæ voluerunt, cū præter vnum exemplar nullum extaret) vel scriptum ab eo quem constat capitalem ipsius Gregorij hostem fuisse, nimirum à Bennone quodam, qui cū esset creatus Cardinalis ab Antipapa Clemente 3. quem Henricus Gregorio opposuerat, non potuit non partibus Henrici, & sui promotoris fauere, & Gregorio esse inimicissimus.

97.
Gregorij
factū de-
fenditur.

Porro hoc factum Gregorij iustum fuisse, & eum habuisse legitimam ad hoc potestatem, probatur 1. Quia Gregorius ab omnibus penē scriptoribus (ex quibus ad 50. producūtur à Gretzero) laudatur vt vir iustus & sanctus. at si hoc factū fuisset iniustum ex potestate iniquē

quæ arrogata, ipse non solum non esset laudandus; sed ut tyrannus, & iniquus vsurpator diuinæ authoritatis (qualem hanc esse volunt aduersarij) execrandus.

Neque solum ipsum generatim laudibus ornant; sed plerique etiam in hac causa contra Henricum mirifice ipsius virtutem commendant: inter quos multi non solum doctrina, sed etiam vitæ sanctitate celebres fuere. quorum primus sit B. Anselmus Lucensis Episcopus doctrina & miraculis clarissimus, Gregorij discipulus, *Multi sancti viri causam Gregorij* qui (vt scribit Bertholdus Constantiensis author illius ætatis in suo Chronico) *post obitum Gregorij fideles S. Petri* (id est causam Gregorij fouentes) *contra tyrannidem* *Henrici adhuc in carne viuens multum incitauit: sed multo plus post obitum suum miraculis coruscans, eosdem contra eundem persistere confortauit. unde & pars Henrici de die in diem cepit deficere. Catholici autem in fidelitate S. Petri non cessauerunt proficere.* hæc ad verbum ille scriptor. 2. B. Anno Archiepiscopus Coloniensis sanctitate illustris, cuius vita extat apud Surium tom. 6. Decēbris 4. Hic fuit inter eos qui in Germania causam Sedis Apostolicæ contra Henricum tuebantur. 3. Stephanus Episcopus Halberstadenſis vir doctus & sanctus, qui fortissime contra Henricum egit in epistola quam scripsit ad Walramum sub nomine Ludouici Comititis. Extat apud Dodechinum ad annum Christi 1090. 4. S. Anselmus Cætuariensis præfatione in libellum de fermentato & azymo, vbi salutem dicere non vult Walramo Nauburgensi Episcopo, quod (vt ipse ait) *faueret successori Iulij Caesaris & Neronis, & Iuliani, & potestati contra successorem B. Petri*, id est, quod partes Henrici sequeretur. Hic tamen Walramus postea ad mentem redijt, & Sedi Apostolicæ reconciliatus est, vt patet ex tract. eiusdem Anselmi de diuersitate sacramentorum, vbi ei reditum ad Ecclesiam plurimum gaturatur, & honorifice eum compellat. 5. S. Gebhardus

Episcopus Salisburgensis, qui, vt scribit author vitæ ipsius, illo tempore *fidelis Romana Ecclesia, & veritatis Catholica propugnator eminebat*. 6. S. Benno Misnensis Episcopus qui 40. annis aduersus Henrici hæresim infatigabili labore decertauit, & tandem post mortem multis miraculis filium eius Henricum 5. ad cedendum Ecclesiæ permouit; vt scribit Baronius ad annum Domini 1117. Extat vita eius apud Surium tomo 7. 3. Iunii. 7. sit Erminoldus Abbas Monasterij Pruseningensis, cuius præclaræ res gestæ extant tomo 2. antiquarum Lectionum à Cl. V. Henrico Canisio editarum. Hic Henrico mirificè se opposuit. 8. S. Brunus Episcopus Siguinus, de quo Petrus Diaconus in Chron. Cassinensi lib. 4. Omitto S. Thomam, S. Augustinum Triumphum, S. Antoninum, & alios plurimos sanctitate & doctrina clarissimos, qui factum Gregorij tamquam iustissimum probarunt.

2. Qui factum istud improbarunt fuere passim vel simoniaci, qui per simoniam ab Henrico Episcopatus, Abbatis, vel alia beneficia modis planè fœdissimis obtinuerant; vel Clerici concubinarij, qui cùm Gregorius illos reformare vellet, & castam vitam ducere iuberet, Henricum contra illum concitarunt, hæreticum esse dicentes, vt qui homines ad impossibilia cogere vellet: vt scribit Lambertus Scaffnaburgensis in historia Germanica sub finem, Marianus Scorus lib. 3. Chronici, & alij: vel aulici Henrici, qui ex hac beneficiorum nundinatione & Ecclesiarum oppressione sua compendia sequebantur, vt ex authore vitæ S. Gebhardi, & alijs colligitur. itaque in hac causa nulla est eorum autoritas. Argumentum eorum potissimum erat ex insolentia facti, quodd hætenus visum non esset Imperatorem excommunicari, vt infra dicemus. Adde plerosque ex dictis non tam negasse hanc potestatem legitimo Pontifici iusta

ita suppetente causa, quàm negasse in præsentī negotio iustitiam causæ, & Gregorij legitimū Pontificatū. vnde aliū Pontificem sibi adoptarunt.

3. Non solius Gregorij, nec paucorum iudicio ea res gesta est, sed ex iudicio totius Concilij Romani, vt Onufrius in vita Gregorij, & alij scribunt. A Gregorio enim maxima Synodus anno 1076. fuit congregata, in qua fuit inter cetera definitum, *Papam posse Imperatorem deponere*. deinde ex communi omnium iudicio fuit Imperator excommunicatus, & Imperio priuatus, subditique ab eius obedientia soluti, vt ex Onufrio, Baronio, & alijs constat. rursus mortuo Gregorio fuit iterum excommunicatus in alia Synodo 200. ferè Patrum ab Vrbaño 2. vt Crantzius l. 5. sui metrop. c. 28. testatur: *in qua Synodo fuit declaratus hæreticus, simoniacus, Nicolaitarum hæreseos Princeps, Ecclesia rebellis, schismaticus, hostis Dei & sanctæ Ecclesiæ*: vt scribit Trithemius in Chronico Hirsaugiensi ad annum 1092.

4. Ipse Deus multis miraculis videtur factum Gregorij approbasse, & eorum qui Henrici partibus studebāt & Gregorio in hac causa aduersabātur, repentino & horrendo exitio, vel alijs modis. Wilhelmus Traiectēsis Episcopus præcipuus Hērici defensor, repente grauissima ægritudine correptus vociferari cœpit, iusto Dei iudicio se & præsentem vitam amisisse & æternam, quodd Henrici partes contra Gregorium virum sanctissimum esset secutus, & sic desperans expirauit, vt narrat Lambertus Schaffnaburgensis in Chronico, & annales Magdeburgēses apud Lāgium in Chronico Citizenſi. Pari modo subito malè perierunt Vdo Treuirensis Archipræsul, Burghardus Misnensis præfectus, Godefridus Dux hostis Saxonum, ed quodd ~~Henrici~~ causam contra Pontificem tuerentur; & Epō Citizenſis Episcopus, omnes Henrici causæ addicti; vt scribit Langius in suo Chronico.

Miraculis
causa Gre-
gorij com-
probata.

a Saxonis pontificis
+ Henricum

Item Episcopus Vercellensis depositi Regis Cancellarius, cum Gregoriū vellet deponere, subitò extinctus est, teste Bertholdo scriptore illius ætatis in Chronico. Imbrico Augustensis Episcopus cum fidelitatem Henrico iurasset, & nullam facturum hanc sibi conditionem imposuisset, ut sacre oblationis perceptio in iudicium ei proueniret, si Dominus eius Henricus iniuste regnū sibi usurparet, sumpta Eucharistia statim in morbum incidit, & in excommunicatione decessit, ut scribit idem Bertholdus suprà. Sigehartus Aquileiensis Patriarcha in auxilium armata manu Henrico veniens, in amentiam vertitur, & paulò post repentina morte intercipitur; Bertholdus suprà, & Bruno in historia belli Saxonici. Guibertus Antipapa morte subitanea correptus, scelerum suorum pœnas dedit; ut scribit Philippus Bergomensis in supplemento. E contrario qui partes Gregorij fovebant, multi ex illis miraculis clari fuere; ut suprà ostensum est.

Ex quibus luce meridiana clarius est hoc factū Gregorij legitimæ non usurpatæ potestatis fuisse: utpote à tot authoribus, à tot viris sanctitate, miraculis, doctrina claris, à tot Synodis Episcoporum approbatum, & commendatum. denique ab ipso Deo horribili exitio aduersariorum confirmatum.

98. Barclaius tamen fusc cap. 9. & 10. factum Gregorij tamquam iniquum oppugnat: *illudque non ex ordinaria sancta Sedis Apostolica Iurisdictione, sed vel ab extraordinaria Sedem tenentis ambitione; vel iuris sui ignoratione, & zelo inconsiderato processisse*, affirmat.

1. Argumentum est ex incommodis & damnis quæ inde sunt secuta. Nam ex eo facto orta sunt bella, cædes, schismata, idque ad annos 25. Non enim videtur credibile illud ex afflatu diuino actum esse, unde tot lugubres casus, & tanta rerum perturbatio est secu-

ta. *Culpa, inquit, Gregory mihi permagna in hoc negotio videtur, quòd non aduerterit ad supremi Pastoris officium pertinere, vnius facinus impunitum potius relinquere, quàm eius vindicandi desiderio innoxiam multitudinem periculo inuoluere: ac proinde ne excommunicare quidem Imperatorem illum debuit, in cuius sceleris societatem tantus hominum numerus coierat, ut separari sine schismate nequirit. Quod confirmat ex Can. Non potest 23. q. 4. qui sumptus est ex S. Augustino lib. 3. cont. epist. Parmeniani cap. 2. cuius summa est: Quando contagio peccandi multitudinem inuaserit, inanem esse excommunicationem, imò perniciosam & sacrilegam: quia plùs perturbat infirmos bonos, quàm corrigit animosos malos.*

Respondeo, 1. Et si argumentum valeret, non pro-
 Refutatio
 bare defectum iuris & potestatis, sed vt summum eius imprudentem vsum. Nobis autè sermo est de potestate.
 2. Sed nec imprudentem vsum probat. quia ad condemnandum aliquod factum, non satis est si probes graua & diutina incommoda ex eo secutura, sed etiam debes ostendere, eo facto omisso, non esse maiora vel paria sustinenda: alioquin si maiora vel paria toleranda essent, nihil est cur ipsum factum ratione damnorù impendentium improbare debeat. atque ita se res habebat in nostro euentu. Clerus enim passim per Imperij ditiones, & potissimùm per Germaniam simoniaca peste, & impuritate vitæ, sacrilegisque nuptijs erat infectus. sicque indignè prorsus, & cùm publico scandalo diuina tractabat. Huius mali causa primaria erat Imperator, qui omnè Episcopatuù, Abbatiarum, dignitatum, & beneficiorum Ecclesiasticorum collationem sibi vindicabat, eaque per simoniam, & quibus ipsi videbatur, cõferebat: ita vt in Aula esset publica horum omnium nundinatio, omnibus vndique velut ad mercatum confluentibus; vt Onufrius, & alij scribunt. Neque solum

lūm pecuniæ pretio, sed etiā causa adulterij, & nefandæ libidinis Episcopatus & Abbatias conferebat, teste Stephano Episcopo Halberstadensi epist. ad Walramum supra citata. Hoc modo patim indignissimi quique ad prælaturas promouebantur; qui sicut ipsi per simoniam suas dignitates acceperant: ita inferiora beneficia, si quæ fortè ipsis concederetur conferre, indignis per simoniam conferebant, & simul omnem morum licentiam, & vitæ turpitudinem permittebant. Præter hæc ita quorundam Imperatorū tyrannide oppressa erat Sedes Apostolica, vt libera non relinqueretur summi Pontificis electio, sed is demum deberet recipi, qui Imperatori placuisset. Hæc mala quæ sanè grauissima erant, fuissent planè confirmata, nisi summus Pontifex se Imperatori strenuè opposuisset, eique hæc iura iniquè usurpata, & iniquissimè exercita extorsisset, compellendo vt Ecclesiæ suam libertatē relinqueret. Porro istorū malorū continuatio longè fuisset perniciosior statui Ecclesiæ & saluti animarum, quàm omnia illa incommoda, quæ occasione excommunicationis & depositionis Henrici sunt secuta. Quod cum non lateret Patres, qui in tot Synodis eo tempore fuere congregati, approbarunt Gregorij conatum, eique totis viribus sunt cooperati. Denique ipse euentus qui fuit felicissimus declarauit quàm salutaris Ecclesiæ ille Gregorij conatus fuerit. Nam tandem Sedes Apostolica vicit, & Imperator Henricus V. filius prioris, Ecclesiæ sua iura restituit, renuntiata summi Pontificis & Prælatorum institutione: sicque totius Cleri & populi secuta est saluberrima reformatio. totum enim Ecclesiæ bonū pendet ex Prælatorum delectu. Si Pontifex se non tam strenuè opposuisset, malum illud grauissimum radices egisset, nec vlla erat humano certè modo & ratione speranda Cleri & populi reformatio. Itaque neque ex ambitione Gregorij, cuius

cum

eum Barclaius immeritò contra tot authorum antiquorum & Sanctorum testimonia accusat , illa in Henricum excommunicatio vel depositio processit . neque ex Iuris proprij ignoratione , cùm & ipse Gregorius doctissimus esset , & res sæpius in Synodis esset discussa : nisi fortè vnus Barclaius Scotus post 530. annos plus habeat iudicij in rebus illius æui , & iure Sedis Apostolicæ , quàm integræ Synodi , quàm vterque Anselmus doctrina & sanctitate clarissimus , & tot alij , qui illo sæculo flourerunt , & partes Gregorij defenderunt . Si dicat etiam illo sæculo multos causam Gregorij damnassee : ita est . sed hi passim fuere simoniaci , concubinarij , & similis farinæ homines , qui suis beneficijs , commodis , vel impuris voluptatibus priuari metuebant , quorum iudicium non solùm nullius est authoritatis , sed etiam suspectum . Quod autem addit non videri ex afflatu diuino profectū , ex quo tot lugubres casus secuti sunt ; nullius est momenti : tum quia longè grauiora erant mala , quæ nisi Gregorius illud tentasset , fuissent confirmata : tum quia damna illa fuere temporanea , & tandem felicissimo exitu abundè compensata . Multa diuino instinctu fuere suscepta , quæ non sine graui collisione , & maximis detrimentis sunt confecta : vt de bello Israelitarum contra tribum Beniamin , & de prima expeditione in Terram Sanctam constat , imò talia interdum infelices exitus visa sunt habuisse , vt suprà n . 89 . ostensum est . In maximis morbis opus est sæpe durissimis & extremis remedijs : quia vt cumque res cedat , non potest esse status deterior quàm sit is in què per se deuoluetur , si remedia negligas .

Adde , fuisse hic ab initio spem boni successus optimam . nam maxima erat Sedis Apostolicæ apud omnes Catholicos , sicut par est , authoritas : & ipsi Principes Saxoniz iam operam suam satis apertè Sedi Apostolicæ

Z

detu-

detulerant . Præsto etiam erat Mathildis & Guiscardis potentia . ipse Rex Henricus suis Principibus , & optimis quibusque ob suam improbitatem inuisus erat .

Denique quod ait : *satiùs fuisse unius crimen impunitum relinquere , quàm eius vindicandi desiderio innoxiam multitudinem inuoluere* , ad rem non pertinet . non enim agebatur tantùm de crimine vindicando (sic enim etsi decem millia reorum fuissent , dissimuladum erat :) sed de gravissimis malis impediendis , quæ alioquin continuata & corroborata fuissent . Agebatur simul de Ecclesiæ autoritate , qua semel protrita , omnium tyrannorum & impiorum iniurijs fuisset exposita . Quàm ob causam Reges iniurias illatas etiam per maximas bellorum clades vindicare solent , ne videlicet autoritate amissa , omnium incursum & prædis regnū pateat . longè enim minus censetur damnum quod bello contrahitur , quàm quod autoritate amissa impendat . Canon Non potest , manifestè agit de euentu quo longè plus mali timeretur , si excommunicatio adhibeatur , quàm si ea omissa , peccata dissimulentur . Itaque non pertinet ad casum nostrum , ubi contrarium accidit . Et sanè si factum Gregorij adeo manifestè pugnat cum doctrina istius Canonis , atque adeo cum doctrina Ecclesiæ , ut vult Barclaius : mirum est nullum ex tot viris doctis & sanctis , nullum ex tot Synodis hanc pugnam aduertisse ; aut si aduerterunt , tam fuisse improbos , ut illud factum probarent , & cum iactura dignitatum , fortunarum , vitæ & salutis animæ tuerentur .

Intellectus
Can. Non
potest .

99 .
2 . Argu-
mentum .

2 . Argumentum Barclaii est ex Sigeberto , qui in suo Chronico ad annum 1084 . scribit , Gregoriū in fine vitæ se graviter accusasse quod Ecclesiam turbasset , & Imperatorem cum omnibus ei adhaerentibus absoluisse . *Hildebrandus* , inquit , *Papa , qui & Gregorius 7 . apud Salernum exulans moritur . De hoc ita scriptum reperit . Volumus*

mus

mus vos scire qui Ecclesiastica cura solliciti estis, quòd Dominus Apostolicus Hildebrandus, qui & Gregorius, nunc in extremis positus, ad se vocauit unum de duodecim Cardinalibus, quem multum diligebat præ ceteris, & confessus est Deo & Sancto Petro, & toti Ecclesie, se valde peccasse in pastoralis cura, quæ ei ad regendum commissa erat, & suadente diabolo contra genus humanum iram & odium concitasse. Et infra. Tunc demum misit prædictum confessorem ad Imperatorem, & ad totam Ecclesiam, ut optaret illi indulgentiam, quia finem vitæ suæ aspiciebat, & tam citò induebat se angelica veste: & dimisit ac dissoluit vincula omnium bannorum suorum Imperatori, & omni populo Christiano, viuís ac defunctis, clericis & laicis, & iussit suos abire de domo Deoderici, & amicos Imperatoris ascendere.

Respondeo, Sigeberto non esse hac in re credendum.

1. quia constat illum fuisse hostem Gregorij, & causæ Henrici valde addictum. unde cum solus inter tot scriptores hoc scribat, totum redditur suspectum. Deinde debebat nominare authorem apud quem hoc scriptum repperat, ut sciremus quantum fidei ei habere in re alijs historicis ignota deberemus. 3. Quia multi historici illius temporis referunt ea quæ Gregorius morti vicinus dixit & fecit: nemo tamen meminit huius pœnitentiæ & damnationis sui facti, vel absolutionis Imperatoris. 4. Historici illius temporis multa scribunt, ex quibus contrarium apertè colligitur. Ortho Frisingensis lib. 6. sui Chronici: Gregorius Salerni manens, appropinquante vacationis suæ tempore, dixisse fertur: Dilexi iustitiam, & odi iniquitatem, propterea morior in exilio. Idem de eo multi alij scriptores referunt. an hoc est facta sua ut iniqua damnare, & non potius ut iusta approbare? Author vitæ S. Anselmi Lucensis: Gregorius quos obedientes sibi viuens adhuc benedixit, moriens quoque commendauit. Henricianos verò penitus penitusque (nisi post magnam demum

conuersionem & pœnitentiam) *reprobauit* . Loquitur de Gregorio iam morti proximo . mortuus est autem durante schismate Guiberti , quem Imperator cum suis contra Gregorium euexerat , & in Sede Apostolica pulso Gregorio constituerat . Quis credat illum voluisse absoluerè Imperatorem schismatis authorem , & Guibertum Antipapam in sua contumacia & scelere perseverantes ? Bertholdus in suo Chronico scribit , quòd *B. Anselmus Lucensis Episcopus post obitum venerabilis Papæ Gregorij VII. fideles S. Petri contra tyrannidem Henrici adhuc in carne viuens multum incitauit* . Fecit autem id statim post mortem Gregorij ; quia solùm nouem menses illi fuit superstes . at quomodo potuit fideles S. Petri , id est , tenentes causam Gregorij , contra tyrannidem Henrici incitare , si Henricus cum suis iam erat reconciliatus ? Denique idem Author scribit *B. Anselmum mortuum esse finitis iam 7. annis excommunicationis Henrici* , post obitum Gregorij mense 9. die 23. vt ex eo etiam refert Baronius ad annum 1086 . quibus verbis apertè indicat vsque ad illud tempus excommunicationem durasse , ac proinde illum à Gregorio ante 9. menses non fuisse absolutum , vt vult Sigebertus .

100. 3. Argumentum est ex Otthone Frisingensi . Ottho enim varijs modis videtur insinuare hanc excommunicationem & depositionem fuisse iniquam . 1. Cum in suo Chronico l. 6. c. 35. ait nūquam se legisse Imperatorem ante Henricum fuisse à Rom. Pontifice *excommunicatum, & regno priuatum* , & huius rei nouitate vehementer indignatum Imperium . 2. Cum , eodem lib. c. 36. *inter mala & damna inde secuta ponit deiectionem Papæ & Regis* , quòd *Papa super Papam , sicut Rex super Regem positus fuerit* . quibus verbis , inquit Barclaius , ostendit Ottho utrumque pari iure , seu potius pari iniuria factum esse . Confirmatur , quia cum ibidem narrasset mortem Grego-

Gregorij, addit : *Quia ergo in Principe suo Regnum ab Ecclesia præsum grauitè percussum fuit : Ecclesia quoque tanto Pastore qui inter omnes sacerdotes & Romanos Pontifices præcipui zeli ac authoritatis erat, orbata, dolorem non modicum habuit.* Quid, inquit Barclaius, aliud hoc sonat, quàm propter percussam regnū in persona Principis, percussam fuisse Ecclesiam in persona Pontificis ? inter quæcum nullum iuris aut iniuriæ discriminē faciat, nec possit utrumque iuste fieri ; consequens est, ut utrumque iniuste factum esse existimet. 3. Quia Ottho tam defectionem Rudolphi quem Papa Imperatorem crearat, quàm insurrectionem filij ipsius Henrici rebellionem vocat, & Henricum semper vocat *Imperatorem* ; ut patet l. 1. de gestis Frederici cap. 6. & lib. 7. Chron. cap. 8. 4. Quia Ottho lib. 1. c. 8. narrat Bertholfum Ducatum Sueniæ tamquam à Rudolpho, qui Pontificis iussu Imperator fuerat creatus, sibi concessum vsurpasse. Deinde Henricum hunc eundem Ducatum tamquam iniquè vsurpatum post mortem Rudolphi, dedisse Comiti Frederico, & ita Bertholfum coactum restituere, *in hoc negotio Imperio simul & iustitia cessisse.* Si cessit iustitiæ, ergo iustitia erat ex parte Henrici, & consequenter mansit semper verus Imperator, nec Papa illi quidquam iuris abstulit.

Resp. 1. Non mirum, si Ottho videatur interdū fauere causæ Henrici : quia erat ipsius nepos, & scribebat ad Imperatorem Fredericum cuius gesta sua historia persequitur. nusquam tamen negat hanc potestatem Romano Pontifici competere si iusta causa subsit, de qua interdum dubitari potest. Verum si negaret, possemus ei opponere tot alios Scriptores, tot viros doctrina & sanctitate illustres, & Synodos integras : imò ipsum Barclaium, qui sæpe fatetur Romanum Pontificem habere ius & potestatem Principes excommunicandi, de qua potissimum Ottho loquitur. 2. Ottho valde laudat

Resp.

Gregorium, vocās eum *fortem per omnia athletam* : qui se *murum pro domo Dei opponere non timuerit* : qui pro *simonia & incontinentia sacerdotum extirpanda plurimum desudauerit* : qui *forma gregis factus, quod verbo docuit, exemplo demonstrauerit* : pastorem *pricipui zeli & auctoritatis, cuius mortem Ecclesia merito grauiter doluerit &c.* At si Gregorius iniquè sibi illam potestatem arrogasset, non erat dicendus fortis athleta, sed violentus tyrannus : nec ipsius zelus, exempla vitæ, & labores pro Ecclesia commendarentur ; nec Ecclesiæ ipsius mors lugenda erat.

101.
Non fuisse
nouum
excom-
municari
Principē.

Ad 1. de nouitate huius facti, quam Hærici sectatores maxime vrgebāt, Resp. Excommunicationem non fuisse tunc rem nouam, sed vltatissimā omnib⁹ sæculis in Ecclesia aduersus omnes Ecclesiæ contumaces filios. Sed inquit, nouum erat Imperatorem excommunicari. Esto. An idcirco iniquū? Quis id priuilegij cōcessit Imperatori, vt ab Ecclesia, etiā si illi rebellis foret, excommunicari non posset? Ante illud tempus fortasse vel non tantæ se obtulerunt occasiones, vel Pontifices ipsorum potentia vel tyrannide oppressi, non fuerunt ausi tentare : quamquam exempla non desint. Certum enim est Arcadium cum vxore excommunicatum fuisse ab Innocentio primo vt suprā n. 23. ostensum est. Et Lotharium à Nicolao primo anno Domini 864. Omitto Theodosiū & Philippicum, quorū exempla immeritò conficta esse suspicatur Barclaius, cū nemo vmquam dubitauerit Theodosio sacris ab Ambrosio interdictum. Quam autem vim ea excommunicatio habuerit, infrā n. 111. dicemus. Si dicas Lotharium Imperatorem non fuisse : at certè Rex fuit absolutus, nullum in temporalibus superiorem agnoscens. parem autem Regum & Imperatorum in hac causa esse conditionem nemo inficias iuerit.

Ex quibus perspicuum est Imperatorem excommunicari non fuisse adeo nouum, vt illi putabant ; sed fortè

exempla ista ipsis non occurrebāt. Quod ad depositionem attinet, iam antecesserat trāslatio Imperij, & depositio Childerici.

Ad 2. Longè id abest à mente Otthonis. non enim cōparat illa in ratione iniuriæ, sed in ratione calamitatis. Sicut enim quodd Rex positus fuit super Regem, maxima secum traxit bella: ita quodd Papa super Papam, magnum effecit schisma.

Ad confirmationem. Longissimè à sensu verborum Otthonis aberrat Barclaius. loquitur enim de morte Gregorij, non de depositione. At mors eius iniusta non fuit, utpote cuius Deus author extiterit. nam morte naturali obiit. sensus est. Sicut Imperium grauer fuit afflictum ex Principis sui excommunicatione: ita Ecclesia grauer fuit afflictā, & ingenti affecta mœrore ex morte sui pastoris. Addo, Otthonē ibidē clarè insinuare factum Gregorij non fuisse iniustum: tum quia illam eximie laudat: tum quia refert illum iam moribundum dixisse, *Dilexi iustitiam, & odi iniquitatē, propterea morior in exilio*; quæ verba cū non reprehendit, sed laudes magnas Gregorij illis adiungit, satis indicat se illa probare.

Ad 3. Etiam iusta subditorum in suum superiorem commotio, *rebellio* vocari solet: ut si Imperator iusta ex causa excitet subditos alicuius Principis, vel ciuitatis Imperialis, ut insurgant & expellant suū Principem, vel magistratum. erit enim rebellio non formalis ut Scholastici Theologi loquuntur, sed materialis. Simili modo illi contra quos subditi iustè insurgunt, vocantur Principes, Superiores, Reges, Imperatores, vel quia antea tales fuere, & ita retinent nomen consuetum: vel (quod interdum fit) quia non sunt planè priuati Iurisdictione in habitu, sed solū exercitio, habituali iure suspenso: vel quia retinent saltem possessionem, sicut

Rebellio
materialis

Henricus

Henricus etsi per sententiam esset priuatus dominio Imperij, possessionem tamen retinuit vi. adde, Othonem cum esset nepos illius Henrici, non voluisse causam ipsius aperte damnare, nec Fredericum Imperatorem, ad quem scribit, & cui valde placere studuit, offendere.

Ad 4. non ita iste Bertholfus cessit iustitiæ, quasi putaret se iniuste obtinuisse. nam non nisi bello coactus cessit, idq; transactionis, qua Turegum nobilissimū Sueuiæ oppidum retineret interuentu. Dicitur ergo *cessisse iustitiæ*, quia cessit sententiæ Imperatoris, quæ vulgò in Germania iusta putabatur. nam sententia iudicis, Iustitia vocari solet. Accedit, quòd etsi Henricus priuatus esset Imperio per sententiā Papæ: retinebat tamen adhuc possessionem, & non omnino constabat vulgò de istius sententiæ iustitiā, cum Henricus obiecta crimina ex parte negaret, & Gregorium non legitimè promotum criminaretur. Itaque occiso iam æmulo videbatur pleno iure Imperium obtinere.

102.

4. Argu-
mentum

Postremo Barclaius vtitur huiusmodi argumento. Pontifex multis votis celerem vindictam à Deo, & sanctis Apostolis aduersus Henricum expetiit, quæ tamen esset absque animæ ipsius exitio, vt constat ex formula quam refert Platina. atqui, *si sententiā iusta fuisset, non est credibile, quin Deus, qui iustitiā author est & Ecclesiæ protector, quique primas spiritualis potestatis Ecclesiæ executiones presentibus miraculis, & horrendo effectū formidabiles reddidit: eodem modo primam illam tam sublimis authoritatis & iuris Ecclesiæ executionem singulari aliquo miraculo, vel extraordinario auxilio secundaturus fuisset. Quare cum id non fecerit, sed omnia infauista & Pontifici & eius fautoribus acciderint, triumphante interim & Imperium tenente Henrico, non videtur sententiā Pontificis approbasse.*

Resp.

Respondeo. Obscura nobis esse diuina cōsilia, neque
ex

ex huiusmodi cōiecturis posse prudenter conuelli ea quæ tot authoribus, tot viris doctissimis & sanctissimis, totis-
 que Synodis sunt probata, sed hic est mos hæreticorum
 & politicorum, leuissimis coniecturis ea quæ maximis
 fulta sunt rationibus, repudiare. Verùm tantùm abest
 vt Deus sententiam Gregorij non probauerit, vt non v-
 no, sed plurimis modis extraordinarijs eius executionem
 fecundarit, nimirum miraculis eorum qui partes Gre-
 gorij sectabantur, præsertim S. Anselmi Lucensis, qui
 adhuc viuens admodum eruditè & feruenter contra
 Guibertum, causam Gregorij defendit, & iam mortuus
 plurimis miraculis fulgere cœpit, & editis intra 50. dies ab
 obitu, illustribus miraculis octoginta: quibus effectum
 est, vt factio Henrici valde deficeret, vt in eius vita ab
 authore illius temporis scribitur, quem etiam citat Baro-
 nius ad annum Christi 1086.

Deus fauere
 sententiæ
 Gregorij.

Deinde horribili exitu plurimorum qui Henrico stu-
 debant, & illi authores contumaciæ extiterant, vel sce-
 lerum contra Sedem Apostolicam consultores aut exe-
 cutores; vt suprâ nu. 97. ostensum est. Quibus sanè
 modis sat superque ostendit Deus, se preces Gregorij ex-
 audisse, plus etiam quàm ipse petijisset præstando.

Nec refert quòd Henricus non statim regno excide-
 rit; quia, sæpe tolerantur pessimi Principes, ad peccata
 populorum castiganda. Bella sæpe mundo necessaria, si-
 cut pampinatio viti luxurianti, quibus tamquam falce
 quidam inutiles rescantur humani generis stolones, &
 bonæ propagines ad vberiore fructum purgantur. Non
 tamen ille tulit impunè. nam semper in multa vixit affli-
 ctione & sollicitudine; & tamdè regno ignominiosè est
 exutus. & sicut ipse rebellis fuerat spiritali patri suo Gre-
 gorio, alijsq; summis Pontificibus, eosque dignitate spo-
 liare tetauerat: ita iusto Dei iudicio rebellem sensit filiū,
 & ab eo dignitate Imperiali spoliatus est, præuia tamen

Cur tole-
 rentur
 Principes
 impij.

Henricus
 non tulit
 impunè.

Ecclesiæ sententia, qua rursus diadema ei tollendum, & ad filium transferendum decretum est, teste Crantzio l. 5. metrop. c. 33. denique mortuus in excommunicatione, & quinquennio inhumatus iacuit, ut refert Abbas Vrspergēsis & alij. his adde, Sedem Apostolicam post multas afflictiones, tandem obtinuisse victoriam, ut scribit Crantzius l. 5. metropolis c. 1.

Blacuellus q. 2. p. 95. adducit testimonium Vincentij Beluacensis in speculo historiali lib. 25. cap. 84. ubi Vincentius videtur factum Gregorij improbare, insinuans esse hæresim subditos Principi excommunicato & deposito non teneri obedire. verba Vincentij sunt : *Vt pace omnium bonorum dixerim, hac sola novitas (ne dicam hæresis) necdum è mundo emergerat, ut sacerdotes eius qui dicunt Regi Apostata, & qui regnare facit hypocritam propter peccata populi, doceant populum quòd malis Regibus nullam debeant subiectionem : & licet ei sacramentum fidelitatis fecerint, nullam tamen debeant fidelitatem, nec periuri dicantur, qui contra Regem senserint : imò qui regi paruerit pro excommunicato habeatur, qui contra regem fecerit ; à noxa iniustitie & periurij absoluat.*

Resp. Vincentium illa verba sine magno examine (ut pleraque alia) transcripsisse ex Sigeberto, qui ista habet ad annum 1088. eaque intellexisse generatim prout sonant, quasi sacerdotes passim in genere docuissent malis Principibus non esse parendum : nec aduertisse imposturam Sigeberti, qui ut hæretici & schismatici solent, non sincere, sed perverse & odiose tum facta Pontificum Romanorum adversus Henricum & Guibertum, tum doctrinam refert. numquam enim sacerdotes Domini (quo nomine ille Pontifices Romanos intelligit) docuerunt populum nullam deberi subiectionem. aut fidelitatem malis Principibus in genere, ut ille criminatur (hæc enim doctrina verè est hæresis :) sed malis Principibus

pibus ob suam contumaciam excommunicatis & abdicatis . quæ doctrina est vera & catholica , quam & ipse Vincentius probat in speculo doctrinali lib 10 . cap . 44 . vbi tractans de hæreticorum pœnis , refert canonem Greg . 9 . Extra . de hæreticis , cap . finali , qui sic habet : *Absolutos se nouerint à debito fidelitatis dominij & totius obsequij , quicumque lapsis manifestè in hæresim aliquo pacto quacumque firmitate vallato tenebantur adstricti .* agnouit igitur Vincentius hanc potestatem in summo Pontifice . Idem patet ex cap . 46 . vbi sic ait : *Punitur hæreticus excommunicatione , depositione , rerum ablatione , & militari persecutione . Excommunicatione , quia hodie omnis hæreticus siue occultus siue manifestus est ipso iure excommunicatus maiore excommunicatione . Depositione , quia indistinctè siue sit Clericus . siue Laicus , Papa vel Imperator debet deponi ab omni dignitate &c .* idem docet cap . 64 . Ex quibus perspicuum est venerandum Præsulem (vt Blacuellii verbis utar) Vincentium à nobis stare , & verba Sigeberti generatim intellexisse . Fecit & alias fraudes in eadem causa iste Sigebertus , quibus plurimos decepit : quarum 1 . est , quam habet ad annum Domini 773 . § . Adrianus Papa . quam primus detexit Baronius in annualibus tomo 9 . ad annum Domini 774 . & clarissimè conuincit . Altera est quam habet ad annum Domini 1074 . vbi Gregorium 7 . & totam Synodum Romanam insimulat hæreseos , quasi simoniaciis & concubinarijs sacramentorum administrationem & missam interdixerint , quod putarent eos non posse validè conficere . 3 . quam habet ad annum 1085 . de morte Gregorij , quam suprà n . 99 . refutauimus . 4 . quam habet hoc loco . omitto alias minutiores .

OCTAVVM Exemplum sit eiusdem Gregorij in 103 . Boleslaum 2 . Poloniæ Regem . hunc Regem S . Stanislau- 8 . Exemplum us Cracouiensis Episcopus ob notam libidinem & alia plurim .

Boleslaus
à Grego-
rio excom.
& regno
priuatus,

crimina sæpius admonitum, cum nihil proficeret, à fidelium communione remouit. Ille furorè percitus, S. Episcopum immaculatam hostiam ad altare offerentem sua manu obtruncat, corpus membratim concisum per agros spargi curat. Hæc cum Romæ nuntiata fuisset, Pontifex Maximus Gregorius 7. atrocitate rei commotus, toti Poloniæ Sacris interdixit, Boleslaui diris deuotuit, regnumq; ipsi solemni ritu abrogauit. in posterum quoque ne quæ Episcopi Regem iniussu suo vngerent & coronarent, edixit. Itaque Boleslaus inuisus omnibus, & externis etiam contemptibilis, post annu cum paucis comitibus in Hungariam fugit; ibi exagitante eum in dies magis ac magis patrati sceleris consciencia, acerbo & infatigabili sceleratoru carnifice, amœtia correptus, mortẽ sibi ipse consciuit anno Domini 1081. refert hæc omnia Crómerus de rebus Polonicis lib. 4. Ex hoc exemplo habemus etiam Episcopum posse Principẽ suum excommunicare, nisi fortè ab Episcopi iurisdictione per summum Pontificem sit exemptus. Neque dici potest Boleslaum iniussu à S. Stanislao excómmunicatum: tum quia hunc sua eximia sanctitas, & stupenda opera (inter quæ excitatio eius qui ante triennium obierat) abundè ab huiusmodi calumnia tuentur: tũ quia Deus maximis miraculis se fautorẽ eius causæ ostēdit, ter occulta vi cohibitis militibus eum occidere aggressis; & mēbris eius, quæ per agros dispersa fuerant, ita rursus coalitis, vt nullum scđturæ restaret vestigium. Pari ratione sententiæ quoque Gregorij se fautorẽ horrenda illa & celeri morte ostēdit.

104.
9. Exem-
plum Cal-
listi in
Henricum
V.

NON VM sit Callisti 2. qui Henricum V. prioris Henrici filium vestigijs patris insistentem, & Ius inuestituræ Episcoporum, aliorumq; Prælatorum, & Romani Pontificis instituendi vsurpantem, & iam aliquoties antè excommunicatũ, coacta Synodo ad Viennam Allobrogum, cum omnibus illi consentientibus rursus excom-

excommunicauit . idē fecit in Concilio Rhemenſi 426 .
 Patrum ; vt oſtendit Baronius ad annum Domini 1119 .
 vnde non modicum amitteredi regni metum ei iniecit .
 Itaque tandem fractus , Deo cor eius mouente , ad ſa-
 nitatem redijt , & ius illud iniquē uſurpatum , pro quo &
 ipſe & parens tamidiu cum Eccleſia contenderant , Cal-
 liſto Papā liberē reſignauit , permiſſa omnibus Eccleſijs
 per totum Imperium Canonica electione . Poſſeſſiones
 quoque & regalia B. Petri , quæ durante diſcordia alie-
 nata fuerant , Eccleſiæ Romanæ reſtituit . poſſeſſiones e-
 tiam aliarum Eccleſiarum , & aliorum tam Clericorum
 quàm Laicorum , quæ occasione belli quod habuit , Ec-
 cleſiæ ablata fuerant , reſtitui fideliter curauit . Hæc ad
 verbum ſcribit Martinus Polonus in Chronico ad annū
 Domini 1120 . & colliguntur ex formula concordia
 quam refert Baron . ad annum Chriſti 1122 .

DECIMUM ſit Alexandri 3 . qui Fredericum 1 .
 vulgò dictum Barba- Roſſa , Latine Aenobarbum , Iura
 prædicta recuperare volentem , & multis modis Eccle-
 ſiam perſequentem , & ſchiſma fouentem , *Excommunica-*
tionis vinculo ſollemniter innodauit , & omnes qui iura-
mento fidelitatis ei tenebantur adſtricti , ſecundum anti-
quam prædeceſſorum Patrum conſuetudinem , ab ipſo iura-
mento abſoluit : vt habetur in actis Alexandri 3 . apud
 Baron . ad annum Domini 1160 . de eodem ita Al-
 bertus Crantzius lib . 6 . metropolis c . 19 . *Fuere multe*
Frederici violentia quas ille per tyrannidem diu exercebat in
Eccleſiam , cum vellet Imperij iura , pro quibus duo Henrici
certauerant quartus & quintus , recuperare . Sed nihil
proſecit , domitus , vt alij , gladio Eccleſiæ ſpirituāli , qui ſo-
lus præſtitit incolumem rem Eccleſiaſticam in omni Prouincia
aduerſus Tyrannos obluētantes . Gladio , inquit , ſpirituāli :
 quia non vi armorum , ſed poteſtate ligandi & ſoluendi ,
 quam Dominus Petro , & ſucceſſoribus dedit .

10. Alexā-
 dri 3 . in
 Fredericū
 Barba-
 Roſſa .

105.
n. Inno-
centij 3. in
Otthone
4.

VNDECIMUM sit Innocentij 3. qui Ortho-
nem 4. aliàs quintum, quem antè coronauerat, ob
multas iniurias in Ecclesiam & in alios, excommuni-
cavit & Imperio priuauit, & alium ei substitui curauit.
Refert Blondus decade 2. lib. 6. Platina in Innoc. 3.
Trichemius in Chronico Hirsaugienfi & alij. priuatus
Imperij titulis 5. annis superuixit, & magnis calamita-
tibus est confictatus. Scribit de eo Crantzius lib. rerum
Saxonicarum lib. 7. cap. 37. *Quòd cum in morbum inci-
disset, qui illi vitam abstulit, nimium facti pœnitens, &
ineffabili contritione compunctus, absolutus fuerit à Sipidio
Hildesmenfi Episcopo, & sic in pace quieuerit.* Addens:
*Tanta autem fertur fuisse morituri pœnitentia, vt coquina-
rijs suis praeceperet collum suum calcaneis premere, & vilis-
simam Dei creaturam omnino supplantare.* Idem Innocen-
tius compulit filium Regis Hungariæ soluere votum pro-
fectionis Ierosolymitanæ, quod à patre impositum in se re-
ceperat, idque sub pœna amissionis Regni; vt patet cap.
6. Licet, de Voto.

11. Inno-
centij
3. in Ioan-
nem An-
gliz Re-
gem.

DVODECIMVM sit eiufdè Innoc. 3. qui
(vt scribit Ioannes Carion in Otthone 4.) *Ioannem
Anglia Regem in sacra prophanaque, nullius ordinis aut
etatis habita ratione desauientem, misso Pandulpho V. C.
gravi denuntiatione Regni administratione submonit. qua
re territus Ioannes, quod à suis Episcopis, Principibus, &
popularibus destitueretur, inuitus ad sanitatem redijt, Pon-
tificemque agnouit, ac gravi iureiurando sponsonem fecit, se
Pontificis arbitrio staturum, posterosq. Reges idem factu-
ros, vt se deinceps Romani Pontificis beneficiarios perpetuo
agnoscerent.* hæc ille.

Extra apud Matthæum Parisiensem in historia An-
glicana ad annum Domini 1213. resignatio torius Re-
gni Angliæ & Hybernæ facta à Ioanne Rege de consen-
su Baronum regni in manus Innocentij 3. & receptio
eorum.

eorundem Regnorum in feudum : *ita ut Rex tamquam secundarius Dominus à Romana Ecclesia se illa habere agnoscat : & in signum subiectionis debeant successores eidem Ecclesia fidelitatem præstare & homagium recognoscere ; nec non in annos singulos mille marcas sterlingorum eidem Ecclesia numerare .*

DECIMUMTERTIVM sit triū Pontificū , Honorij 3. Greg. 9. & Innoc 4. qui omnes suis temporibus Fredericū 2. excommunicarunt & Imperio abdicarunt : 106.
13. In Fredericū 2.
ut ex Ioanne Carione in Frederico 2. Platina in Greg. 9. Martino Polono in Honorio 3. & Innoc. 4. & ex alijs scriptoribus colligitur. De hoc scribit Crantzius lib. 7. metrop. cap. 18. *Erat iste maior hostis Ecclesiæ , quam auus , multa que diu fecit ad enervandam Ecclesiæ potestatem ; sed impexit in lapidem super quem Deus adificauit Ecclesiam , cuius tantum est robur , ut nec portæ inferi præualeant aduersus eam : quanto minùs mortalis homo vas putredinis , concha sterquilinij ?* Sententia depositionis eius lata ab Innoc. 4. approbante Concilio Oecumenico Lugdunensi , habetur cap. ad Apostolicæ , de sententia & re iudicata . de qua suprà n. 59. In locum eius electus fuit Hêricus Thuringiæ Lantgravius ; & eo mortuo Wilhelmus Comes Hollandiæ .

DECIMUMQVARTVM sit eiusdem Innocen. 14. In Re-
4. qui cùm Rex Lusitaniæ esset negligens ac prodigus , gem Lu-
& sineret Ecclesias , monasteria , & pia loca Regni , & sitaniæ .
personas Ecclesiasticas grauari ; viduas , pupillos , & orphanos opprimì , dedit ei Coadiutorem cum omni potestate regni administrandi , & iure successionis si Rex liberos non haberet : & præcipit Comitibus & Baronibus regni , ut eum recipiant , eique debitum honorem & obedientiam exhibeant , non obstante homagio vel iuramento fidelitatis , quo Regi erant adstricti , aut etiam Regis prohibitione . habentur hæc cap. Grandi , de sup-
plen-

plenda negligentia Prælatorum . quo factò ostendit Pontifex se posse de Principum iuribus statuere , quando ad Ecclesiæ bonum , & salutē subditorum est necessarium . Quis umquam hoc factum Innocentij improbavit ? aut illum usurpatæ in alienum regnum potestatis accusavit ?

107 .
15. Grego-
rij 10. in
Electores.

DECIMUMQUINTVM sit Gregorij 10. qui cum Imperium diu schismate laborasset , Electoribus in vnum non consentientibus , sed duos quorū neuter erat membrum Imperij eligentibus , eaquē res Ecclesiæ esset pernicioſa , volens huic incommodo finem imponere ; Principibus Electoribus mandat , Ecclesiasticis quidem sub pœna priuationis officij ; sæcularibus sub pœna excommunicationis , vt sine cunctatione se resoluant , & aduocatum ac defensore[m] Ecclesiæ eligant . ni faciant , se eorum negligentiam suppleturum , & sua autoritate ac officio Imperatorem creaturum . Ad cuius mandatum & requisitionem , statim conuenientes Francofordiam post triduanum tractatum vnaminè consensu in Regem Romanorum elegerunt Rudolphum Comitem de Habsburg , quamuis absentem , virum prudentem & strenuum , cuius electionem idem Gregorius confirmavit in altero Lugdunensi generali Concilio . refert hæc ex alijs Pighius lib . 5 . Eccles . hierarchiæ cap . 14 .

16. Clemē-
tis . V. in
Electores.

DECIMUMSEXTVM sit Clementis V. qui cum in Gallia moraretur , & Imperium per eadem miserabilem Alberti Imperatoris vacaret , Rex Galliæ Philippus ratus venisse tempus quo Imperiū ad Gallos à Germanis transferri posset , cum Proceribus Regni consilium habuit , in quo tandem decretum est , vt à Pontifice peteretur , vt hoc beneficium Galliæ suæ præstaret . Cui enim , inquit Rex , sit iniuria , si vacantis Imperij conditio permutetur ? Idem fecerunt olim alij Pontifices . Verum Summus Pontifex cum id quod in consilio Regis decretum erat , occultè rescisset ; ne aut Regem offende-
ret

Iudicium
Regis ac
Procerum
Galliæ .

ret, aut contra suam voluntatem aliquid ei concedere cum maximo bellorum periculo cogeretur; Electoribus Imperij scripsit, vt electionem maturarent, & Henricum Lucemburgensem Comitem, si eis videretur, eligerent. alioquin periculum esse, ne vnà cum Imperio, potestatem quoque eligendi in posterum amitterent. Hæc cùm Germani intellexissent, accelerant comitia, & Lucemburgium eligunt. refert hæc omnia Conradus Vercerius lib. de rebus gestis Henrici 7. Pighius l. 5. Hierarchiæ Eccles. c. 14. Bellar. de translatione Imperij l. 1. c. 5. &c. Ex quibus perspicuum est, communem tunc fuisse Galliarum & Germaniarum Procerum sensum, Pontificem posse Imperium ab vna gente in aliam transferre.

DECIMUMSEPTIMUM Ioannis 22. & Clementis 6. Cùm enim Ludouicus Bauarus, qui & quartus dicitur, multa sibi priusquam à Põtifice esset confirmatus præter morem vsurparet, & viro cuidam præpotenti vxorem abstulisset, sæpiusque à Pontifice rogatus, & etiam cum minis admonitus, vt vxorem viro restitueret, & inconcessa vsurpare desisteret, non obtemperaret; tandem vinculo anathematis à Ioanne est adstrictus. Deinde crescente contumacia, auctisque contra Sedem Apostolicam & Ecclesiam iniurijs, denuo fuit excommunicatus à Clemente 6. & tandem per sententiam ab Imperio depositus. simulq; mandatum Electoribus à Clemente datum, vt intra certum terminum quem eis præfixit, nisi ius electionis vellent amittere, in locum Ludouici alium Imperatorem eligerent, qui mandatis Ecclesiæ vt filium decet pareat: alioquin se necessario curam, vt supremum caput, de Imperio habiturum. ita Trithemius in Chronico Hirsaugiensi. Itaque conueniunt quinque Electores Moguntinus, Treuirensis, & Colonienfis Archiepiscopi, Dux Saxoniarum, & Rex Bohemiarum (nam Brandeburgensis & Palatinus adhærebant Ludouico) & vnanimi

108.

17. Ioannis 22. in Ludouicum Bauarum.

consensu eligunt Carolum 4. Marchionem Moraviae, filium Regis Bohemiae, qui confirmatus à Clemente imperavit annis 31.

18. Pauli
2. in Re-
gem Bo-
hemiae.

DECIMUM OCTAVUM Pauli 2. *Hic anno 1466.*

ut scribit Naclerus generat. 49. *Georgium Pogelratium Bohemia Regem in consistorio publico haereticos damnat, & dignitate ac regno per sententiam priuat. Georgius enim post obitum Ladislai in Regem electus, iurauerat in manus duorum Episcoporum, tactis Sacramentis Evangelicis publice dum coronationis insignia reciperet, quòd deinceps fidelis & obediens esset S. Romana Ecclesia; & cum se, uxorem ac liberos tali iuramento obligasset, per Fredericum Romanorum Imperatorem confirmatus fuit. Verùm cum his omnibus cōtraria postea ageret, & haereticorum sectam foueret, Vratislavienses & ceteri Catholici homagium ei praestare recusabant. Declarauerat enim se pro secta haereticorum, propter quod cum Pava antè Pius, & post Paulus grauissimis censuris, ac totum regnum fulminarunt. Hæc Naclerus.*

109.

DECIMUM NONUM Pauli 3. qui Henrico 8.

19. Pauli 3.
in Henri-
cum 8.

sapientius antea benignissimè monito & rogato ut resipisceret, tandem terminum constituit, intra quem nisi ad sanitatem redeat, illum non solum excommunicatum declarat, sed etiam regno priuat, omnes subditos à Iuramento fidelitatis ei præstito, & obedientia absoluit, & ne illi obtemperent, mandat. Aliorum Regum ac Principum cum Henrico confederationes, contractus, pacta, & conuenta omnia quouis modo stabilita, irrita reddit. Omnes illi adhaerentes similiter excommunicat, omnibus officiis, dignitatibus, beneficiis, feudis, iuribus & actionibus priuat; & ipsos ac eorum liberos ad omnia officia ac beneficia in posterum inhabiles, infames, intestabiles, & ad omnes actus legitimos ineptos decernit. habentur hæc omnia in ipsius cōstitut. 2. anno Domini 1538. 16. Kal. Ianuar. edita.

VI-

VIGESIMVM sit Pij V. Pontificis sanctitate

clari, qui Elizabetham excommunicatam regno priua-
uit, & omnes ei aliquo iuramento, vel aliquo dominij, 10. Pij V.
in Eliza-
betham.
fidelitatis & obsequij debito adstrictos absoluit: vt patet
ex eius constit. 39. edita anno 1569. 5. Kal. Martias.
Fuerunt hæ duæ summorum Pontificum sententiæ ab
omnibus Catholicis Doctoribus & Academicis, & Chri-
stianis Principibus habitæ iustissimæ: nec quisquam de
potestate illorum dubitauit. pro qua tuenda & asseren-
da plurimi etiam sanguinem suum profuderunt. Et ne
quis fortè putet has sententias nihil roboris habuisse, sed
tamquam brutum fulmen sine effectu euanuisse; con-
sideret ea quæ postea sunt secuta; præsertim casus eorum
qui tanti mali fuere consultores vel ministri, vel cum de-
berent & possent impedire, se tempestiuè non opposue-
runt. hinc tota penè Nobilitas extincta &c. de quibus
Sâderus lib. de schismate Anglicano, Philopater, Card.
Alanus ad persecut. Angl. & alij. Omitto Panicos terro-
res, vitam suspicionibus & sollicitudine plenam, infeli-
cem domesticum statum, orbitatem, *ὅλην μογερμένην*, de-
decora infanda, Religionum confusionem, & quæ sen-
sim ac lentè *ἡγεῖται* in opus explicat. Possent exempla
plura adferri, sed hæc 20. sufficiant. ex quibus mani-
festè liquet quis multis sæculis in Ecclesia fuerit vsus,
& quanta summi Pontificis in Principes autoritas, quā-
do id causa religionis & salus animarū poscebat. Quan-
tæ autem infantæ est eam autoritatē & iurisdictionem,
quæ tot sæculis viguit, tot exemplis est demonstrata, tam
multiplici vsu confirmata: à tot viris doctrina & sancti-
tate conspicuis, & à tot Synodis tam Generalibus quàm
Prouincialibus comprobata, velle iam pessumdare, &
iniuste vsurpatam affirmare. veniamus nunc ad Rationes
in principijs Theologicis, Philosophicis, vel Politicis fun-
datas.

QVINTA PROBATIO,

Ex varijs Rationibus.

P R I M A R A T I O

ex Absurdo.

110. **P**RIMA Ratio sit ex absurdo, quod diuersa sententia continet . nam iuxta placita illius , sinendi sunt Principes impij & hæretici agere contra Ecclesiam quidquid illis libuerit , nec poterit illis resisti ab Ecclesia aut à subditis . Expellant Episcopos catholicos , constituent vbique hæreticos , expilent Ecclesias , omnia sacra prophanent , omnia Sacramenta conculcent , Hæresim , Turcismum , vel Atheismum inducant : summus Pontifex , & tota Ecclesia nihil aliud cōtra eos statuere poterit , quàm vt sacrorum (quæ illi contemnunt & abolere contendunt) non sint participes . non poterit iura ipsorū temporalia attingere , non poterit eis obedientiam denegare , non tributa recusare , aut diminuere ; non vi externa resistere , aut eos coercere , etiamsi maxima ad hoc copia per populū catholicum , vel alios Principes suppetat ; etiamsi facillimo negotio posset exequi , (hoc enim esset iniusta & fœda rebellio iure diuino & humano prohibita) sed debebit illos sinere grassari pro sua libidine ; & interim tamquam numina quædam cælo delapsa suspicere , vt qui nullum præter Deum habeant superiorē , qui à nullo in terris possint iudicari , qui sint Dei Vicarij & Locum-Tenentes in terris .

At quid absurdius dici potest , & à communi omnium gentium , quæ aliquem religionis sensum habent , alienius ? An hoc non est omnem religionem irridere , & res humanas , terrenasque dignitates illi anteponeere ? Si enim religio non potest defendi per Ecclesiam contra

Princi-

Principem impium cum aliqua læsione iurium ipsius temporalium : manifestum est iura illa temporalia esse longè maioris momenti , quàm sit vniuersa religio . hæc enim est causa , cur bona alicuius priuati , quæ Princeps iniuste aufert vel vastat , non possint defendi cum interitu Principis ; præsertim si alioquin cōmodus sit Reipublicæ . nimirum quia vita ipsius est longè maioris momenti , quàm bona cuiusquā priuati : & pluris interest Reipub. Principem viuere , quàm illum hominem suis bonis non spoliari . Rursus si Religio non potest defendi contra Principem impium propter obligationē qua subditi ei sunt adstricti : ergo maior est obligatio erga Principem , quàm erga religionē . illa enim obligatio est maior , cui altera debet cedere . Atqui obligatio qua tenentur religionē tueri , debet cedere obligationi , qua tenentur Principi eam vastanti non resistere : ergo obligatio erga Principem est maior . Præterea si Princeps tyrannicè passim ciues spoliaret bonis , eorum filias & vxores opprimeret , & similia nefanda in suos patraret ; certum est ciues posse illi resistere , & potentia , qua tam iniquè abutitur , si spes emendationis nō affulgeat , ordine iudicario in conuentu Regni spoliare . idē dico si patriæ vastitatem , pro sua libidine , sicut olim Nero , inferat . Hæc modò suppono ex communi hominum sensu , & omnium sæculorum vsu , & infra magis probabo . Ergo si non potest idem fieri causa tuendæ religionis ; perspicuum est religionem rebus istis temporalibus esse viliorem . temporalia enim quia tanti momenti sunt ad hanc vitam commodè transigendam , possunt à subditis aduersus tyrannidem communem Principis defendi , idque sine vlla vel rebellioris vel iniuriæ nota . religio autem non potest ; adeo vt si illius tuendæ & conseruandæ causa subditi se illi opponāt , sint futuri rebelles , & rei læsæ maiestatis . Quis ergo non videat , iuxta sententiæ istius

Qui dicā
tur hoc
tempore
Politici.

placita, rebus temporalibus religionem postponi; ac proinde in re ipsa omnem religionem tolli & rideri? Itaque optimè cum ingenio eorum, qui hoc tempore dicuntur Politici, consentit. *Politicus enim dicitur*, inquit quidam, *cui status est Deus, honor numen, Imperium ultimus finis, diuitia calum, paupertas infernus, præsens prosperitas beatitudo, religio larua probitatis & instrumentum politici regiminis, futura pramia monachorum somnia, futura supplicia puerorum terriculamenta, scriptura sacra fabula, mors, corporis & anima interitus*. Hinc facile concedunt Pontifici auctoritatem pœnarum spiritualium, quibus bona spiritualia adimuntur: de quibus ipsi, tamquam somnijs, parùm sunt solliciti, modò nulla ei tribuatur potestas in temporalia, ut quæ sint solida bona, superioris nimirum ordinis, ad quorum sublimitatem nō possit pertingere. imò potestatem illam adimēdi regni & alijs concedendi vocant *omnipotentiam quamdam*, & *immensam potestatem*, quasi hoc sit omnium maximum; & longè ampliùs quàm consecratio Eucharistiæ, absolutio à peccatis, & iustificatio impij. Sed de hoc plura inferiùs nu. 135.

Ex his perspicuum est hanc sententiam Atheismi furculum esse, quod etiā magis patebit, si alias quasdam sententias, quæ in libello Regio defenduntur coniungamus: nimirum, Regem in suo regno tenere Primatū in spiritualibus, & quemlibet Regem pro suo iudicio posse interpretari Scripturas, & sibi credendi regulam formare. Posito enim Atheismo, & sublatiis præmijs ac supplicijs vitæ futuræ, omnia ista coherent optimè, & se mutud sequuntur. Nam primū ex hoc principio sequitur, summum bonum situm esse in dignitate Regali, maximis honoribus, diuitijs & voluptatibus huius vitæ circumfluente. 2. Sequitur, posse Reges creare & deponere, esse immensam quamdam potestatem, & ve-
luti

Iuti omnipotentiam : quia posse dare & auferre summum bonum , suprema potestas est , qua nulla in rebus maior esse potest . 3 . Sequitur , Religionem esse instrumentum dumtaxat politię , inuētum ad multitudinem reuerentia numinis , metu suppliciorum , & spe prœmiorum vitę futurę in officio continendam . 4 . Sequitur , Principem in suo regno esse caput Religionis , & posse de religione statuere prout ipsi commodum videbitur ; cūm seruire debeat politię , cui ipse pręest . item Principē pro suo iudicio posse scripturas interpretari , & regulam credendi pręscribere . 5 . Sequitur , Summum Pontificem nullā prorsus in Principes habere potestatem , nec posse ob vllam Religionis iniuriam illos deponere , aut vllō iure temporali priuare : quia nō ad Pontificē , sed ad Principem pertinet negotium Religionis intra regni limites . 6 . Subditos Principis non esse subiectos summo Pontifici in negotio Religionis , sicut neque in negotio politię sed soli Principi . 7 . Populum debere sequi Religionem , quam Princeps cum suo Parlamēto pręscribit . 8 . Initiari sacerdotio esse crimen læsę maiestatis : similiter reconciliare aliquem Ecclęsię Romanę &c. quia istis modis tribuitur Romano Pontifici potestas in spiritalibus , quę soli Principi competit . 9 . Profiteri religionem Catholicam esse crimen læsę maiestatis : quia est agnoscere & profiteri supremam potestatem spirituales , quę Coronę Regię annexa est , in Romano Pōtifice . 10 . Omnes religiones posse admitti pręter Catholicam : quia omnes abrogant Pontifici omnem potestatem in Reges & eorum Regna , & facilē dispensant , vt Regibus ea tribuantur . nam etiam Puritani non grauātē Iuramentum Primatus suscipiunt ; vt in libello Regio confut . mendac . 4 . asseritur . at Catholica Religio à professione Primatus Pontificis auelli non potest .

Hęc & alia id genus Politica placita tamquā ramusculi

seculi cohærent optimè cum illa Atheismi radice : suntque adeo inter se connexa, vt aliud sine alio defendi commodè nequeat . quo fit vt Barclaius , cùm Primatum in spiritualibus Pontifici tribuit , sæpe *ἀρχιερα* & *ἐκκλησια* dicere cogatur ; & passim in suis probationibus principium petat .

At verò è contrario fundamento omnia sequuntur contraria . si enim est vnum supremum numen omnia continens , omnia intuens & gubernās , quod omnium factorum rationem exigit , quod æternis supplicijs peccata vindicabit , & æternis præmijs opera bona remunerabit : sequitur 1 . Veram religionem esse summum bonum in hac vita . 2 . Omnia debere huic cedere & subesse . 3 . Principatum religionis non esse annexum Principatui politico , cùm ille longè sit hoc excellentior . 4 . Principem politicum subesse religionis Principi (qui est Romanus Pontifex) & posse ab eo deponi , si religionem veram exterminare conetur . 5 . Regimen politicum ita debere institui à Principe , vt religioni non officiat : alioquin à principe Religionis posse corrigi &c . 6 . Omnes qui veræ religioni sunt initiati , subesse religionis Principi , & huic in negotio religionis , & in ijs quæ ad eius conseruationem sunt necessaria , debere parere , non Principi politico . 7 . Populum posse solui vinculo iuramenti quo obstrictus est Principi politico , si hic religioni rebellem se exhibeat . 8 . Solam religionem Catholicam esse retinendam &c . Hæc & similia ex contrario fundamento consequuntur , suntque mirè inter se connexa . Ex his patet quibus principijs vtraque sententia nitatur , & ex qua radice vtraque pullularit .

S E.

S E C V N D A R A T I O

Ex potestate Excommunicandi.

SVMMVS Pontifex potest Principem impium excō-
municare, vt etiam Barclaius fatetur. ergo potest
etiam iure temporali priuare. Conseq. probatur. 1. nam
qui in pœnam potest auferre maiora bona, potest etiam
auferre minora, si res ita postulet: sicut cuius est tanta
potestas, vt possit mulctare vita; potest etiam mulctare
bonis externis. Atqui spiritalia bona quibus homo pri-
uatur per excommunicationem longè sunt maioris mo-
menti, & præstantiora quàm res temporales, & ius re-
gnandi. ergo is qui potest excōmunicare, potest etiam
rebus temporalibus, ac ipso regnandi iure, si causa id
exigat, priuare.

Confirmatur ex D. Augustino lib. 1. contra aduer-
sarium legis & prophetarum cap. 17. vbi de potestate li-
gandi Ecclesiæ & excommunicatione loquens, dicit
hanc pœnam peccatori *esse grauiorem, quàm si gladio fe-
riretur, si flammis absumeretur, si feris subijceretur.* 2. Bo-
na spiritalia non solum sunt excellentiora, sed etiam di-
uino munere concessa, & diuino iure debita: cùm tem-
poralia solum iure humano teneantur. ergo qui potest
priuare spiritalibus, potest etiam temporalibus. Qui e-
nim potest tollere quod altiori & perfectiori iure pos-
sidentur; cur non etiam possit, quod minori? qui enim
potest quod maius est, potest etiam quod minus. 3. *Excom-
municatio priuat*
Quia ipsa per se excommunicatio multiplici iure tempo-
rali priuat. nam vt cetera omittam, adimit ius liberè multipli-
versandi cum alijs, & obligat omnes fideles ad eius iure tē-
communione non solum in sacris, sed etiam in pro-
porali.
fanis & politicis vitandum; idque iam à temporibus
Apostolorum obseruatum, vt constat ex cap. 5. epist. 1.

C c

ad

ad Corinth. ubi Apostolus vetat ne quis cū tali versetur aut cibum sumat. Et epist. 2. S. Ioannis, ne in domum recipiatur, ne vlla ei amica salutatio impertiatur.

Neque dici potest hic excipiendos Principes respectu subditorum, ut vult Barclaius: quia quod quis potest amplius nocere, eò magis consuetudo illius est vitanda. Vnde etiam nemo vquam Doctorum Principes excipit, & vsus tot sæculorum hanc exceptionem satis confutat. Scribit Petrus Damianus aute sexcentos annos epist. ad Desiderium, cū Robertus Francorum Rex ob illicitas nuptias iussu Gregorij 5. à Synodo Episcoporum Gallix excommunicatus fuisset, *tantum terrorem huius sententia populum inuasisse, ut ab eius societate universi recederent, nec prater duos servulos ad necessarij victus obsequium illi remanerent, qui tamen & ipsi omnia vasa in quibus Rex edebat & bibebat, percepto cibo abominabilia indicantes, pabula ignis exhibebant.* hæc ille.

Idem confirmatur ex sententia excommunicationis, quam Synesius Ptolemaidis in Aegypto Episcopus ante annos 1200. tulit in Præfectum Provinciæ Pentapolitanae in Aegypto, & illi adhærentes, per quam omnes etiā subditi prohibetur cum ipsis versari. Extat in epist. eius 58. in hæc verba. *Postquam (vocē) non amplius admonendus est homo, sed velut insanabile membrum à nobis rescandus, ne societate, quod simul sanum est, corrumpatur: nam inquinamentum facile distribuitur, & qui tangit scelerum, participes fit reatus illius: oportet autem mente & corpore puros Deo esse. Propter hac Ptolemaidis Ecclesia ad omnes ubique terrarum sorores suas hac mandat: Andronico & suis, Thoanti & suis nullum templum Dei aperiatur. omnis sacer cætus, omne sacrum templum conclusum sit. Non est diabolo portio in paradiso, qui etiamsi clandestinè ingressus fuerit, expellatur. Admoneo igitur & priuatum quemque & Principem, ut ne sub eodem tecto cum ipso ha-*
bites

Sententia
Excom-
munic. la-
ta à Syne-
cho.

bitet, neq; eamde mensā participet: Sacerdotes verò precipud, qui neque viuentes ipsos alloquantur, neque mortuos simul deducant. Si verò quis velut parua ciuitatis Ecclesiam reprobaris, & excommunicatos ab ipsa susceperit, velut necesse non sit pauperi obedire; is sciat se scindere Ecclesiam, quam unam Christus esse vult. Talis autem siue Lenita, siue Presbyter est, siue Episcopus, à nobis in Andronici sorte locabitur; & neque porrigemus ei dextram, neque umquam de eadem mensa cum ipso cibum capiemus. multum autem aberrit, ut in arcano mysterio communionem habituuri simus cum his, quicum Andronico & Thoante sortem habere voluerūt. Haëtenus sententia.

Hac sententia etiam subditis prohibetur omnis conuersatio cum Magistratu excommunicato; adeo vt debeant illum expellere si Ecclesiā ingressus fuerit: ac proinde ex parte liberantur ab obligatione illi parendi. neque solum priuatis, sed etiam Principibus omnis cum illo consuetudo vetatur. Denique ex hac sententia constat, eos qui ab aliquo etsi exiguae & pauperculæ Ecclesiæ Episcopo excommunicati erant, toto orbe à Christianis vitandos fuisse, sicut etiā modò vsus Ecclesiæ habet.

Deinde priuat exercitio iurisdictionis in subditos. suspendit enim Iurisdictionem, eiusque vsu impedit, adeo, vt sententia Iudicis excommunicati sit nulla, lex ab eo sancita irrita, priuilegium inualidum, dispensatio inutilis, acta omnia publicæ authoritatis nullius roboris: vt communiter tradunt DD. in cap. Ad probandum. de sententia & re indicata, alijsque locis.

Denique absoluit subditos à Iuramento fidelitatis, quo suo Principi vel Duci sunt obstricti: vt constat ex decreto Gregorij 7. in Synodo Romana cap. Nos sanctorum 15. q. 6. & Urbani 2. cap. Iuratos, ibidem, & ap. finali extrau. de Pœnis. quem effectum excommunicatio non solum à tempore illius decreti, nempe à

530. annis ; sed etiam diu antea habuit , vt ex cap . illo Nos sanctorum liquet . Nos , inquit , *Sanctorum prædecessorum nostrorum statuta tenentes* : aperte indicans id iam diu antea statutum fuisse .

Ex his perspicuum est optimum duci argumentum à potestate excommunicandi , ad potestatem deponendi ; & legitimam esse consecutionem : summus Pontifex potest Principem noxium excommunicare . ergo , si res possit , etiam deponere . tum quia vt ostensum est hoc longè minus est ; & minore iure temporalia tenentur quàm spiritalia : tum quia excludi à fidelium communione , & à sua Iurisdictione suspendi , subditosque à Iuramento fidelitatis & obligatione parendi liberari , inchoatio quædam est seu dispositio regni amittendi . ipsa tamen excommunicatio dominio regni , aut Iurisdictione habituali non priuat : sed opus est ad hoc noua & particularis sententia .

Barclaius cap . 26 . & 27 . fuit conatur astruere summum Pontificem subditos non posse liberare à vinculo Iuramenti & obedientiæ , quo Principi sunt obstricti . 1 . quia non potest concedere id quod iuri diuino & naturali repugnat ; quale est subditum non obedire suo superiori . 2 . quia non potest iuramenti liciti vinculum soluere . 3 . quia non potest voti gratiam Religioso facere . Sed hæc , ne sapius eadem repetere cogamur , melius infrà obiectione 11 . & 12 . discutientur .

Blacuellus in quæst . pag . 84 . contendit excommunicationem non habere hunc effectum absoluendi subditos à parendi necessitate : quam sententiam ait sibi cum multis Catholicis authoribus esse communem . Adducit Ludouicum Richeome , Sotum , Medinam , S . Thomã & Vrbanum Papam .

Verùm duo ex hac obiectione colligimus . 1 . Nul-
lum inueniri Doctorem Catholicum qui ita sentiat . si
enim

enim aliquis esset, tandem diligentissime ab aduersarijs ^{Refutator}
conquisitus produceretur . 2 . mala fide istum authorem ^{sententia}
in hac quaestione versari , citando DD . verba contra a- ^{Blacuellii.}
pertam ipsorum mentem . nam isti DD . quos adducit,
apertè contrarium tenent . de Urbano patet 15 . q . 6 .
can . vlt . vbi Urbanus sic statuit . *Iuratos milites Hugo-*
ni Comiti , ne ipsi , quamdiu excommunicatus est , seruiant
prohibeto . qui si sacramenta pratenderint , moneantur opor-
tere Deo magis seruire quàm hominibus . fidelitatem enim
quam Christiano Principi iurarunt , Deo eiusque Sanctis ad-
uersanti . & eorum praecepta calcanti , nulla cohibentur au-
thoritate persolvere . De S . Thoma patet ex ijs quæ habet
2 . 2 . q . 12 . a . 2 . vbi inter cetera sic ait : *Quàm citò a-*
liquis per sententiam denunciatur excommunicatus ; ipso fa-
cto eius subditi sunt absoluti à dominio eius , & Iuramento fi-
delitatis quo ei tenebantur .

At , inquit author , S . Thomas 2 . 2 . q . 11 . a . 3 . ait :
aliud est excommunicatio , aliud eradicatio . Et Urbanus 24 .
q . 3 . dicit : *disciplina est excommunicatio , non eradicatio .*
verùm ista nullam habent speciem . *Eradicatio* enim non
est absolutio subditorum ab obedientia , nec suspensio
Iurisdictionis , sed occisio : vt expressè D . Thomas ait .
quod etiam apertè ex verbis Urbani , & ex parabola Do-
mini Matth . 13 . v . 29 . de zizanijs & tritico colligitur .

De Soto & Medina non est dubitandum , cùm sint
discipuli D . Thomæ . Sotus etiam in 4 . d . 22 . q . 1 . a . 4 .
expressè docet ex communi DD . sententia Iurisdictionem
Iudicis sæcularis per excommunicationem suspèdi :
ita vt iudicium reddatur vsurpatum & iniquum , & sen-
tentia irrita .

Nec obstant illa verba , quæ tamquam Soti ex Me- Medina
dina citat Blacuellus . *Excommunicatio non est priuatio a-* 1 . 2 . q .
licuius boni proprii , quod transgressor prius possederat : sed 96 . a . 4 .
est priuatio honorum communium , quæ ab Ecclesia erat per- pag . 313 .

cepturus : quia Catholici non docent per excommunicationem priuari aliquem dominio , sed solum suspendi eius Iurisdictionem . deinde non sunt illa verba Soti , aut Medinæ , quæ iste refert , sed hæc : *Hæreticus non amittit dominium , nec legitimam possessionem bonorum suorum ante sententiam Iudicis* . vbi non agitur de vi & effectibus excommunicationis , sed de effectibus cap . Cùm secundum leges . de hæreticis in 6 . Et docent isti DD . vi illius constitutionis hæreticum , saltem secuta sententia declaratoria criminis , bonorum suorum dominium amittere : ac proinde etiam Principem hæreticum amittere dominium sui Principatus .

Idem sentiunt reliqui omnes DD . tum Theologi , tum Canonistæ : quæ doctrina receptissima euertit sententiam Blacuelli . etsi enim Ecclesia non priuet dominio per excommunicationem : potest tamen per legem & sententiam priuare .

Ad ea quæ ipse citat ex Apologia Richelmi , libenter fatemur non ob illos fines pœnam excommunicationis irrogari , sed vt excommunicatus emendetur . neque excommunicatio soluit habituale vinculum quo subditi suo superiori sunt obstricti ; quia illi manent re vera subditi , & hic manet Rex & superior : sed solum suspendit ; in illis quidem obligationem parendi ; in hoc Iurisdictionem imperandi : idque ad tempus , donec reconcilietur . posita autem reconciliatione , tollitur illa suspensio , & statim per se redit antiquum ius , & obligatio actualis .

T E R T I A R A T I O

Ex variorum fundamentorum falsitate .

113. S I Summus Pontifex non posset Principem impium , vel alia ratione noxium Ecclesiæ deponere , id esset ; vel quia Princeps non habet superiorem : vel quia Principas

capatus est immediatè à Deo : vel quia tanta est dignitas Regia, vt etiam ob necessariam Ecclesiæ defensionem attingi non possit ; vel quia Ecclesia non potest se ipsam armis corporalibus tueri : vel deniq; quia Ecclesia nullam disponēdi de tēporalibus laicorum habet auctoritatem . hæc enim sunt omnia fundamenta , quæ ab aduersarijs video adferri . At primū & secundū fundamentum non sufficere , imò prorsus falsum esse infrà ostēdemus n. 154. 172. 183. 3. etiam manifestè falsum est , & Atheisticum vt suprà n. 110. insinuauimus . 4. etiam falsum est & absurdum , vt infrà ostendetur n. 132. 133 . Nunc solum dicemus de quinto , quod sæpe à Barclaio inculcatur . nam cap. 32 . dicit Ecclesiā sua auctoritate *nullis corporalibus aut ciuilibus pœnis Laicos etsi priuatos, posse afficere, nec aliquid eorum, quæ ciuili & humana potestate possidētur, posse illis adimere, quia non Ecclesiasticis sed politicis legibus, quæ in manu Regum sunt, res tales subiiciuntur.* Idem repetit cap. 34. & alibi . hinc cōcludens, *nō posse illam quidquā in iura temporalia Regū: alioquin, inquit, Reges duriorē conditione essent in Ecclesia quàm priuati.*

Sed hoc fundamentum prorsus absurdum esse facile ostendi potest . si enim summus Pontifex & Ecclesia non potest statuere de bonis temporalibus laicorum , nec illa ob vllam causam tollere , aut eos pœna ciuili & corporali plectere : ergo iniquæ sunt tot Ecclesiasticorum tribunalium per totum orbem sententiæ , quibus laici vel pecunijs mulctantur , vel carceri mancipantur , vel virgis cæduntur , vel tririmibus addicuntur , vel etiam brachio seculari traduntur morte puniendi . passim enim in Episcoporum & Inquisitorum hæreseos tribunalibus huiusmodi sententiæ ferri solent , & executioni mandari . Iniquæ etiam erunt tot Ecclesiasticæ leges , & decreta Conciliorum Generalium , quibus de temporalibus statu-
Refutatus
fundamē-
tum Bar-
clai : Ec-
clesiam
non posse
disponere
de tempo-
ralibus
Laicorū.

tuitur. Iniquū erit decretū Concilij Tridentini sess. 27. cap. 3. de Reformat. quo *mandatur omnibus Iudicibus Ecclesiasticis, ut quandocumq; executio realis vel personalis in qualibet parte Iudicij propria auctoritate ab ipsis fieri poterit, abstineant se à censuris Ecclesiasticis: & datur facultas ut in causis civilibus ad forum Ecclesiasticum quomodolibet pertinentibus, contra quoscumque, etiam Laicos, per multas pecuniarias (quæ pijs locis ibi existentibus eo ipso quo exacta fuerint assignentur) seu per captionem pignorum, personarumque districtiōem, per suos proprios vel alienos executores faciendam, aliaque iuris remedia procedant, & causas definiant.* Iniqua erunt multa decreta Concilij magni Lateranensis, quæ suprā n. 56. & 57. recensita. Iniquum erit decretum Concilij Constantiensis, Lateranensis sub Leone 10. & Tridentini, quo renouatur cōstitutio Bonifacij 8. c. felicitis. de pœnis, de qua suprā nu. 60. & seq. Iniqua erit constitutio Bonifacij 8. cap. Cū secundum leges. de hæreticis in 6. vbi Pontifex narratis quibusdam criminosis, qui lege civili confiscatione bonorum mulctātur, subdit: *Bona hæreticorum, qui grauius, horribilius, ac detestabilius quàm prædicti delinquant, ipso iure de fratrum nostrorum consilio decernimus confiscata.* Denique iniqua erunt multa alia decreta, quæ Ecclesia de Iudæis & Saracenis, de Hæreticis, de Apostatis, de pœnis, de iniurijs & damno, de foro competentī, de Iudicijs, de exemptione Clericorum, & alijs plurimis rebus statuit, quæ suis titulis in iure extant, & multis sæculis sunt in vsu. at quid absurdius, & in Ecclesiam Catholicam iniuriosius dici potest? non cadit hoc in animum hominis Catholici.

Neque dici potest Ecclesiā hæc omnia facere & statuere non auctoritate propria, sed Principū qui Ecclesie suam ad hoc potestatem accommodarunt; quia pleraque illorum statutorum etiam aduersus ipsos Principes valent

valent: nec vlla in illis decretis aut alibi fit mentio potestatis à Principe concessæ, sed solum illius quã à Christo accepit.

Ex his patet quàm falsum sit, & à specie veri remotum, primum illud Barclaij fundamentum: & potius è contrario fundamento tamquam certissimo, contrarium concludendum, hoc modo:

Ecclesia de bonis & iuribus temporalibus laicorum statuere & disponere potest, quatenus ad spiritalia opus est, vt ex innumeris decretis & canonibus, & ex perpetuo tot sæculorum vsu, ex tribunalium Ecclesiasticorum per totum orbem recepta praxi, constat. ergo etiam potest disponere de bonis & iuribus Principum. Non enim minùs Principes sũt subditi Ecclesiæ, & oues Petro eiusque successoribus regendæ commissæ, quàm laici priuati.

QVARTA RATIO

Ex recepta consuetudine accusandi, & citandi.

P Rincipes in iniurijs rerum temporalium accusari solent apud Sedem Apostolicam, & ab eacitari ad causam dicendam, & cogi ad ius & æquum; & ipsimet ab alijs iniuria affecti, ad Sedis Apostolicæ iudicium prouocare solent: quod est euidens signum Pontificem non solum in causis merè spiritalibus, sed etiam in temporalibus, quatenus salutem attingunt, & legi diuinæ consentiunt vel repugnant, Principum Iudicem esse. Antecedens probari potest plurimis exemplis, sed omissis ceteris septem tantum referam.

1. Sit quod accidit sub Nicolao 1. anno 856. Lotharius Rex frater Ludouici Imperatoris duxit in vxorem Thiedbergam filiam patrui sui Caroli Calui, qui postea Imperator fuit: sed non multò pòst eam repudiavit, & superinduxit Waldradam concubinam suam pristinam.

D d

Fra-

metensem
Fratres Reginz offensi hoc repudio causam ad Apostolicæ Sedis audientiam detulerunt . Itaque Nicolaus 1. qui tunc illam Sedem tenebat , vir sanctitate & doctrina clarissimus , Regi mandat , vt pellice abdicata vxorem recipiat : ni pareat , ei anathema denuntiat . Archiepiscopos autem Coloniensem & Treuirenses , quorum opera Rex vsus fuerat , & Synodum Rhemensem ad approbandū diuortium induxerat , Romam vocatos , & opem Imperatoris frustra implorantes omni Ecclesiastica dignitate priuat . Referunt hæc Rhegino in Chronico ad annum Domini 864 . Sigebertus in Chronico anno 862 . & sequent . Trithemius in Chronico Hirsaugiensi anno 865 . addit Sigebertus anno 870 . *Lotharium Romam ad Adrianum Papam (qui Nicolao successit) venisse , vt se excusaret , à quo cum pro comprobatione innocentia sua ad examinationem corporis & sanguinis Domini , tam ipse quàm Optimates regni inuitati fuissent ; & ipse & omnes qui corpus Domini nostri cum eo temere accipere præsumpserunt , infra annum perierunt : ipso statim in redeundo Placentiæ defuncto .* Idem narrat Ottho Frisingensis lib . 6 . Chron . cap . 4 . & alij . Hoc exemplo apparet quàm necessaria sit hæc auctoritas , nam Rex per istos duos Archiepiscopos totam Synodum Metensem in suam sententiam pertraxerat , & Legatos Sedis Apostolicæ pecunijs corruptos infecta causa dimiserat . Itaque ad tãtam iniquitatem emendandam nihil præter Sedis Apostolicæ autoritatẽ supererat : qua factum est , vt Rex vellet nollet legitimam vxorem recipere cogeretur , vt Rhegino narrat .

2 . Sub Alexandro 2 . hic vt scribit Crantzius lib . 5 . metrop . cap . 20 . cum scelera Henrici 4 . ad eum delata fuissent , per Annonem Coloniensem , & Hermannum Bambergensem , qui tunc Roma in Germaniam erant reuersuri , litteras ad Regem destinat , *vocantes enim*

ad

ad satisfactionem pro simoniaca hereſi, alijsque nonnullis emendatione dignis, qua de illo Roma fuerat audita. Verum causam Alexander proſequi non potuit morte interceptus.

3. Sub Gregorio 7. qui Alexandro ſucceſſit, & causam ab eo inchoatam proſecutus eſt. qua de re ita Crantzius ſuprà: *Saxonum Principes miſſa legatione ad Sedem Apoſtolicam conqueſti ſunt, quòd Rex diuina legis contemptor, Eccleſys Dei in conſtituendis Epiſcopis omnem libera electionis facultatem ademerit, ponens per violentiam Epiſcopos quos voluiſſet. Insuper quòd more Nicolaitarum de coniuge ſua publicum voluit facere proſtibus, aliaque multa auditu horrenda crimina. Quamobrem Papa zelo iuſtitia permotus, crebris epiſtolis & nuntijs Regem denuo ad Synodalia reſponſa, & Sedis Apoſtolicæ deuocauit audientiam. ſed Rex ſecundam ac tertiam eius vocationem diſſimulauit. Quocirca Epiſcopi omnes, excepto Liemaro Hamburgeni, & omnes Principes Saxoniæ deſeruere Regem &c. Et infra. Non diu poſt maximum Colloquium Principum apud Oppenheim factum eſt, ubi penè totius regni Principes, ſed maxime Saxonum & Sueuorum ſubiectioni Regis contumacis renuntiabant: cauſam pratendentes, quòd à duobus ſummis Pontificibus euocatus ad ſatisfactionem non veniſſet; & pro contemptu, ſententiam excommunicationis in Romana Synodo à Papa accepiſſet. Ecce ante 500. annos comuni fidelium ſenſu cenſebatur contumaciæ crimen in Principe dignum excommunicatione, & regni amiſſione, ſi à Sede Apoſtolica ad dicendam cauſam citatus, per ſe vel alium comparere nollet.*

4. Sub Paſchali 2. nam Henricus 4. etſi maximas cum Gregorio 7. inimicitias geſſiſſet, tamen Sedem Apoſtolicam ſummi iudicem agnouit. Vnde cum Principes Imperij aduerſus ſe inſurgere videret, ad eamdem appellauit & confugit. Sic enim ſcribit in epiſtola ad Principes Imperij, quam refert Abbas Vrfpergenſis in Chronico

nico anni 1106. *Si interpellatio vestra, nullaque alia interuentio ad praesens prodesse poterit, appellamus Romanum Pontificem, & Sanctam vniuersalem Sedem & Ecclesiam: Idem in postrema epist. ad Principes. Appellabimus, & tertio appellamus Dominum Romanum Pontificem Paschalem, & Sanctam & vniuersalem Sedem, & Romanam Ecclesiam.*

5. Sub Urbano 2. Cum enim Philippus Francorum Rex Bertam Florentij Comititis Batauorum filiam in matrimonio haberet; spretis coniugij legibus rapuit Bertradam vxorem Fulconis Comititis Andegavorum affinis sui. Fulco per legatos ea de re questus est apud Sedem Apostolicam, ab ea opem flagitans: Summus Pontifex Regesæpius monitum, vt vxorem legitimam reciperet, & non parentem à fideiū communione semouet, veras ne solemni ritu coronaretur, nisi antea Ecclesiæ reconciliatus foret. Vide Paulum Aemilium & Massonum.

115.

6. Sub Cælestino 3. Cum Rex Angliæ Richardus reuertens ex bello sacro per Germaniam, ab Imperatore Henrico 6. captus fuisset; Regina Angliæ cum suis proceribus confugit ad summum Pontificem, tamquam ad supremum omnium Christianorum Iudicem. *Nonne, inquit, Petro Apostolo, & in eo vobis à Deo omne regnum, omnisque potestas regenda committitur? Benedictus autem Dominus, qui talem potestatem dedit hominibus. Non Rex, non Imperator, aut Dux à iugo vestra Iurisdictionis eximitur. Et infra. Non degeneret in herede Petri dignitatis Apostolica reuerenda successio. Vestrum agnoscite Principatum, probate zelum, accingimini ad opus fortitudinis, & honorate ministerium vestrum. Gloria vestra deriuetur ad posteros, & cognoscat generatio altera, quàm inaniter ille Tyrannus præsumpserit; & quàm potenter præsumptionem eius Sedes Romana punierit. Et alia multa in hanc sententiam scribit tribus Epistolis, quæ extant inter Epistolas Petri Blefensis 144. 145. & 146. Extat etiam legatio eiusdem*

Epist. 145.
apud Petrum Ble-
scensem.

iisdem Regis Angliæ Richardi ad summum Pontificem, apud Matthæum Parisiensem ad annum 1195. his verbis: *Pater sancte, salutat Excellentiam vestram Dominus noster Rex Anglorum Richardus, & postulat sibi iustitiam exhiberi de Duce Austria.* hic enim illum interceperat, & Imperatori tradiderat.

7. Sub Innocentio 3. & refertur Cap. Nouit. de Iudicijs. Cùm enim Rex Angliæ putaret se iniuria affectum à Rege Francorum, violatione cuiusdam pacti de quodam feudo inter ipsos iniri, causam detulit ad summum Pontificem Innocent. 3. qui tamquam Iudex vtriusque commisit cognitionem cuidam Abbati, & Archiepiscopo Bituricēsi, nimirum vt de plano cognosceret, vtrum iusta sit Regis Angliæ querimonia, & legitima Regis Francorum exceptio: & simul mandat legato suo, vt nisi Rex Francorum pacem cum Rege Angliæ reformet, vel saltē causam ab Abbate & Archiepiscopo cognosci sinat, contra illum iuxta formam ipsi præscriptam procedat. In isto cap. præter cetera 3. sunt notāda.

1. est omnem causam in qua agitur de manifesta iniuria, posse deferri ad Sedem Apostolicam, si ab inferiore Iudice non possimus sententiā æquam obtinere, iuxta illud Euangelij: *si peccauerit in te frater tuus &c. Ecclesia.*
2. summum Pontificem posse cognoscere de omni causa, in qua agitur de peccato mortifero. quia cùm illi sit commissā salus animarum, ad ipsum pertinet iudicare de illis quæ salutem impediunt, eaq; prohibere & impedire.
3. Reges ab hoc iudicio non excipi, cùm scriptum sit: *ita magnum iudicabis vt paruum, nec eris apud te personarum acceptio.*

Cetera exempla omitto, cùm vix vmquam aliquis Princeps anathematis sententiā retulerit, qui non antè ad dicendam causam citatus fuerit. addo necessarium fuisse ad Ecclesiæ tranquillitatem, & fidelium pacem, vt

Necessitas
communis
Iudicis.

religionis, & salus animorum, potestas erit in omnia, quæ ad religionem tuendam & salutem consequendam sunt necessaria. Sicut ergo Rex potest adimere bona, famam, & etiam vitam, quando id ad publicam tranquillitatem est necessarium: ita etiam Summus Pontifex poterit eadem bona tollere, quando religionis defensio, aut salus æterna id postulat. Imò longè maior hic subest ratio. quòd enim bonum est præstantius, magisque necessarium, eò magis licet illud tueri & incolume præstare cum detrimento bonorum inferiorum, si quis illud iniquè oppugnet. atqui vera religio, cuius solius adminiculo vita æterna obtinetur, est longè præstantior, magisque necessaria quàm tranquillitas ista temporalis, quæ solum huic vitæ miseræ & momentaneæ seruit. ergo is cui religionis conseruatio commissæ est, non minus, sed potius amplius Ius habet disponendi de rebus temporalibus, quatenus necesse est ad bonum religionis, quàm habeat is, cui commissæ est tranquillitas publica.

Dices, Rex potest disponere de temporalibus, quia gubernatio illorum est illi commissæ. at Pontifici non sunt commissæ nisi spiritalia, vt doctrina fidei, sacramentorum administratio &c. Resp. Non illa propriè est ratio, cur Rex de temporalibus possit statuere: quia temporalium gubernatio non aliter est ei commissæ quàm quatenus commissæ est ei cura seruandæ iustitiæ, & prohibendæ iniuriæ, quam alter alteri in rebus temporalibus irrogare posset. Itaque ratio propria cur potestas Regiæ de temporalibus possit statuere, non est quod temporalium cura sit ei concredita, sed quia versatur circa finem ad cuius conseruationem ius disponendi de temporalibus erat necessarium. Finis enim potestatis Regiæ est tranquillitas publica. quæ tranquillitas in eo sita est, vt quisque tutus sit ab iniuria, & pacificè cum alijs vitam istam transigat. Et quia hæc tranquillitas constare non

117.
Obiectio.

Causa cur
Rex possit
disponere de
temporalibus
subditorum.

pote-

Principes communem iudicem haberent. Si enim nullus talis iudex esset, cum sæpe alij alios iniurijs manifestis afficiant: numquam nisi per bella, & magnas populi Christiani clades reparatio fieret. & quivis Princeps pro sua libidine quoslibet ex suis subditis impunè vexare, bonis, vxore & prolibus spoliare posset, qualia apud Turcas & alios barbaros fieri videmus. Itaque saluberrimum est hoc frænum; quo in officio & cultu iustitiæ retinentur. Non tamè ampliùs eo cohiberi possunt, quàm ad salutem manifestè necessarium esse constat.

QVINTA RATIO

Ex ratione finis.

116. **S**vmmo Pontifici commissæ est à Christo cura totius religionis, & salutis animarum omnium Christianorum; ergo simul data est ei potestas ad omnia quæ religioni conseruandæ, & propagandæ, & hominibus ad salutem adducendis sunt necessaria. cui enim committitur aliquis finis, eo ipso datur potestas ad omnia media illi fini congruentia & valde vtilia. nam & hæc necessaria dici solent. Atqui sæpe dispositio rerum temporalium est necessaria ad conseruationem religionis, vel salutem animarum; vt patet cum quis potentia sæculari, vel opibus abutitur ad Ecclesiæ vel fidei euerisionem, aut ad Ecclesiasticæ disciplinæ perturbationem, vel cum ab iniurijs in alios, aut à peccato suo, nisi temporalibus pœnis auocari nequit. ergo in hæc omnia plena potestas ei concessa est, quatenus ad illum finem opus est,

Confirmatur à simili. Regi enim quia commissæ est tranquillitas publica, simul ius est & potestas in omnia illa, quæ ad hanc tranquillitatem conseruandam sunt necessaria, nimirum in fortunas ciuium, in famam, in vitam. ergo similiter Pontifici, cui commissæ est cura

re-

Dispositio
temporalium
sæpe
est neces-
saria ad
bonum re-
ligionis.

religionis, & salus animorum, potestas erit in omnia, quæ ad religionem tuendam & salutem consequendam sunt necessaria. Sicut ergo Rex potest adimere bona, famam, & etiam vitam, quando id ad publicam tranquillitatem est necessarium: ita etiam Summus Pontifex poterit eadem bona tollere, quando religionis defensio, aut salus æterna id postulat. Imò longè maior hic subest ratio. quod enim bonum est præstantius, magisquæ necessarium, eò magis licet illud tueri & incolume præstare cum detrimento bonorum inferiorum, si quis illud iniquè oppugnet. atqui vera religio, cuius solius adminiculo vita æterna obrinetur, est longè præstantior, magisquæ necessaria quàm tranquillitas ista temporalis, quæ solum huic vitæ miseræ & momentaneæ seruit. ergo is cui religionis conseruatio commissæ est, non minus, sed potius amplius Ius habet disponendi de rebus temporalibus, quatenus necesse est ad bonum religionis, quàm habeat is, cui commissæ est tranquillitas publica.

Dices, Rex potest disponere de temporalibus, quia gubernatio illorum est illi commissæ. at Pontifici non sunt commissæ nisi spiritalia, vt doctrina fidei, sacramentorum administratio &c. Resp. Non illa propriè est ratio, cur Rex de temporalibus possit statuere: quia temporalium gubernatio non aliter est ei commissæ quàm quatenus commissæ est ei cura seruandæ iustitiæ, & prohibendæ iniuriæ, quam alter alteri in rebus temporalibus irrogare posset. Itaque ratio propria cur potestas Regia de temporalibus possit statuere, non est quod temporalium cura sit ei concedita, sed quia versatur circa finem ad cuius conseruationem ius disponendi de temporalibus erat necessarium. Finis enim potestatis Regiæ est tranquillitas publica. quæ tranquillitas in eo sita est, vt quisque tutus sit ab iniuria, & pacificè cum alijs vitam istam transigat. Et quia hæc tranquillitas constare non

117.
Obiectio.

Causa cur
Rex possit dispo-
nere de tem-
poralibus
subditorum.

pote-

poterat, nisi Rex de bonis & vita subditorum posset statuere; ideo habet ius in illa, nimirum quatenus ad finem illum est necessarium, non amplius. Itaque et si summi Pontificis potestas non versetur primariò circa temporalia, tamen quia versatur circa finem ad cuius conseruationem ius disponendi de temporalibus est necessarium; secundariò extendit se ad illa, & plenissimè de illis, quatenus ad tantum bonum opus est, statuere potest. Confir. quia cui commissæ est cura alicuius finis, non minus, sed amplius habet Iuris in media ad illum finem tuendum necessaria, quàm is cui immediata cura & dispositio mediorum est imposita. Itaque cùm temporalia bona non sint propter se instituta à Deo, vt in illis fruendis conuiescamus, sed solùm vt sint media & adminicula ad obtinenda æterna; is cui commissæ est procuratio salutis æternæ totius Ecclesiæ, non minus, sed etiam amplius iuris habet in temporalia, cùm id postulat iste finis, quàm Principes sæculares, qui immediatè tēporalia curant. sicut & ipsi principes sæculares plus habent Iuris in bona subditorum, quando publicæ tranquillitatis ratio id postulat, quàm ipsi subditi proprij bonorum Domini. quia tranquillitas publica, quæ principum curæ est commissæ, est præstantior finis, quàm comoditas domestica, vel splendor familiæ, quam singuli in bonorum suorum dispositione spectant. Hæc adeo videntur perspicua, vt nemo ratione vtens videatur posse negare.

S E X T A R A T I O

Ex subordinatione utriusque potestatis.

118. **P**otestas ciuilis subiecta est potestati spiritali, quando utraque est pars eiusdem Reipub. Christianæ. ergo Princeps spiritalis potest imperare Principibus temporalibus

libus, & disponere de temporalibus rebus in ordine ad bonum spiritale. omnis enim superior potest imperare suo subdito.

Antecedens confirmatur 1. ex finibus utriusque. finis enim temporalis subordinatur fini spirituali. Nam temporalis tranquillitas non est ultimus finis, sed referri debet ad felicitatem æternam. ergo potestas civilis quæ tranquillitatem temporalem curat, subordinatur potestati spirituali; cum iuxta Aristotelem 1. Ethicorum 1. ita subordinentur facultates, ut subordinantur fines. 2. quia Reges & Pontifices, Clerici & Laici non faciunt duas Respub. sed vnam, hoc est vnam Christi Ecclesiam. *Sumus enim omnes unum corpus*, Rom. 12. & 1. Corinth. 12. atqui membra vnius corporis sunt inter se connexa, & dependentia vnum ab alio. non autem recedat asseritur spiritualia pendere à temporalibus. ergo temporalia à spiritualibus pendent, illisque subiiciuntur.

3. Si temporalis administratio impedit bonum spiritale, omnium iudicio tenetur Princeps temporalis mutare illum modum administrandi, etiam cum detrimento temporalis boni. ergo signum est subiectam esse temporalem potestatem spirituali. Hanc rationem potuissim alia forma proponere, qua pleræque Barclaij cauillationes nullum ferè locum haberent; sed volui iisdem verbis illam producere, quibus extat apud doctissimum Bellarminum, l. 5. de Pontif. cap. 7. quia acerrimè à Barclao oppugnatur: idque ut appareat quàm vanè triumphet. idem faciam in Ratione 7. 8. & 9. ut locus detur ipsius obiectionibus.

Respondet ergo cap. 13. *Falsum imprimis esse, civilem potestatem subiectam esse spirituali, quando utraque est pars eiusdem Respub. Christiana: nisi ita intelligant, subiectam esse in spiritualibus: & è diuerso hanc illi in temporalibus obedire oportere. Siquidem hæc duæ potestates ita sunt partes*

Respons.
Barclaij.

Reipub. Christiana, ut neutri in alteram imperium sit.
Deinde id confirmat quibusdam testimonijs, quæ Bel-
larminus adduxerat ad ostendendum Summum Pontifi-
cem non habere potestatem in temporalia directè.

119.
Refutatio. Hæc responsio passim ab Authore toto libello incul-
catur, sed faciliè refutari potest. dupliciter enim intel-
ligi potest potestatem civilem esse subiectam potestati
spirituali in spiritualibus, non autem in temporalibus. 1.
Dupli- Ut Principes non teneantur obedire in re temporali, ut
ter po- merè temporalis, & ad finem dumtaxat temporalem ten-
tess quis dens; sed solum ut subit rationem spiritalem, nimirum
intelligi ut medium ad finem spiritalem seu ad conservationem
subiectus vt religionis, vel salutem animarum necessarium. Et hoc
in Spiritu- religionis, vel salutem animarum necessarium. Et hoc
libus. modo libenter concedimus potestatem civilem non esse
subiectam potestati spirituali in temporalibus, sed solum
in spiritualibus. non enim Summus Pontifex potest
præcipere Principi, ut has vel illas leges sanciat; officia
regni his vel illis conferat; certa cum alijs fœdera ineat;
hos vel illos regno expellat &c. si solum de commodo
temporali statuque politico agatur; neque ad salutem a-
nimorum id necessarium censeatur. Verum hic sensus
non servit proposito authoris, sed planè evertit.

2. Intelligi potest ut Principes non subsint, nec te-
neantur obedire Pontifici, nisi in rebus merè spiritualibus
v. g. ut in Paschate confiteantur, & sacratissimam Eu-
charistiam percipiant &c. non autem in vlla re tem-
porali, etiamsi ad salutem sit necessaria. Et hunc sensum
intendit Barclaius, quia eius deseruit causæ. ita enim
vult has potestates esse discretas, ut neutra intra termi-
nos propriæ materiæ vlllo modo subsit alteri; adeo ut li-
cut Princeps non potest Ecclesiasticis quidquam præci-
pere in spiritualibus, aut eos peccantes spiritualium sub-
tractione punire: ita Summus Pontifex nō possit quid-
quam præcipere Principibus quovis prætextu in tem-
poralibus

poralibus; nec eos vlla ratione temporalium ademptione punire. è contrario intra limites materiæ alterius statuit mutuam subiectionem: ita tamé, vt in temporalibus Ecclesiastici non minùs quàm Laici teneantur Principibus per omnia obedire. & si contra leges ciuiles delinquant, possint non minùs quàm laici per omnes pœnas temporales castigari. principes verò & ceteri laici solum in merè spiritualibus Ecclesiæ teneantur parere: nec alijs pœnis quàm spiritualibus, si contra legem diuinam, vel Ecclesiasticam peccent, possint ab Ecclesia plecti.

Sed hæc sententia est omnino absurda. 1. quia si Laici Absurda
sententia,
Laicos nō
esse vllō
modo
subiectos
Ecclesiæ
in tempo-
ralibus. nō sunt subiecti Ecclesiæ vllō modo in tēporalibus: ergo propter ea quæ committunt in temporalibus, non poterunt ab Ecclesia vlla pœna, ne quidem spiritali, v. g. excommunicatione affici. consequēs autem est contra scripturā, Matth. 18. *Si Ecclesiam non audieris, sit tibi sicut Ethnicus & Publicanus* &c. Et 1. Cor. 5. vbi Apostolus punit laicum excommunicatione propter incestum, peccatum nimirum in re temporali commissum. est contra perpetuum Ecclesiæ vsum, quæ laicos propter adulteria, repudia, homicidia, furta, rapinas, inuasiones iniquas, pacta violata, & alia id genus peccata in temporalibus commissā punire cōsuevit. Sequela probatur. quia nullus superior potest punire inferiorem propter ea quæ committit in materia exempta, seu in qua nō est illi subiectus, sed alteri. ideo enim Princeps secularis nō potest punire subditum quidd in paschate non communicarit, nō sit confessus &c. quia hæc peccata sunt in materia spiritali, quæ Principi non est subiecta. Confirmatur. quia si laicus in temporalibus non est Ecclesiæ subiectus; ergo præcepta Ecclesiæ quibus de illis aliquid præcipitur vel vetatur, illum non obligant, ac proinde etiāsi peccet cōtra legem diuinam, non tamen peccabit contra præceptū Ecclesiæ, nec censebitur aduersus eam contumax, etiāsi

nolit parere : vnde nec poterit tamquam contumax excommunicari .

120 .
Respons.
Barclaij
cap. 14.

Dices , posse quidem Ecclesiam aliqua de temporalibus præcipere , & laicos teneri obedire ; quòd si non obediant , posse excommunicari : non tamen posse aliqua pœna tēporali affici . si ita est , ergo laici etiam Principes verè & propriè sunt Ecclesiæ in temporalibus , quatenus ad finem spiritalem expedit , subiecti : & Princeps spiritualis potest imperare Principibus sæcularibus , & disponere de temporalibus rebus in ordine ad bonum spiritale , vt ratio nostra concludebat : quorum vtrumque à Barclaijo hic negatur .

Potestas
præcepti-
ua includit
ius coercē-
di pœna
temp.

Quod autem de pœna additur , ratione caret . si enim Ecclesia de temporalibus præcepta dare potest ; cur non etiam pœnas in illis decernere ? ad plura enim se extēdit potestas puniendi quàm præcipiendi . nam per illam etiam vita adimi potest , in quam alioquin nullum est hominī ius , nulla authoritas . Rursus si potest decernere pœnas spirituales , quæ maximæ sunt , & priuant nos bonis diuinis diuino iure concessis : cur non etiam temporales , quæ priuant rebus istis infimis humano dumtaxat iure obtentis ? Præterea pœnæ Ecclesiæ debent esse medicinales , & adhiberi non tam in vindictam , vt noceatur reo , quàm ad curationem , vt emendetur . atqui nulla est conueniētiōr pœna medicinalis quàm ea quæ multum affligit sensum , & parum nocet saluti . hæc enim hominem sine graui damno curat . talis autem est pœna temporalis . temporalia enim incommoda magis sentiuntur quàm spiritalia : adeo vt spiritalium bonorum iactura plerumque non multum affligat peccatorem , nec multum ab eo curetur , nisi aliquod temporale incommodum annexum habeat ; vt patet in pœna excommunicationis . ergo hæc pœna nullo modo potestati Ecclesiæ est subtrahenda . Denique conuenientissimum est , vt
in quo

in quo quis peccat, in eo puniatur. Quare si quis peccat abusu temporalium; ut si sua potestate temporali contra salutem propriam vel communem abutatur: congruentissima pœna est, ut illa priuetur. Accedit, quod huiusmodi priuatio non sit mera pœna, sed iusta defensio: sicut cum gladius per vim eripitur furioso, ne homines trucidet.

2. Probatur huius sententiæ absurdum; quia per illam potestas spiritalis & totus ordo Ecclesiasticus plenissime subijcitur Principi sæculari, nimirum in omnibus rebus humanis, & quoad omnia pœnarum temporalium genera, quæ hominibus sunt maximè formidabiles. E contrario potestas sæcularis, & totus ordo Laicorum subijcitur Ecclesiæ valde imperfectè, nimirum in rebus duntaxat spiritalibus, & solum quoad pœnas spirituales, impijs hominibus, & Dei timore destitutis ridiculas. Itaque reipsa spoliatur Ecclesiam omni potestate coercitiua in Laicos Ecclesiæ rebelles, & Religioni iniurios. è contrario armat Principes sæculares, quantumvis impios in ordinem Ecclesiasticum, omni genere tormentorum & pœnarum. quod quid aliud est, quàm Ecclesiam euertere, & politiam suprâ religionem stabilire? Denique eiusdem sententiæ *αποδεικνύται* patet ex tribus confirmationibus suprâ in 6. Ratione allatis.

Verùm Barclaius cap. 14. conatur etiam illas confirmationes euertere. itaque ad primam respondens: *Ne- go*, inquit, *constanter talem ordinationem vel subordinationem finium harum potestatum esse, quatenus ipsa potestates tales sunt. Nam finis politica seu civilis potestatis, quatenus politica est, nihil aliud absolute complectitur, quàm felicitatem temporalem, commune scilicet bonum, & vitæ degenda ordinatam tranquillitatem, ut ipsemet alibi Bellarminus fateatur*, cum ait: *Politica potestas habet suos Principes, leges, iudicia &c. similiter Ecclesiastica suos Episcopos, Ca-*

121.
Responso
Barclai ad
1. confir-
mationem
n. 118. po-
sitam.

nones, iudicia. Illa habet pro fine temporalem pacem : ista salutem aeternam . Addit Barclaius : Nec ulterius progreditur hac potestas civilis , nullumque alium in finem refertur , ut talis est . nam quod ad aeternam felicitatem adspirat , id non à seipsa habet : non , inquam , quatenus politica est , eò tamquam in ultimum scopum comatus suos dirigit , sed quà spiritalis siue Ecclesiastica potestatis societate . & consilijs adiunatur .

Refutatur Hic nobis suam Philosophiam pandit Barclaius , inficiando pronuntiatum Philosophis vsitatissimum , quo plerique DD. Scholastici in hac materia sunt vsi . ut Henricus , Pisanus , Turrecremata , Mayronius , Victoria , Sotus . sed neque sententiam assequitur , nec quidquā dicit quod ad rem faciat . Cū enim ait : *Nego constanter talem ordinationem vel subordinationem finium harum potestatum esse : quid sibi vult talem ? aut quomodo ad rem facit ? non enim hoc in argumento assumptum fuerat , sed istud : talis est subordinatio facultatum qualis est finium : atqui finis potestatis politica est subordinatus fini potestatis Ecclesiasticae : ergo ipsa potestas politica est subordinata potestati Ecclesiasticae .* Maior est Aristotelis & omnium Philosophorum . omnes enim artes , & virtutes , & potestates accipiunt suam speciem , & rationem essentialē ex ordine ad propria obiecta seu fines , quos immediatē respiciunt . Vnde similem in suo genere habent inter se facultates dependentiam & subordinationem , qualem inter se habent ipsi fines . Quod quia certissimum est & planē demonstrat sententiam nostram , declarabo exemplis , ut quiuis etiam absque magna philosophia capere possit . Finis omnium artium quæ alicui operi materiam præparant , est subordinatus fini illius artis quæ formā ultimam rei arte factæ introducit . omnis enim materię per artes præparatio est propter formam & complementum operis , Vnde fit ut omnes artes quæ versantur circa

ma-

materiæ præparationem sint subiectæ arti, quæ ultimam formam operi constituit: & ab ea dirigi & corrigi debent, si forte aliquid faciant, quod illi fini non congruit. Sic Architectonicæ subiectæ sunt omnes artes inferiores, quæ ad domus constructionem concurrunt, ut muraria, cæmētaria, lignaria, ferraria, tegularia &c. cuius rei nō est alia causa, nisi quia fines illarū proprii, fini Architectonicæ sunt subordinati. Ob eandem causam (nimirum propter finium subordinationem) ars conficiendorum armorum subiecta est arti militari; ars frænorum arti equestri, & omnes artes mechanicæ subiectæ sunt prudentiæ & potestati politicæ. Armorum enim finis est opus militare: frænorum opus equestre: & omnium artium proprii effectus (qui etiam sunt illarum fines) ordinantur ad commune bonum Reipub. cuius procuratio ad prudentiam & potestatem politicam pertinet. Hinc fit ut potestas politica possit omnibus artibus mechanicis præscribere & imperare, quatenus ad publicum Reipub. bonū opus est: adeo ut si in opere suo aliquid faciāt, quod bonum publicum offendant, aut illi non bene congruat, possint per potestatem politicam cogi ad illud emendandum.

Pari itaque modo in proposito, quia finis potestatis civilis subordinatus est fini potestatis spiritalis (omnia enim temporalia sunt propter salutem æternam) dicimus ipsam potestatem civilem subiectam esse potestati spiritali, & ab ea debere dirigi, illique debere parere, quatenus ad finem spiritalem opus est.

Quod autem Barclaius obijcit: *potestatem civilem quæ civilis est, nihil aliud complecti quàm felicitatem temporalem, hæc est, ordinatam vitam tranquillitatem, nec ulterius progredi* &c. neque ad rem facit: nec quisquam, ut ille existimat contrariū asserit. nō enim est necesse ut ars aut facultas inferior propriū opus ad finē altioris rem

rem ordinet, sed satis est ut illud opus, seu finis ille ex naturali sua conditione, vel ex institutione diuina ad finem illum referatur. facultatum enim subordinatio non prouenit ex subordinatione quam habent fines ex relatione subiecti, sed ex natura rei. Vnde artes mechanicæ in rebus, etiam si non ordinent sua opera ad bonum commune, sed solum ad priuatum commodum; tamen quia illa opera ex sua naturali conditione in Rebus tendunt in bonum commune, ipsæ artes sunt subiectæ potestati politicæ, cui boni communis procuratio incumbit.

Omnia temporalia sunt instituta à Deo propter salutem eternam.

Quod autem omnia temporalia tum ex naturæ suæ conditione, tum ex diuina institutione sint propter salutem æternam, satis constat ex scripturis Act. 17. 26. ad Rom. 8. 33. 1. ad Cor. 3. 21. terra enim & plenitudo eius condita est propter hominem, non ut in istis rebus infimis conquiescat; sed ut breui tempore quod ei concessum ad æternitatem promerendam, illis utatur, & corpus mortale sustentet. Itaque sunt instar viatici ad iter huius vitæ peragendum; ac proinde ex naturali sua institutione sunt media nonnulla, etsi imperfecta, ad salutem æternam ordinata: quamuis plurimi non sic vrantur.

Confirmatur alia demonstratione.

Ex his patet solidam planè esse probationem ex illo pronuntiato petitam: quæ vltius confirmatur hac generali ratione. Omnis facultas & potestas, quæ versatur circa aliquem finem, extendit se ad omnia media, quæ ad illum finem sunt ordinata: atqui potestas Ecclesiastica versatur circa certum finem, nimirum circa salutem animarum procurandam, qui est supremus & nobilissimus finis hominis. ergo extendit se, & pertinet ad omnia, quæ ad hunc finem sunt ordinata (qualia sunt non solum spiritalia, sed etiam omnia bona temporalia) potestque de illis, prout ad finem illum opus est, statuere. Vnde vltius sequitur, potestatem ciuilem in ordine ad illum

lum finem esse subiectam Ecclesiasticæ, ei que debere obedire. ex eodem fundamēto probatur subiectio & subordinatio omnium artium & facultatum, quarum altera versatur circa media, altera circa finem. quæ enim versatur circa finē, potest disponere de omnibus medijs ad finem illum necessarijs. ac proinde ea quæ proximè versatur circa media, tenetur illi obedire: vt in exemplis suprà adductis perspicuè ostenditur. Hæc de prima confirmatione.

Ad 2. verò Barclaius cap. 14. sic respondet. *Secundum argumentum vsque adeo friuolum est & fallax, ut nihil inscitius dici, aut vitiosius colligi possit, quàm quod eo cōcluditur. Ecqua enim anus tam excors est, ut nesciat non valere hanc consecutionem: sunt membra vnius corporis; ergo vnū ab alio pendet. Nam neque pes à pede, neque brachiū à brachio pendet, sed alicui tertio connexa sunt &c. Et infrà. Quis eiusmodi argumenta futilitatis plena non rideat? Ego miseras istas demonstrationes odi, quæ rem de qua agitur argutjs, prestigijs, & captionibus inuoluunt potius quàm explanant &c. Ita ille bombizat in vacuo; quasi cum fungo aut pepone illi sit negotium. argumentum istud ad verbum extat apud Victoriā & Sotum viros longè doctissimos. sed peruertit illud Barclaius, omittens id quod erat præcipuum, nimirum, non rectè autem asseritur spiritalia pendere à temporalibus. Ex quibus verbis patet non agi de quibuscumque membris, sed de duobus præcipuis & generalibus, nimirum de duobus hominum statibus, quibus Ecclesia constat, politico & Ecclesiastico; laicorum & clericorum. qui cū non sint membra eiusdē ordinis, non possunt se habere vt brachium dextrum & sinistrum in corpore humano, sed vt caput & cetera membra; vt cor & ceteræ partes.*

Itaque forma argumenti est talis. Ecclesia est vnum corpus; in vno autem corpore omnia membra ita sunt

Ff

dis-

123:
Ad 2. cō-
firmatio-
nem re-
sponso
Barclaij.

Redigitur
argumen-
tum in
formam.

disposita & connexa, vt cetera omnia dependant ab vno, nimirum à capite quoad sensum & motum voluntarium: à corde quoad viuificationem & spiritum vitalem. Atqui illud vnum vnde cetera membra in corpore Ecclesiæ dependent, non potest esse Princeps temporalis, seu potestas Politica: quia dici non potest spiritalia pèdere à temporalibus. ergo est Princeps spiritalis: quia temporalia à spiritalibus pendere debent. Confirmatur. Quia sicut in corpore humano à capite in reliqua membra descendit sensus & motus: ita in corpore Ecclesiæ à capite spiritali in omnia membra deriuatur sensus spiritalis, nimirum Doctrina fidei, & motus spiritalis, seu operatio vitæ æternæ meritoria. Et sicut à corde pendent omnes reliquæ partes quoad viuificationem: ita à Principe spiritali pendent omnes Ecclesiæ partes quoad sanctificationem. hæc enim fit per sacramenta. Omnis autem sacramentorum administratio in Ecclesia ab ipso pendet, cùm omnis iurisdictio ministrorum ab ipso deriuetur. Doctrina quoque fidei, & consequenter omnis operatio salutaris, quæ ex fide procedere debet, ab ipso pendet. dependent, inquam, hæc omnia ab ipso, non tãquam à causa principali (hæc enim est Christus Dominus, qui solus est caput principale & cor Ecclesiæ) sed vt à causa ministeriali, secundaria & Vicaria. Ex quibus manifestum est omnia Ecclesiæ membra, etiam Reges & Imperatores spiritali Principi subiectos esse. Hoc modo intelligenda illa 2. Ratio. & sic euanescent omnes Barclaij triumphii.

Obijcit Barclaius, Ipsum Bellarminum docere, *Reges iudicem in terris, quoad res politicas attinet, nullum agnoscere*. Ex qua doctrina ipse manifestè sequi putat, *Suum Pontificem nullo modo de negotijs Regum iudicare aut disponere posse*. Nam si posset, inquit, certè aut Reges haberent Iudicem in terris, aut Papa semper in caelestibus habitaret.

vet. fieri ergo non potest quin Bellarminus aut à seipso dissidet, aut immemoria lapsus sit &c. Hic rursus de nihilo triumphatur, & non Bellarminus sed Barclaius à seipso dissidet, vel memoria lapsus est. optimè enim hæc duo consentiunt: Reges in rebus politicis nullum habent superiore: & Reges in rebus politicis quatenus spectant ad salutem animæ habent superiorem. illud enim intelligitur formaliter de *politicis*, quæ politicæ sunt, id est quatenus sunt merè temporales & saluti adiaphoræ, vel salutem non aduersæ. sic enim Pōtifex non potest se illis immiscere, nec cogere Principem, vt aliquid mutet iuxta cap. Solitæ, de maiorit. & obedient. & cap. Si duobus, §. Denique, de Appellat. Alterum intelligitur de Politicis vt respiciunt animorum salutem: quo modo non propriè sed materialiter tantùm sunt politicæ, formaliter autem spiritales: quia sub ratione spiritali considerantur; nimirum vt consentaneæ vel dissentaneæ legi diuinæ, & saluti æternæ. Itaque mirum non est, si res politicæ hac ratione subsint dispositioni summi Pontificis, cui negotium salutis omnium fidelium commissum est; & ipsi Reges in illis sub hac ratione Pontifici sint subiecti. quod autem Barclaius à seipso dissideat, n. proximo ostendetur.

Ad 3. Confirmationem respōdet Barclaius cap. 14. ^{124.}
 hoc modo. *Tertium argumentum quam subleſtum ſit, vel* ^{Reſponſio}
ex eo patet, quòd nihil inde colligi ab authore potuerit, quā ^{Barcl. ad}
quòd ſignum ſit, ſubiectam eſſe temporalem poteſtatem ſpi- ^{3. confirm.}
rituali. Deinde addit: hoc ſignum non eſſe ^{temporalem}, *ſed*
imò, quòd ſape nos falſo indicio decipit. Itaque negat cō-
ſequentiam, & dicit: ex eo quòd Princeps ſecularis tene-
ſur mutare modum regiminis qui bono ſpiritali eſt impedimē-
to, non ſequi temporalem poteſtatem ſubiectam eſſe ſpiritali;
ſed hoc tantum: ſpiritale bonum temporali bono eſſe preſtan-
tius. Non enim, ſi vnum alio dignius eſt, protinus ſequi-

tur minus dignum à magis digno pendere, eique subalterni. Possunt namque generibus siue ordinibus adeo diuersis contineri, ut neutrum ab altero pendeat, aut subiectionis vinculo teneatur. Deinde ex dictis concludens responsionem suam ait: Concedimus itaque Principem in casu proposito mutare debere formam publicæ administrationis: & ut id faciat, ab Ecclesia, vel eius capite, & summo Pastore in terris Papa cogi posse, sed pœnis tantum spiritualibus, quarum metus bono viro quibuscumque supplicij grauior est: non autem pœnis temporalibus, qualis est bonorum amissio, regni priuatio, cum Princeps in temporalibus nullum superiorem agnoscat. Hæc ille.

Verum hoc argumentum non esse subleſtum sed firmissimum statim patebit: cuius etiam signum est, quod Barclaius in sua responsione bis sibi contradicat. nam conclusio illa responsua, *Concedimus itaque &c.* repugnat præmissis ex quibus inferitur: & prior pars repugnat posteriori. repugnat enim: Principem à summo Pontifice posse cogi, ut mutet formam administrandi quæ bono spiritali incommodat, ut in Conclusionem affirmat: & Principem Pontifici in temporalibus etiam, ut respiciunt finem spiritalem, non esse subiectum; ut verbis præcedentibus, ex quibus suam conclusionem infert, affirmat & sæpius repetit in responsione ad 1. & 2. Confirmationem. Si enim potestas civilis cogi potest à spiritali, ut modum regiminis in politicis mutet, quando hic modus officit bono spiritali: ergo potestas civilis est subiecta spiritali etiam in politicis, ut respiciunt bonum spiritale, quod antè tories negauit. Rursus repugnant: Pontifex potest cogere Principem pœnis spiritualibus grauissimis ut mutet formam regiminis; non tamen potest cum cogere vlla pœna temporalis: ut suprà n. 111. ostensum est, & infra rursus vberius demonstrabitur.

Illam autem probatio quam subdit, Cum Princeps in

1cm-

temporalibus nullum Superiorem agnoscat : vel est petitio principij, vel euertit datam responsionem. si enim Princeps nullum habet superiorem in temporalibus, quomodo potest cogi à Pôtifice vt temporalem gubernationem mutet ? nemo enim cogi potest nisi à suo superiore, & in ijs in quibus est ipsi subiectus. Rursus, si pœna spiritali potest cogi vt temporalem gubernationē mutet, cur non etiam temporali ? Si dicas, non ita agnoscere superiorem in temporalibus, vt in temporalibus ab eo possit puniri, manifestè petis principiū. hoc enim erat probādum cū de eo sit quæstio, & putetur à nobis absurdum & *arbitrariū*.

Porò in 3. ista confirmatione nō adferri signum subiectionis fallax, sed certissimum probatur hac ratione. Quia quodd Princeps modum administrationis politicæ incommodum bono spiritali teneatur mutare, prouenit ex finium subordinatione; nimirum, quia totum bonum regiminis temporalis ordinatur ex natura rei ad finem spiritalē, animorum salutem. hinc enim consequens est potestatem quæ versatur circa regimen temporale, subiectam esse spiritali: & suam administrationem ita debere instituire, vt finem spiritalem non offendant. vnde si qua ratione illi officiat, debere mutare. quod si nolit, posse à potestate spiritali compelli, vt suprà n. 111. 116. & 121. ostensum est. itaque hæc omnia eodem nituntur fundamento.

Post hæc Barclaius cap. 15. & 16. vt magis mentem suam aperiat, & ostendat quomodo istæ duæ potestates sibi vicissim sint subiectæ: nimirum Ecclesiastica politicæ in temporalibus, & politica Ecclesiasticæ in spiritalibus; fusè digreditur de exemptione Ecclesiasticorum. verūm hæc melius in obiectionibus discutientur. vide obiect. 13. itaque ad alias rationes pergamus.

SEPTIMA RATIO

Ex iure conseruandi & defendendi sui.

125. **R**espub. Ecclesiastica debet esse perfecta, sibi que in ordine ad suum finem sufficiens. tales enim sunt omnes Respub. bene institutæ. ergo debent habere omnē potestatem necessariam ad suum finem consequendum. Sed necessaria est ad finem spiritualement potestas vtendi & disponendi de rebus temporalibus: quia alioquin possent mali Principes impune fouere hæreticos, & euertere religionem. igitur & hanc potestatem habet.

Item quælibet Respub. quia perfecta, sibi que sufficiens esse debet, potest imperare alteri Reipub. sibi non subiectæ, & illam cogere ad mutandam administrationem; imò etiam illam subijcere, eius Principem deponere, & alium eius loco instituere, quando non potest se aliter ab eius iniurijs tueri. ergo multò magis Respub. spiritualis imperare poterit Reipub. temporali, eam que cogere ad mutandam gubernationem, & deponere Principem, si alia ratione bonum spirituale defendi nequeat.

Lib. 5. de Pontif. c. 7. Ad hanc rationem eodem modo à Bellarmino propositam, quam & plerique Doctores attingunt, vt Victoria, Soto, Turrecremata & alij, respondet Barclaius cap. 17.

Resp. Barclaij. *Respondeo, inquit, tam variè hic peccatum esse, vt verisimile sit authorem vel hoc totum quidquid est, ex alio perfunctoriè & oscitater trāscripsisse: vel si totum eius est, non satis eorum quæ prius dixerat meminisse.* Deinde id probat: quia, inquit, antea dixit politicam potestatem & Ecclesiasticā esse partes tantum vnius Reipub. nunc autē transformas has duas potestates in duas Respub. &c.

Refutatur Satis ostendit Barclaius se vel non intelligere vim argumenti, vel dissimulare, cum ira de illo triumphum agit

agit. Rhetorum hoc est artificium, rationes quæ maximè premunt, maximè eleuare.

Primùm videtur negare maiorem. Ea quæ adfert, nihil omnino ad propositum faciunt. non enim in argumēto assumitur, duas illas potestates efficere duas Respub. vt ipse fingit, sed solùm, *Respub. Ecclesiastica debet esse perfecta, sibi quæ in ordine ad suum finem sufficiens.* Quod omnino verū est, siue sit distincta Respub. à politica, siue non (qua de re statim agemus) est enim Christi Regnum & Ecclesia. Certissimū est Christum perfectum instituisse regnum quod ipse suo sanguine acquisiuit: ad quam perfectionem pertinet, non solùm vt habeat sufficientem doctrinam salutis, & præsidia sanctitatis; sed etiam vt habeat Ius & auctoritatem religionem conseruandi ac tuendi. Sicut quælibet Respub. perfecta præter omnes suas opes, & abundantiam rerum, debet esse sui iuris, & habere auctoritatem sua bona aduersus omnes hostes tuendi. itaque hæc propositio nullo modo negari potest. Non enim Ius aliquod regno Christi denegandum, quod omni regno mundano conuenit.

Christus perfectum regnū instituit.

Porro fallitur Barclaius cū purat potestatem politicam & Ecclesiasticā in duas hic transformari Respub. quarum altera sit laicorum, altera clericorum. non enim Respub. Ecclesiastica de qua hic agitur solis cōstat clericis, sed omnibus fidelibus. omnes enim fideles, quæ fideles seu Christiani sunt, & sub forma regiminis Ecclesiastici, ab vno capite communi sacrorū Principe diriguntur ad æternam salutem, sunt vna Christi Ecclesia, vna Respub. Ecclesiastica, vnum Christi regnum, quod perfectum, & omni iure ad sui conseruationem opportuno instructum esse debet. Rursus iidem fideles quatenus alicuius regni sunt ciues, & sub aliqua forma politica à Principe ad commodum temporale gubernantur, efficiunt Rempub. politicam, quæ pro varia forma guber-

Laici & clerici non efficiunt duas Respub.

nan-

nandi, & Principum diuersitate, varia est ac diuersa. Itaque Ecclesia, & Respub. politica apud Christianos sunt duæ respub. ratione formali; sed materialiter, & ratione subiectorum vna: quæ sub alia consideratione habet rationem Ecclesiæ sub alia Reip. politicæ.

126. Secundò negat Barclaius minorem. *Deinde*, inquit, *falsum est quod assumis, potestatem scilicet utendi & disponendi de rebus temporalibus, necessariam esse ad finem spirituales. hoc probat 1. Quia ipse Princeps Apostolorum aperte docet nullum sibi Ius eiusmodi in res temporales Christianorum fuisse, præter eas quas ipsi sponte obtulerant Ecclesia, cum ait Actor. 5. Anania, cur tentauit Satanas cor tuum mentiri te Spiritui Sancto, & fraudare de pretio agri? Nonne manens tibi manebat, & venundatum erat in tua potestate? Si erat in potestate Anania, non ergo in potestate Petri.*

2. *Quia ex illo fundamento sequeretur Ecclesiam primauam non habuisse omnem potestatem necessariam ad suum finem consequendum. nam hac potestate disponendi de rebus temporalibus Christianorum, inuitis Dominis, trecentis & ampliùs post Christi passionem annis, sub Ethnicis Principibus agens, omnino caruit. Atqui nefas est dicere Ecclesiam tunc omnibus medijs necessarijs iuris & facti ad finem suum adipiscendum instructà non fuisse. opera enim Dei perfectà sunt &c.*

3. *Sequeretur Rempub. temporalem habere potestatem disponendi de rebus spiritualibus, & deponendi supremum Reipub. Christiana Principem: quia debet esse perfectà, & sibi sufficiens in ordine ad suum finem, & habere omnem potestatem necessariam ad suum finem consequendum. Sed ad finem temporalem necessaria est potestas disponendi de rebus spiritualibus, & deponendi Principem Ecclesiasticum. quia alioqui possunt mali Principes Ecclesiastici turbare statum & quietem Reipub. temporalis, & impedire finem ciuilis gubernationis, ut de factò nonnulli summi Pontifices aliquando pertur-*

perturbantur. Igitur hanc potestatem habet Respub. temporalis. Consequens planè falsum est.

Videtur iste homo nobis mentem & oculos eripere
velle, vt contra apertam veritatem & tot sæculorum v-
sum ipsius assertioni & friuolis ratiunculis fidem habeamus.
minorè enim propositionem, nempe, *potestatem disponendi de rebus temporalibus esse necessariam Ecclesia ad finem spiritalem consequendum*, certissimam esse, patet ex ijs
quæ suprà ratione 1. 2. & 3. dicta sunt. Vbi inter cetera
ostensum est, innumera Ecclesiæ decreta, & innumeras
sententias iudiciarias disponere de rebus, & iuribus temporalibus,
in ordine ad salutem æternam: idque esse necessarium ad bonam
Ecclesiæ gubernationem. Item Ecclesiam non posse puris pœnis
spiritualibus satis coercere rebelles, sed opus esse temporalibus.

Refutatio

Ad 1. Barclaij probationem resp. Si aliquid valeret,
probaret etiam Reges nullam in temporalibus suorum
subditorum habere potestatem: quia non possunt de illis
disponere pro suo arbitrio, sed solùm quatenus necessarium
ad bonum publicum. illa enim verba Petri nihil aliud indicât,
quàm Ananiam potuisse retinere preteritum agri, nisi illud
vovisset Deo. At quomodo hinc sequitur, non potuisse
illo priuari in iustam pœnam alicuius alterius criminis,
aut in euentu quo fuisset ad salutem ipsius, vel religionis
conseruationem necessarium?

Respons.
ad 1. probationem.

Ad 2. Negamus Ecclesiam primæuam primis trecentis
annis caruisse potestate de temporalibus disponendi:
imò tantam habuit ab initio, quantam habet modò,
cùm iure naturæ ei competat; vt docet Henricus quodlib.
6. q. 23. & D. Thomas 1. 3. de regimine Principum
cap. 10. & alij DD. cuius ratio est: quia omnis
potestas quæ versatur immediatè circa aliquem finem,
iure naturæ potest disponere de omnibus medijs ad hunc

Ad 2.

Gg

finem

finem ordinatis, quatenus nimirum id ad illius finis consecutionem, vel tuitionem est necessarium. Vnde etiam Ecclesia semper hac potestate aliquo modo pro ratione temporis & loci fuit vsa; tum in suis Decretis, statuendo de varijs rebus temporalibus, vel cum iure temporali coniunctis; vt de impedimentis matrimonij per quæ priuantur fideles iure contrahendi cum varijs personis, cum quibus alioquin contrahere potuissent; de ciborum abstinencia & delectu; de decimis & oblationibus &c. tum in suis tribunalibus pœnas pecuniarias, & alias temporales pro varijs delictis, ijs præsertim, qui alias austeritates subire non poterant infligendo. cum enim omnes ferè causæ, & lites fidelium ab Episcopis cognosceretur, non est dubitandum quin sæpe autoritate & compulsionem per pœnas temporales vtendū fuerit. Accedit, quodd ipsa excommunicatio semper aliquid tēporalis pœnæ cōiunctum habuerit, cum etiam à cōiuctu politico fidelium excluserit; vt ex Scripturis constat. vide suprà n. 111.

Quodd autem in Principes Ecclesiam persequentes hac potestate tunc vsa non fuerit; causa fuit non defectus iuris, vt vult Barclaius, sed quia deerant vires externæ vel aliæ opportunitates ad cōmodam executionem necessariæ; vt docet D. Thomas 2. 2. q. 12. a. 2. ad 1. qua de re plura infrà in obiectionibus, n. 180.

127.
Ob. au-
thoris.

Sed instat Barclaius. Si Ecclesia per 300. annos nō est vsa hac potestate aduersus Principes, qui eam vastabant, hoc signū est, illam non esse necessariam ad bonum spirituale tuendum, & Deum illam non dedisse; sed solis armis spiritualibus instruxisse, cum his solis eam indigere sciret. Confirmat id 1. ex S. Bernardò l. 4.

Confir. 1.

de Cōsideratione cap. 3. vbi Bernardus ait Summum Pōtificem in splendore vestium & comitatus nō successisse Petro, sed Constatino; & sine istis potuisse satis impleri salutare mandatum, *Si amas me, pasc oves meas*: ergo

simi-

similiter in potestate illa disponendi de temporalibus, non successit Petro, sed aliunde illam usurpauit, & sine illa satis potest impleri mādātū, pascere oues meas. 2. *Quia* inquit, *etsi hominibus hac potestas videri potuerit Ecclesia* Confir. 27
necessaria; Deo tamen neque necessaria, neque utilis visa est: ne humano scilicet imperio freti Apostoli, & eorum successores, spiritualia segnius curarent: & quam in virtute verbi diuini, Deiq̃ue auxilio spem ponere debebant, eam in armis & autoritate ac potestate temporali potissimum collocarent.

3. *Quia*, inquit, *si quis statum Ecclesia à Christo passus, in hunc diem oculis atque animo in historijs lustrat, cernet omnino illam citò creuisse, & diu floruisse sub Pontificibus sua ditione, hoc est spirituali Iurisdictione contentis, quibus Christi humilitatis discipuli, vnicum Ecclesia tuenda praesidium in virtute praeagationis Euangelij, & sedula disciplina Ecclesiastica obseruatione, sine ulla temporalis potestatis mentione esse positam indicabant. Et rursus: Ex quo Pontifices quidam ad summum quod habent spirituale imperium, summum quoque temporale adiungere conati sunt: Ecclesiam & numero credentium, & moribus praesidentium in dies defecisse. & remissa seu verius omissa illa antiqua disciplina seu veritate, multos Ecclesia ministros sua munera segnius ac negligenter obijisse. Hæc ille.* Confir. 31

Resp. Ex eo quod Ecclesia 300. annis hac potestate aduersus Principes non est vsa, rectè sequi eam non esse ita necessariam, quin Deus Ecclesiam, illa seclusa, possit protegere & augere, sicut primis sæculis fecit: non tamen idcirco sequi Ecclesiam illa potestate carere, cum iure naturæ absque nouo aliquo Dei priuilegio ei competat: aut illam potestatem eiusque vsum Ecclesiae necessarium non esse, spectato ordinario diuinæ providentiæ & gubernationis modo. Deus enim cum humanæ vires non suppetunt, occultis & diuinis modis eam communit & tuetur ne concidat, sed perstet inuicta & crescat. vbi ve-

Refutatio

Deus utitur medijs humanis cum suppetunt.

ratio humanæ facultates adsunt, quibus se aduersus impugnantes tueri possit, permittit eam sibi, ut suo iure utatur. Ita enim se habet diuinæ prouidentię ratio, ut diuinis & extraordinarijs medijs succurrere non soleat, quando humana præsidia sufficiunt; sed tum demum illa adhibeat, quando omnia humana nos deficiunt. Hac itaque ratione dicimus Ecclesię istud ius disponendi de temporalibus aduersus Principes impios, ad conseruationem Religionis, seu boni spiritualis, fuisse necessarium. Vnde probandum erat Barlaio, si aliquid ad rem proferre volebar, diuinam prouidentiam omnia humana præsidia exclusisse: & statuisse ut Ecclesia in omni euentu, etiam si humana auxilia abundè suppeterent, non nisi diuinis & supernaturalibus vteretur. Quod autem ait, *Ecclesiam solis armis spiritualibus indiguisse. & per illa omnem humanam potentiã superare potuisse*, si loquatur de prima mûdi per Apostolos & Apostolicos viros cōuersione, verū est: si autem de tota Ecclesię per tot sæcula gubernatione & defensione, falsum esse ipsa experientia ostendit. sæpe enim Ecclesia armis corporalibus Principum defendi ab Infidelibus & Hæreticis debuit.

128.

Resp. ad testimonium S. Bernardi.

Potestas accipit suã speciem ex obiecto formali.

Ad 1. Confirmationē ex S. Bernardo: Nego consequen. etsi enim Pontifex in dominio temporali, iureque regio non sit successor Petri, sed acceperit donatione Principum: non tamen inde sequitur, cum non esse successorem Petri in potestate disponendi de rebus temporalibus: quia hæc potestas non est temporalis aut humana, sed spiritualis & diuina, utpote quæ non versatur circa tēporalia ut talia sunt, sed sub ratione spiritali, nimirum ut sunt consentanea, vel dissentanea legi diuinæ & salutis æternæ. vnde proximè versatur circa bonū spiritale tamquam finem, & rationem obiectiuam, ex qua species & essentia sumitur. Qua in re passim fallit & fallitur aduersarius, cum vbique hanc potestatem *temporalem*

valcm vocat, & eiusdem rationis cum ea potestate quam Reges in temporalibus habent, facit; illique exæquat: cum non minus spiritalis & supernaturalis sit, quàm ea quæ de spiritualibus disponit: quippe cum sit vna eademque potestas, quæ de omnibus medijs siue propinquis siue remotis in ordine ad vnum eundemque finem disponit.

Vnde vltèriùs patet non rectè sequi; mandatũ Christi de pascendis ouibus potuit impleri sine iure temporali, & ditione regni: ergo etiam sine hoc iure disponendi de temporalibus. quia hæc iura toto genere differunt, & alterum intrinsecè includitur in potestate pastoralis, alterum minimè. Vnde dominus illud Ius temporalis regni Petro non contulit, sed solùm illud quod ad completam auctoritatem summi Pastoris in ordine ad finem supernaturalem erat necessarium. quia tamen sciebat fore tempus quo plerique mortales fidei lumine in cordibus eorum restincto, & hæresi ac impietate grassante, magis suspicerent temporalia quàm spiritalia; & Prælati Ecclesiæ nisi opibus & potentia sæculari præstaret, habendi essent contèptui, & facilè ab iniquis forent opprimendi: singulari prouidentia in illud tempus prouidit, vt Ecclesia potestate quoque sæculari & magnis opibus suffulta esset.

Ad 2. Confirm. Non ideo segniùs curant spiritalia, quòd modo suprà dicto possint disponere de temporalibus: quia hæc dispositio est spiritalis; vtpote sub ratione & sine spiritali. Sicut ergo charitas nõ recedit à suo proprio munere quando temporalia administrat ad promouendũ honorem Dei, vel salutem proximi: ita nec summus Pontifex aut Prælati ab officio muneris spiritalis, quando de temporalibus in ordine ad bonum spiritale disponunt: præsertim cum hæc cura non sit quotidiana & ordinaria, sed solùm in euentu quo bonum spiritale id

postulat. Neq; idcirco in authoritate & potestate téporali potissimum spé suam collocant, non in Dei singulari auxilio, vt iste obijcit: quia nec ipsi Principes sæculares nisi impij sint vei fatui, quorum tota potentia sæcularis est, id faciūt. possunt tamen vtrique, & Ecclesiastici Principes, & sæculares secundariò spem in rebus temporali- bus, quas diuina prouidentia illis suppeditat, collocare.

Ad 3. Confirm. Non ideo creuit Ecclesia tantopere primis sæculis, quòd Pontifices nullam mentionem potestatis illius disponendi de temporalibus facerent: nec idcirco posterioribus sæculis numero credentium, & moribus præsidentiu deficere cepit, quòd Pontifices eam potestatem sibi vindica- rent, vt iste affirmat, insinuans huius potestatis vsum rem adeo absurdam esse, vt totam Ecclesiam scandalizaret. Causa cur Ecclesia primis sæculis adeo creuerit, fuit abundántia spiritus, & feruor Christi sanguinis. cur verd postea decreuerit, causa fuit corruptæ naturæ pronitas ad malum, mensura peccatorum adaucta, protectio diuina imminuta, Diaboli potestas in iustam peccatorum vindictam laxata, Prælatorum negligentia, tædium antiquæ disciplinæ, hærescon infinita colluies. Quis nesciat mundum quò longiùs progreditur eò fore deterio- rem, & nouissimo sæculo deterrimum? Religio est bonum cæleste; corda humana terrena. sicut planta nobilissima orientalis regionis, solo inclementi septentrionis depacta, nisi maximo studio foueatur, sensim emoritur: ita vera Christi religio est in corde humano: nisi maximo studio culta fuerit, euanescit.

Cur Ecclesia primò tantopere creuerit, deinde coeperit decre- scere.

Salutarè & necessarium fuisse Ecclesie vsum illius potestatis. Porro vsus istius potestatis, quem tantopere aduersarius accusat, tantum abest, vt fuerit Ecclesie causa deficiendi, & numero credentium & moribus præsidentium, vt è contrario causa fuerit in vtroque quàm maxime crescendi, vt ex historijs, ad quas ille nos prouocat est perspicuū. Primò enim vsus videri potest sum- mus

mus Pontifex hac potestate, cum deposito Childerico, substitutus est in eius locum Pipinus. At quantum bonum, quântumq; morū reformationem per Galliā & Germaniam in clero & in laicis ea res attulit? qualis enim status rerum antea fuerit, cōstat ex epist. S. Bonifacij ad Zachariam Papam. quanta reformatio secuta sit, constat ex varijs Synodis tunc celebrari cœptis, & ex historijs. 2. Vfus est contra Imperatores Constantinopolitanos hæreticos: quo factum est vt Italiam, & alias occidentales Provincias ab illorum hæresibus immunes præstitit. 3. Cum Imperiū transtulit à Græcis ad Francos: qua ratione Ecclesia iam 200. penè annos tyrannide Imperatorum Græcorum oppressa (adeo vt etiam magnam vim pecuniæ pro confirmatione Pontificis electi soluere cogeretur) in libertatem est vindicata; & ei eximius defensor ac promotor adoptatus; & religio per totum imperium occidentale mirificè propagata. 4. Cum Henricum 4. deposuit &c. qua ex re, etsi aliqua incommoda secuta sint; longè tamen maiora bona extiterunt: nimirum abolitio simoniæ & concubinatus, totius cleri reformatio, libertas Ecclesiæ in constituendis Prælatiis, & eligendo summo Pontifice, vt supra num. 98. ostensum est.

Denique hac potestate sæpe tyrānis quorundā Principum repressa, multæ violentiæ & iniuriæ impeditæ vel correctæ, multi ad officiū reuocati, vt clarè appareat sæpe eius vsum Ecclesiæ non solum vtilem, sed etiam necessarium fuisse. Accedit, hāc rem talem esse, vt nemo ratione vtense ea offendi possit. quis enim non iudicet æquissimum esse, vt sacrorum Princeps cui diuinæ religionis cura, & salus æterna animorū à Deo cōmissa est, habeat potestatem priuandi Principem sæcularē suo Iure temporali, si alia ratione non possit impediri, quin eo in damnum religionis, & plurimorum sempiternum exitium

xitium abutatur. Hæc de 2. probatione minoris, eiusque confirmationibus.

110.
Resp. ad 3.
probatio-
nem.

Ad 3. probationem n. 126. propositam, Resp. negando sequelam. non enim ex eo quod Respub. civilis in suo ordine sit perfecta, sequitur eam posse disponere de spiritualibus, aut deponere Principem sacrorum: tum quia spiritualia sunt altioris ordinis, & nullo modo sunt instituta propter temporalia. nulla autem potestas inferior potest disponere de ijs quæ sunt superioris ordinis, tū quia hæc potestas nullo modo est necessaria Principi ad tranquillitatem publicam comparandam. cuius signum est, quod hætenus, tot sæculis, nullum huius necessitatis extet exemplum. Nam Reipub. tranquillitas vel turbatur à Pontifice armis corporalibus vel spiritualibus. si corporalibus, nulla est occasio illum priuandi iure spiritali, cum armis corporalibus illi resistere possit: vel si par non sit, succumbet sicut si cum alio Principe sæculari ipsi negotium esset. Si spiritualibus, v. g. excommunicatione; vel sententia est manifestè iusta, & sic tenetur ei parere; vel est apertè iniqua, & sic potest eam non curare, omnibus sapientibus eius causam defendentibus, nec opus est ut idcirco Pontificem deponat: vel est dubia, & sic debet agere cum Pontifice, ut res discutiatur in Synodo, & dubium omne tollatur.

Quod autem Barclaius addit, *de facto Pontifices aliquando finem gubernationis civilis perturbasse*: Negamus id factum iniuste. de tali enim perturbatione est sermo. suprà enim ostendimus Gregorium 7. & nonnullos alios Pontifices iuste aduersus quosdam Principes fuisse commotos, & eorum statum perturbasse, ut eos ad sanitatem reuocarent. Turbarunt illorum temporalia, quibus in religionis & animorum perniciem abutebantur, ut illi cessarent turbare spiritualia & diuina. Molestiam intulerunt in infimis rebus, ut illi desinerent affligere Ecclesiam in rebus

rebus maximis. Itaque hæc turbatio nihil aliud fuit, nisi iusta vindicta vel compulsio definendæ iniuriæ, cui cōpulsioni nemo se opponere iure poterat.

At Principes sæpissime sua potentia abusi sunt ad religionis perturbationem, & perniciem subditorum, quibus nulla alia ratione ab Ecclesia occurri poterat, nisi soluendo subditos ab eorum obedientia, eosque tandem sua dignitate priuando. qua in re Ecclesia non de altiori, sed de inferiori & iure naturæ subiecta potestate disposuit.

Barclaius cū non satis putaret refutasse rationem supra n. 125. positam ex absurdo, quia dare absurdum non est soluere argumentum; aliam solutionem adhibet, qua videlicet directè rationi illi respondeat. *Resp.* inquit, *non esse hic duas Respub. ut ille retur, sed vnā tantū, in qua sūt dua potestates, siue duo magistratus, Ecclesiasticus & politicus, quorum vterque habet ea, quibus necessario indiget ad suū finem obtinendum, alter nempe spiritalem, alter temporalem Iurisdictionem &c.* Deinde vt explicet quomodo illi duo Magistratus vnā Ecclesiam efficiant, adfert exemplum Cancellarij, & Connestabulis, quorum ille præst iuri dicundo, hic armis & rei bellicæ.

131.
Alia Res-
ponso
Barclaij
ad 1. Ra-
tionem

Verū hic multū peccat. 1. Quia siue hic sint duæ Respub. siue vna, id nihil facit ad vim argumenti. hoc ipso enim quo aliqua Respub. est perfecta, debet habere plenum ius sui tuendi, non solum contra quamuis aliam distinctam Rempub. sed etiam contra rebelles ciues &c. 2. Quod putet in argumento potestatem Ecclesiasticam & ciuile statum duas poni Respub. cū id longè à veritate absit. 3. Quod non videatur intelligere qua ratione Ecclesia & Respub. politica ratione formali & fine, sint duæ Respub. ratione materiali vna tantū. 4. Quod existimet potestatem ciuilem per se & formaliter perti-

Refuta-
tur.

Potestas
Regia
quomodo
ad Eccle-
siam
constituē-
dam con-
currat.

nere ad constitutionem Ecclesiæ, sicut potestas Con-
nestabilis pertinet ad constitutionem Regni politici. po-
testas enim Regia solum per accidens, & vt adminicu-
lum extrinsecum ad Ecclesiam pertinet. Non enim Re-
ges & ciuiles Magistratus sunt Ecclesiæ membra, quā-
tales sunt, sed quā Christiani. Vt autem sunt Reges, &
habent potestatem ciuilem, pertinent ad Rempub. po-
liticam. Confirmatur ex S. Ilidoro lib. 3. de summo
bono c. 53. & habetur in decret. 23. q. 5. cap. Prin-
cipes, vbi dicitur: *Principes saculi nonnumquam intra Ec-
clesiam potestatis adepta culmina tenent, vt per eandem
potestatem disciplinam Ecclesiasticam muniant. Ceterum in-
tra Ecclesiam potestates necessaria non essent, nisi vt quod
non praualeat Sacerdos efficere per doctrina sermonem, pote-
stas hoc imperet per disciplina terrorem.* Itaque potestas illa
Ecclesiæ non est necessaria, nisi ad coercendos malos.
Vnde se habet per modum adminiculi extrinseci, quo
impedimenta gubernationis Ecclesiæ tollantur.

Exemplū
Cancellarij
& Conne-
stabilis re-
suzatur.

5. Quodd putet in Ecclesia ita se habere potestatem
spiritaalem & ciuilem, sicut in regno se habent potestas
Connestabilis, & potestas Cancellarij, quarum neutra
alteri subiecta est, sed vtraque Regi: id enim repugnat
& veritati & ipsi auctori. Veritati, quia certum est po-
testatem spiritaalem versari circa finem altioris ordinis;
ciuilem circa res inferiores, quæ sunt instar mediorum:
ac proinde has duas potestates non se habere tamquam ex
æquo inter se diuisas, sed alteram esse supra alteram; spi-
ritaalem supra ciuilem, & illam posse ciuili in ordine ad
suum finem imperare, & pœnis spiritalibus cogere. At
nihil horum competit in illas duas politicas potestates.
sunt enim ipsæ eiusdem ordinis, & obiecta earum sunt
eiusdem ordinis, nec alterum se habet in modum finis re-
spectu alterius. vnde neutra alteri præest, neutra alteri
imperare potest, neutra alteram vt superiorem agnoscit,
neutra

neutra se aduersus alteram suis præsidij tueri potest, aut sibi Ius dicere, cum vni Regi immediate sublint, ad quæ recurrere debent: sed sunt dignitates ex æquo inter se sub vna potestate regia diuise, circa obiecta minimè subordinata versantes. decisio enim litium, & regimen armorum nullum inter se ordinem habent; nec alterum ad alterum ex natura rei, aut regni institutione, tamquam medium ad finem refertur.

Denique Summus Pontifex in regno Christi non se habet vt Cancellarius in regno terreno, sed vt Vicarius & Prorex amplissimæ potestatis in absentia Regis: cui & Cancellarius regni & Connestabilis, & cetera omnia officia regni sunt subiecta, & tamquam ipsi Regi debent obedire.

Quodd eriam auctori hæc sententia aduersetur, perspicuum est ex ijs quæ suprâ nu. 124. diximus. fatetur enim cap. 14. potestatem spiritalem esse altioris ordinis, & posse imperare ciuili ob finem spiritalem, eamque compellere pœnis spiritualibus. at nihil simile conuenit Cancellario respectu Connestabilis. Rursus docet (etsi falso) spiritalem potestatem in temporalibus esse subiectam ciuili, & posse ab ea omnibus pœnis temporalibus affici. at nihil tale conuenit Connestabili erga Cancellarium. Ex quibus perspicuum est hanc comparationem euertere & veritatem rei & placita ipsius auctoris.

Haftenus refutauimus ea quæ aduersarius cōtra priorē 132. partē rationis 7. n. 125. positæ attulit. Veniamus nunc ad ea quæ adducit contra alteram, quæ talis erat: *Po* Secunda
test qualibet Respub. perfecta imperare alteri Reipub. non pars ratio-
subiecta, vt modum administrationis sibi iniurium mutet, nis 7. op-
eamque ad hoc cogere armis, & Principem eius deponere, si pugnatur.
aliter se tueri non potest: ergo multò magis Respub. spiri-
talıs poterit imperare Reipub. temporali sibi subiecta, & eam

H h 2

cogere

cogere ad mutandam administrationem, & Principem si opus est deponere &c.

• Barclaius cap. 18. post aliqua rhetoricè præmissa, respondet, negando consequentiam. 1. *Quia, inquit, non sunt hoc casu duæ Respub. ut ille falsò assumit, sed una tantum Christiana duabus potestatibus nixa, quarum neutra alteri subijcitur.* 2. *quia si ei concedamus esse duas Respub. inter se distinctas, Ecclesiasticam siue spiritalem, & temporalem, necesse est fateatur istam ex solis Ecclesiasticis, hanc ex solis laicis componi &c. atqui Ecclesiasticorum arma non alia esse debent nisi preces & lachryma. Quinam ergo fieri potest, ut illa inermis & imbecilla armatam Rempub. temporalem mutare administrationem, nisi fortè per miraculum, cogat? Nihil ergo hac comparatione & consecutione Bellarmini ineptius: quandoquidem à rebus publicis simili armorum usu & apparatu instructis, ad Respub. quarum altera prorsus inermis est, procedit.*

Defendi-
tur illa ra-
tio & Bar-
claius re-
futatur.

Verùm ratio ista est fortissima; & Barclaius hic rursus in multis fallitur & fallit. 1. Quia nihil ad rem facit siue sit vna Respub. siue duæ: cum cuilibet Reipub. non minus iuris sit in sua membra, si quæ bonum publicum turbent, quàm in Rempub. distinctam. 2. Quia si duæ ponantur Respub. putat fore necessarium, ut altera cõstet ex clericis, altera ex solis laicis, qua in re fallitur: quia non ponuntur duæ Respub. distinctæ subiectis, sed solum ratione duplicis gubernationis, & duplicis finis, ut suprà n. 125. & 131. ostensum est. Itaque Ecclesia & Respub. politica sunt duæ Respub. ratione formali, non ratione materiæ & subiectorum; cum tota Respub. politica, quatenus est fidelium congregatio, sit pars Ecclesiæ. Vnde optimè sequitur posse eam à Principe Ecclesiæ coerceri, & potentia sua spoliari, si statum Ecclesiæ perturbet. si enim id Iuris est cuilibet Reipub. in aliam planè distinctā, & non subiectā; quantò magis Ec-

Ecclesiæ in Rempub. politicam & eius Principem, cum hi omnes sint Ecclesiæ mēbra & subditi ? 3. Quia putat potestatem Ecclesiasticam nulla habere arma nisi preces & lachrymas, & inde concludit eam non habere Ius cogendi Rempub. temporalem. sed in vtroque decipitur. nam & antecedens falsum & consecutio nulla est. Et si enim Clericorum ordo non ita habeat arma corporalia, ut absque necessitate extrema deceat eos per se illis vri: tamen possunt imperare laicis, ut arma pro bono Ecclesiæ contra quosvis capeſſant, qui tenetur ea in re obedire; quia non minùs tenentur obedire Prælatiſ pro necessaria defensione Ecclesiæ, quàm suis Principibus pro defensione status politici. imò quòd maius bonũ est religio diuina quàm politia humana; eò maior est obligatio in laicis per arma, & bonorũ iacturam illi defendendæ, quàm huius.

Nec refert quòd fieri possit ut laici Ecclesiæ mandato nolint obedire: quia idem vsu venire potest Principi sæculari arma pro defensione patriæ imperanti. an ideo carebit iure quo hostes expugnet, & eorum Principem deponat? Itaque absurdè colligit aduersarius Ecclesiasticorum ordinem carere iure expugnandi Rempub. politicam sibi iniuriam, eò quòd careat armis, quibus id exequatur. ius enim non dependet à potentia exequendi. Multis Ius est maximum in res aliorum, quibus deest opportunitas & facultas obtinendi. nos hic solùm de Iure Ecclesiæ & summi Pontificis agimus, & asserimus Ius illi esse cogendi Principem, seu Rempub. politicam ut modum administrandi bono spiritali noxiũ mutet; & si nolit obedire, priuandi eum suo imperio. Quod Ius saluum consistit, siue potentia exequendi suppetat, siue non suppetat: præsertim cum huic Iuri coniunctum sit, & ex eo pendeat aliud Ius, nimirum imperandi subditis illius Principis, vel alijs, ut Ius Ecclesiæ & sententiam contra illum Principem rebellem, si oportunitas suppetat

tit, exequatur. Vnde ex natura rei non desunt Ecclesiæ media, & arma congrua ad sui iuris executionem: quamvis interdū aliunde accidere possit, vt executio fieri nequeat.

133.
Vtrum
Clerici a-
liquo eue-
ntu armis
vti pos-
sint.

Addo, quamvis non deceat vt ordo Ecclesiasticus per se armis corporeis vtatur (quia est præter ipsius dignitatem, & præter mansuetudinem, quam exemplo Christi ordinariè præ se ferre debet) tamen id non ita repugnat illi statui, quin aliquo euentu, nimirum in extremo religionis & boni spiritualis discrimine, possit esse licitum & laudabile. Exemplum sit. si Turcæ oppidum Christianum inuadant, & nisi simul Ecclesiastici arma capiant, certissimè capietur, omnesque in captiuitatem cum certissimo fidei & pudicitie periculo abripiuntur. fieri enim potest, vt plurimi tunc ibi sint clerici, quorum auxilio magna sit spes victoria, quibus cessantibus certus sit interitus. quis hoc euentu dicat clericos non posse arma capere? Ego verò etiā teneri non dubitem: si pauci hæretici Ecclesias & monasteria vastare, sacra omnia profanare, sacramenta proculcare aggrediantur, & laicis se non conimouentibus, facile à clericis repelli possint. Vidi anno 1566. cum passim imagines & altaria in Belgica disturbarentur, vnum Parochum se duodecim hæreticis in quodam pago cum armis opponentem, qui eos ita deterruit, vt re infecta discesserint. quo factū est vt numquam ibi Ecclesia fuerit violata. Viuit iste Parochus in hunc diem sanus & robustus, octogenario maior. Quis hunc Parochum hæreticos istos coercentem dicat iniuriam ipsis fecisse, quod armis aduersus eos sit vsus, aut aliquid præter officium boni pastoris egisse? Idē ratione probatur. si enim omnibus Ecclesiasticis, etiā monachis licitū est armis vti pro necessaria vitæ suæ defensione, vt passim^a Doctores tradunt; cur non etiam pro necessaria defensione sacre religionis, & diuini cultus, cum hæc sint longè maioris momenti, utpote bona communia

^a S. Antō.
3. p. tit. 4.
c. 3. 6. 1.
Syluest.

munia, divina, ad salutem æternam necessaria? Si pro communi bono temporalis tranquillitatis, quando illud in ultimum discrimen adductum est (vt si oppidum certò sit capiendum, nisi clerici vnà cum ciuibus ad defensionem occurrant, vel partem aliquam tuendam suscipiant) non solùm possunt, sed etiam tenentur arma capere; cur non etiam pro bono communi religionis, pro sanctissimis sacramentis, pro cælestibus illis bonis, ad æternam salutem promouentibus? quòd enim bonum est præstantius, communius, aut magis necessariũ, cò plus iuris est cuilibet ad illud omni tempore tuendum, si aliter saluum esse non potest. Itaque iure naturæ omnibus hæc defensio religionis competit; nec clericatus hoc ius tollit, sed potius auget. illi enim præ ceteris, quibus spiritaliũ cura commissæ est, ea tueri & salua præstare debent, omni ratione & via, quæ pro re nata censetur necessaria, modò per se non sit mala.

Bellum 2.
§. 5. & 7.
Couarr.
Clement.
Sifurius
3. p. 6. Vni-
co. Sotus l.
5. de iust.
q. 1. a. 8. &
alij.

Sed obijcit Barclaius can. Non pila. & Can. Conuenior. 23. q. 8. vbi dicitur: *Non pila quarant ferrea, non arma Christi milites. Coælus repugnare non noui, sed dolor, fletus; orationes, lachryma fuerunt mihi arma aduersus milites. Talia enim munimenta sunt sacerdotis: aliter nec deo, nec possum resistere.* hic vrget illa verba postrema, *aliter nec deo nec possum resistere*, & confirmat ex eo, quòd *materiale gladium omnes in persona Petri inuentur recondere*.

Obiectio
contra ius
armorũ.

Resp. Illa verba non sic vrgenda, quasi nullo casu alijs armis vti liceat Sacerdoti quàm oratione & lachrymis; alioquin fulmen excommunicationis (genus armorum profectò omni sapienti maximè terribile) Ecclesiæ adimimus: sed accommodanda sunt ad statum rerum in quo ipse author ea protulit. sumpta enim sunt ex Ambrosio oratione contra Auxentium, & epistola 33. ad Marcellinam sororẽ: etsi nonnihil immutata. Loquitur

Ambro-

Ambrosius de eo tempore, quo cùm omnia milite Imperatoris Ariani plena essent, ipse iuebatur ab Imperatore Arianis tradere Ecclesiam. nulla ibi excommunicatio locum habebat, nulla etiam armorum oppositio absque maxima cæde, & periculo pessimi euentus tentari poterat. Itaque hoc solum supererat, vt ad preces & lachrymas confugeret, & se ad mortem subeundam pararet.

Accedit, quòd Ambrosius non loquatur de armis sacerdotum manu vibrandis (illa enim parui fuissent momenti) sed de armis totius populi subiecti, quem ille facile sua autoritate ad arma pro defensione Ecclesiæ concitasset. Itaque iste locus vel nihil probat, vel nimium probat. nam etiam Barclaius admittit Ecclesiam Reipub. politicæ auxilio vti posse, eamque ad arma pro religione excitare.

Ad confirmationem. Non ita iubentur clerici condere gladium materiale, vt nullo euentu illum possint exerere; sed vt intelligant eius vsum ipsis non debere esse ordinarium.

Ex his constat qua ratione ordo Ecclesiasticus Ius armorum habeat: neque ex defectu armorum rectè concludi, illum ordinem carere Iure ad cogendum Principem secularem, ne bono spiritali officiat.

134.
Notanda
confessio
Barclaij

Tandem Barclaius concedit Ecclesiam in expugnando & deponendo Rege contumace, posse vti opera alterius Principis: *quia*, inquit, *Principes & reliqui Christiani omnes nutrices & defensores Ecclesia esse debent*; sed non idcirco posse dici Ecclesiam illum Regem expugnasse aut deposuisse: sicut cùm Israelitæ vindicarunt iniuriam Leuitæ excidio tribus Benianim: & Græci iniuriam Menelai excidio Troiæ; nemo dixerit illum Leuitam attriuisse tribum Beniamin, aut Menelaum euertisse Troiam. &c.

Hic tandem imprudens concedit, quòd passim toto

to hoc libro expresse negat: nimirum, *Ecclesiā Ius habere Regem ipsi iniurium sua potentia priuandi & deponendi; quamvis proprijs viribus id non possit exequi*. nisi enim ipsa ad hoc faciendum Ius haberet, non posset alteri Principi Ius dare vt illud faciat. atqui potest alteri Ius dare, & operā illius exequi, & ille tenetur ei ad hoc obsequi, cū Principes debeant esse Ecclesiæ defensores & nutrij: ergo Ecclesia ad hoc Ius habet, adeo vt si vires suppetere, posset per se exequi. Deinde quid aliud fecerunt summi Pontifices, quando propter contumaciam Principis, totum regnum alteri Principi occupandum concesserunt? Cur ergo hoc factum tantopere à politicis accusatur? potuit enim summus Pontifex, fatente Barclaiio, illius opera vti, eiſque ad illud regnum occupandum Ius & potestatem facere: imò Princeps ille cū defensor Ecclesiæ esse debeat, tenebatur ad hoc operam suam Pontifici nauare. Vtrum autem Pontifex dicatur tunc deponere illum Regem, & regno exuere, an Princeps qui exequitur; non magnopere refert. satis enim est, quod alteri ad hoc faciendum Ius tribuat. Rectè tamen & propriè ipse Pontifex dicitur deponere. 1. quia proximum Ius & authoritatem ad id exequendum tribuit. 2. quia tamquam superior mandare potest vt fiat. 3. quia etiam per sententiam, vt Iudex, dominium adimere potest; quo modo quis officio, beneficio, dominio bonorum à suo Iudice ordinario, ob delictum, per sententiam, vel legem priuari solet.

Exempla illa quæ Barclaius hic inserit, sunt diffimilia; quia Leuita ille Ius Israeli ad perdendā tribū Beniamin non dederat, sed ipsamet tribus sua aduersus reliquas tribus peruicacia id meruerat: neque Leuita hanc vastationē imperauerat, multoſque min⁹ sententiā excidij vt Iudex ferre poterat. Menelaus etiam alijs Græcis imperare non poterat, nec ipse ordinarius Troianorū Iudex

Quomodo Pontifex dicatur deponere.

Respondetur ad exempla,

dex erat: quamvis verum sit ipsum ceteris dedisse Ius ad Troianos, nisi pro iniuria satisfacerent, expugnandos.

Ex his patet quid dicendum sit ad ea quæ sub finem cap. 18. habentur. ubi dicit: *Ex superiori ratione nihil aliud effici, quàm Papam habere talem potestatem disponendi de temporalibus Regum, qualem habet Princeps politicus in res & iura alterius Principis qui ipsi est iniurius.* Et si enim Ius illud, quod ex iniuria accepta nascitur, sit valde magnum, adeo ut si is qui eam intulit in contumacia perseueret, possit statim sicut reus à suo Iudice plecti (nam per delictum sortitur quis forum, & alterius subijcitur potestati) tamen Papa cum sit Iudex ordinarius, & superior omnium Principum Christianorum in ordine ad finem spiritalem, non solum agit ex iure, quod præcise resultat ex accepta iniuria, sed etiam ex autoritate ordinaria superioris in proprium subditum. Vnde falsa est illa comparatio. longè enim plus Iuris habet Pontifex in Principes, cum sit illorum ordinarius superior, etiam in temporalibus, quàm deseruiunt ad spiritalia; quàm ipsi Principes alter in alterum: cum his nihil in se vicissim iuris, nisi ex iniuria accepta competat.

R A T I O O C T A V A ,

Ex officio Christiani hominis.

135. **N**on licet Christianis tolerare Regem infidelem aut Hæreticum, si ille conetur pertrahere subditos ad suam hæresim vel infidelitatem. at iudicare an Rex pertrahat ad hæresim nec ne, pertinet ad summum Pontificem, cui religionis cura commissæ est: ergo ad Pontificem pertinet ferre iudicium de Rege deponendo, vel non deponendo.

Maior probatur tripliciter. 1. ex cap. 17. Deuter. ubi prohibetur populus eligere Regem, qui non sit de
fra-

Fratribus ipsius : hoc est non Iudæi , ne videlicet pertrahat Iudæos ad idololatriam : ergo eodem iure Christiani prohibentur eligere Regem hæreticum , seu non Christianum . illud enim præceptum morale est naturali æquitate subnixum . Si non possunt eligere ; ergo nec electum & iam regnātem possunt tolerare , sed tenentur deponere , si conetur populum à fide auertere . nam eiusdem periculi & damni est , eligere non Christianum , & pati in regno non Christianum .

2 . Tolerare Regem hæreticum vel infidelem conātem homines pertrahere ad suam sectam , est exponere religionem evidentissimo periculo . *Qualis enim est rector civitatis , tales & habitantes in ea* , Eccles. 10 . Vnde est istud : *Regis ad exemplum totus componitur orbis* . Experientia idem docet . nam quia Rex Ieroboam idololatra fuit , maxima etiam regni pars continuè idola colere cœpit , 3 . Reg. 12 . Et post Christi aduentum regnante Constantino florebat fides Christiana : regnante Constantino florebat Arianismus : regnante Iuliano iterum refloruit Ethnicismus . Et in Anglia nostris temporibus regnante Henrico , & postea Eduardo , totum perè regnum exemplo & autoritate sui Principis à fide apostavit : regnante Maria iterum totum regnum ad Ecclesiam redijt : regnante Elisabetha iterum regnare cœpit Calvinismus , & exulare vera religio . At non tenentur Christiani , imò nec possunt religionem exponere evidenti periculo , aut eam in periculo relinquere , si possunt illud auertere : ergo non possunt talem Regem tolerare . Confir . nam quando ius diuinum & ius humanum pugnāt , debet seruari ius diuinum , omisso humano . atqui iure diuino tenentur seruare veram fidem & religionem , quæ vnica est , non multæ ; solo autem iure humano hunc aut illum habere Regem .

3 . Denique cur non possit liberari populus fidelis

à iugo Regis infidelis, ad infidelitatem pertrahentis, si coniux fidelis liber est ab obligatione manendi cum coniuge infideli, quando ille non vult manere cum coniuge Christiano sine iniuria fidei, ut apertè deducit ex Paulo 1. Corinth. 7. Innocentius 3. Cap. Gaudemus Extr. de diuortijs ? non enim minor est potestas coniugis in coniugem, quàm Regis in subditos, sed aliquanto etiam maior. Ita Bellarminus lib. 5. de Pontif. cap. 7.

Responf.
Barclaij.

Respondet Barclaius negando maiorem. *Respondeo*, inquit, *quod ait* (Bellarminus) *non licere Christianis tolerare Regem hæreticum & infidelem &c.* id adeo falsum est, quàm quod falsissimum. alioquin damnanda tota antiquitas, qua reges hæreticos & infideles Ecclesiam Dei destruere conantes submissè pertulit: non solum propter iram, sed etiam propter conscientiam: hoc est, non quòd deficerentur viribus ad impios Principes exigendos, sed quòd id sibi per Dei legem non licere iudicaret. Verùm quia hunc perniciosissimum errorem in libris contra Monarchomachos, atque etiam superius hoc libro cap. 7. satis refutauimus, non est quòd eius falsitati arguenda, hic ampliùs immoremur. Hæc ille.

Refutatur

In hac responsione Barclaius more suo 1. petit principium; pro ratione adferens id quod maximè est probandum, utpote paradoxum, cuius contrarium Catholici DD. tamquam manifestum & indubitatum asserunt, facileque probari potest, ut infrà nu. 180. ostendetur. Deinde adeo efferuescit in hoc negotio, ut non solum falsissimum, sed etiam *perniciosissimum errorem esse dicat*, asserere subditos Christianos posse se opponere Principi religionem vastanti; eosque qui id affirmant Monarchomachos vocet. teneri enim populum Christianum & totum ordinem Ecclesiasticum lege diuina, & sub æternæ mortis periculo pati & permittere, ut Rex hæreses inducat,

Atheismi
germen.

Ec-

Ecclesias euertat, sacramenta proculcet, sacerdotes occidat, omnia sacra prophane, omnem Christianam religionem euertat, Turcismum vel Paganismum inferat; nec illis licere ad hæc impedienda illum expellere (etiam si facillimo negotio id possent exequi) aut vlllo modo ei resistere, aut tributa negare, aut obedientiam in ciuilibus recusare: sed teneri submissè omnia perferre, & tamquam locum Dei tenenti, cum omni honore & reuerentia parere. hæc nimirum est verissima & saluberrima doctrina: contraria falsissima & perniciosissima. Quis non miretur hæc in pectus hominis Catholici potuisse descendere, & non potiùs ab Atheo aliquo religionis omnis contemptore, quàm ab homine aliquem religionis sensum habente profecta? Sanè omnes sectæ quæ religionis speciem præ se ferunt, hoc dogma tamquam impium detestantur; vt suprà nu. 53. ostendimus.

Addo, nihil in mundo esse tam magnum, sublime, tantæque authoritatis, cui nō liceat & debeat Christianus se opponere, saluandæ religionis & fidei causa: adeo vt etiam summus Pontifex Christi Vicarius, cuius longè sacratissima est authoritas, possit expelli, & suo throno spoliari, alio in eius locum electo, si vel vnā damnatam hæresim pertinaciter profiteatur (quod tamen hætenus non accidit, nec fieri posse existimo) nedum si in Ecclesiam introducere conetur; vt omnes DD. affirmant. & Principem sæcularem, qui solū temporalibus præest, non poterit Ecclesia abdicare, quamuis & ipse hæreticus sit, & totam religionem perdere cum exitio infinitarum animarum conetur? Si enim ipse Ecclesiæ Princeps, qui supremam sacrorum habet authoritatem, & immediate circa ipsum versatur vltimum finem, salutem, inquam animarum procurandam, propter hæresim exigere potest, & alius, qui sit Catholicus, in locum eius subrogari: quantò magis Princeps sæcularis, cuius authoritas solū

Etiam Papam ob hæresim esse pellendū throno Papali.

est circa terrena, media, inquam, longinqua & infima salutis nostræ, deponi poterit si hæreticus fiat, aut fini spiritali, & saluti animorum officiat? Quod enim dignitas aut facultas est sublimior, eò difficilius moueri potest, hoc est, minus Iuris in eam suppetit: quod inferior, hoc facilius; præsertim si inferior magis noceat fini quàm superior.

136.
Respon-
det ad 1.
probatio-
nem ma-
ioris.

Ad 1. Probationem maioris, concessa priore consequentia, negat secundam, nimirum: *si non possum eligere hæreticum, ergo nec electum tolerare*. addens: *eiusmodi vitiosis ac fallacibus argumentis, multos à veritate auocari*. *Captiorem autem in eo esse, quod assumat ac pro certo statuatur, idem Ius esse, ubicumque; est idem damnum, vel periculum. quod, inquit, planè falsum esse mox demonstrabitur*. Deinde adfert aliquot exempla in quibus est idem periculum & damnum, non tamen est idem Ius se tuendi, vel causam damni expellendi: vt qui plagas accipit & fortunis spoliatur, idem periculum & damnum subit, siue id per vim patiatur à latrone, siue à magistratu per iniquam sententiam. sed non est idem aduersus vtrumque remedium comparatum: quia latroni potest resistere, magistratui non potest. Rursus eiusdem periculi & damni est mulierem insigniter improbam ducere, & eam retinere: at tamen non est idem Ius in ducenda & retinenda. non enim teneris eam ducere, quin imò teneris non ducere: vbi tamen duxeris, cogeris eam retinere. Pari modo, etsi Christiani tenentur non eligere Regem: non Christianum, vel hæreticum; tamen semel electum tenentur pati, nec possunt illum repudiare.

Refutatur
responsio
eius.

Verùm non in argumento sed in responso Barclaij: est captio. ita enim captat verba quasi vniuersè de periculo vel damno cuiusvis rei diceretur: *Ubicumque est idè damnum vel periculum, ibi quoque idem est Ius*: quod tamen nullo modo dicitur. quis enim adeo sit cæcus, vt
non

non videat hoc ita vniuersè dictum esse falsissimum, cum infinitis exēplis cuius obuijs refutari possit? Itaque vanum est totum responsionis istius fundamentum. agitur enim in argumēto non de periculo vel damno cuiusvis rei, sed solum de periculo & damno boni publici, videlicet religionis & æternæ salutis. est autem hoc bonum tanti momenti, vt vbiūque illi per iniuriam alterius graue periculum impendet, ibi omnibus sit ius resistendi, & omni ratione impediendi, nec solum Ius, sed etiam præceptum & obligatio.

Argumentum itaque in forma est eiusmodi: vbiūque idem periculum & damnum religioni, & saluti animarum ex iniuria Principis impendet; ibi populo est idem Ius, & eadem obligatio damni impediendi, atqui ex tolerantia Principis hæretici &c. imminet religioni idem periculum & damnum, quod ex electione. ergo sicuti populus iure diuino tenetur talem non eligere, vt illud periculum caueatur: ita electum tenetur non tolerare, si commodè potest illum deponere.

Positur
argumen-
tum in sua
forma.

Nec refert quidd ante electionem ille non erat superior; pōst verò superior: quia bonum commune aduersus omnes illud iniquè oppugnantes defendi debet, etiam contra patrem & matrem; imò etiam aduersus summum Pontificem: vt antè ostensum est. Ex quibus perspicuum est, exempla Barclaij nihil ad rem facere. non enim in illis bonum commune, sed priuatum oppugnatur.

Dices, Si Christiani Principem infidelem religioni vastitatem inferentem tenentur non tolerare; quomodo olim non deposuerūt Neronem, Diocletianum, Iulianum Apostatam, Valentem Arianum, & similes?

137.
Obiectio.
Cur non
deposue-
runt Nero-
nem, Dio-
clet. &c.

Respondet Bellarminus, *desuisse vires ad exequendū*: Respons.
potuisse tamen iure id facere: quod confirmat ex *Apostolo* Bellar.

1. ad

1. *ad Corinth. 6. Vbi iubet constitui nonos Iudices à Christianis temporalium causarum, ne Christiani cogerentur causam dicere coram Iudice Christi persecutore. Sicut enim noni Iudices constitui potuerunt: ita & noni Principes propter eandem causam, si vires adfuissent.*

Author
oppugnat
hanc re-
sponso-
nem.

Barclaius hæc acerrimè refutat, omnibus verborum aculeis adhibitis. verùm nos illis omiſſis, cùm vim argumenti non augeant, sed solùm exulceratū animum prodant, rem ipsam consideremus. Ac primùm, *desuisse vires Christianis ad illud exequendum*, etiam D. Thomas docet 2. 2. q. 12. a. 2. ad 1. *Ecclesia*, inquit, *in principio toleravit ut fideles subessent & obedirent Iuliano in ijs, quæ non sunt contra fidem, quia non habebat tunc potestatem terrenos Principes compescendi.* Est quæ res satis ex historijs manifesta. nulli enim erant alij Principes Christiani magnæ potentix, quorum opera Ecclesia ad hoc vteretur; & nomen Imperatorium adeo erat sublime, ut illum veluti numè quoddam plerique suspicerent. Deinde ditiores & potentiores permulti erant adhuc ethnici, vel parùm in mysterijs religionis instructi. Denique plurimi erant ethnici, plurimi hæretici, qui omnes se Imperatori iunxissent. verùm de hac re infra n. 180. ubi objectiones Barclaij dissoluemus.

Potuisse
illos per-
secutores
iure abdi-
cari.

Potuisse autem Ecclesiam iure illos Principes abdicare, est cõmunis DD. Catholicorum sententia, & multis rationibus probari potest. 1. quia populo ius est defendendi bonū commune politicum contra quemvis iniuste cõstatem euertere: ergo multò magis defendendi sacram religionem. quod enim bonum est communius & excellentius; hoc magis meretur defendi, & eò plus Iuris à natura concessum ad eius conseruationem. 2. quia ex maximis iniurijs à Principibus illis Ecclesiæ irrogatis, ipsa ius habebat, ut se cum omnibus fidelibus illorum obedientix subduceret, tributa negaret, & eos compelleret

leret, tum ad cessandum ab iniuria inferenda, tum ad satisfaciendum pro illata. Si enim vna Respub. id Iuris habet aduersus alteram; cur non Ecclesia aduersus Regnum politicū, cū ipsa Ecclesia per se completam, & diuinam quamdam Rempub. constituat? Imò idipsum interdum potest vna Ciuitas vel Prouincia aduersus suū Principem, quando latio est valde enormis, nec est spes aliter iniuriam desinendam, modò debito ordine ea in re procedatur, nimirum præmissis precibus, monitionibus, maturo Procerum Reipub. consilio. non enim tenentur subditi tamquam oues sinere se suaque omnia à lupis deuorari.

3. Quia inter subditos & Principem tacitus quidam contractus intercedit, quo Principi certæ præscribuntur conditiones, quas in gubernando seruare debet. hinc in omnibus regnis cū inauguratur, tot iuramentis populo se obstringunt ad formam gubernationis pertinentibus. ergo si illas conditiones non solum non seruet, sed etiam grauissimis iniurijs, & damnis subditos vexet, nec spes sit populo alia ratione se liberandi: poterit se ab eius obedientia subducere (accedente præsertim sententia supremi Pastoris) & illum potentia, qua in eorum perniciem abutitur, spoliare. Pactum enim omne natura sua solubile ob violatas ab altera parte pacti conditiones, & iniurias illatas, iure ab altera dissolui potest, iuxta illud vulgatum: *Frangenti fidem, fides frangatur eidem.*

4. Potestas & autoritas quæ est in Principe prouenit à populo, qui suam potestatem in Principem concessit, vt ab eo regeretur & defederetur: vt infra ostendetur. vnde quidquid Princeps facit autoritate Principali, hoc facit nomine regni, & vt regnū suum representans; ac proinde & ipsum quoque regnum censetur facere. Ergo si abutatur hac potestate in detrimentum religionis, vel ad iniquam aliorum oppressionem; tenetur regnum,

K k

si po-

fi potest, ei obistere; & si opus est, eum sua potestate priuare: alioquin regno imputabitur quidquid ille ini-
què & impiè gesserit. Sicut si des Titio gladium in ma-
nus, vt ab eo defendaris, si Titius accepto gladio abu-
tatur occidendo innocentes, teneris ei gladium eripere:
alioquin tibi imputabitur quidquid ille damni tuo gladio
dederit. Potestas regia est instar gladij, quem Respu-
blica Regi commisit, vt ipsius nomine eo vtatur iustitiâ
administrando, & hostibus resistendo. quare si ille hoc
gladio in publicam perniciem abutatur, potest & debet
Respub. se opponere, & illum è manibus eripere: alio-
quin illi totum malum imputabitur. Idem quoque ex eo
confirmari potest: quòd propter Principum scelera ple-
rumque etiam populus à Deo castigetur. Sic Aegyptij
ob Pharaonis in populum Dei tyrannidem, grauissimè
afflicti fuere: & Israelitæ ob peccata Ieroboam: & Ro-
manum Imperium propter Imperatorum in Christia-
nos & Martyres crudelitatem. Et propter iniurias à
Principe illatas, ius est Principi qui iniuria affectus,
regnum alterius inuadere, & populû spoliare &c. Quo-
rum omnium causa non est alia, quâ quòd ea quæ Prin-
ceps facit, censeatur ipse populus facere: cùm ille id au-
thoritate à populo accepta faciat. itaque si populo com-
moda ratio suppetat, tenetur impedire, ne ipse publica
authoritate perniciosè abutatur.

His adde tres alias probationes suprà nu. 135. posi-
tas, quibus idem confirmatur: nimirum, subditos posse
tueri religioem aduersus suum Principem, & si o-
pus sit illum expellere, vt illa facta - testâ præstetur.

138.
Probatio
ex Aposto-
lo est pro-
babilis.

Probatio illa ex Apostolo, quam tantopere aduersa-
rius exagitat, & ob quam quinque diuersis locis acriter in
Bellarminum inuehitur, est probabilis: eaque vtitur S.
Thomas 2. 2. q. 10. a. 10. 5. sed contrâ. Si enim pro-
pter bonum religionis Corinthij Christiani, autoritate

&c

& mādato Apostoli statuerunt sibi proprios iudices (nescientibus magistratibus ordinarijs, qui id numquam permisissent) & iubentur singuli defugere communia tribunalia: cur Ecclesia auctoritate Apostolica repudiato Ethnico & persecutore iniquissimo non potuisset sibi cōstituere Principem Christianum, si commoditas suppeditasset? certē nulla potest dari idonea ratio. Confirmatur. Quia si Iudices illi non fuerunt solum arbitri, sed veri iudices habentes veram Iurisdictionem (vt planē insinuāt verba Apostoli, semper enim vtitur verbo *regitur*, nūquam *diuidetur*, & adfert exempla veri iudicij; & apertē colligitur ex Clement. Rom. l. 2. constit. Apostol. c. 49. & sequentibus, & ex S. Augustino de opere Monachorum cap. 29.) Ecclesia in illis constituendis vsa est Iurisdictione suprema tamquam nulli subiecta. Quia qui alteri Principi subiectus, non potest novos Magistratus instituere, nec accessum ad ordinarios à Principe constitutos prohibere.

Obijcit Barclaius S. Thomam, qui in illum locum 1. Cor. 6. scribit: *Apostolum non prohibere quin fideles sub Principibus infidelibus constituti, eorum iudicio compareant, si vocentur. hoc enim esset contra subiectionem, quae debetur Principibus: sed prohibere ne fideles eligant voluntarie infidelium iudicium.* Eadem verba habet Lyranus in eundem locum, & in eandem sententiam explicat ea Theodoretus.

Resp. Ecclesia hoc ipso quo constituit illos iudices Christianos, non intendit Principes aut magistratus Ethnicos sua Iurisdictione priuare, sed solum novos iudices illis superaddere, qui causas Christianorum cognoscerēt. itaque Christiani manebant etiam Ethnicis subditi, & tenebantur ad illorum citationem comparere: & contrarium fuisset contra subiectionem Principibus debitam. Secus tamen si Ecclesia voluisset eos sua Iurif-

ditione priuare: quod iure & rectè facere ob causas supra explicatas potuisset, si vires & opportunitas adfuis-
sent, vt idem S. Thomas 2. 2. q. 12. a. 1. & q. 10. a. 10. tradit, in cuius verbis nulla est contradictio, vt Barclaius criminatur. non enim inter se hæc pugnant; subditus iure diuino tenetur suo Principi obedire; & Ecclesia potest Principem sua Iurisdictione priuare, vel subditum Principis Iurisdictioni eximere. illud enim intelligendum in sensu composito, vt dicunt Philosophi, nimirum, Principe retinente ius Principis non solum habitu, sed etiam actu. Hoc verò in sensu diuiso, de illo homine qui Princeps erat, qui ius principale in subditos vel omnino, vel saltem quoad vsum amittere potest, &c. notissima sunt ista vel mediocriter in Logica ver-
fatis.

Similem contradictionem obijcit Bellarmino, quibus sanè rebus nihil aliud proficit, quàm quoddam suam prodat inscitiam, & ἀλογισίαν.

Ex his perspicuū est immeritò illū ita paratragcediare: *Hæc cum ita se habeant, Deum immortalē! quæ isthæc miserabilis cacitas & inscitia, vel certè malitia est, velle ex illis verbis colligere, ius fuisse Christianis deponere Imperatores & Magistratus omnes Ethnicos, si vires illis ad eam rē suppetissent. cum præsertim Apostolus^a alibi præcisè iubeat Christianos omnes necessitate subditos esse iisdem illis potestatibus Ethnicis, non solum propter iram, sed etiam propter conscientiam: quod nimirum sana & salua conscientia subtrahere se eorum Iurisdictioni & subiectioni, quæ Dei ordinatio est, nullo modo possent.*

^a Ad Roman. 13.

Immeritò, inquam, ita exclamat: tum quia ratiocinatio ex illo loco probabilis ducitur, vt ostēdimus: tum quia 7. alijs rationibus solidissimis illud idem ius probauimus, tribus num. 135. & quatuor num. 137. & Barclaij cauillos obiter dissoluimus; tum quia eadem ferè v-
bique

bique ingeminat; nimirum iuris diuini esse, *ut inferior obediat superiori*; & *Regem solo Deo esse minorem*: quorum prius nullo modo pugnat cum potestate & iure resistendi (si religionem opprimat) aut etiam Principatu priuandi. alterum generatim acceptum, ita ut excludatur etiam summus Pontifex, falsum est. Verum de his infra num. 154. & 172. ubi obiectiones adferentur. Haecenus de prima probatione maioris, quæ solida consistit.

Post hæc Barclaius cap. 22. pergit ad 2. ad quam respondit negando maiorem. *Dico*, inquit, *propositionem falsam esse, nimirum quod tolerare Regem hereticum vel infidelem conantem pertrahere homines ad suam sectam, est exponere religionem euidentissimo periculo. Sed est tantum pati religionem versari in periculo, in quod incidit vitio Regis heretici aut infidelis, & cui iam sine culpa populi exposita est: cum nullum eius liberanda iustum & legitimum remedium, præter constantiam & tolerantiam populo supersit &c.*

139.

Oppugnat
2. proba-
tionem.

Sed hæc responsio minimè satisfacit: tum quia verba captat sensu neglecto: tum quia in reddenda ratione principium petit. Verba frustra captare sic ostendo. qui enim causam periculi facillè tollere potest, & eam non tollit, moraliter dicitur rem exponere periculo: sicut vectores qui improbum nauarchum conantem nauem in scopulos impellere permittunt ad clauum sedere, cum possent eum amouere, & probum eius loco substituere: eo ipso quo voluntariè illum tolerant, communi hominum æstimatione nauem & omnium salutem periculo exponunt. Itaque hoc ipso quo voluntariè talem Principem cum tanto religionis discrimine tolerant, eum non amouedo: morali iudicio religionem periculo exponunt. Deinde subditi in casu nostro, si Principem retinent, non solum illum tolerant, quasi permissiue se habendo ad eius gubernationem: sed etiam positiue ei vires, quibus

Refuta-
tur.Captat
verba.Quis dica-
tur expo-
nere reli-
gionē pe-
riculo.

bus in perniciem religionis abutitur, suppeditant, soluendo tributa, exhibendo obsequia, deferendo honorem. vires enim Principis consistunt in obsequijs & opibus subditorum. Ergo hoc ipso quo populus illum retinet in autoritate quam illi concessit, ei obedientiam ac honorem exhibens, positivè & propriè religionem periculo exponit. Qui enim causam periculi non solum tolerat, sed etiam fouet & viribus instruit, is propriissimè rem periculo exponere dicitur.

Petit Principium.

Quòd etiam principium in reddenda ratione petat, perspicuum est. causam enim cur velit populum non exponere religionem periculo, etiamsi sponte toleret Principem, adfert hanc, quòd *populo nullum legitimum remedium eius liberanda suppetat*: nimirum, *quia subditus non potest se opponere suo superiori*. qua in re manifestè committitur petitionem principij, assumens pro ratione id de quo agitur quæstio, quodque nos & omnes Catholici DD. tamquam absurdum & principijs philosophiæ moralis apertè repugnans, planè negamus. Idem confirmat alia petitione principij, cùm ita pergit: *Hoc autem* (tolerare Principem qui conatur religionem euertere) *Christianis vitio verti non potest, nisi eadem opera præcos illos Patres, qui Constantio, Iuliano, Valenti, & alijs Catholica religionis desertoribus, quòd legitime Imperium essent adepti, sine ulla tergiversatione, aut minimo rebellionis indicio submisè paruerunt: & quos tollere è medio, vel deponere facillimè potuerunt, eos quia Imperatores & Reges erant, sunt omni honore, obsequio & reuerentia prosecuti &c.* Nihil horum probat id quod erat propositum: quia assumitur *non in æquum*, quod non minus negatur ab aduersario quàm illud.

Ceterum falsum esse & paradoxum, non suppetere subditis vllum iustum remedium aduersus Principem religioni perniciem molientem, patet ex multis in discursu huius

huius 8. probationis allatis . si enim populus iuste se potest opponere aduersus Principem bona ciuium iniuste inuadentem , vxores & filias rapientem , rem:pub. hosti tradere molientem , nec tenetur ista complicatis manibus tolerare : quomodo non poterit resistere ei , qui totam religionem molitur exterminare ?

Post hæc respondet ad confirmatiunculam illius 2. 140. probationis , negando hic esse aliquam Iurium pugnam . *Non enim* , inquit , *sunt pugnancia , seruare veram fidem & religionem , & tolerare Regem hæreticum vel infidellem ; nec alterum de iure diuino est , alterum de iure humano : sed sunt duo præcepta iuris diuini , colere Deum vera religione , & seruire ac obedire Regi ; qua simul seruari & expleri possunt ac debent , vt ipsi Iesuitæ asserunt &c .*

Respons.
authoris
ad confir-
mar.

Sed duo hic peccat Barclaius . 1 . quòd putet hic agi de ea religionis conseruatione , qua quisque eam in seipso seruare tenetur , cùm sit sermo de religione , vt ipsa est bonum publicum , seruanda & tuenda . sicut enim arctissimo Iuris diuini vinculo tenetur quilibet conseruare ac tueri bonum publicum temporale : ita multò magis bonum publicum spiritale ; vnde pendet salus æterna tot millium . 2 . quòd de Rege loquatur in sensu composito : cùm argumentum sit intelligendum in sensu diuiso . etsi enim obedire Regi retinèti Regiam auctoritatem sit iuris diuini ; non tamen est iuris diuini , vt obtemperem huic homini , putà Alexandro qui Rex est ; quia dignitas illa non iure diuino sed humano ei competit : ac proinde facilè ei auferri potest .

Refuta-
tur.

Itaque in præsentī casu , verè inter se pugnant ; cōseruare religionem , vt est bonum publicum , & tolerare hunc hominem in regno . vnde cùm Ius diuinum imposuerit populo obligationem religionis conseruandæ ; Ius autem solùm humanum obligationem parendi huic homini , & eum in regno retinendi ; & vtrumque hic seruari nequeat

nequeat : tenetur populus nō parere huic homini, & cum à se abdicare, vt religio salua sit . quia Ius humanum cedere debet diuino : id est , obligatio orta ex iure humano cessat, quando eius executio non potest cōsistere cum executione Iuris diuini , seu cum opere ad quod Ius diuinum obstringit .

141.

Sed instat Barclaius . *Et si de iure humano sit quòd hunc vel illum habeamus Regem : tamen ubi hunc vel illum semel habemus , de iure diuino est , vt ei in ciuilibus causis cum omni honore & reuerentia pareamus .* Hac adiectione, inquit, quam nemo Catholicus negare potest , illud argumentum prorsus eliditur .

Hoc aliquam vim haberet si duo concurrerent . 1 . Si principatus esset res prorsus inseparabilis à subiecto , cui semel infederit ; ita vt nec tolli, nec eius vsus impediri, aut suspendi posset . 2 . si nullos certos haberet limites, nullas leges quas in gubernando sequi oporteat . itaque non est de iure diuino , vt Principi semel constituto obediatur , nisi in sensu composito : hoc est quamdiu retinet Principatum non impeditum , eoque secundum leges & pacta cum regno inita vitur ; eoque modo , vt nihil contra bonum commune , præsertim contra religionem moliatur . Cùm enim iure humano Principatum obtineat, potuerunt homines , nimirum ipsum regnum, ei certas leges præscribere (præter eas quas iure naturæ seruare tenetur) quas seruare debet, si velit regnare , & honorem , obedientiam ac tributa sibi à subditis præstari . absurdissimum enim esset , si vellet sibi licere in omnia sacra & prophana impunè grassari ; & simul omni honore, obsequio, & subsidio à subditis affici .

142.
Ad 3. proba-
tionem

Ad 3. probationē ex cōparatione coniugij ductam respōsurus Barclaius : *Nihil*, inquit, *hoc argumētum frequen-
tius est in ore omniū monarchomacharū, quòd eò facile quā
plurimos*

plurimos fallant. deinde respondet : *Longè diuersa & dissimilia hac esse, liberari à iugo alicuius, & liberari ab obligatione manendi cum aliquo : & propterea haud rectè componi & comparari inter se.* Denique summa responsionis est : vel agi in argumēto de illis coniugibus, qui cū essent ambo fideles, matrimoniū contraxerūt, & alter ad hæresim vel infidelitatem postea delapsus est : aut de coniugibus Ethnicis, quorum alter ad fidem Christianam conuersus est, altero pertinaciùs in suam superstitionem Paganicam incumbente. Si de prioribus intelligitur, malè laudatur author Innocentius, qui de tali coniugio in illo cap. Gaudemus, ne verbum quidem : & præterea falsum est talem coniugem fidelem esse liberum à iugo coniugis infidelis, cū vinculum matrimonij dissolui nequeat. Si autem de posterioribus ; in promptu, inquit, responsio est ex eodem Cap. Gaudemus. nimirum inter tales coniuges non esse ratum matrimonium : & ideo huiusmodi coniuges plenam dissolucendi matrimonij libertatem habent ; ut vel mutuo consensu & bona gratia, vel cum ira (sui animi & offensa discedant : & alter inuito altero nexum illum coniugij per repudium & diuortium dissoluat. aquè enim mulier viro, ac vir mulieri repudiū mittere solet. Non mirum ergo inquit, si coniux ad fidem perductus à coniugis in infidelitate manentis consortio & potestate liber sit ; cum etiamsi ambo in infidelitate mansissent, aquè liberū alterutri eorum fuisset ab altero recedere, & matrimonium repudio dissolvere : quia nullum inter eos ratum & firmum obligationis vinculum intercessit &c. At subiectio politica, ac regalis Dominatio inter omnes gentes, & in omni lege, tam iure diuino quàm humano rata & probata est. Quid ergo absurdius, quàm illa inter se componere, & argumentum ab infidelium coniugum iugo quod excuti pro arbitrio potest, ad regalis Imperij iugum repellendum deducere ? Hæc ille.

Verum in multis hic rursus Barclaius errat. 1. Dum

Ll

existimat

Refutatur.

Infidelium
coniugium
non potest
pro eorum
arbitrio
dissolui.

existimat vinculum coniugij inter infideles pro ipsorum arbitrio dissolui potuisse, etiam ambobus in infidelitate perstantibus. quod non solum est contra omnes DD. & contra expressum textum Cap. Gaudemus, quem ipse Barclaius adducit (vt mirum sit illum id non aduertisse) sed etiam contra sententiam Domini, Matth. 19. ubi hunc errorem refutat, tum ex ratione primæ ux matrimonij institutionis in paradiso factæ, tum ex verbis Adami diuino instinctu pronuntiatis Genes. 1. deinde sic concludit: *Quod ergo Deus coniūxit homo non separet.* Et infra apertè repudium damnans ait: *Dico autem vobis, quia quicumque dimiserit uxorem suam, nisi ob fornicationem, & aliū duxerit, mæchatur: & qui dimissam duxerit, mæchatur.* Quæ omnia etiam ad infideles pertinere docet Innoc. 3. dicto cap. Gaudemus. Et ratio est manifesta; quia Dominus loquitur de vinculo matrimonij secundum ius naturæ, quod omnes constringit. est etiam contra Apostolum 1. Corinth. 7. *Is, inquit, qui matrimonio iuncti sunt, precipio non ego sed Dominus, uxorem à viro non discedere; quod si discesserit, manere innuptam, aut viro suo reconciliari. Et vir uxorem non dimittat.* Hinc fit, vt si quis in Paganismo vxore prima repudiata secundam vel tertiam duxerit, postea ad fidem conuersus teneatur, dimissis posterioribus, redire ad primam; quia vinculum solutum non fuit: vt tradit Innocentius d. cap. Gaudemus. Vno solum euentu dissolui potuit hoc vinculum; nimirum si altero ad fidem conuerso, alter in perfidia statuisset firmiter persistere: vt apertè docet Apostolus 1. Corinth. 7. & S. Augustinus lib. 1. de adulter. coniugijs cap. 18. & 19.

Ipsum di-
uortium
non soluit
vinculum.

2. Fallitur, dum putat vinculum coniugij solui per diuortium; cum etiam facto legitime diuortio vinculum perseveret, donec alter eorum aliud matrimonium legitime contrahat. Vnde si alter coniux, qui antea conuerti
recusa-

recusarat, facto diuortio sententiam mutet, & coniugem conuersum sequi velit, debet ab altero suscipi, nec potest hic alias nuptias inire: vt ex d. illo Cap. Gaudemus constat. cuius non est alia ratio quàm quòd vinculum per diuortium illud non fuerat dissolutum.

3. Fallitur, cùm vinculū quod est inter subditos & Principem vult esse firmitus & insolubilius, quàm quod est inter coniuges infideles. hoc enim falsum esse patet ex dictis. nam vno tantum euentu vinculum coniugij infidelium solui potest, idque ex dispensatione diuina in fauorem religionis, & coniugis conuersi. At multis casibus solui potest vinculū illud ciuile. potest enim Princeps pro suo arbitratu illud dissoluere, deponendo Principatum: potest iure belli ab aduersario spoliari: potest à subditis ob certas causas exui; vt suprà ostensum est. Omitto quòd ab Ecclesia possit deponi, ne principium more Barclaij, petere videar.

At, inquit, *subiectio politica, & dominatio regalis apud omnes gentes, & in omni lege est rata & probata: coniugium verò infidelium non est ratum: ergo vinculum illius est firmitus &c.* Respondeo, esse elenchum sophisticum *παρά το ἀνθρώπου*. Simili modo probare poterat vincula omnium cōtractum esse firmitus & magis insolubilia quàm vinculum coniugij infidelium; quia emptio, venditio, locatio, conductio, societas & contractus apud omnes gentes legitimè celebrati, sunt rati & probati. Verum est homonymia in voce *ratum*. cùm enim DD. cum Innocentio dicunt coniugium infidelium non esse *ratum*; non volunt significare illud non esse absolute validum, aut pro arbitrio coniugum posse dissolui, vt iste opinatur: sed non habere illam firmitatem, quam habet matrimonium fidelium ratione sacramenti quò fit, vt eius vinculum propter infidelitatem dissolui nullo modo possit. Itaque *ratum* hic solum designat firmitatē quam tribuit

ratio sacramenti . Cùm verò contractus dicitur *ratus*, aut regia dominatio, longè aliud significatur; nimirum ista cenferi valida & iusta, nec posse pro arbitrio alterius partis, inuita altera dissolui: vtrâque tamen consentiente posse totum hoc vinculum tolli, apud omnes gentes constat. Et si speciatim de vinculo Regiæ dominationis & subiectionis populi sit sermo; hoc totum volente solo Rege, etiam inuito populo, evanescit; vt si religionem ingredi velit. ex quibus patet quàm friuola sint quæ iste adfert.

4. Fallitur vel potius fallit, cùm ex coniugio fidelium *à turcibus* sic opponit, argumentū nostrum retorquere volens. *Coniux fidelis non est liber à iugo coniugis infidelis, qui contracto matrimonio perfidiam concepit, licet ille nolueris manere cum coniuge fidei sine iniuria fidei, & contumelia creatoris: vt aperte docet Innoc. 3. cap. Quanto, §. Si verò. de diuortijs. & cap. Ex parte. de conuers. cōiungat. Ergo populus fidelis non liberatur à iugo Regis infidelis, vel hæretici subditos ad suam scētam pertrahere conantis, qui adepto Principatu talis effectus est.*

Sed verba caprat, sententia & intentione disputantis dissimulata. etsi enim coniux fidelis eo casu non liberetur à iugo vinculi habitualis (quia non potest illo viuo alteri copulari) tamen liberatur à iugo illi cohabitandi, reddēdi debiti, & omnis obsequij præstandi. atqui hoc satis est ad nostrum propositum. & hoc sensu falsum est antecedens. Si vero solum velimus illud intelligi de iugo vinculi habitualis, & hoc iugum comparemus cum iugo subiectionis ciuilis; neganda est consequentia. nam vinculum illius coniugij, præsertim consummati, nullo modo est solubile, nisi per mortē. Vinculū autem subiectionis multis modis solui potest, vt ostensum est, & quotidiana experientia testatur. Ex his perspicuum est solidam planè esse illam tertiam probationem

nem, siue loquamur de vinculo coniugij infidelium, siue fidelium.

Si enim de vinculo coniugij in infidelitate contracti loquamur; hoc vinculum etsi aliàs nullo modo solui possit, tamen si altero conuerso, alter nolit conuerti, in fauorem religionis solui potest; & vxor conuersa potest alteri nubere: quod etiam magis locum habet, si ille sine contumelia religionis cum ea viuere nolit. Ergo multò magis vinculum subiectionis ciuile solui poterit; & populus Principi suo non obedire, si ille factus hæreticus religionē subuertere nitatur. si enim religio est tãti momenti, vt propter eam coniugi detur ius soluēdi vinculum coniugij, quod nulla alia ratione solui poterat: quantò magis propter eam datur ius populo soluendi nexum subiectionis erga Principem, qui nexus multis alijs modis solui poterat? præsertim cùm ibi solum agatur de periculo vnus vel paucorum, & sæpe nullius: hic verò de periculo infinitarum animarum. Si verò loquamur de vinculo coniugij inter fideles contracti, etsi hoc vinculum non possit omnino solui, tamen omnis eius vsus & obligatio suspēdi potest: adeo vt si maritus in hæresim incidat, & vxorem in eamdem pertrahere conetur, vxor liberetur à iugo reddendi debiti, & præstandi obsequij, imò obligatione totius conuictus & cohabitationis cap. Quasiuit. cap. De illa. & cap. Quato. extra. de diuor. tijs. ergo multò magis populus liberari poterit à tributis & obsequijs Principi præstandis; & vinculum subiectionis ita suspendi, vt populus ad nihil horum ipsi teneatur. Addo, cùm hæc subiectio multis alijs rationibus minoris momenti penitus tolli possit; cur non causa communi religionis, quæ omnium est grauissima?

3. Probatio ostenditur solida.

RATIO NONA,

Ex officio Pastoris.

144. **C**ùm Petro dictum est à Domino, *Pasce oues meas*, data est ei potestas omnis quæ Pastori necessaria ad gregem tuendum: at Pastori triplex potestas est necessaria; nimirum vna circa lupos, vt eos arceat omni ratione qua poterit. altera circa arietes, vt si quando cornibus lædant gregem, possit eos concludere, & prohibere ne gregem vltius præcedant. tertia circa oues reliquas, vt singulis tribuat cōuenientia pabula. ergo hanc triplicem potestatem habet summus Pōtifex circa oues Christi.

Hinc tria ducuntur argumenta. 1. est: Lupi qui Ecclesiam Domini vastant, hæretici sunt, vt patet ex illo Matth. 7. *Attēdite à falsis Prophetis, qui veniunt ad vos in vestimentis ouium, intrinsecus autem sunt lupi rapaces.* Si ergo princeps aliquis ex oue vel ariete lupus fiat, id est ex Christiano hæreticus, poterit pastor Ecclesiæ eum arceri per excommunicationem, & simul iubere populo ne illum sequantur, illiuc adhæreant; ac proinde priuare eum dominio in subditos.

Alterum est: Potest Pastor arietes furiosos destruētes ouile separare, & cōclusos detinere. Princeps autem est aries furiosus destruens ouile, quādo est quidem Catholicus fide, sed adeo malus, vt multum religioni & Ecclesiæ officiat; v. g. Ecclesias expilādo, Episcopatus vendendo &c. Poterit ergo Pastor ouilis Christi eum coercere & exarmare.

Tertium est: Pastor potest & debet oues ita pascere, vt eis conuenit. ergo summus Pontifex potest & debet omnibus Christianis ea iubere, & ad ea cogere, ad quæ eorum quilibet secundū statum suum tenetur: nimirum vt eo modo Deo seruiat, quo status ipsius postulat. atqui

Re-

Reges debent Deo seruire defendēdo Ecclesiam, & puniēdo hæreticos ac schismaticos, vt SS. Patres docent. S. Aug. epist. 50. ad Bonifacium. S. Leo epist. 75. ad Leonem Augustum. S. Gregorius lib. 2. epist. 61. ad Mauritium. ergo potest & debet Regibus præcipere, vt hoc faciant; & si opus sit, per excommunicationis censuram, aliasque commodas rationes cogere. Extat & hæc ratio apud Card. Bellarminum lib. 5. de Pont. cap. 7.

Barclaius hoc argumentum cap. 25. retorquet in 145.
authorem, ad suam confirmandā sententiam. Discursus Resp. ad-
eius omitto, quia nihil est aliud quàm petitio principij, uersarij.
& satis continetur in eius responsione: cuius summa est, datā quidem Petro illis verbis, *Pasce oues meas*, omnē potestatem ad hoc munus necessariā; non tamen inde sequi, datam esse ei aliquam potestatem in res temporales: quia hæc necessaria non fuit. Non fuisse necessariā probat. quia Christus eam non dedit: solum enim dedit Petro potestatem spiritalem non temporalem: hæc autem est temporalis.

In hac responsione sunt duo vitia petitionis principij, alterum in priore, alterum in posteriore probatione. Refutatio.
nā in priore id quod est obscurum, & ab aduersario negatum, assumit tamquam perspicuum, & ex eo vult refutare id quod est manifestum. vult enim probare ad completum munus Pastoris, non esse necessariam vllam potestatem in temporalia subditorum: quia Christus nullam talem potestatem Petro dedit. vbi in probationem & argumentū adfertur hoc ipsum quod est controuersum, & non minùs negatum quàm ipsa conclusio. Vnde enim constat, vel probari potest Christum nullam talem potestatem dedisse? *Quia*, inquit, *Christus Petro non dedit nisi potestatem spiritalem. hac autem temporalis est.* Vbi rursus vel in altera parte est petitio principij

cipij, vel altera est falsa. si enim per *potestatem spiritalem* intelligat eam, quæ in sola spiritalia & nullo modo in temporalia se extendit; est petitio principij. nam illud est quod versatur in quaestione. Si verò per *potestatem spiritalem* intelligat eam, quæ non extendit se ad aliquid nisi in ordine ad finem spiritalem: sic prior pars vera est, sed posterior est falsa. illa enim potestas non extendit se ad temporalia nisi in ordine ad spiritalia. itaque non est temporalis, sed spiritalis. Omnis enim potestas & facultas speciem accipit non ex obiecto materiali, sed ex formali, seu proprio fine, sub cuius consideratione versatur circa talem materiam, ut suprà ostensum est.

Itaque non nisi abusivè hæc potestas temporalis dici potest; cùm non minùs secundùm suam speciem sit spiritalis quàm potestas disponendi de Episcopatibus, beneficij, & similibus bonis spiritalibus.

Adde, quòd Author hic rursus secum pugnet. quod non semel ei in hoc libello obuenit. si enim Christus nullam Petro in temporalia potestatem dedit, quomodo summus Pontifex potest cogere Principem per excommunicationem, ut modum politicæ gubernationis bono spiritali repugnantem mutet, ut ipse cap. 14. docuit? Porro potestatem disponendi de temporalibus subditorum fuisse planè necessariam ad Ecclesiæ regimen, suprà n. 113. satis ostensum est: & perpetuus Ecclesiasticorum tribunalium usus, ipsique sacri Canones de eiusmodi rebus statuentes satis indicant. Itaque cùm videamus esse necessariam, optimè colligimus eam in completa potestate pastoralis contineri, & à Domino simul Petro traditam, sicque ex eo quod manifestius est, & absque fronte perfrecta negari non potest, cōcludimus id quod controuersum est. quæ ratio disputandi proba est.

146.

Post hæc Barclaius cap. 26. descendit ad singula argumenta ex priorè principio deducta. Ad 1. de potestate
Pastoris

Pastoris circa lupos, concessio antecedente & consequētia quoad priorem partem, negat illam quoad secundam. Concedit enim summum Pontificem: posse Principem hæreticum tamquam lupum à grege separare per excommunicationem. Addit tamen vltimum excommunicationis aduersus Principes sæpè esse perniciosum: & simul acriter inuehitur in summos quosdam Pontifices, qui temere & imprudenter, vt ipse ait, *Imperatores & Reges potentissimos cum magno totius orbis scandalo, & pacis Ecclesia dissolutione per excommunicationem ab Ecclesia separarunt &c.* Potuerunt, inquit, hoc facere Pontifices, sed non debuerunt.

Resp. Ad-
uersarij ad
1. argu-
mentum.

Alteram partem, Papam posse iubere populo ne illi Principi obediant, aut priuare illum dominio in subditos, negat. Hoc, inquit, falsum est, & legi diuina, ac præceptis Apostolicis contrarium. & statim probat ex Scripturis, Prouerb. 24. *Time Dominum fili mi, & Regem.* ad Timoth. 3. *Admone illos Principibus & potestatibus subditos esse, dicto obedire.* 1. Petri 2. *Subiecti estote omni humane creatura propter Deum, sine Regi quasi præcellentibus &c.* Deum timete, Regem honorificate. & id genus alia.

Sæpe miratus sum hominem doctum toties huiusmodi scripturæ sentētiās ingeminare, & illis tamquā firmissimis fundamentis niti, cum nihil sit facilius quàm ostendere illas ipsi non patrocinari. Eadem enim omnia quæ hic Regibus deferri iubet, alibi etiam parentibus, Prælati, Episcopis, & omnibus omnino superioribus deferenda statuit. Nemo itaque istorum sua potestate, quam in subditos habet, ob aliquod crimen à summo Pontifice priuari poterit. Sed de his infra n. 187. & n. 190. sicut & de potestate absoluendi à iuramento, quam hic verbosè oppugnat, ne eadem sæpius repetere cogamur. Hoc solum obiter addam ad rationem ipsius elidendam, non solum summum Pontificem, sed etiam

Refuta-
tio.

Mm

Prin-

Principem sæcularem posse subditum à vinculo iuramenti, quo alteri obstrictus est, liberare : si ille in perniciem publicam, vel etiam alicuius privati illo vinculo veleius effectu, abuti vellet. Itaque vana sunt quæ ille hic de illo vinculo contra auctoritatem Pontificis disputat. Nec minùs vana sunt, quæ fusissimè prosequitur, vt ostendat Papam in iure diuino quo Regibus parere tenemur, non posse dispensare ; eadem sapissimè ingerens.

147. Ad 2. Argumentũ de officio Pastoris erga furiosos arietes respondet cap. 32. *Concedo totum. sed solum inde sequi summo Pontifici fas esse expellere malum Principem de ovili Domini, & cum excludere, ne cum reliquo grege in caula Dominica conquiescat : id est, cum extra communionem Ecclesie & Sanctorum per excommunicationem eijcere. At hac tota pœna spiritalis est : ultra quam quod agat vel contra priuatum, nihil est.*

Refutatio. Pastoris enim est furiosos arietes ita separare & coercere, vt se gregi miscere nequeant, aut lacerare : & de tali separatione agitur in argumento. Ergo similiter Pastor ouilis Christi, noxium Principem, furiosum in grege Dominico ariete non solum poterit excommunicare, hoc est, Barclaius interprete, priuare solis spiritalibus (per hoc enim à noxa gregi inferenda non impeditur) sed etiam ita coercere, vt gregi nocere nequeat ; imò etiam cornibus, per quæ nocet, mutilare. Idem dicendum de lupis, quos quia assidue in exitium ouium excubant, potest & debet bonus pastor non solum abigere, sed etiam exarmare & occidere, vt gregem saluum præstet. Itaque friuolum est quod respondet Barclaius ex officio pastoris nihil aliud sequi, quàm Principem malum posse excommunicari, hoc est spiritalibus bonis, quæ ipse contemnit, priuari. hoc enim perinde est, ac si dicas, Pastorem non posse lupos, aut furiosos arietes arcere à gre-

grege, aut exarmare, aut concludere ne noceant; sed solum posse illis propria ouilis pabula denegare. egregia nimirum autoritas ad gregem tuendum. Quis non putet eum illudere Ecclesiæ, qui de illius autoritate in lupos ouilis Christi & furentes arietes sic loquitur? Quæ verò hoc cap. 32. & 33. rursus contra exemptionem Clericorum disputat, infra obiect. 14. n. 197. & sequent. examinabimus.

Ad 3. argumentum concedit totum, addens inde ^{148.} solum sequi Pontificem posse cogere Principem ad officium per excommunicationem, & alias rationes spirituales, non autem temporales. quod confirmat ex Driedone l. 2. de libertate Christiana c. 2. Vbi Driedo dicit, *omnem potestatem sacularem in spiritualibus esse subiectam potestati Papali: ita ut Papa ratione cura Pastoralis potestatem habeat in Imperatorem Christianum, perinde atque Pater spiritualis in filium, & tamquam Pastor in ouem suam: ut possit eum iudicare & corrigere, si laberetur in hæresim, aut denegaret publicam iustitiam pauperibus & oppressis, aut leges cõderet in præiudiciũ fidei. hæc omnia, inquit Barclaius, nos quoque asserimus.* addens; nullam aliam iudicij, aut correctionis Papalis in Imperatores sic delinquentes pœnam, nisi solam excommunicationem Driedo ponit: quod sciret nimirum Pontificiam potestatem spiritualibus pœnis esse contentam, nec posse ulterius progredi, nisi alienam Iurisdictionem inuadat.

Ad 3. argumentũ
responsio
Aduersa.

Verum hæc probatio parum valet, cum sit ab auctoritate negatiuè. etsi enim aliam ibi pœnam quam excommunicationem non poneret, non tamen idcirco credendus negare. Deinde solum in genere dicit, *Pontificem posse iudicare & corrigere Imperatorem*, neque villo modo hanc correctionem ad excommunicationem restringit: imò nec excommunicationis meminit, nisi in exemplis quæ subijcit. Sic, inquit, *B. Ambrosius Theo-*

Mm 2

dosium.

dosium Imperatorem excommunicauit : & Innocentius Arcadiū . An quia exempla aliarum punitionum non ponit, idcirco dicemus eum alia negare; aut ideo illa omisisse, quòd sciret nullo alio pœnæ genere in Principes vti posse? quis istam ἀουλλογισίαν non rideat? Nullum est indicium in omnibus scriptis Driedonis vnde quis suspicari possit ipsum à communi Theologorum & Canonistarū sententia discrepare. imò eodem capite multa habet, ex quibus colligitur illum idem sentire. & lib. de libert. Christiana cap. 16. expressè docet (vt suprà num. 77. ostensum est) Reges & Principes propter hæresim posse à Papa dominio priuari, vt mirum sit, illum ausum scribere, Driedonem contrarium tenere.

Quòd autem Barclaius addit: excommunicationem esse commodam rationem ad singulos pro cuiusque statu ad officium compellendos, manifestè falsum est, & satis suprà refutatum. Imò ipsemet non obscure contrarium insinuat, cùm cap. 18. sic ait: *Quomodo spiritualis Resp. Rempub. temporalem fulminum spiritualium contemptricem cogere poterit?* nimirū, vt ab iniuria cesset. Certè euidentis est, eam non esse commodam cogendi rationem, quæ passim ab ijs qui maximè cogendi essent, vt sunt hæretici, & pessimi Christiani, nihili pèditur. Denique quòd cap. 31. pag. 249. magno verborum apparatu nititur ostendere, Principes metu amissionis temporalium cogi non posse ad officium, ridiculum est: cùm exemplis plurimis contrarium constet: & fusè in libello Regio refutatur. nullus enim est adeo potens, quin si à subditis suis deseratur, magnum periculum sui status subeat.

R A-

R A T I O D E C I M A,

Ex Analogia ad Carnem & Spiritum.

149.

Potestas spiritualis in Ecclesia Christi se habet ad temporalem, sicut spiritus ad carnem, & pars superior ad inferiorem: ita enim docet Gregorius Nazianzenus oratione ad ciues suos timore perculsos: vbi sic alloquitur Præfectum prouinciæ. *An me liberè loquentem aequo animo feretis? Nam vos quoque potestati meæ, meisque subsellij lex Christi subijcit. Imperium enim ipsi quoque gerimus, addo etiã præstantius ac perfectius: nisi verò æquum est spiritui. carni fasces submittere, & caelestia terrenis cedere. Sed non dubito quin hanc dicendi libertatē in optimam partē accepturus sis, utpote sacri mei gregis ovis sacra, magnique Pastoris alumna, recteque iam inde à primis annis à spiritu ducta & instituta &c.* Idem docet Hugo à S. Victore. l. 2. de Sacramentis p. 2. cap. 4. & Alexander Halensis 3. p. q. 40. m. 2. quorum testimonia posuimus supra nu. 76. & D. Thomas l. 3. de Regimine Principum c. 10. *Sicut, inquit, corpus per animam habet esse virtutem & operationem, ut patet ex verbis Philosophi, & Augustini de immortalitate anima: ita temporalis iurisdictio Principum, per spiritalem Petri & successorum eius &c.* denique passim DD. hac comparatione vtuntur.

Hoc principio posito, sic concludo. Ergo sicut anima potest imperare carni, & portio superior inferiori in ordine ad hominis finem, & à recto deuiantem corrigere, & si opus sit subtrahere illi ea quibus abutitur contra suam salutem: ita potestas spiritualis potest imperare temporali in ordine ad finem vltimum; & subtrahere illi ea, quibus in perniciem Ecclesiæ abutitur.

Dices: Illam comparationē solum institui quoad di-

gnitatem , non autem Ius & potestatem imperandi. Et si enim , si dignitatem spectes , potestas spiritalis sit instar animæ , temporalis instar carnis &c. non tamen spiritalis habet ius in tēporalem , sicut anima in carnem , aut portio superior in inferiorem .

Respondeo. etsi non omnino tantum iuris habeat, sic tamen comparatio non solum in dignitate , sed etiam , & potissimum in iure imperandi : ut ex verbis Gregorij est manifestum . probat enim potestatem sæcularem debere subesse & parere spiritali , quia caro debet cedere spiritui & terrena cælestibus . In hoc sita est analogia , quod sicut caro , seu portio inferior in ordine ad bonū rationis debet obedire spiritui , & impediri ne quid agat quod bono rationis repugnet : ita potestas civilis debet obedire spiritali in ijs quæ ad salutem pertinent , siue ea in se temporalia sint siue spiritualia , & potestati spiritali Ius est eam coercendi , si contra egerit .

R A T I O V N D E C I M A ,
Ex Analogia ad facultates subalternas .

150 . **R** Vrsus potestas spiritalis se habet ad temporalem , sicut facultas quæ versatur circa finem , ad facultatē quæ versatur circa media . Potestas enim spiritalis versatur circa vltimum finem hominis , salutem , inquam , æternam . quia ipsi hæc cura commissæ est , ut hominem ad æternam beatitudinem perducatur . Potestas verò civilis versatur circa res humanas , ut illæ tranquillè se habeant : quæ omnes sunt solum media quædam , & adminicula remota , ad salutem iuuantia . atqui omnis facultas quæ versatur circa finem , potest statuere de medijs , & imperare facultati inferiori quantum ad finem est necesse ; nimirum , ut inferior omnia sua ita disponat , ut fini nō officiant . quæ doctrina receptissima est apud omnes Philosopho-

Iosophos , & lumine naturali intellectus terminis perspicua . Hac ratione Ars militaris præscribit omnibus artibus , quæ arma conficiunt , vel munitiones extruunt : & Nautica omnibus quæ naues aut naualia instrumenta fabricant : & Equestris omnibus quæ ephippia , frænos , phaleras , aliæque equestria concinnant : & Prudentia politica omnibus artibus mechanicis quæ sunt in ciuitate . ergo potestas spiritalis potest disponere de rebus temporalibus , & imperare ciuili , prout opus ad bonum spiritale .

Hac ratione tamquam euidenti demonstratione ex causa , vñ sunt omnes penè Doctores , nec quidquam est , quod probabiliter aduersus eam possit opponi .

Dices : Illud pronuntiātū tantū habet locum quādo facultas inferior solū ad hoc est instituta vt seruiat superiori , ita vt absque superiore sit prorsus inutilis : si-
cut Ars conficiendorum armorum solū est vt seruiat Militari ; & Ars frænorū vt seruiat Equestri . Si enim Ars equestris non esset , Ars frænorum prorsus esset inutilis . At non ita se habent potestas ciuilis , & spiritalis . quāuis enim spiritalis non esset , ciuilis tamen suum haberet vsum : vt patet apud Ethnicos , apud quos viget Politia absque vera religione .

Resp. 1 . Paruam esse vtilitatem Politicæ , vbi non seruit veræ religioni . solū enim valet ad aliquam humanæ vitæ tranquillitatem , nempe vt homo possit habere copiam rerum terrenarum , & illis quietē frui , quod plerumque illi cedit in maiorem perniciem .

Resp. 2 . negando maiorem . non enim est necesse vt inferior facultas per se sit inutilis , vt illud pronuntiatum locum habeat . Nam æquè certum est & perspicuum siue inferior facultas aliquod per se commodum habeat , siue non . Satis est præcipuum commodum & bonum illius esse , quod seruiat superiori , & ad eius finem aptè

apertè dirigatur: ut patet multis exemplis. Prudentia enim œconomica, qua familia priuatim in ordine ad copiam & quietem domesticam rectè administratur, etsi per se non sit inutilis, sed valde commoda, etiam ubi homines seorsim viuunt; tamen ubi in ciuitatem coierunt, subiecta est politica, & politica illi imperare potest, quatenus opus est ad bonum commune ciuitatis; quia bonum ciuitatis præpõderat priuatæ familiæ. Idem cernitur in artibus plerisque mechanicis. hæ enim etsi magnas commoditates habeant extra omnem societatem: tamen in ciuitate subiectæ sunt Prudentiæ politicæ; & hæc illis imperare potest, quatenus ad commune bonum opus est, v. g. ut architecti & fabri tali forma vel materia ædificia non ~~constant~~: ut sartores talis formæ vel materiæ vestes non conficiant: ut pictores vel statuarii tales imagines quæ mores inquinare, vel animos quorundam offendere possent, non faciant: & alia innumera. Itaque non sequitur, Potestas politica utilis est, etiam absque religione: ergo ubi est religio, non debet illi esse subiecta, nec religio potest illi imperare, aut de rebus politicis disponere. plane enim impertinens est ad hanc subiectionem quoddam facultas inferior per se aliquem usum habeat, vel non habeat.

constant

R A T I O D V O D E C I M A ,

Ex usu & confessione Ethnicorum.

151.

Authoritas quam Ethnici lumine naturali ducti, suis religionibus & Sacrorum Præfectis tribuunt, hæc non est religioni Christianæ eiusque moderatoribus, præsertim supremo Sacrorum Principi deneganda. Atqui passim Ethnici suis sacerdotibus, & rerum diuinarum interpretibus censuerunt competere Ius & auctoritatem statuendi de rebus politicis; videbant enim id esse necessa-

cessarium, ut omnia ex mente numinis gererentur: ergo hæc autoritas non est Præfectis religionis Christianæ deneganda; imò eò in his maior est statuenda, quò religio nostra, & salus æterna quam promittit, est præstantior omni alia religione & salute, quam ratio naturalis concipere potest.

Maior per se satis est evidens. quod enim iudicio naturali Ethnici conveniens esse passim iudicant & servant; signum est id in ipsa rerum natura, & generali ratione esse fundatum.

Minor probatur. 1. Apud Romanos enim maxima fuit autoritas Augurum, tamquam divinæ voluntatis interpreti; ita ut etiam de summis rebus, de Comitijis, de Legibus, de Consulibus abdicandis decernere possent, ut docet Cicero l. 2. de legibus. *Maximum*, inquit, & *præstantissimum est ius Augurum*, cum est auctoritati coniunctum, hoc est, cum quis officio publico Augur est. *Neque verò hoc quia sum ipse Augur, ita sentio: sed quia sic existimare nos necesse est. Quid enim maius est, si de iure quarimus, quàm posse à summis Imperijs, & summis potestatibus comitia tollere, cõcilia vel instituta dimittere, vel habita rescindere? Quid gravius quàm rem susceptam dirimi, si unus Augur aliter dixerit? Quid magnificentius quàm posse discernere ut magistratu se abdicent Consules? Quid religiosius quàm cum populo, cum plebe agendi ius dare, aut non dare? Quid legem, si non iure rogata est tollere?* &c. Valerius Maximus l. 1. cap. 1. §. 9. *Omnia post religionem ponenda semper nostra ciuitas duxit, etiam in quibus summa maiestatis decus conspici voluit. Quapropter non dubitauerunt sacris Imperia seruire, ita se humanarum rerum futura regimen existimantia, si diuina potentia bene atque constanter fuissent famulata.* Huius rei complura ibidem recenset exempla.

2. Apud Gallos quoque, Sacerdotes Druidæ dicti, ma-

N n

ximam

ximam in politicis, nimirum vt congruenter numinum voluntati disponderetur, auctoritatem habuere. de quibus Cæsar comment. de bello Gall. lib. 6. *Magno hi (Sacerdotes) sunt apud suos honore. Nam ferè de omnibus controuersijs publicis priuatisque constituunt: & si quod est admissum facinus, si cades facta, si de hereditate, si de finibus controuersia est, ijdem discernunt pramium, pœnasque constituunt.* Et paulò post. *Hi certo anni tempore Carnurum, quæ regio totius Gallia habetur media, consident in loco consecrato. huc omnes undique qui controuersias habent, conueniunt, eorumque iudicys decretisque parent...*

3. Apud Athenientes in celeberrimo Arcopagi Concilio Sacerdotes iudices erant; & summus Sacerdos (*ἐκκλησιάρχης*) Concilij Præses, qui singulorum sententias exquirebat, & suffragia colligebat; vt ex ipsorum decreto ad Iudæos misso (extat apud Iosephum lib. 14. antiquit. cap. 16.) apertè colligitur.

4. Apud Persas maxima erat autoritas Magorum, qui etiam erant Sacerdotes, & rerum diuinarum curatores. de quibus Agathias lib. 2. historix suæ, mores Persarum describens. *Nunc Magos huius temporis Persæ honorant, & quàm maximè venerantur, vt quorum consilio publica omnia administrantur; seorsumque quid quisque pramij pro re bene gesta promereatur, quidue supplicij qui flagitium feceris præsidendo & cognoscendo decernant. Nec verò Persis vel legitimum aliquid fore, vel æquum videbitur, quod Magorum non sit sententia confirmatum.*

5. Apud Aegyptios, Sacerdotum, de quibus Aelianus l. 14. varix historix c. 34. *Iudices apud Aegyptios quondam ijdem fuisse qui & Sacerdotes. horum Princeps erat maximus natus, qui & in omnes statuendi ius habebat.*

6. Apud Aethiopas, item Sacerdotum, de quibus Strabo lib. 17. seu vlt. Geographix: *Antiquitus Meroë (quæ est Metropolis regni Aethiopia) summa potestas fuit penes*

hes sacerdotes, tantaque eorum fuit auctoritas ut nonnumquam misso Nuntio mortem Regi imperaret, & ei alium iussicerent. Eadem fusiùs tradit Diodorus Siculus lib. 3. rerum antiquarum versus finem.

7. Apud Iaponios, apud quos olim supremus religionum Antistes, quem Dainum appellabant, omnibus Regibus erat superior.

Ex quibus perspicuum est, iure naturæ potestatem civilem subesse spiritali, & spiritalē de civilibus posse statuere, quatenus opus est, ut religioni, diuinæquæ legi ac voluntati consentiant. Itaque cum tota potestas spiritalis, supremaque auctoritas apud Christianos sit in summo Pontifice: necesse est, ut ei etiam competat ius & auctoritas in res temporales, quantum opus est, ut congruè diuinæ legi & animarum saluti administrentur.

RATIO DECIMATERTIA,

Ex diuina Providentia vindicta.

Perique Principes qui summo Pontifici sunt aduersati, eiusque sententiam & excommunicationem sprouere, postea in varias calamitates inciderunt, & multi eorum malè perierunt, posteritate eorum breui extincta, vel nulla relicta. quod signum est Deum sententiam sui Vicarij probare, eamque sine graui periculo non posse contemni. ostendam id aliquot exemplis.

1. Lotharius Rex à Nicolao 1. excommunicatus, cum postea sub Adriano 2. ut absolueretur, sacræ communionis probatione cum suis optimatibus se purgasset; ipse cum omnibus qui indignè perceperant, eodem anno perierunt. refert Martinus Polonus in Adriano 2.

2. Henricus 4. etsi diu post communionem vixit, multistamen curis & difficultatibus fuit implicatus; &

Nn 2

tam-

152

excommunicatione

tandem ab omnibus desertus & imperio exutus, præ dolore obiit: & cadauer cum in loco sacro fuisset sepultum, iussu exhumari. Deinde quinquennio insepultum iacuit; teste Carione in Henrico 4.

3. Multi primarij viri tam Ecclesiastici quàm sæculares, qui ipsius causam aduersus Pontificē tutati fuerāt, horrendis modis interiere; vt supra n. 97. ostensum.

4. Fredericus 1. longo tempore excommunicatus Ecclesiam vexauit: tandem sub Alexandro 3. reconciliatus, cum ingenti exercitu expeditionem in Syriam suscepit: vbi in conspectu totius exercitus, cum refrigerandi causa flumen ingressus fuisset, repente absorptus est, nemine opem ferre valente. Succedit ei filius Princeps strenuus; sed & hic cum multis clarissimis Principibus qui in exercitu aderant paulò pòst periit: reliqua pars exercitus fame confecta est. refert Cuspinianus in Frederico primo, & alij.

5. Ottho 4. ab Innocentio 3. excommunicatus, in multas calamitates incidit, & tandem amisit Imperium, nulla posteritate relicta, Frederico 2. in eius locum suffecto. Superuixit annos quinque inglorius: in eo tamen multis alijs felicior, quòd cum summo dolore & detestatione facti sui è vita decesserit priùs abolutione impetrata; vt suprà ex Crantzio ostendimus.

6. Fredericus 2. à tribus Pontificibus excommunicatus, & tandem in Synodo generali depositus, Imperium amisit: deinde cum dolo domesticorū accepto veneno grauiter ægrotaret, & medicorū opera videretur curandus, à Manfredo spurio suo puluillo ori iniecto est suffocatus: talem nimirum expertus suum erga se filium, qualem erga Ecclesiam matrem suam ipse se præstiterat.

7. Conradus Frederici 2. filius: cùm patri contra Ecclesiam adhæsisset, & ab Innocentio 4. excō-

mu;

municatus esset, præsidio Principum destituitur, & à Lantgrauio Turingiæ Henrico prælio vincitur, & fugatur. Itaque in regnum Neapolitanum coactus secedere, ibi à Manfredo fratre spurio veneno extinctus est, nullo herede relicto; Carion in Conrado 4. Crätzius lib. 8. metrop. c. 18.

8. Manfredus à Clemente 4. excommunicatus quoddam regnum Siciliæ & Neapolis inualisset, paulò post aduersus Carolum Ducem Andegauensem dimicans, in prælio est occisus: cadaver post triduum inuentum, honore sepulturæ propter excommunicationem caruit; Papyrius Massonus in Ludouico 9. & alij.

9. Conradinus Conradi filius Frederici 2. nepos, parui pendens Papæ excommunicationem, aduersus Carolum copias maximas eduxit: verùm cæso eius exercitu, cum ipse fuga cum Duce Austriæ elapsus esset, miro modo deprehensus & retractus, publicè capitis supplicio est affectus.

10. Petrus Rex Aragoniæ (in quem Conradinus iam plectendus ius suum resignauerat) excommunicatus ob inuasum regnum Neapolitanum, cum Gallorum aliquot turmas ex insidijs inuaderet, in conflictu miserè periit. refert Paulus Aemilius.

11. Philippus Pulcher Rex Francorum grauissimas exercuit cum Bonifacio 8. simulates, ab eoque fuit excommunicatus. & quamuis postea fuerit absolutus, & multa visa sunt ei succedere ex voto; tamè ipse in venatione ictus ab apro periit, & in maximas calamitates posterius eius sunt coniecti, sicut à quodam Viro sancto prophetico spiritu prædictum fuerat; vt refert Ciacconus in Bonifacio 8. sub finem.

12. Ludouicus Bauarus excommunicatus, Imperium amisit: & postquam diu in afflictione & mœrore vixisset, tandem cum venationi operam daret, ex

equo lapsus repentino atque inopinato sine naturæ cōcellis; vt scribit Auentinus lib. 7.

13. Ludouicus 12. post excommunicationē Iulij 2. plurima aduersa pertulit, multisque damnis & claudibus est affectus: & tandem nulla relicta posteritate in mœrore defunctus.

14. Boleslaus 2. Poloniz Rex à Gregorio 7. excommunicatus, regnum amisit, & omnibus exosus ac contemptus cū in Hungariam fugisset, furore correptus sibi ipse mortem consciuit, vt suprā nu. 113. ex Cromero retulimus.

Exempla huius sæculi omitto. quiuis enim ea per se expendere potest. Ex quibus patet quā sit periculolum Principibus, Sedi Apostolicæ & Vicario Christi aduersari, eiusque in se anathema & maledictionem prouocare. Excubat in eius gubernatione prouidentia illius qui dixit: *Ecce ego vobiscum sum vsque ad summationem sæculi*. Et, *quacumque alligaueritis super terram, erunt ligata & in calis*. Non finit iustam Vicarij sui sententiam esse irritam, nec patitur illam contemni impunè. vnde plerumque fit, vt qui semel rebelles fuere, etiamsi tandem reconcilientur, tamen flagellum diuinum non euadant. Hinc variz calamitates, & aduersi successus, mœrores, orbitates, pauores assidui, mortes repentinz, violentz, crudeles, posterorum dissensiones, anxietates, aduersitates, extirpationes. diuina enim Prouidentia regit mundum, & super omnia consilia & astutias politicorum dominatur. eius vim & dispositionem nulla humana prudentia potest eludere. Sæpe illa securis, & nihil sinistri metuentibus interuenit, & vno momento omnia consilia, & machinationes mortalium euertit, rationem actorum veterum, & vindictam reposcens. Horrendum est incidere in manus Dei viuētis.

SECVN-

Matth. 28.
Matth. 16.

S E C V N D A

S E C T I O .

O B I E C T I O N E S

Aduersariorum eorumque solutio .



H A C T E N U S Potestatem summi Pō-
tificis in res politicas stabilium⁹ Scri-
pturis, Concilijs, Doctoribus, Exem-
plis , & varijs Rationibus . superest
vt quæ aduersus illam obijciūtur pro-
feramus , & dissoluamus . Verū quia
Barclaius non ordinatè sua argumenta
proponit , sed sparſim pleraque ; conabimur ea in aliquē
ordinem more scholastico redigere , & ad ſingula di-
ſtinctè reſpondere .

Prima Obiectio ,

Ex eo quòd aduerſetur Monarchiæ .

H Aec ſententia videtur oppugnare Principū Mo-
narchiam . ſi enim omnes Principes Chriſtiani
ſubſunt ſummo Pōtifici, etiam in rerū ciuiliū di-
ſpoſitione; nulli ergo ſunt Monarchæ, nulli Principes ſu-
premi & abſoluti . quam ob cauſam, eos qui hanc ſen-
ten-

153. }

tentiam sequitur, vocat Barclaius Monarchomachos, id est, hostes Monarchiæ.

Resp. 1.

Non esse
Monar-
choma-
chos.

Resp. 1. Si huius sententiæ defensores sunt Monarchomachi: ergo S. Bernardus, vterque S. Anselmus, S. Thomas, S. Bonaventura, S. Antoninus, & tot alij sanctitate & doctrina illustres, quos suprà attulimus, & huius fuisse sententiæ demonstrauius, fuerunt hostes Monarchiæ: nec illi tantum, sed etiam omnes Doctores scholastici, & omnes Catholicæ Academiæ. Enormis est tanti conuitij iniuria in tot ac tales viros, in tantam sapientiam & sanctitatem. Quamdiu verius hoc nomen in aduersarium retorqueri possit, qui Monarchiam Ecclesiasticam ita eneruat, vt penè ridiculam efficiat? Qualis enim est ille Sacrorum Monarcha, qui in rebus prophanis & infimis Principi politico ita subest, vt propter eas ad eius tribunal trahi, reus fisti, condemnari, & omnibus pœnis pecuniarijs & corporalibus instar infimi laicorum plecti possit? qui sic ei est subiectus, vt sit eius indignus famulus & minister? qui in suos subditos & oues à Christo ipsi commissas non tantum habet auctoritatis vel iuris, vt eos aliqua re temporali priuare, aliqua pecuniaria multa afficere possit, quantumuis hoc ad religionis tutamen, aut eorum salutem sit necessarium? Si Regi alicui laussumè per orbem imperanti, nihil aliud Iuris tribueretur, quàm statuendi de cultu numinis, & delinquentes puniendi Sacrorum priuatione; ipse verò alteri cuidam Præfecto in omnibus ciuilibus instar plebeij subijceretur; quis illum Regem Monarcham dixerit?

Resp. 2.

2. Resp. directè negando antecedens. subiectio enim Principum erga summum Pontificem non adimit eis dignitatem & ius Monarchicum: quia illa subiectio est alterius rationis, & in ordine ad altiore finem, quàm sit subiectio, qua alij ipsis subijciuntur. Itaque nullo modo impedit, quin ipsi sint supremi & absoluti in suo ordine

dine; nimirum respectu finis politici. dicuntur enim Monarchæ, non quia nulla ratione alteri subsint; sed quia in ordine ad finem, qui est tranquillitas publica, nulli subsunt. Quod confirmatur 1. quia si subesse summo Pontifici in ordine ad finem spiritalem repugnat iuri Monarchiæ; ipse Barclaius erit Monarchomachus. Nam ut suprâ ostensum est n. 124. ipsemet cap. 14. & 32. docet Principes posse cogi pœnis spiritualibus à summo Pontifice, ut modum administrandi bono spiritali noxium mutant. Vbi manifestè facit eos subditos Pontifici in ciuilibus, quatenus ad spiritale bonum opus est. Cōfir. 2. quia quoddam in certo casu Princeps possit deponi à Comitibus, vel hostis declarari &c. non repugnat iuri Monarchico. omnes enim Monarchæ huic conditioni sunt obnoxii: ergo neque quod à summo Pontifice in certo casu abrogari possit, eidem iuri repugnat.

SECUNDA OBJECTION,

Ex immensitate huius autoritatis.

HAnc potentiam deponendi de solio Reges, videri maiorem quàm ut in hominem cadere possit. esse enim illimitatam, immensam, ac omnipotentiam quamdā: quia Reges sunt solo Deo minores, unde hæc potentia soli Deo competere potest. 154.

Resp. mirum esse homini fide Christiana imbuto, hanc potestatem in Reges adeo immensam & paradoxam videri, quam etiam Ethnici sola ratione duce in Principibus rerum sacrarum statuendam censuerunt. An non incomparabiliter maius est, & mirabilius condonare peccata, iustificare impium, sanctificare animam, & solo verbo, quæ erat tetra & impura, momento temporis solis radio reddere splendidiorem & æterna vita dignam? An non magis stupendum solo verbo substantiam panis & vini

O o

repentē

An sit potestas immensa.

repente conuertere in corpus & sanguinem Domini nostri Iesu Christi? Quæ tamen omnia non solum à summo Pontifice, sed etiam à quouis sacerdote præstari posse religio Catholica tradit. Sanè qui hæc credit, ei nõ adeo mira, immensa, & Pontificiam superans dignitatem potestas illa in Regem impium animaduertendi videbitur. Quid enim in eo iure cernitur, quod humanam & naturalis ordinis potestatem, quæ etiam apud Ethnicos reperitur, excedat: cum etiam à comitijs Regni, & à Rege victore, regno spoliari possit? An forte idcirco comitia illa & Reges victores potestatem illimitatam, immensam, & quamdam omnipotentiam habere dicendi sunt? Denique quid miri si Princeps politicus Principi sacrorum, à quo omnis sanctificatio in ipsum descendit, & qui pro anima ipsius Deo rationem est redditurus, sit ita subiectus, vt si alia ratione à malo auerti nequeat, possit ab eo, Regno priuari? Quis nõ dicat hoc esse iustissimum, & rationi maximè consonum? Imò quis sapiens non optet in tali euentu habere Superiorem, à quo vel inuitus omnibus modis à peccato, & exitio sempiterno retrahatur?

An Rex
solo Deo
minor.

Ad confirmationem quæ toties ab autore inculcatur: nimirum *Regem solo Deo esse minorem*. Resp. Id non absolutè verum esse, sed facta solum comparatione dignitatum sæcularium, & in ordine ad politicam rerum humanarum dispositionem. nam inter dignitates sæculares quæ politicam gubernationem respiciunt, nulla est maior Regia. Si autem fiat comparatio omnium dignitatum, tam spiritualium quàm sæcularium; falsum est Regem solo Deo esse minorem. certum enim est tum ex fidei doctrina, tum ex ratione naturali, dignitatem Pontificum esse longè maiorem; nimirum, *quantum aurum præstat plumbo, & solis iubar splendori lune: quantum spiritus carni; & portio superior animæ portioni inferiori: quantum*

tum caelestia terrenis, & aeterna temporalibus, & supernaturalia rebus humanis. has enim comparationes à sanctis Patribus & Doctoribus passim adferri videmus, ut patet ex testimonio S. Gregorij supra n. 149. relato. & ex Chrysostomo lib. 3. de Sacerdotio: ubi comparas potestatem Regiam cum Sacerdotali seu Episcopali, ait: Sacerdotem tanto maiorem à Deo potestatem accepisse, quantum calum terra & anima corporibus praestant. Reges enim corpora ligandi atque solvendi potestatem habere: Sacerdotes verò animas ipsas ligare & solvere. Idem homil. 4. de verbis Isaia; Vidi Dominum. Alij sunt termini regni, alij sacerdotij: hoc regnum illo maius est: Regi ea qua in terris sunt commissa: Sacerdoti caelestia. Et infra. Regi corpora commissa sunt, Sacerdoti anima; maior hic principatus: propterea Rex caput submittit Sacerdoti, & ubique in veteri scriptura Sacerdotes inungunt Reges. Plura in hanc sententiam prosequitur homilia sequenti. Sacerdotium principatus est ipso regno venerabilior ac maior. Ne mihi narres purpuram, neque diadema, neque vestes aureas: umbra sunt isthaec omnia, vernisq; flosculis leniora. omnis enim, inquit, gloria, flos graminis, etiamsi ipsam gloriam regalem dixeris. Ne, inquam, mihi narres ista, sed si vis videre discrimen quantum absit Rex à Sacerdote, expende modum potestatis utrique tradita, videbis Sacerdotem multò sublimiùs Rege sedentem. Quamquam enim nobis admirandus videtur thronus regius ob gemmas affixas, & aurum quo cinctus est; tamè rerù terrenarù administratione sortitus est: nec ultra potestatem hanc praterca quidquam habet auctoritatis. Verùm Sacerdoti thronus in calo collocatus est, & de caelestibus negotijs pronuntiandi habet auctoritatem: Quis hac dicit? Ipse Calorum Rex. Quaecumque ligaveritis super terram, erunt ligata & in calis: & quaecumque solveritis super terram, erunt soluta & in calis. Quid cum hoc honore conferri possit? A terra indicandi principalem auctoritatem su-

Discrimē
Sacerdotij
& Regni.

mit calum. Nam Iudex sedet in terra, Dominus sequitur
seruum, & quidquid hic in inferioribus iudicabit, hoc ille in
supernis comprobabit. Itaque medius stat Sacerdos inter Deū
& naturam humanam; illinc venientia beneficia ad nos de-
ferens; & hinc nostras petitiones illuc proferens. Ideoque
Deus ipsum Regale caput manibus Sacerdotis subiecit, nos e-
rudiens, quod hic sit Princeps illo maior. Siquidem id quod
minus est, benedictionem accipit ab eo quod est præstantius
&c.

S. Ambrosius de dignitate sacerdotali cap. 2. Ho-
nor & sublimitas Episcopalis nullis poterit comparationibus
adaquari. Si Regum fulgori compares, & Principum diade-
mati, longè erit inferius, quàm si plumbi metallum ad aurū
fulgorem compares: quippe cū videas Regum colla & Prin-
cipum submitti genibus Sacerdotum, & exosculatis eorum
dextris, orationibus eorum credunt se communiri. Et cap.

3. Hac cuncta, fratres, ideo nos pramississe debetis cogno-
scere, ut ostenderemus nihil esse in hoc saculo excellentius Sa-
cerdotibus, nihil sublimius Episcopis reperiri; ut cū digni-
tatem Episcopatus Episcopus demonstramus, & dignè no-
scamus quid sumus, & quod sumus professione, actione po-
tius quàm nomine demonstremus &c.

S. Ignatius Martyr epist. ad Smirnenfes: Honora
(inquit Sapiens) fili mi Deum & Regem: ego verò dico:
Honora quidem Deum ut authorem vniuersorum & domi-
num: Episcopum autem ut Sacerdotū Principem, imaginem
Dei ferentem: Dei quiaem per Principatum, Christi verò
per sacerdotium. Post hunc honorare oportet & Regem.
Neque enim Deo quidquam est præstantius aut compar inter
res omnes: neque in Ecclesia quid maius Episcopo, qui Deo
pro salute totius mundi sacrificat: neque in Principibus cō-
par quis Regi quis pacem & bonas leges subditis suis procu-
rat. Qui honorat Episcopum à Deo honorabitur; sicut qui
illum inhonorat, à Deo punietur. Si enim qui contra Reges

a. huiusmodi
lois à exo-
pionu regu-
emissu.

insurgit, iure dignus est punitione, ut qui communem tranquillitatem dissolvat; quanto graviore dignum putatis punitione, qui absque Episcopo aliquid facere tentat, concordiam distrahens, & bonum ordinem confundens? Sacerdotiū enim est omnium bonorum in hominibus summum: aduersus quod qui insanieris, non hominem inhonorat, sed Deum, & Christum Iesum primogenitum, qui solus natura est Patris summus Sacerdos. Et infra. Laici Diaconis subditi sint, Diaconi Presbyteris, Presbyteri Episcopo, Episcopus Christo, sicut ipse Patri. Hæc S. Ignatius. plura ex alijs Patribus adferre possem, quæ breuitatis causa omitto, quorum nonnulla sunt apud Gratianum dist. 96.

Ex his patet sanctorum Patrum sententia Regem non esse absolutè solo Deo minorem, sed soliū facta comparatione cum alijs Principibus sæcularibus, ut aperte S. Ignatius insinuat. Si autem fiat comparatio cum Principibus sacrorum, esse multò minorem, adeo ut etiam subiectus sit suo Episcopo, tamquam ouis pastori suo: quod intellige, nisi per summum Pontificem ab eius Iurisdictione sit exemptus. Idem multis locis fatetur Barclaius, cū expresse doceat Principem in spiritualibus subiectum esse summo Pontifici, & suo Episcopo: ita ut possit ab illis cogi pœnis spiritualibus, ut mutet eam politicam gubernandi formam, quæ bono spiritali est noxia: ut sæpius ostensum est. Certè qui etiam circa materiam propriæ potestatis tenetur obedire alteri, & potest ab eo grauissimis pœnis compelli, perspicuum est, hunc esse illo minorem. Ratio cur Princeps sæcularis absolutè sit minor Principe Religionis, est quam supra n. 150. attulimus; nimirū quia hic versatur circa finem; ille circa media: huic rerum diuinarum quibus homines æternam salutem consequuntur, administratio commissæ est: illi rerum duntaxat humanarum, quæ huic vitæ corruptibili inserui-

unt: huius finis & opus est peccatorum remissio, sanctificatio spiritus, salutis æternæ consecratio: illius finis & opus est hostium depulsio, latronum & furum compressio, & tranquillitas rerum status, quo quis rebus istis infimis ad breue tempus quietè uti possit.

T E R T I A O B I E C T I O,

Ex eo quòd incidat in sententiam Canonistarum.

155. **T**heologi, inquit, refutant sententiam Canonistarum, qui summo Pontifici directum dominium in totum orbem tribuunt, eamque solidissimis rationibus conuellant. Atqui *Theologorum sententia qua Pontifici solum in spiritualia directam potestatem tribuit, in temporalia indirectam, nimirum in ordine ad spiritualia, nihil re ipsa minus ei tribuit. Quidquid enim illi recto ordine, isti obliquè, & per consequentias Papa tribuunt, ut ratio tantum diuersa, res eadem sit. Imò Theologorum sententia, ut est à suis assertoribus proposita, naturalem rerum ordinem euerit, qui vult ne quis potestate & imperio in alios utatur, quod neque sibi nominatim concessum est, neque ad explicandas res suæ fidei mandatas prorsus est necessarium. Itaque neutra harum sententiarum est admittenda, sed tamquam hominum nimis Pontifici addictorum reijcienda. Hæc ratio continetur primo capite, estque ex verbis Barclaij, omittis conuitijs & parergis, formata.*

Discrimè
inter ha-
bere pote-
statem in
tempora-
lia direc-
tè, & in-
directè.

Resp. vel ex ijs quæ hic dicuntur liquere Barclaium non satis assequi statum quæstionis. habere enim potestatem in temporalia *directè* & habere *indirectè*, non sunt re eadem, ut ipse putat, sed plurimum differunt. si enim Papa *directam* haberet potestatem in temporalia Regum, sicut habet in omnia spiritalia, posset pro suo arbitrio instituere Reges quos vellet, & eos ex alio in aliud regnum transferre; sicut ubique potest instituere Episcopos, &

eos

eos ex alio in alium traducere Episcopatum : posset ad singulos Reges mittere suos Legatos , quibus sit maior in administratione politica , quàm ipsis Regibus autoritas , sicut ad prouincias mittit Nuntios Apostolicos , quorum in rebus Ecclesiasticis est maior autoritas quàm Episcoporum : posset vbique leges politicas condere , & conditas à Regibus pro suo arbitrio abrogare : posset ad ipsum ordinariè in omnibus causis fieri appellatio : posset sententias Principum merè politicas , & nullam cum bono spiritali connexionem habentes , in civilibus & criminalibus rescindere &c. nec vlla longissimi réporis præscriptio aut vsucapio , aut consuetudo posset ei in his omnibus aliquid Iuris detrudere : quia iure diuino hæc potestas ei competeret . At nihil horum potest , si solū *indirectè* in temporalia potestatem habet , quia per talem potestatem non poterit se ordinariè illorum gubernationi miscere , sed solū extraordinariè in certo euentu : nimirum quando gubernatio politica ita à Rege vel populo est instituta , vt manifestè videatur nocitura religioni , aut saluti animorum ; & tunc solū eatenus , quatenus opus est vt illud impedimentum vel periculum tollatur , non vltèrius . Vt si lex politica repugnet legi diuinæ , vel occasionem præbeat legis diuinæ violandæ : qualis est ista *de præscriptione 30. vel 40. annorum etiam cum mala fide* : de qua cap. Vigilanti , & cap. finali de præscript. vel si repugnet consilijs Euangelicis , qualis erat illa Mauritij Imperatoris , *Ne miles posset fieri Monachus* &c. de qua S. Gregor. lib. 2. epist. 62 .

Hoc autem Principi Christiano non potest iure videri onerosū aut molestū . non enim onerosum videri cuiquam debet , quod non possit impunè euertere religionem , & subditos suos trahere in perniciem , aut impendere eorum salutem .

Hanc indirectam subiectionem non esse onerosam.

Ex quibus patet multum inter has sententias esse discrim-

unt: huius finis & opus est peccatorum remissio, satisfactio spiritus, salutis æternæ consecutio: illius finis & opus est hostium depulsio, latronum & furum compressio, & tranquillitas rerum status, quo quis rebus istis infimis ad breue tempus quietè uti possit.

T E R T I A O B I E C T I O,

Ex eo quòd incidat in sententiam Canonistarum.

55. **T**heologi, inquit, refutant sententiam Canonistarum, qui summo Pontifici directum dominium in totum orbem tribuunt, eamque solidissimis rationibus conuellant. Atqui *Theologorum sententia qua Pontifici solum in spiritualia directam potestatem tribuit, in temporalia indirectam, nimirum in ordine ad spiritualia, nihil re ipsa minus ei tribuit. Quidquid enim illi recto ordine, istà oblique, & per consequentias Papa tribuunt, ut ratio tantum diuersa, res eadem sit. Imò Theologorum sententia, ut est à suis assertoribus proposita, naturalem rerum ordinem euerit, qui vult ne quis potestate & imperio in alios utatur, quod neque sibi nominatim concessum est, neque ad explicandas res suæ fidei mandatas prorsus est necessarium. Itaque neutra harum sententiarum est admittenda, sed tamquam hominum nimis Pontifici addictorum reijcienda. Hæc ratio continetur primo capite, estque ex verbis Barclaij, omnis conuictijs & parergis, formata.*

Discrimè
inter ha-
bere pote-
statem in
tempora-
lia direc-
tè, & in-
directè.

Resp. vel ex ijs quæ hic dicuntur liquere Barclaium non satis assequi statum quæstionis. habere enim potestatem in temporalia *directè* & habere *indirectè*, non sunt re eadem, ut ipse putat, sed plurimum differunt. si enim Papa *directam* haberet potestatem in temporalia Regum, sicut habet in omnia spiritualia, posset pro suo arbitrio instituere Reges quos vellet, & eos ex alio in aliud regnum transferre; sicut vbique potest instituere Episcopos, &

eos ex alio in alium traducere Episcopatum : posset ad singulos Reges mittere suos Legatos , quibus sit maior in administratione politica , quàm ipsis Regibus autoritas , sicut ad prouincias mittit Nuntios Apostolicos , quorum in rebus Ecclesiasticis est maior autoritas quàm Episcoporum : posset vbique leges politicas condere , & conditas à Regibus pro suo arbitrio abrogare : posset ad ipsum ordinariè in omnibus causis fieri appellatio : posset sententias Principum merè politicas , & nullam cum bono spiritali connexionem habentes , in civilibus & criminalibus rescindere &c. nec vlla longissimi tēporis præscriptio aut vsucapio , aut consuetudo posset ei in his omnibus aliquid Iuris detrudere : quia iure diuino hæc potestas ei competeret . At nihil horum potest , si solū *indirectè* in temporalia potestatem habet , quia per talem potestatem non poterit se ordinariè illorum gubernationi miscere , sed solum extraordinariè in certo euentu : nimirum quando gubernatio politica ita à Rege vel populo est instituta , vt manifestè videatur nocitura religioni , aut saluti animorum ; & tunc solum eatenus , quatenus opus est vt illud impedimentum vel periculum tollatur , non vltius . Vt si lex politica repugnet legi diuinæ , vel occasionem præbeat legis diuinæ violandæ : qualis est ista *de præscriptione 30. vel 40. annorum etiam cum mala fide* : de qua cap. Vigilanti , & cap. finali de præscript. vel si repugnet consilijs Euangelicis , qualis erat illa Mauritij Imperatoris , *Ne miles posset fieri Monachus* &c. de qua S. Gregor. lib. 2. epist. 62 .

Hoc autem Principi Christiano non potest iure vi- Hanc in-
deri onerosū aut molestū . non enim onerosum videri directam
cuiquam debet , quod non possit impurè euertere reli- subiectio-
gionem , & subditos suos trahere in perniciem , aut im- nem non
pedire eorum salutem . esse one-
rosam.

Ex quibus patet multum inter has sententias esse
discri-

nur: huius finis & opus est peccatorum remissio, satisfactio spiritus, salutis æternæ consecutio: illius finis & opus est hostium depulsio, latronum & furum compressio, & tranquillitas rerum status, quo quis rebus istis infimis ad breue tempus quietè uti possit.

T E R T I A O B I E C T I O,

Ex eo quòd incidat in sententiam Canonistarum.

155. **T**heologi, inquit, refutant sententiam Canonistarum, qui summo Pontifici directum dominium in totum orbem tribuunt, eamque solidissimis rationibus conuellant. Atqui *Theologorum sententia qua Pontifici solum in spiritualia directam potestatem tribuit, in temporalia indirectam, nimirum in ordine ad spiritualia, nihil re ipsa minus ei tribuit. Quidquid enim illi recto ordine, istè obliquè, & per consequentias Papa tribuant, ut ratio tantum diuersa, res eadem sit. Imò Theologorum sententia, ut est à suis assertoribus proposita, naturalem rerum ordinem euertit, qui vult ne quis potestate & imperio in alios utatur, quod neque sibi nominatim concessum est, neque ad explicandas res suæ fidei mandatas prorsus est necessarium. Itaque neutra harum sententiarum est admittenda, sed tamquam hominum nimis Pontifici addictorum reiicienda. Hæc ratio continetur primo capite, estque ex verbis Barclaij, omittis conuitijs & parergis, formata.*

Discrimè
inter ha-
bere pote-
statem in
tempora-
lia direc-
tè, & in-
directè.

Resp. vel ex ijs quæ hic dicuntur liquere Barclaium non satis assequi statum quæstionis. habere enim potestatem in temporalia *directè* & habere *indirectè*, non sunt re eadem, ut ipse putat, sed plurimum differunt. si enim Papa *directam* haberet potestatem in temporalia Regum, sicut habet in omnia spiritalia, posset pro suo arbitrio instituire Reges quos vellet, & eos ex alio in aliud regnum transferre; sicut vbique potest instituire Episcopos, &

eos

eos ex alio in alium traducere Episcopatum : posset ad singulos Reges mittere suos Legatos , quibus sit maior in administratione politica , quàm ipsis Regibus autoritas , sicut ad prouincias mittit Nuntios Apostolicos , quorum in rebus Ecclesiasticis est maior autoritas quàm Episcoporum : posset vbique leges politicas condere , & conditas à Regibus pro suo arbitrio abrogare : posset ad ipsum ordinariè in omnibus causis fieri appellatio : posset sententias Principum merè politicas , & nullam cum bono spiritali connexionem habentes , in civilibus & criminalibus rescindere &c. nec vlla longissimi réporis præscriptio aut vsucapio , aut consuetudo posset ei in his omnibus aliquid Iuris detrudere : quia iure diuino hæc potestas ei competeret . At nihil horum potest , si solū *indirectè* in temporalia potestatem habet , quia per talem potestatem non poterit se ordinariè illorum gubernationi miscere , sed solū extraordinariè in certo euentu : nimirum quando gubernatio politica ita à Rege vel populo est instituta , vt manifestè videatur nocitura religioni , aut saluti animorum ; & tunc solū eatenus , quatenus opus est vt illud impedimentum vel periculum tollatur , non vltius . Vt si lex politica repugnet legi diuinæ , vel occasionem præbeat legis diuinæ violandæ : qualis est ista *de præscriptione 30. vel 40. annorum etiam cum mala fide* : de qua cap. Vigilanti , & cap. finali de præscript. vel si repugnet consilijs Euangelicis , qualis erat illa Mauritij Imperatoris , *Ne miles posset fieri Monachus* &c. de qua S. Gregor. lib. 2. epist. 62 .

Hoc autem Principi Christiano non potest iure vi- Hanc im-
directam
subiectio-
nem non
esse one-
rosam.
deri onerosū aut molestū . non enim onerosum videri cuiquam debet , quod non possit impune euertere religionem , & subditos suos trahere in perniciem , aut impedire eorum salutem .

Ex quibus patet multum inter has sententias esse
discrimi-

discriminis ; & falsum esse , quod quidquid altera recto ordine ; hoc altera obliquè & per consequentias Papæ tribuat . Rursus falsum esse , quod Theologorū sententia , vt ab ipsis proponitur , naturalē rerum ordinem euertat . naturalis enim ordo est , vt sicut finis subordinatur fini ; ita facultas quæ versatur circa finē , facultati quæ versatur circa media . quæ omnia cū seruētur in sententia Theologorū , ipsa non euertit sed stabilit naturæ ordinē . Neque tamen Theologi ita sententiam Canonistarum refutant , vt eam damnent erroris .

At verò Barclaij sententia manifestè ordinem naturæ subuertit , quia supponit & subijcit patrem filio , pastorem ouī , magistrum discipulo , spiritum carni : quæ omnia ordini naturæ repugnant .

156. *Sed , inquit , naturalis ordo rerum vult , ne quis potestate & imperio in alios utatur , quod neque sibi nominatim concessum est , neque ad explicandas res suæ fidei mandatas prorsus est necessarium .* Atqui Theologorum sententia huic ordinem euertit .

Respons. Fateor rationem naturalem hoc postulare , sed nego sententiam Theologorū huic repugnare . nego ius & authoritatē disponendi de temporalibus omnium Christianorū etiam Regum in ordine ad finem supernaturalem , non esse summis Pontificibus concessam . etsi enim nominatim particularibus terminis hæc authoritas nō sit concessa ; satis tamen concessa est generalibus , quibus constitutus est pastor ouilīs Christi vt suprā n. 14 . & sequentib . & 64 . abundè ostensum est . Nullo enim Iure requiritur , neque moribus hominum est receptum , vt cū alicui aliquod regimen committitur , singula ad quæ illud se extendit , nominatim in particulari debeāt exprimi . cui enim committitur procuratio alicuius finis , ei hoc ipso datur potestas in omnia media , quatenus ad finem est necesse . Denique nego hanc potestatem

tem non fuisse ad res Pontificis fidei commendatas explicandas necessariam. contrarium enim suprà sæpius est demonstratum. Itaque cùm nulla hic probatio adferatur, non est quod his immoremur.

Dices, contra ordinem naturalem rerum esse, vt alicuius facultas, quæ secundum rationem propriæ functionis in ordine ad proprium finem nulli alteri subest, subfit indirectè, seu in ordine ad finem altiore.

Resp. Nullo modo id esse contra, sed secundum ordinem naturalem. nihil enim tam ordini naturali est consentaneum, quàm vt id quod in ordine inferiori est summum, in altiori ordine subfit alteri: vt patet in primo mobili, quod est supremum in ordine corporum, vnde reliqua motum accipiunt: ipsum tamen iuxta Philosophos subest Intelligentiæ ipsum mouenti. Idem cernitur in ordinibus Angelorum. supremus enim Hierarchiæ inferioris subiectus est Hierarchiæ superiori. deinde quia ordo naturalis postulat, vt facultas quæ versatur circa finem altiorè, non solum possit disponere de medijs proximis, & directè ad finem tendentibus: sed etià de remotis, quæ solum indirectè & extrinseca ordinatione ad finem illum iuuant. Quo fit, vt illa quæ versatur circa media in ordine ad finem inferiorè, sit subiecta alteri in ordine ad finem altiore. quod exemplis multis ostendi potest. Sic enim artes mechanicæ omnes sunt subiectæ Prudentiæ & potestati Politicæ non directè, sed indirectè: quia potestas Politica nihil potest circa regulas & leges earum præscribere, nisi quatenus necesse est ad bonum commune Reipub. idem cernitur in Oeconomica, & in Militari respectu Politicæ. Itaque istæ facultates etsi in ordine ad proprium opus non sint subiectæ Politicæ, nec Politica possit hac ratione quidquam præscribere: tamen in ordine ad bonum publicum ciuitatis quod Politicæ cõmissum est, sunt ei subiectæ,

Summum
in ordine
inferiori
est subie-
ctum alteri
in ordi-
ne superiori.

quantum necesse est, ut illi bono non obfint, sed pro sint. Vnde hæc subiectio indirecta non solum reperitur in potestate ciuili respectu spiritualis, sed etiam in omnibus facultatibus iam commemoratis respectu politicæ.

O B I E C T I O Q V A R T A,

Ex distinctione potestatis Ecclesiasticæ & Politicæ.

657. **D** *Va ista potestates, inquit aduersarius cap. 2. quibus mundus in officio continetur, Ecclesiastica scilicet & Politica, iure diuino sunt distincta & separata, ut utraq; suis terminis conclusa, in alterius fines innuadere suo iure nequeat, neutrique in alteram imperium sit. Confirmat hoc 4. canonibus. can. Duo sunt. can. Cum ad verum. dist. 96. cap. nouit. de Iudicijs. cap. per venerabilem, qui filij sint legit. Deinde ex S. Bernardo lib. 1. de consideratione ad Eugenium cap. 6. & ex Driedone 2. de libert. Christiana cap. 6.*

Hosij sententia.

Postremò ex sententia Hosij ad Constantium Imperatorem, quam refert Athanasius epistola ad solitariam vitam agètes: *Tibi, inquit Hosius, Deus Imperium commisit; nobis quæ sunt Ecclesia concredidit. & quæmodum qui tuum Imperium malignis oculis carpit, contradicere ordinationi diuina; ita & tu caue, ne quæ sunt Ecclesiæ ad te trahens magno crimini obnoxius fias. Date, scriptum est, quæ sunt Cæsaris, Cæsari; & quæ sunt Dei, Deo. Neque igitur fas est nobis in terris Imperium tenere, neque tu thymiaratum & sacrorum potestatem habes Imperator. Et ex*

^b Habetur Can. Cū ad verum dist. 96.

Nicolao 1. ^b epistola ad Michaellem Imperatorem: *vbi dicit: Quod Christus Dominus proprijs actibus & dignitatibus distinctis officia potestatis vtriusque discreuit. Atqui hæc discretio non subsisteret, si altera alteri subordinaretur, aut subiecta esset. quia hinc necessario sequeretur potestates illas neque dignitatibus neque officijs, sed tantum a-*

Nicolaus Papa.

ctibus

Libus esse discretas . atque ita sententia Nicolai Pontificis falsa esset . Nam dignitas , itemq; officium quod est in subordinato , non potest non esse in subordinante , cum ab eo in subordinatum deriuetur .

Respond . Satis confusè hic Barclaius ratiocinatur Resp. ad miscens vera falsis . vtar ergo distinctione . Tria ponit in maiore , quorum duo priora vera sunt propriè loquendo , tertium falsum . Concedo igitur , *Vtramque potestatem suis terminis conclusam ; & neutram in alterius fines suo iure posse innuadere .* Ecclesiastica enim habet suum scopum , seu obiectum formale , & sua media ad illum scopum ordinata . hi sunt termini , quibus ipsa est conclusa . Similiter Politica habet suum scopum seu obiectum formale , & sua media ad hunc scopum ordinata , quibus ipsa tamquam cancellis clauditur . Nèc potest Ecclesiastica innuadere fines potestatis Politicæ ; quia non potest statuere de temporalibus Principi subiectis , prout merè temporalia sunt : hoc est in ordine ad finem politicum , siue quando bonum spiritale id non postulat . hoc enim ad Principem pertinet , & his terminis ipsius potestas continetur . Huic tamen non obstat , quin possit de temporalibus disponere in ordine ad finem spiritalem : quia sub ea ratione non pertinent ad Principis potestatem , sed extra eius fines sunt posita , & intra proprios Ecclesiasticæ potestatis fines conclusa . Temporalia enim prout sunt necessaria ad finem spiritalem , non censentur temporalia nisi materialiter : quia vt sunt tali ordini formaliter sunt spiritalia . media enim speciem formalem accipiunt ex ordine ad finem cui deseruiunt .

Quod autè tertio loco addit : *vt neutri in alteram sit imperium* : id nego propriè verum esse , imò manifestè falsum esse contendo , vel ipsius Barclaij testimonio . Docet enim cap. 14. vt suprà num. 124. ostensum est ,

Quomo-
do istæ
potestates
sint distin-
ctæ .

summum Pontificem posse imperare Regi, vt formam gubernationis politicæ, quæ bono spiritali officit, commutet, eumque ad id pœnis spiritalibus grauissimis compellere. An hoc non est ius & imperium habere in potestatem temporalem?

Resp. ad
canones.

Can. duo
sunt.

Quod attinet ad canones à Barlaio citatos, tantum abest vt id insinuēt quod ipse vult, vt apertè contrarium doceant; vt mirum sit qua fide, quoue iudicio eos adduxerit. Canone Duo sunt. ita dicitur: *Duo sunt, Imperator Auguste, quibus principaliter hic mundus regitur, auctoritas sacra Pontificum, & Regalis potestas: in quibus tantò grauius est pondus sacerdotum, quantò etiam pro ipsis Regibus hominum in diuino sunt reddituri examine ratione.* Quibus verbis insinuat Reges esse Pontificibus subiectos. nam si Pontifices rationem Deo pro Regibus sunt reddituri; ergo Regum salus & vita est illis commissa gubernanda: & reges sunt illorum subditi ac oues, in quas proinde illis sit ius ac imperium. alluditenim ad locum Apostoli ad Hebr. 13. *Obedite praposis vestris, & subiaccete eis: ipsi enim peruigilant quasi rationem pro animalibus vestris reddituri.* Idem confirmant verba, quæ proximè in illo canone subnectuntur. *Nosti itaque inter hæc ex illorum te pendere iudicio, non illos ad tuâ redigi posse voluntatem.* Imò totus iste canon docet Reges esse Pontifici subiectos, & posse ab illo excommunicari.

Can. cum
ad veru.

Cap. no-
uit.

Cap. per
venera-
bilem.

Can. Cum ad verum. solum dicitur, istas potestates esse distinctas *proprijs actibus & dignitatibus*: an idcirco nullum alteri in alteram ius aut imperium? Cap. nouit de iudicijs. ex professo probat summum Pontificem esse Regum iudicem; tantum abest vt insinuet nullum illi ius in potestatem sæcularem competere. Cap. Per venerabilem. vt summum probat Pontificem non posse disponere de politicis, vt merè politica sunt, siue quando bonum spiritale id non postulat. agitur enim ibi de legiti-

gitimatione ad hereditariam successionem . Rex tamen Galliarum videtur in summo Pontifice agnouisse hanc potestatem , quando filium suum illegitimum ab illo curauit legitimari . Nihilominus Pontifex illa noluit uti circa filium Principis cuiusdam subditi Regi , ne ius Regis laderetur . hæc omnia in illo capite .

S. Bernardus loco illo ab Authore citato non dicit Summo Pontifici nullum ius esse in temporalia , sed illa esse indigna , quibus ipse ordinariè occupetur , cui cælestia commissa sunt . *Quidni* , inquit , *contemnant* (Pontifices) *iudicare de terrenis possessionibus hominum , qui in celestibus & angelos iudicabunt : ergo in criminibus non in possessionibus potestas vestra ; quoniã propter illa , & non propter has accepistis clauas regni calorum . Quanam tibi maior videtur & dignitas & potestas , dimittendi peccata , an pradia diuidendi ? Sed non est comparatio . habent hac infima & terreni iudices suos Reges & Principes terra . Quid fines alios inuaditis ? quid falcem vestram in alienam messem extenditis ? Non quia indigni vos , sed quia indignũ vobis talibus insistere : quippe potioribus occupatis . Denique ubi necessitas exigit , audi quid sentiat non ego sed Apostolus . Si enim in vobis iudicabitur mundus , indigni estis qui de minimis iudicetis ? Sed aliud est incidenter excurrere in ista , causa quidem urgente : aliud vltro incumbere istis tamquã magnis dignisque tali ac talium intentione rebus .* hæc ille . Qui locus apertè confirmat nostram sententiam , nimirum urgente necessitate boni spiritualis summũ Pontificẽ de tẽporalibus posse iudicare , nec vlla eius Iurisdictioni eo casu subtrahi . Denique quid Bernardus de potestate Pontificis in Reges sentiat , suprà n. 76. satis declaratum est . Driedo apertè docet Principẽ à summo Pontifice posse ob hæresim &c. deponi , ut suprà nu. 79. ostendimus , tantũ abest , ut velit nullum illi ius aut Imperium in Principem competere .

Sententia
S. Bernardi.

Testimonium Hofij nihil aliud probat nisi Sacerdoti quà Sacerdos est aut Pontifex, non conuenire politicam administrationem, neque illi ius esse in politicam gubernationem quàm merè politica est, seu ad finem temporalem ordinata. Hoc enim ius pertinet ad Reges & Imperatores.

Hinc tamen nullo modo sequitur, quin certo euentu, nempe quando bonum spiritale id postulat, possit aliquid circa politica & temporalia statuere, vt ostensum est.

Ex his patet propositionem maiorem partim esse veram, partim falsam, & pleraque testimonia ab auctore producta ipsi aduersari. Addo in ea committi petitionem principij, Authori familiarem tropum. Assumit enim illas duas potestates ita esse discretas, vt neutri sit ius in alteram. at hoc ipsum est de quo est controuersia.

Obiectio. Dicet fortè aliquis, Authorem cum ait, *istas potestates ita esse discretas, vt alteri in alteram non sit imperium*, intelligendum esse de istis facultatibus consideratis solum intra proprios terminos. Regia enim ita est discreta à Pontificia, & suprema in suo ordine, vt intra ipsius proprios terminos, id est in ordine ad finem merè politicum, Pontificia illi non possit imperare.

Respons. Respondeo 1. Si ita intelligit, verus quidem est sensus, sed locutio impropria, imò propriè falsa. non enim sequitur; Potestas spiritalis non habet vllum ius in politicam in ordine ad finem politicum: ergo nullum habet in illam ius, nullum imperium. Vt enim verè & propriè habeat ius in illam, satis est vt habeat illud in ordine ad finem altiorem, nempe spirituale. Negatio autem tollit totum, & ita propositionem efficit falsam.

2. Hunc sensum nullo modo seruire proposito Authoris, cum intendat probare Pontificem nullo euentu, nullo

nullo fine, quātumvis bonum spiritale in periculo ver-
ferur, posse de temporalibus disponere. Ad hoc autem
probandum nihil iuuat, quōd Pōtifex non possit statu-
ere de illis ob finem politicum, cū abundē possit ob
spiritalem.

Veniamus nunc ad minorem, quæ talis est: *Atqui* 159.
hæc discretio non subsisteret; si altera alteri subordinaretur,
aut subiecta esset.

Primum peto quæ discretio? Illāne de qua Pontifex
Nicolaus, an illa de qua agitur in maiore? si enim lo-
quatur de illa de qua Pontifex, vt omnino loqui vider-
tur, quia solū verba illius vrget: sic nego minorem.
Nam cum subordinatione potestātū optimē consistit ea-
rum discretio, non solū quoad actus proprios, sed e-
tiam quoad dignitates & officia: vt facili multīs exem-
plis declarari potest. Oeconomica enim subordinata est
Politica, & omnes artes mechanicae eidem Politicae sunt
subiectae: & tamen plurimū ab ea distinguuntur, non
solū actibus, sed etiam officijs & dignitatibus. Vbi-
cumque enim sunt diuersa obiecta formalia, vel proprii
fines diuersi, siue illi sint subordinati siue non; ibi quo-
que sufficiens est distinctio facultatum & potestatum
quoad officia propria, proprias dignitates, & proprios
actus. Vnde etiā in artibus & facultatibus, in quibus
est directa & intrinseca subordinatio, ac proinde minor
distinctio; videmus sufficientem discretionē quoad di-
gnitatem & officium, & opus proprium: nimirū quia
inter eas est distinctio ratione obiecti formalis & proprii
finis: vt inter Architecturam, & artes illi subseruientes:
inter Geometriam, & multas artes mechanicas: inter
Geometriam & Astronomiam: inter Opticam & Pi-
ctoriam; inter Medicam & Chirurgicam: inter Physi-
cam & Medicam &c. quōd si illæ in quibus est subordi-
natio intrinseca & directa, sufficientem habent distin-
ctio-

Respon-
detur ad
minorem.

Discretio
officiorū
& digni-
tatum o-
ptimē cō-
sistit cum
subordi-
natione;

tionem quoad officia, proprias dignitates & functiones; quanto magis illæ inter quas solum est subordinatio indirecta & extrinseca.

Si autem sit sermo de ea discretione de qua loquitur in maiori; ea cum duplex sit, etiam cum distinctione respondendum. Si enim loquatur de priore, nimirum de ea discretione facultatum qua singulæ sunt conclusæ suis finibus &c. sic falsum est hanc discretionem non consistere cum subordinatione, ut iam satis demonstratum est. Si autem loquatur de posteriore, nimirum de ea discretione, qua fiat ut alteri in alteram non sit imperium: sic verum quidem est, & per se notum, hanc discretionem non consistere cum subordinatione (ubi enim altera alteri potest imperare, ibi necessario altera alteri est subiecta ac subordinata) sed falsum est talem discretionem inter potestatem Politicam & Spiritalem reperiri. neque hoc erat assumendum tamquam principium, sed probandum, cum de eo sit controuersia, ut ostensum est.

Ex quibus patet quàm imbecille & friuolum sit argumentum. nam præterquam quoddam falsa veris misceantur, est in eo petitio principij, vel æquiuocatio; adeoque vel nihil concludit vel nimium concludit, nec minùs ipsius authoris quàm nostram sententiam oppugnat.

160. Quod autem ad confirmationem minoris addit: *Dignitatem & officium quod est in subordinato, non posse non esse in subordinante, cum ab eo in subordinatum deriuetur*, falsum est quoad utramque partem, & patet exemplis supra adductis. Oeconomica enim & artes mechanicæ sunt subordinatæ Politicæ; tamen dignitas earum, & officium non est in politica, neque à Politica in ipsas deriuatur. Vnde sicut Politica non habet ius præscribendi Oeconomicæ, aut artibus mechanicis, vel immiscendi

Officium
subordi-
nati non est
in subor-
dinante.

se earum functionibus in ordine ad ipsarū propriū finem, sed solum in ordine ad bonum commune Reipub. ita potestas spiritalis non potest præscribere civili, nec immiscere se illius negotijs, nisi in ordine ad bonum spiritale. Itaque officium & dignitas potestatis civilis non continetur in spiritali, etsi illi in ordine ad finem spiritalem sit subordinata. Si enim in illa cōtineretur, illa posset omnia quæ Politica potest, idque in ordine ad finem politicum, & quando bonum spiritale id minimè postulat. Vnde ulterius patet dignitatem & officium politicæ potestatis non deriuari à spiritali, neque vllam intrinsecā ab ea dependentiā habere; cum sine illa existere possit.

Addo, ne quidem in facultatibus, quæ directā, intrinsecam & essentialē subordinationem habent, id inueniri; vt officiū subordinatæ existat in subordinatē. quia subordinans per se non potest præstare opus facultatis subiectæ; vt patet in Optica & Pictoria, Physica & Medica, Geometria & Astronomia. etsi enim vis & dignitas inferioris magnam partem deriuetur à superiore, cum eius conclusionibus tamquam principijs vtatur: tamē officijs & proprijs functionibus plurimū distinguuntur. Multò ergo minùs in ijs quæ solum extrinsecā & indirectam subordinationem habent, id locum habebit, vt dignitas & officium subordinatæ existat in subordinante, & ab ea deriuetur.

Fateor tamen quadam ratione dici posse dignitatem & officium subordinatæ interdū reperiri in subordinante. quia etsi potestas subordinata secundum propriam rationem formalem non sit in subordinante: est tamen altiori quodam modo in illa; nimirum in ordine ad altiorem finem; ita vt superior possit statuere & facere quod facit inferior, quando id ratio finis altioris postulat. Verū id nullo modo fauet sententiæ aduersæ, vt sapius ostensum est.

• Hæc paulò fufius propter eos qui ifta Philofophica parùm penetrant , quæ fi Barclaius probè intellexiffet , non tam pueriliter , nec tam fæpe hallucinaretur in hac quæftione ; nec tam confusè & inconfanter difputeret . Omitto quæ ille contra pium & eruditum virum Bozium difputat , quia illam fententiam modò non tuemur . Immodò tamen illum fic exagitat , cùm ipfemet tam parùm folidè procedat .

*QVINTA OBIECTIO,
Ex eo quòd Ecclefia olim non habuit ius in Laicos.*

161. **P**Apam (inquit author cap . 3 .) *temporali poteftate in Reges & Principes dominari perfpicuè falſum eſſe , vel ex eo cõſtat , quòd absurdum & iniquum fit dicere , Principes Ethnicos duriorè & deteriore conditione ab Ecclefia eſſe receptos , quàm ſingulos quoſque de multitudine : vel Papam habere nũc maiorem poteſtatem in Principes politicos Chriſtianos , quàm olim D . Petrus & ceteri Apoſtoli in quemlibet priuatum hominem Ecclefia filium : At hi nullum Ius aut poteſtatem temporalem habuerunt tunc tẽporis in Chriſtianos laicos : ergo nec Papà in Principes ſeculares poteſtatem ullam temporalem nunc habet .* Aſſumptiones multis argumentis probat , quæ nos infrà ordine referemus .

Poteſtas
Papæ in
temporalia eſt ſpiritualis .

Vt ad hæc omnia reſpondeamus , notandum eſt , nos non dicere *Papam temporali poteſtate in Reges & Principes dominari* . ſatemur enim hoc propriè falſum eſſe : quia tota poteſtas ipſius merè ſpiritualis eſt & ſupernaturalis ; vtpote ex moriuo ſupernaturali & ſpirituali ſe ad vſum applicans , & in finem ſupernaturalem tendens . Itaque ſiquis hanc poteſtatem quatenus ad ſpiritualia ſe extendit , vocet *temporalem* , impropriè loquitur : cùm ex fine , ſeu obiecto formali ſumatur ſpecies & denominatio . Verùm Barclaio paſſim ita loqui placet , ad inuidiam ſententiæ

con-

conciliandam, quod etiam pertinet verbum *dominari*. non enim Papa propriè dominatur Principibus, sed suaviter eos monet & dirigit, ut pater filios primarios & honoratissimos.

Nostra igitur sententia est, Papam præesse etiam Regibus & Principibus potestate spiritali & sacra, qua possit etiam de ipsorum, & aliorum Christianorum bonis temporalibus statuere; quando bonum spiritale id postulat; non aliter, nec aliàs. & hoc est quod iste author oppugnare intendit, etsi absurda verborum specie proponat. Qua in re imitatur hæreticos, qui sententias Catholicorum absurdissimè & falsissimè proponunt: v. g. Papiſtas docere, esse adoranda ligna, lapides, truncos: ligna & lapides facere miracula: panem esse Deum &c. Qui bona fide disputat, proprijs maximè verbis sententiam aduersarij proponit, ut status quæstionis ab omnibus facile percipi possit.

Quod ad obiectionem authoris attinet, ut respondeam in forma; concedo utramque propositionem (duas enim in maiore ponit tamquam duos formaturus syllogismos, quamvis priore deserta solum assumat sub altera) sed nego assumptionem, seu minorem. Planè enim falsum est, S. Petrum nullam habuisse auctoritatē in temporalia laicorum, quando bonum spiritale id exigebat. certum enim est Apostolos & Prælatos Ecclesiæ semper habuisse potestatem excommunicandi, ac proinde priuandi conuictu politico: & statuendi de elemosynis largiendis, de subsidio vitæ ministris Ecclesiæ præbendo, de oblationibus faciendis, alijsque sumptibus ad cultum diuinum necessarijs. extant enim de his antiquissimi canones. Deinde non est dubitandum quin etiam multas pecuniarias potuerint irrogare. quibus enim res maximæ concessæ erant, cur minima & accommodatissima ad hominum emendationem

Respondetur in forma.

Apostoli habuerunt potestatem disponendi de temporalibus.

Episcopi
Iudices in
tempo-
ralibus.

negata censeantur? Denique ex Patribus constat Episcopos primis illis sæculis fuisse iudices ordinarios Christianorum in civilibus; ut patet ex Synesio epist. 57. ubi propter hanc grauissimam occupationem petit à Synodo liberari Episcopatu. & ex S. August. tum epist. 147. tum in psal. 118. concione. 24. & lib. de opere Monachorum cap. 29. Idem lib. 6. confessionum cap. 3. refert quantopere ea in re fuerit occupatus Ambrosius. neque solum temporibus Christianis, sed etiam antea, ut constat ex vita S. Gregorij Thaumaturgi, descripta à Gregorio Nysseno. id enim ex Apostolica traditione initium habuisse aperte docet S. August. lib. de opere Monachorum cap. 29. & concione illa 24. in psal. 118. minorem tamē seu assumptionē multis probationibus author confirmare nititur, quas distincte & ordine referemus.

162.

Multæ
probatio-
nes mino-
ris.

1. Probat.

a Lib. 5.

c. 7. Ec-

clesiæ hie-

rarch.

b Lib. 2.

de Rom.

Pōt. c. 29.

Respons.

1. Probatio, *Certo*, inquit, *certain est tēpore Apostolorū Ecclesiasticā potestātē fuisse separatā à politica, & hanc tantā apud Ethnicos Principes extra Ecclesiā fuisse; adeo ut ipsi Apostoli in potestate temporali Ethnicorū fuerint. Quod & Pighius & Bellarmin^o aliique Theologi insignes fatentur.*

Resp. Admitto fuisse separatam à politica. Politica enim solum est disponere de rebus humanis in ordine ad finem temporalem; quod non pertinuit umquam ad Pontifices. Hinc tamen nulla probabilitate sequitur, ipsos non posse de illis statuere ad finem spiritalem. hoc enim non est opus politicum & profanum, sed religiosum & sacrum. Quod additur de Apostolis: concedo illos fuisse in potestate Principum Ethnicorū de facto; nego de iure, saltem eo modo ut licite Principes possent eos iudicare. et si enim possint dici eis subditi secundum quid, quā ciues, hoc est, considerata præcisē illa politica conditione, quā erant partes Reipublicæ: tamen absolute ratione dignitatis sacræ ita erant exempti, vel exceptio illis sic erat debita, ut absque sacrilegio nō possent

An Apo-
stoli Eth-
nicis Prin-
cipib^o fue-
rint sub-
diti.

sent ad eorū iudicia pertrahi . qua de re plura infrā ob .
 14 . cū de exemptione . Addo , etiam si illi fuissent in
 potestate Principū Ethnicorum in ordine ad finē politi-
 cum : inde tamen non sequi illos non habuisse potestatem
 in eisdem , & in omnes Christianos laicos in ordine ad
 finem spiritalem , vt docet D . Tho . 2 . 2 . q . 10 . a . 10 .

2 . Probatio . *Christus* , inquit , *venit non soluere le-* 2 . Prob .
gem sed adimplere , nec natura & gentium iura tollere , aut
quemquam temporali rerum suarum dominio excludere : er-
go sicut ante Christi aduentum Reges politica potestate sub-
ditis praeerant : ita & post .

Respondeo . Totum admitti posse : tamen claritatis Respons-
 causa distinguo consequens . Qui post aduentum Chri-
 sti erant vel manebāt subditi Principum , sicut fuerant
 ante aduentum ; ijs Principes ita praeerant postea , sicut
 antea . At Apostoli non manserunt ita subditi : quia per
 Christū constituti sunt ipsi Principes orbis terrarum in
 rebus longē maioribus , vt David Ps . 44 . prophetaue-
 rat . quam dignitatē si Principes saeculares clarē cogno-
 uissent , ipsos potius tamquam Deos quosdam , & salutis
 humanae secundū Deū authores , sicut fecit magnus Cō-
 stantinus , venerati fuissent ; omniaq ; sua illis libenter
 subiecissent . Neq ; propter hoc propriē dici potest , Prin-
 cipes dominio rerū suarū exclusos . quia amittere aliquot
 subditos , non est propriē amittere dominium : alioquin
 tot millibus quotidie morientibus , Princeps quotidie do-
 minium amitteret . Dominium enim Principis non con-
 sistit determinatē in iure seu potestate erga has numero-
 personas ; sed indeterminatē erga laicos regionem ipsius
 incolentes . Vnde etiam si omnes quotannis mutarentur ,
 idem tamē maneret Principatus , idem dominium . Si-
 militer cū aliquis è statu laico transit in clerum , non
 magis amittit Princeps dominium , quā si ille ex terra
 transferretur in cælum . Subtrahitur quidem aliquid ma-

Principes
 non fuisse
 dominio
 exutos .

teriz Jurisdictionis, sed id potius in lucro ponendū Principi quàm damno ; vt infra magis declarabitur . Nimis angusti est animi , qui istud dominij amissionem reputat .

Paradoxa
tria .

Porro in antecedente tria insinuat valde mirabilia .
1. est , quod Christus si exemisset Petrū & reliquos Apostolos à Principum secularium Jurisdictione , soluisset non impleisset legem veterem . 2 . quod sustulisset Ius naturæ . 3 . quod Ius gentium . Quæ certe non egent magna refutatione .

Luce enim meridiana clarius est , nulli iuri nec nouo , nec veteri , nec naturæ , nec gentium , nec civili repugnare , quod supremus dominus aliquos subditos inferioris domini in suam familiam transferat , & simul à Jurisdictione inferioris eximat . Fide etiam certum est Christum fuisse omnium Principum Dominum , & supremum Imperatorem , non quidem titulo aliquo humano , vt successione hereditaria , vel electione populorum : sed ratione vnionis hypostaticæ , quia filius Dei , quem

d ad He-
bræos . 1 .
e Ioan . 13 .
f Matth .
28 .

Pater d constituit heredem vniuersorum : cui omnia Pater dedit in manus : & cui data est omnis potestas in calo & in terra . In d duplex dominium in omnem creaturâ ei cōpetebat . alterum diuinum , ratione diuinitatis , commune illi cum Patre & Spiritu sancto . alterum hypostaticum , vt sic dicam , ratione vnionis hypostaticæ , ipsi proprium , vtpote immediatè humanitati inexistēs ; de quo intelligendæ scripturæ citatæ . Quibus positis non facile erit Barlaïo explicare suam propositionem . aliud est , inferiorem non teneri obedire suo legitimo Superiori , totam suam Jurisdictionem in illum absolutè retinenti ; aliud inferiorem eximi à Jurisdictione , & transferri in altiorum gradum . illud est cōtra Ius naturæ ; hoc minimè . Verum Barlaïus pro suo acumine ista non distinguit .

163 .

3 . Probatio . *Petrus* , inquit , & ceteri *Apostoli* antequam

sequam Christum sequerentur temporali Ethnicorum Prin- 3. Probatio
cipum Iurisdictioni subijciebantur: nec Dominus ullibi disertè
& nominatim ipsos ab illa naturalis & gentium Iuris obliga-
tione liberauit: ergo manserunt sub eodem iugo post Aposto-
latum.

Resp. negando conseq. Non enim erat opus exci- Respons.
 pere illos nominatim, & disertis verbis: sed satis erat eos
 instituere Principes sacrorum in toto orbe. ut enim
 supremus Imperator eximat aliquem à Iurisdictione in-
 ferioris Principis ipsi subditi, non est opus ut nomina-
 tim & disertè dicat, Ego te eximo &c. sed satis est ut ipsū
 faciat Principem, vel suum Vicarium. hinc enim ex na-
 tura rei sequitur exceptio. Neque idcirco (ut iste hic
 rursus oggerit) qui ita eximitur, liberatur à iuris naturæ
 & gentium obligatione, ut satis ostensum est; imò &
 per se notum. Sæpe tamen author istud repetit, & plu-
 rimum in eo præsidij ponit, putans rationem esse inso-
 lubilem.

Quod addit exemptionem illam fuisse tunc inuti-
 lem, & idcirco Christum eam non cōcessisse, valde in-
 firmum est. Primò quia supponit hanc exemptionem
 à nobis poni per accidens, coniunctam dignitati Apo-
 stolicæ, nimirum ex liberali concessione Christi, cum
 ex natura rei statuamus illam ex ea dignitate consequi,
 & intrinsecè esse connexam. 2. Quia etiamsi tunc u-
 tilis non fuisset, posterioribus tamen temporibus pote-
 rat Ecclesiæ plurimum esse opportuna. 3. Quia etiam
 tum multiplicem usum ista potestas habuit in Christia-
 norum gubernatione, ut paulò antè ostensum est num.
 161.

4. Probatio. Apostoli docuerunt, Christianis sub- 4. Prob.
 iectionem & obedientiam esse Principibus exhibendam:
 ergo & ipsi eam exhibuerunt; alioquin potuisset illis ex-
 probrari, aliud eos fecisse, aliud docuisse.

Re-

Respons.

Respondeo : . hoc argumentum parum habere vi-
rium , cū & Christus & ipse Deus idem docuerit , &
summus Pontifex idem doceat ; qui tamen non tene-
tur idcirco Principibus parere . Neque illud ipsis probro
dari potest , cū alia subditorum , alia Prælatorum sit
ratio . solum enim inde sequitur Apostolos suis superio-
ribus , si quos habuerūt debuisse parere . 2 . Concedo A-
postolos exhibuisse Principibus obedientiā , non ex obli-
gatione perfectæ & directæ subiectionis , sed ad aliorū æ-
dificationē , & ne Ethnicos , quibus eorum dignitas erat
ignota acerbarēt , & ansam darent acrius & specie qua-
dam iustitiæ aduersus religionem nostram sæuendi . Si-
mili modo Dominus tributum soluit , cū tamen nullo
iure esset ad hoc obstrictus , vt ipse apertè insinuat , Matt.
17 . cū ait : *Ergo liberi sunt filij* &c . addo fuisse subie-
ctos quoad vim directiuam legum communium ; quia
iure gentium quisque tenetur se accommodare mori-
bus & legibus iustis Reipub . in qua viuit .

5 . Probatio . *Paulus appellauit ad Cæsarem : & iussit*
164 . *Christianos omnes subiectos esse tēporali potestati Ethnicorū ,*
5 . Probat . *non solum propter iram , sed etiam propter conscientiam , ad*
Rom . 13 . ergo Apostoli Principibus suberant .

Resp . Appellatio non est certum signum subiectio-
nis . possumus enim appellare ad eū qui tyrannicè Prin-
cipatum inuasit , si nobis ab inferiore magistratu fiat ini-
uria . Deinde potius ostendit iudicem à quo appellatur ,
quàm ipsum appellantem esse subiectum iudici ad quem
sit prouocatio . 3 . Causa illa quæ aduersus Paulum agi-
tabatur , erat merè spiritalis , nimirū de lege diuina , &
Messia ; vt patet Act . 25 . Itaque non potuit appellare
ad Cæsarem tamquam ad proprium iudicem : sed appel-
lauit ad Cæsarem tamquam superiorem Festi , à quo ipsi
impendebat exitium , cū contra omne ius & fas frau-
dulenter esset tradendus sicarijs Iudæorū , Act . 23 . & 25 .

Ad lo-

Ad locum Apostoli Rom. 13. Resp. illum dupliciter exponi posse. 1. Apostolū generatim loqui de omnibus legitimis superioribus; nimirum quemlibet debere esse subiectum suo superiori. non enim ait: *Omnis anima Regibus subiecta sit*; sed *potestatibus superioribus* ἐξουσίαις *ἐν κυρίῳ*: quæ vox generalis est, nec minùs conuenit potestati spiritali quàm ciuili. Deinde quia ratio Apostoli generalis est, imò magis propriè aptatur potestati spiritali, quàm ciuili. spiritalis enim magis directè & immediatè est à Deo instituta, ordinata, & collata homini quàm ciuili; & magis Deo resistit qui illi quàm qui huic repugnat: & qui illa præditus est, magis propriè est minister Dei, quàm Princeps politicus, vt luculentè tradit S. Ignatius epist. ad Smirnenfes, ad locum Apostoli respiciens. Eundè locum generatim intellexit S. Bernardus epist. 183. ad Conradum Imperatorem. *Legi, Omnis anima potestatibus sublimioribus subdita sit: & qui potestati resistit, Dei ordinationi resistit. Quā tamen sententiā cupio vos, & omnimodis moneo custodire, in exhibenda reuerentia summa & Apostolica Sedi, & B. Petri Vicario, sicut ipsam vobis ab vniuerso vultis seruari Imperio.* Denique doctrina Apostoli hoc modo magis est vniuersalis, & vt ita dicam formalis. Vnde patet hanc expositionem non esse meram cauillationem viris doctis indignam, vt solitis auxesibus ait Barclaius. Ratio quæ ipse id probat falsa est; nimirum non fuisse tunc temporis aliam quàm politicam potestatem hominibus cognitam. hoc enim refutat abundè S. Ignatius loco citato, & ipse Apostolus ad Hebr. 13. *Obedite præpositis vestris, &c.* Act. 20. *Attendite vobis & vniuerso gregi, in quo vos Spiritus sanctus posuit Episcopos regere Ecclesiam Dei.* Christianis enim notissima erat potestas Ecclesiastica, & illius hierarchica dispositio, graduumque distinctio: de quibus Ignatius suprà, & Dionysius lib. de Ecclesia-

Ad Rom.
13. Omnis
anima,
&c.

stica hierarchia . Nec obstant illa verba Apostoli : *Non sine causa gladium portas* . quia etsi antè generatim loqueretur , potuit mox descendere ad civilem , eamque commendare , vt ostenderet Christianam religionem non contemnere & euertere illam potestatem , vt Ethnici calumniabantur , sed honorare & stabilire .

Altera expositio est de sola potestate civili : quam expositionem quia author tantum in ea prædij suæ sententiæ collocatum putat , ponamus modò esse legitimā . nihil enim inde sequitur aliud quàm neminem ratione Christianæ religionis esse exemptū à Iurisdictione Principis , quin teneatur legibus eius iustis parere , & possit ab eo puniri . Hoc enim satis erat tum ad Christianos efficij sui commonendos , tum ad Ethnicorū falsam criminationem depellendam . Itaque utrū ratione Apostolatus aliquis sit exemptus saltem quoad vim coactiuam legum , vel an alia ratione Ecclesia aliquem possit eximere , Apostolus hic non disputat .

Nec obstat quòd dicat ; *Omnis anima* : vbi nemo excipitur . quia huiusmodi locutiones prudenter intelligendæ sunt , iuxta mentem authoris quæ semper spectanda . Nemo excipitur præcisè ratione religionis ; cui non obstat quin alio titulo excipi possit . Nulla ferè est propositio vniuersalis , quin patiatur multas exceptiones . Denique etiamsi Apostoli , quæ ciues , ita fuissent potestati politicæ per se spectatæ subiecti , vt in conscientia teneantur iustas leges politicas seruare : inde tamen non sequitur quin ex altera parte , quatenus Principes spirituales potuerint esse exempti , ita vt absque sacrilegio non possent puniri .

Potuerūt
se exime-
re à Prin-
cipis Iu-
risdictio-
ne.

Item non sequitur , quin propter iniurias quas Principes Ethnici Ecclesiæ irrogabāt , possent seipsos & clerum , & ceteros Christianos illorum Iurisdictione eximere ; ita vt in conscientia semoto scandalo non teneantur

tentur illis obedire : vt præter alios expresse docet S. Thomas 2. 2. q. 10. 2. 10.

Denique non sequitur quin ipsi in omnes Christianos plenam Iurisdictionem habuerint in ordine ad finem spiritalem. etsi enim subiecti essent Principi Ethnico in temporalibus respectu finis politici : poterant tamen simul esse subiecti Apostolis quoad eandem materiam respectu finis altioris. hæc enim nullo modo pugnant, vt sapius ostensum est.

Testimonium S. Augustini quod author adducit ex lib. quarundam exposit. in epist. ad Rom. nihil aliud probat quàm ratione Christianismi, per quem in libertatem vocati sumus, non liberari nos à subiectione politica. quod libenter fatemur. Non tamen negat, quin alia ratione quisquam ab ea liberari possit.

6. Probatio. Si ergo nullam temporalem potestatem habuerunt tunc Apostoli in priuatos homines regeneratos, & filios Ecclesie factos : qui fieri potest vt successores Apostolorum eam potestatem in Principes ad Ecclesiam venientes nacti sunt ? Et paulò post. Quid indignius & iniquius dici potest, quàm eos (Principes) fidem Christi professantes duriore iugo pressum iri, quàm singulos de multitudine ?

Resp. Hic assumi tamquam conclusum ex ijs quæ proximè antecedunt, Apostolos nullam habuisse potestatem in vilo euentu in res temporales Christianorum : cùm id minimè conclusum sit. quia solùm conatus est probare Apostolos fuisse subiectos Principibus Ethnicis, vt patet ex quinta probatione. Itaque vel non bona fide hic disputat, vel non aduertit quid antè concluderit. Negamus ergo quod hic tamquam probatum assumitur. habuerunt enim Apostoli, cùm id posceret bonum spiritale, non minorem potestatem in priuatorum res téporales, quàm modò habeant Ecclesiarum Prælati.

R r 2

Vnde

Christiani
subiecti
Apostolis
in tempo-
ralibus in
ordine ad
finem spi-
ritalem.

165.

6. Probatio.

Refutatur

Vnde etiam negamus Principes ad Ecclesiam accedentes, duriore iugo ab ea premi quàm priuatos. est enim eadem priuatorum & Principum ratio, proportionè seruata.

Non esse
durū aut
molestū.

Addo, valde mirum videri à viro prudente, qui se Catholicum profitetur, toties in hoc libello ingeminari, ponderari, & amplificari, infelicē Regum ad Ecclesiam venientium fore sortem, ac durū iugum, si summo Pontifici, certo euentu poscente bono spiritali, vt Catholici Doctores ponunt, in temporalia illorum aliquid iuris concedatur. quis enim Catholicus aut aliquo religionis sensu præditus dicat duram esse conditionem, quòd non possim impunè religionem vastare, & infinitas animas mecum orco demergere? Quis putet graue iugum quòd sit aliquis in orbe, qui talia tentantem & molientem, post benignas monitiones, post preces & obsecrationes; denique post minas, post spirituales omnes pœnas, possit tandem vrgerè pœna temporalì, & priuare potestate ac dignitate temporalì, qua tam scelestè in tantam boni spiritalis, quod infinitè melius est, perniciem abutor? Scilicet non est mihi grane iugum quòd grauissimis pœnis spiritalibus, & cœlestium bonorū priuatione possit me Papa à malo reuocare: sed, quòd per ablationem temporalium rerum quibus abutor in exitium religionis, & infinitarum animarum, possit id facere; id demum est graue onus, & iugum intolerabile. Quis adeo vecors est, qui hunc sensum non videat esse Atheisticum, vt qui spiritalibus longè præponit temporalia?

166.

Discrimē
inter Prin-
cipes Eth-
nicos &
Christia-
nos.

Subiicit deinde responsionem quorundam Doctōrum, quam mox conatur refellere. *Nec inuat*, inquit, *adversariorum causam, dicere Apostolos ideo non habuisse temporalē potestatem in sui saculi Principes, quia nondum facti erant Christiani, secundū illud: Quid enim mihi*
de ijs

de ijs qui sunt foris iudicare? Papam verò nunc illam potestatem habere, quia facti sunt Christiani & filij Ecclesie, cuius ipse est supremus Princeps: & rectum natura ac rationis ordinem postulare, ut filius patri, non pater filio subijciatur.

1. Co.
rinth. 5.

Ad quod respondens Barclaius. Hæc, inquit, adeo nihili ratio est, ut mirum sit lectum ei aliquæ à viris doctis datum esse. Ita primum more suo idem rationes aduersas, etsi fortissimas. Deinde cur sit adeo nihili, causam adfert. Nam, inquit, illa subiectio spiritalis per quam Principes facti sunt filij Papæ, penitus distincta est à subiectione temporalis, ita ut altera alteram non sequatur: idq; declarat exemplo Consulis, qui se dat alicui civi opulento in adoptionem.

Respons.
Barcl.

Sed tantum abest ut Barclaius ostendat illam rationem esse nihili, ut ipse in sua ratione vel petat principium, ut plerumque facit, vel nihil dicat. Nam per subiectionem temporalem vel intelligit subiectionem in temporalibus etiam respectu finis & boni spiritalis, & hoc modo petit principium, cum ait hanc subiectionem esse distinctam & separatam à subiectione spiritali. hoc enim est quod vertitur in questionem, etsi sub alio terminis. Nos enim asserimus illam subiectionem formaliter esse spiritualem, quia in ordine ad finem spiritualem, & necessario sequi ex subiectione in spiritualibus: adeo ut hoc ipso quo quis est subiectus alicui perfecte in spiritualibus, sit etiam subiectus in temporalibus, quatenus bonum spirituale postulat.

Refutatur

Si verò per subiectionem temporalem intelligat eam, qua quis subijcitur ut regatur in ordine ad finem temporalem, quæ sola propriè subiectio temporalis vocatur; sic verum est, eam esse distinctam à subiectione spiritali. Sed quid hinc sequitur quod vel in speciem illi rationi Doctorum aduersetur? omnes enim fatentur hac subiectione Principes non esse summo Pontifici subiectos:

an ideo subiecti non erunt, ut regantur in ordine ad finem spiritualem? Omitto quod ipse Barclaius alibi sapientem subiectionem in temporalibus quoad obligationem parendi in Principibus fateatur: etiam dicat eos propterea non poenis temporalibus, sed solis spiritualibus posse puniri, aperte ~~etiam~~ connectens.

Exemplum de Consule nihil ad rem facit. Consul enim dum tradit se in adoptionem v. g. Caij, non subiicit se Caio in ordine ad finem altiore, sed ad finem inferiorem; nimirum ad bonum æconomicum, quod est vnius familiæ: hoc enim est finis adoptionis & insertionis in familiam. at finis Consulatus propositus est bonum publicum, quod longè eminentius est quàm bonum domesticum. Vnde Consul, quàm Cōsul, potest statuere de bono domestico civium, quatenus opus est ad suum finem. Itaque mirum non est, si Consul Caio fasces Consulares non submittat, suam potestatem & dignitatem minime subiiciat: cum ea quæ ad bonum commune pertinent, non debeant disponi ad commodum alicuius privatz familiæ. hoc enim tyrannicum est. At verò quando Rex fit Christianus, & adoptatur in filium spiritalem Ecclesiæ, subiicitur ei in ordine ad finem longè altiore, nimirum ad salutem æternam: ac proinde in omnibus, quæ ad hanc sunt necessaria, siue ea temporalia sint, siue spiritualia. Itaque necesse est, ut ei subiiciat suum regimen temporale, quatenus necessarium est, ut illud religioni non sit noxium, nec legi diuinæ dissentaneum, ut ipse salutem consequi possit. Principes Ethnici non ita sunt Ecclesiæ subiecti. quia etsi populum suum contra legem diuinam regant, & ipsi palam contra illam agant, non possunt tamen ab Ecclesia ad æquitatem compelli: quia se illi nōdum submitserunt, nondum in ius Ecclesiæ per baptismum (qui est solemnioris religionis Christianæ professio) concessere.

Non

Rex subiicit se in ordine ad finem altiore.

Non tamen ideo sunt feliciores, aut magis liberi, cum sint mancipia diaboli, serui peccati & suarum passionum, filij tenebrarum & gehennæ.

7. Probatio. Veteres nullam huius potestatis mentionem fecere, quamvis à Principibus etiam Christianis Ecclesia interdum grauitè vexaretur. *Nemo*, inquit, *inter antiquos Pontifices exstitit, qui se Imperatoribus iure diuino superiorem in temporalibus, vel verbo, vel scriptumquam significarit: quin potius ut quisque doctrina & sanctitate magis excelluit, ita Imperatorem submissius obseruans, eius subditum & seruum se esse professus est. Sic Gregorius ad Mauricium: Ego autè indignus Pietatis vestrae famulus, inquit. Et paulò post. Ad hoc enim potestas super omnes homines dominorum meorum pietati calitus data est. En ut sanctissimus hic Pontifex testatur Imperatori potestatem calitus datam super ipsum Papam, super omnes inquit homines: super Papam ergo, si homo est.* 167.
7. Proba-
tio.
g. lib. 2.
epist. 61.
indict. 11.

Resp. non fuisse opus ut expresse & discretè mentionem facerent potestatis priuandi noxij Principis iure temporali: tum quia non fuit commoditas vtendi sua potestate, tum quia satis eam indicarunt, quando docuerunt eos esse subditos Prælati Ecclesiæ, sicut oues suis pastoribus; & sicut caro subiecta est spiritui; vt patet ex Gregorio Nazianzeno, & Ambrosio suprà num. 154. Gelasio epist. 10. ad Anastasium Augustum, Symmacho in apologetico aduersus Anastasium Imperatorem, & alijs quos suprà in priore parte huius disput. probat. 4. & 5. adduximus. Inde enim manifestè sequitur, posse eos statuere de temporalibus, quatenus opus est vt cõsentaneè legi diuinæ gubernentur &c.

Adde, quodd Pontifices plusquam 400. annis vsi fuerunt hac potestate nemine repugnante, nemine de ea dubitante, nimirum ab anno 750. vsque ad tempora Gregorij 7. quando aliquot simoniaci & concubinarij se

se opponere cœperunt, qui tamen non tam negarunt in genere legitimo Pontifici hanc potestatem, quàm improbarunt in facto particulari eius vsum; vt suprâ num 97. ostensum est.

Itaque quod primo loco assumitur falsum est, si de re ipsa loquamur, & verborum captiones sequi nolumus. Similiter falsum est quod adiungitur: *neminem inter antiquos* &c. etsi enim non adderent illa verba *in temporali- bus*, tamen quia docebant Romanum Pontificem esse omnium Christianorum pastorem; & etiam pro ipsis Regibus rationem Deo redditurum, & similia: eo ipso satis declarabant se posse Regibus in temporali administratione, quatenus ad salutem & religionis incolumitatem opus est, imperare. Falsum etiam est quod 3. loco dicit. pauci enim Pontifices se Imperatoris subditos & seruos professi sunt. Nam passim vocant eos sicut alios Reges Christianos, suos filios. Sic Simplicius Papa circa annum Domini 470. epist. 3. ad Zenonem Augustum. *Clementissime & Gloriosissime fili Imperator Auguste*. Gelasius circa annum Domini 495. ad Anastasium Augustum. *Noti etenim fili Clementissime, quod licet præsideas humano generi dignitate, rerum tamen Præsulibus dininarum deuotus colla submittis, atque ab eis causas tua salutis expetis*. Anastasius Papa circa annum Domini 497. ad Anastasium Imperatorem sic scribit. *Gloriosissimo & Clementissimo filio Anastasio Augusto*. Hormisdas circa annum 514. epist. 22. ad Iustinum Imperatorem, vocat illum *filium Gloriosissimum*. Denique ita passim alij & ante S. Gregorium & post. Si Imperator est *filius Pontificis*, quomodo ergo illius Dominus est, & Pontifex eius humilis seruus, & indignus famulus? Sane si tanta est eminentia Imperatoris supra Pontificem, vt absolutè Pontifex sit dicendus famulus & seruus indignus Imperatoris; magna ei fit iniuria quod vocetur *filius*

Papa Imperatorē
vocat fili-
um.

filius . quis enim velit à suo famulo vocari filius ?

Nec obstat quòd S. Gregorius epist. 62. lib. 2. 168.

Mauricium vocarit *Dominum suum serenissimum*, & se *indignum Pietatis ipsius famulū* : quia loquitur ibi ut priuatus, non ut Episcopus. Ego, inquit, *indignus Pietatis vestra famulus*, in hac suggestione, neque ut Episcopus, neque ut seruus iure Reipub. sed iure priuato loquor. Po-

Quomo-
do Greg.
magnus
vocat
Imp. do-
minum,

test enim quilibet semota animo sua dignitate, considerare seipsum secundum proprium statum, quem ex se habet ; spectata interim dignitate alterius, quam habet ille à Deo : & hoc modo se illi submittere & postponere . Ad hoc enim virtus humilitatis inclinatur, quæ facit ut in nobis consideremus proprios defectus quos habemus ex nobis ; in proximis perfectionem & excellentiam quam habent à Deo ; ut hac ratione non efferamur in superbiam, sed agnoscentes quid ex nobis sumus, & quid proximus ex Deo, nos illi hac ratione submittamus . hoc enim redundat in honorem Dei, quod eius dona in alijs veneremur . Hoc modo S. Gregorius in se suam considerans miseriam, & statum priuatum ; in Mauricio dignitatem Imperatoriam, se indignum ipsius famulum, & ipsum serenissimum Dominum appellat . Idem perspicuum est ex ijs quæ paulò inferius ait : *Ego verò hac Dominis meis loquens, quid sum nisi pulvis & vermis ?*

Nunc cuius iudicij est ex huiusmodi loquendi formula colligere veram subiectionem, & parendi in conscientia necessitatem, præsertim cum quis etiam cum externo Principe, cui nullo modo subiectus est, sic agere possit ? non enim appellatio *Domini* semper designat verum Ius imperandi, sed sæpe est titulus honoris, dignitatis, & cuiusdam eminentiæ . Similiter appellatio *famuli* & *serui*, non semper designat veram subiectionem, & obediendi nexum, sed quamdam honorariam & liberam submissionem . quod ipsum aperte indicat

SS

Gre-

Gregorius explicans qua ratione vocet Mauricium dominum, cum ait ipsum fuisse suum dominum etiam priusquam erat Imperator: nimirum quia cum Gregorius obiret Constantinopoli apud Imperatorem munus Apostolicum, seu Nuntij Apostolici, colebat Mauricium tamquam virum Aulæ primarium. Denique quid mirum, si scribens ad Imperatorem vocet se eius famulum, qui se omnium Christianorum & seruorum Dei vocat seruum? Vritur autem tanta submissione, ut Imperatorem inducat ad reuocandam legem iniquam, qua vetuerat militem, aut publico officio fungentem, effici monachum; quod quia videbat fore valde difficile ob illius superbiam, & animum præfactum, omnibus modis illum delinire conatur. Superbi enim non nisi laude & submissione flectuntur. Ex quibus patet nullum esse periculum mendacij in verbis Gregorij, ut frustra contendit aduersarius, etiam si ipse absolute non esset Mauricio subiectus. aliud enim est falsum loqui: aliud seipsum secundum suas imperfectiones spectatum alteri submittere.

Ad illa verba Gregorij: *Ad hoc enim potestas super omnes homines* &c. Resp. Ridiculè ea sic premi à Barcl. quasi Gregorius tam vniuersè ea velit intelligi, ut nemo prorsus sit excipiendus, cum vix quarta vel sexta pars hominum Mauricio subiecta fuerit. loquitur ergo non de omnibus absolute, sed de omnibus Imperio Romano subiectis, estque distributio accommodata; sicut cum scriptura ait: *Illuminat omnem hominem venientem* &c. solum vult dicere omnem potestatem quam habet Imperator in omnes suos subditos ideo datam esse cælitus, ut qui bona appetunt, per eam adiuuentur, non impediuntur &c.

Denique vrget extrema verba epistolæ, vbi Gregorius ita concludit. *Ego quidem inssioni subiectus eandem legem per diuersas terrarum partes transmitti feci: & quia lex ipsa omnipotenti Deo minime concordat, ecce per suggestionem*

*tionis mea paginā serenissimis Dominis nuntiaui. Vtrobique ergo qua debui exolui : qui & Imperatori obedientiam præbui, & pro Deo quod sensi, minimè tacui. Quibus verbis putat Gregorium expresse suam subiectionē declarasse. Verūm fallitur plurimū, quia certum est quod Gregorius non tenebatur iniquam & Euangelio repugnantem legem ab Imperatore in materia spiritali conditam promulgare ; aut ad alios promulgādam mittere. Illud ergo iussioni subiectus, intellige non iure, sed facto ; sicut cū alicui iniquum præceptū imponitur à Tyranno, ille iussioni & præcepto subiectus est, quia reipsa illi imponitur etsi iure non obligetur : Vtrobique inquit, qua debui exolui. Sed aliud erat debitum quo debebat Imperatori parere, legem eius curando promulgari ; aliud quo debebat Imperatorem de iniquitate legis monere. illud erat per vim & tyrannidem iubentis ; hoc verò ex lege charitatis, & officij pastoralis. Itaque illa obedientia quam Imperatori præbuit mittendo legem vt promulgaretur, talis erat, qualis Tyranno iniquè cogenti præstari solet. quod ipse Gregorius in psal. 5. Pœnitentialem ad illum versiculum *Tota die exprobrabant mihi*, satis indicat : vbi Mauriciū censet non esse habendum inter Reges, quod Ecclesiā, quam dominam agnoscere deberet, in seruitutem redigere studeat. Nulla, inquit, ratio finit, vt inter Reges habeatur, qui destruit potius quàm regat imperiū, & quotcumque potest habere sua peruersitatis socios, a consortio Christi efficit alienos. qui turpissimi lucri cupiditate illectus sponsam Christi captivam cupit abducere, & passionis dominica sacramentum ausu temerario contendit euacquare. Ecclesiam quippe, quam sui sanguinis pretio redemptam Saluator noster voluit esse liberam : hanc ille potestatis Regia iura transcendens, facere conatur ancillam. Quantò melius foret sibi dominā suam esse agnoscere ; eiq̃ religiosorum Principum exemplo deuotionis obsequium exhibere : nec contra*

Sententia
Greg. de
malo Im-
peratore
Catholi-
co.

Deum fastum extendere dominationis, à quo sua dominium accepit potestatis. ipse est enim qui ait: Per me Reges regnāt. Sed immensa cecatus cupiditatis caligine, & diuino ingratus beneficio, & contra Deum fastuose terminos, quos posuerunt patres nostri, contempto diuino timore transgreditur, & contra Catholicam veritatem sua furore tyrannidis effervatur. In tantum autem sua temeritatem extendit vesania, ut caput omnium Ecclesiarum Romanam Ecclesiam sibi vendicat, & in dominam gentium terrena Ius potestatis usurpet. Et in versiculum, Initio tu Domine &c. eodem psal. Sunt etiam porta inferi quadam potestates huius mundi. Quidenim Nero, quid Diocletianus, quid denique iste (Mauricius) qui hoc tempore Ecclesiam persequitur? numquid non omnes porta inferi? Quibus verbis satis ostendit quale fuerit illud obedientie debitum, & subiectio iussionis, & quid in Mauricium, quem nefas ducit Regem appellare, aut in Regum numero censere, statui potuisset, si opportunitas suppeditasset.

269:

Ex Bulla
Pij V. ad-
uersus
Reginam
Angliæ.

Hæc cum ita sint non erat quod aduersarius ex istis verbis veram colligeret subiectionem, & ita exclamaret, O diuinum Antistitem, & sententiam nullis non sequentiū saculorum Pontificibus inculcandam! sed proh numen! quod benigna illa & humilis confessio à nostris saculis exulauit, cui paulatim succreuit hæc minax & fastuosa aduersus Reges & Imperatores eratio: Nos in supremo iustitia throno collocati, supremam in omnes Reges & Principes vniuersa terra, cunctosque populos, gentes & nationes non humana sed diuina institutione nobis traditam potestatem obtinentes, Declaramus &c.

Verè diuinum Antistitem! non quia confessus est aut suo facto ostendit Pontificem Imperatori esse subiectum, & debere etiam iniqua præcipienti obtemperare, ut hic insinuat aduersarius: sed quia sapientissimè cum duro Imperatore egit, ut iniqua lex reuocaretur. Hu-
millima

millima quidem usus est oratione , reipsa tamen legem penitus correxit, & non nisi à se correctam promulgari curavit : vt apertè colligitur ex epist. 11. lib. 7. qua in re ostendit se esse Imperatore superiorem , & exemplum secuturis Pontificibus dedit quomodo in simili euentu se gerere debeant . Itaque nulla fuit hic benigna & humilis confessio subiectionis de iure , vt iste imaginatur , sed de facto tantum .

Neque huic repugnat illa Pij V. sententia quam ad- Defendi- uersarius adfert : quia qui ex se est pusillus, infirmus, tur Pius
puluis & cinis, & animi demissione omnium seruorum V.
Dei seruus & famulus, is simul ex Deo potest esse magnus, potens, cælesti virtute præditus, omnium Pastor & Iudex . Et qui vno tempore, cùm ei videtur expediens, se alteri submittit vt priuatus ; is alio tempore re ita postulante potest se illi præferre vt iudex, & ostendere authoritatem sibi diuinitus concessam : vt suo exemplo docuit Apostolus 1. ad Corinth. 4. 21. 2. ad Cor. 10. 6. & cap. 13. 3. & ipse Gregorius locis plurimis. Quantumuis enim esset humillimus, tamen nemo ferè dignitatem Sedis Apostolicæ magis quàm ipse defendit, sua authoritate suauiter & fortiter vtens: vt ex ijs, quæ num. 25. dicta sunt constat . Quare immeritò Barclaius Pium V. fastus & minacitatis incusat, qui omnium iudiciò sanctitate, & in primis humilitate conspicuus fuit . An non debebat in sententia de re grauissima explicare suam authoritatè qua sententiam illam dictabat . nimirum quanta ea esset , à quo eam haberet , & ad quos se extenderet . Id enim omnibus Iudicibus consuetum est ; quia totum robur sententiæ legitima authoritate tamquam fundamento nititur . Itaque semper initio sententiæ splendidis verbis authoritas Iudicis est proponenda . Quod si illa Pij verba nimis magnifica videntur, multò certè magnificentiora sunt (vt multa alia om-

mittam) illa quibus Dominus eandem potestatem explicuit Matth. 16. *Tu es Petrus, & super hanc petram ædificabo Ecclesiam meam, & porta inferi non præualebunt aduersus eam: & tibi dabo clauēs regni calorum, & quidquid ligaueris super terram, eris ligatū & in calo: & quidquid solueris super terram, eris solutum & in calo.*

Sed, inquit, verba illa falsa & inania esse ex eo patet; quod Papa in Principes & populos infideles potestatem nullam habeat. Verum ille verba captat, sensum intactum relinquens. agitur enim de Regibus & populis Christi nomen per totum orbem profitentibus, ut etiam Angli tanto terrarum & maris tractu Roma diuulsi, intelligerent se Pontifici Romano subiectos.

Addo etiam in Principes & populos Ethnicos habere potestatem in certo euentu: nimirum si Christianam religionem oppugnent, ut suprà ex S. Thoma, & alijs demonstratum.

170. Omitto quæ hic author in ambitionē, & cæcam, ut ipse loquitur, Pontificum cupiditatem, & palpones eorū accerrimè declamat, quia ad conuitia pertinent. Satis opinor toto hoc cap. 3. declarat, quod aliàs monuimus, se Pontificē perfectè subijcere Principi sæculari; ita ut Princeps sit absolutè & cōpletè eius Dominus, & verus superior sicut est superior Laicorū: & ipse in omnibus verus Principis subditus ac seruus, sicut minimus quilibet laicus. Principem verò non subijci Pontifici nisi secundum quid; adeo ut ratione istius subiectionis Pontifex non possit verè dici superior Principis, nec Princeps eius subditus. Arguit enim Pontifices posteriorum sæculorum ambitionis, quod se profiteantur Regum superiores, cum Pontifices priorum sæculorum professi sint se esse famulos, seruos, ac subditos Imperatorum. Itaque iuxta hunc authorem falsa & ambiciosa est hæc propositio. *Papa est superior Imperatoris, & Imperator est subdi-*

Detegitur
magis sen-
tentia ad-
uersarij.

ius Papa: ista autem est vera & iusta confessio: Imperator est Dominus & superior Papa: & Papa est eius subditus, non minùs quam minimus quilibet è laicis. quæ doctrina non solum veritati repugnat, vt ostensum est, sed etiã ipsi authori. 1. Quia alibi docet quòd Papa possit imperare Principi sæculari, & pœnis spiritualibus illù cogere vt mutet formã gubernationis politicæ, quæ bono spiritali est impedimẽto. quod si ita est, quomodo non absolute dicendus est superior Principis? 2. Quia docet Papam & Imperatorem seu Principem sæcularem se habere in Ecclesia, sicut in regno se habent Cõnestabilis & Cancellarius: atqui neuter horum subest alteri; ergo nec Papa Imperatori. Verùm pauca iste disputator argumenta conficit, quæ non æquè contra ipsum ac contra nos valeant.

Cap. 18.

Postremo loco adducit quædam ex Gaguino & Platina quibus perstringitur Bonifacius 8. verùm nos hic de iure non de factis omnibus disputamus. Optimè defendit Bonifacium Ciacconus, & ostendit virum fuisse summi animi & prudentiæ, & iure fecisse quæ fecit.

Quod ad Gaguinum attinet, non mirum si causæ sui Principis faucat: quamuis non tam iudicio quàm animi morbo se impulsus indicat, cùm ita scribit. *Itaque ea est hodie illorum (Pontificum) sublimitas & altitudo, vt parui habitis Regibus, licere illos omnia glorientur.* Similem passionem prodit Platina in Bonifacio 8. cùm scribit, *eum pro arbitrio animi dare & auferre regna conatù fuisse.* Quis vmquam Pontificum gloriatus est sibi omnia licere, aut conatus est dare & auferre regna pro arbitrio: cùm nihil vmquam hac in re tentarent, nisi alijs omnibus remedijs præmissis, & Principe in malo persistente? His addit author testimonium S. Bernardi lib. 3. de considerat. vbi ait: *An non limina Apostolorum iam plus ambitio quàm deuotio terit?* Verùm nihil ad rem facit.

Lib. 10.
historiæ
Franc. in
vita Caro-
li 7.

cit . loquitur enim non de ambitione Pontificum , sed eorum qui ad curiam Romanam pro consequendis honoribus accurrunt .

171 . Post hæc cap . 4 . recenset varias causas , ex quibus dicit Pontifices accepisse ansam sibi hanc potestatem usurpandi ; quarum 1 . ait esse ingentem honorē , qui illis ab omnibus exhibebatur . 2 . præiudicatam de sanctitate illius Sedis opinionem . 3 . præoccupatū vulgi iudicium , qui Papam nec dicto , nec facto putabant posse errare . 4 . palponum Papæ scriptiones adulationis plenas . 5 . gladium excommunicationis maximum spiritualis imperij propugnaculum .

Refutatur
fictitiæ
ansæ usur-
pæ po-
testatis.

Verum in his 1 . falsum supponit , nimirum hanc potestatem non esse officio Pontificatus iure diuino & naturali annexam (vt ex sententia omnium Doctorum supra ostendimus) sed sensim tyrannico more varijs occasionibus se offerentibus usurpatā , quomodo interdum potentes ciues vel magnates tyrannidē inuadere solent . Deinde supponit omnes Episcopos , Religiosos & Doctores , qui ab 8 . vel 9 . sæculis extiterunt , fuisse vel palpones Pontificum , qui hanc tyrannicam usurpationem contra suam conscientiam laudauerint : vel adeo stupidos & cæcos , vt tam apertam iniquitatē non viderint : vel adeo ignauos , vt si fortè viderunt , non fuerint tamē ausi Pontifices ea de re monere . Populū etiam Catholicū & Nobilitatem cæca superstitione circa sanctitatem & autoritatem Pontificis adeo fuisse detentam , vt putarent Papam nec dicto nec facto errare posse . Itaque facit omnes vecordes , stultos & cæcos , vt ipse solus videatur cordatus , oculatus , sapiens .

Denique videtur author non alia de causa istas causas hic cōmemorare & persequi voluisse , quàm vt haberet ampliorem campum indulgendi animo in conuitia ; & solutis repagulis argumentorum , intra quæ non da-

tur

tur ista libertas, pleno impetu in summos Pontifices incurrendi. nullum enim hic nouū argumentum adferretur, nihil probatur, aut ratione stabilitur, quod nostræ sententiæ aduersetur. Quæ verò ex Hosio & Augustino hic rursus adducit suprâ n. 98. & 157. à nobis abundè explicata. excussimus duabus obiectionibus præcedentibus, quæ Barclaius cap. 2. 3. & 4. adfert, quatenus ea nostræ sententiæ possunt videri officere. nam etsi illa potissimum adferat, vt sententiam Canonistarum oppugnet; vult tamen eadem non minùs contra nostrâ valere, quàm reapse ab illa Canonistarum negat distinguì.

S E X T A O B I E C T I O,

Ex eo quòd Regnum detur à Deo.

Regna, inquit, & Imperia dantur à Deo, vt multi sanctissimi Pontifices testantur. qua ratione B. Gregorius in vna ad^a Mauricium Imperatorem epistola his verbis or-
172.
a Lib. 4.
epist. 32.
 ditur: Pissimus atque à Deo constitutus Dominus noster. & ipsa scriptura testatur Reges & Imperatores à Deo potestatem accipere, cuius sunt in eo Vicarij. Quo posito vititur hoc dilemãte: Aut potest summus Pontifex aliquo modo, hoc est directè vel indirectè, auferre Regibus & Imperatoribus regna atque imperia, alijsque conferre, aut non potest. Si potest, ergo est aliquo modo maior Deo quia quod Deus dedit, ipse aufert. minor enim vel par non potest auferre, quod à maiore vel equali concessū est. Ac ne Vicarius quidem eius qui concessit, sine expresso Domini mandato: ne nobis reponant Papam tamquam Christi Vicarium id facere, cum ipse nullum ea de re mandatum, neque expressum neque tacitum accepisse inueniatur. Si non potest, ergo falsum est quòd dicunt eum habere summam potestatem indirectè disponendi de omnibus rebus temporalibus Christianorum; & de-
ponen-

ponendi de solio Reges & Imperatores, aliosque in eorum locum suffiendi. ita cap. 5.

Resp.

Resp. Eadem ratione probare posset author Iudicem facularē non posse malefico auferre vitā, aut si potest, esse Deo maiorem qui vitam dedit: patrem non posse spoliari patria potestate in filium: maritum non posse priuari potestate maritali in vxorem, quia Deus hanc potestatem dedit. quæ cum absurda sint, perspicuum est argumentum esse nullius momenti. Etsi enim Regia potestas esset immediatè à Deo, sicut vita, Iurisdicctio paterna, & maritalis immediatè à Deo est: nihilominus tamen quia non est quid inseparabile sicut character sacerdotij, auferri posset à summo Pontifice, vel in iustā pœnam, vel ad necessariam religionis defensionem, sicut vita auferri potest. Nec idcirco oportet Pontificem esse Deo maiorem: sicut Iudex cum in pœnam delicti priuat aliquem vita, aut patria potestate, non est Deo maior. Vnde probatio illa, *Minor enim, vel par, non potest auferre quod à maiori vel pari concessum est*, nō solum est falsa, sed etiam ab omni ratione aliena, & contra vsum quotidianum. decessor enim non potest ligare manus suo successor, quin iusta causa occurrente possit reuocare priuilegia & Iurisdictionem quam ille concessit: quia parem habet authoritatem. Neque solum par, sed sæpe etiā inferior potest adimere quod superior concessit: nimirum cum ad bonum publicum ita iudicatur necessarium. Sic Vicarius Regis longè absentis priuat interdum Præfectos Vrbium & Prouinciarum suis præfecturis quas à Rege acceperunt, cum sua authoritate contra officium Regi debitum, & Reipub. bonum abutuntur. Pari modo si Princeps sua authoritate & potentia, quam à Deo accepit, abutatur contra Deum, & salutem populi sibi commissi; poterit Vicarius Christi illum priuare.

sed

Sed, inquit, Vicarius Christi nullum ea de re mandatum expressum aut tacitum accepit. Imò verò generale mandatum expressum accepit. hoc ipso enim quo iussus est omnia boni Pastoris munia obire, satis ei mandatum lupos & perniciosas oves coercere, & viribus nocendi quantum posset spoliare. non enim opus est omnia in particulari exprimere. Simili modo, hoc ipso quo quis constituitur Vicarius Regis in remotissimo regno, vnde Rex facile consuli non potest; datur ei potestas faciendi omnia, quæ Rex ipse si præsens esset, ad salutem regni facturus esset, etiamsi singula in particulari non exprimantur.

Fallitur author cum suum argumentum confirmari putat ex eo quoddam simili forma Cardinalis Bellarminus vsus videatur aduersus Canonistas l. 5. de summo Pontif. c. 3. Quia etsi forma sit aliquo modo similis, materia tamen est valde dissimilis. ibi enim agitur de ademptione directa, & pro arbitrio; hic de indirecta, & in casu necessitatis. Si Papa pro arbitrio nulla necessitate compellente Principibus sua sceptrum posset adimere, videretur esse maior Deo, qui Principibus potestatem politicam dedit, ut ipsi ea uterentur. Sicut si quis diceret se pro arbitrio posse homines vitam spoliare, se faceret Deo maiorem, qui id nemini concessit. Hinc tamen non sequitur eum se facere Deo maiorem, qui ex iusta causa sceptrum Principi, vel vitam homini aufert.

Verum quia sæpe tum in scripturis, tum à sanctis Patribus dicitur regna à Deo dari, Reges à Deo constitui, breuiter explicandum est, quomodo ista sint intelligenda. Quidam enim politici propter huiusmodi loquendi formulas, volunt Reges habere suam auctoritatem non à populo, sed immediatè à Deo: sicut Theologi docent auctoritatem summi Pontificis non esse ab Ecclesia, sed immediatè à Christo:

Verum
potestas
Regia sit
immedi-
atè à Deo
sicut Pon-
tificia.

quod confirmat ex Apostolo ad Rom. 13. vbi dicitur,
Omnis potestas à Deo esse : & Reges dicuntur *ministri Dei*.

Verum hæc sententia rudis ingenij nouum est signum,
nulla ratione subnixum. quod multis argumētis
probari potest. 1. Si Iurisdicō Regia esset immediatè
constituta à Deo, sicut Pontificia, 1. deberet esse vnica
sicut Pontificia, & omnes homines vni Regi subesse de-
berent; sicut omnes Christiani vni summo Pontifici. 2.
Iura & priuilegia Regia essent vbique eadem; nec vlla
præscriptione possent tolli aut minui: quia quod iure di-
uino competit, non potest tolli præscriptione. 3. O-
mnes gentes iure diuino tenerentur habere Regem, nec
possent vti alia gubernandi forma. quod enim Deus in-
stituit, non potest sine scelere omitti. 4. Non posset
amitti per clades bellicas, aut sententiâ Comitiorum
regni; sicut nec Pontificia amitti potest. At omnia con-
trario modo se habent. potestas enim Regia maximè,
est multiplex & varia, tum iure & priuilegijs, tum lo-
corum limitibus, & assiduè subest mutationi, facileque
amittitur. Quis dicat Deum immediatè tantam variera-
tem Iurisdictionis regalis instituisse? aut id quod Deus
per se instituit, ita esse variabile, & posse acceptari vel
repudiari pro hominum arbitrio? Videmus enim Roma-
nam Rempub. 1. vsam fuisse gubernatione Regia; de-
inde expulsis Regibus induxisse Consules: postea De-
cem-viros; rursus post breue tempus Consules, sub qui-
bus perseverauit vsque ad Iulium Cæsarem, qui per ty-
rannidem oppressa Repub. vindicauit sibi potestatem
Regiam. Similes mutationes in plerisque alijs regnis
sæpius extitere.

Iurisdic-
tio Epi-
scoporum
immedia-

Dices, Episcoporum Iurisdicō est valde variabilis.
potest enim esse maior vel minor, latius vel angustius
patens; & tamen est instituta à Deo. Resp. hoc ipsum e-
xemplum confirmat nostram sententiam. ex eo enim
quod

quod Iurisdicção Episcopalis tam variè potest communicari, mutari, extendi, amitti; apertè colligimus eam non conferri immediate à Deo, sed à summo Pontifice. tè à summo Pontifice.
Nec obstat quod Act. 20. dicantur Episcopi poni à Spiritu sancto. quia potestas ordinis, per quam propriè sunt Episcopi, & ratione cuius debita est illis aliqua Iurisdicção, immediate à Spiritu sancto datur. Potestas Iurisdictionis datur etiam à Spiritu sancto, sed mediatè, nimirum per summum Pontificem. quod enim autoritate à Spiritu sancto accepta sit, à Spiritu sancto fieri dicitur. Vnde definitiones & statuta Conciliorum dicuntur esse decreta Spiritus sancti; iuxta illud Act. 15. *Visum est Spiritui sancto, & nobis.*

2. Si Regia Iurisdicção esset immediate à Deo sicut Pontificia, Deus aliquem primum instituisset Regem, à quo hæc potestas in alios dimanaret, sicut instituit primum Pontificem S. Petrum, à quo omnis Iurisdicção spiritalis per totam Ecclesiam in hunc usque diem profuxit. At non ita factum est. nam primus qui Regiam potestatem post diluvium habuit, videtur fuisse Nemoth, qui per tyrannidem Imperium Assyriorum sibi vindicavit. idem credibile de plerisque aliarum gentium primis Regibus. Si enim 4. illæ celeberrimæ Monarchiæ per vim & tyrannidem constitutæ fuere, ut docet Driedo lib. 1. de libert. Christiana cap. 15. unde sub nomine & specie quatuor bestiarum à Daniele describitur; idem de plerisque alijs regnis merito præsumi potest: successu tamen temporum evaserunt hæc in iusta regna, populo spontè in huiusmodi Imperium consentiente.

3. Deus non solet per se immediate præstare, quod per causas inferiores effici potest. At potestas regia abundè conferri potest per causas inferiores, nimirum per populi consensum. frustra ergo ad Deum recurritur. Maior per se manifesta est. Minor, nimirum cōsensum populi

Danielis. 6.
A. & 7.

174.

Deus per se non solet præstare, cum causæ cre-

atq; sup-
petunt.

Consen-
sum po-
puli audi-
cere.

Ius de-
fensionis
sui est na-
turale
Reipub.

Duobus
modis cō-
mittitur
Iurisdi-
ctio.

sufficere, patet 1. Quia hic cōsensus sufficit, vt ex tyrā-
nide fiat verus Principatus. sic enim in plerisque regnis
potestas Regia cōpit, vt dictum est. 2. In omnibus re-
gnis electiūs potestas Regia confertur consensu populi.
quia confertur electione ordinum, qui totum regnum
repræsentant, in quorum consensu totius populi ac regni
consensus continetur. In hereditarijs, etsi heres per nati-
uitatem habeat ius ad rem, non tamen habet ius in re &
completum dominium, nisi certo modo à regno acce-
ptetur; vt ex variorum regnorum coronandi formis con-
stat. fieri enim potest, vt heres non sit idoneus, imò
perniciosus; & ita suppetat iusta ratio illius excludendi,
iuxta præceptum Domini Deuter. 13. & 17. 3. In o-
mni Repub. perfecta per se spectata, quatenus consti-
tuit vnum corpus politicum, iure naturæ est potestas re-
gēdi & defendēdi sui, & omnia sua membra, sicut cui-
libet homini priuilegio naturæ competit ius regendi &
tuendi vitam suam, & membrorum incolumitatem. At
Respub. cū longē latēque sit diffusa, & quisque suis
priuatis negotijs intentus, nō potest per se incūbere huic
regimini, & publico totius corporis commodo. Vnde
necesse est vt hanc curam alicui committat, vni vel plu-
ribus: quod duobus modis fieri potest. 1. Transferen-
do in aliquem Ius suum, & se totam illi subiiciendo. 2.
Non priuando se suo Iure, nec alteri se subiiciendo, sed
solum committendo suas vices tamquā Vicario. Si pri-
ore modo fiat, erit Principatus Regius, vel Aristocra-
ticus. si enim Respub. vnum aliquem deligat in quem
suā potestatem transferat, & cui se subiiciat, erit potestas
Regia & principatus Regius. si plures deligat, erit Ari-
stocratia. Quod si Respub. nolens se alicui subiicere,
sed suam iurisdictionem retinere, constituat vnum vel
plures tamquam Vicarios vel Commissarios, per quos
totum corpus Reipub. gubernetur; erit Imperium popu-
lare

lare, quod Aristoteles cōmuni nomine ad speciē arctato
 πολιτικῆς vocat. Atque ita emergunt tres formæ gubernā-
 di, Regia, Aristocratica, Politica; quæ deinde varijs
 modis inter se misceri possunt. quò enim plura re-
 feruantur populo vel ordinibus regni, eò plus est Poli-
 tiæ vel Aristocratix; minus verò potestatis Regiæ. quò
 verò pauciora referuantur, & plura permittuntur arbi-
 trio vnius, eò plus est potestatis Regiæ; minus verò po-
 liticæ &c. Hoc modo omnes Philosophi & Theologi
 cum Aristotele lib. 1. polit. cap. 5. originem harum
 formarum explicant. Ex quibus patet Regiam potesta-
 tem ortum habere ab ea potestate, quæ iure naturæ o-
 mni Reipub. completæ, priusquam se alteri subijciat,
 competit.

4. Idem confirmatur ex iure ciuili. Institut. de
 iure naturali gent. &c. vbi Iustinianus sic ait: *Sed &
 quod Principi placuit, legis habere vigorem cum lege Regia
 qua de imperio eius lata est, populus ei & in eum, imperium
 suum & potestatem concesserit.* tota ergo potestas Principi
 à potestate & imperio populi dimanat. Idem insinua-
 tur ff. de origine iuris lib. 2. §. Nouissimè. *Cōstitutio
 Principe datum est ei Ius (à populo) vt quod constituisse
 ratum esset.*

5. His consentit tota Theologorum & Philosopho-
 rum schola. Vnde Nauarrus in cap. Nouit. de iudicijs
 notab. 3. num. 85. potestatem laicam ex communi
 DD. sentētia sic definit: *Potestas laica est potestas natu-
 raliter à Deo immediatè data mortalium communitati, ad
 se gubernandum in rebus naturalibus, vt benè leatēque vi-
 uant, secundum rationem naturalem.* Itaque plenitudo lai-
 cæ potestatis primò & immediatè cōuenit ipsi commu-
 nitati; ac proinde Principi non conuenit nisi mediatè, &
 concessu communitatis. Loquor de ea communitate
 quæ iusto bello non est subacta, sed sponte sua in Princi-
 pen

Potestas
 laica

quid.

pem consensit . quæ enim iure subacta est , spoliatur in-
uita suâ Iurisdictione , quam habebat , eamque sibi iure
victor assumit . Sicut enim ista Respub. potest spoliari
bonis externis in pœnam iniuriarum quas alteri Rei-
pub . intulit : ita etiam potest spoliari Iurisdictione , quâ
ipsa ad sui , & suorum ciuium regimen habebat , eaque
cedet victori . Quo euentu Iurisdicatio à communitate
transit ad Principem absque illius consensu in iustam
vindictam . Imò fieri potest , vt iniuria sit adeo gravis ,
vt non solum ipsa Respub. sua Iurisdictione , & regendi
sui potestate ; sed etiam singula eius membra sua liberta-
te priuari possint , & subijci seruituti .

175.
Cōsensus
Reipub.
non est il-
limitatus.

Cùm autem nulla intercessit iniuria , ob quam vi
possit subijci , requiritur eius liber consensus . sicut enim
inuita non potest spoliari bonis : ita nec Iurisdictione .
Hic autem consensus non præstatur absque termino &
certa circumscriptione : quia Respub. non intendit illi
interminatam præbere potestatem , neque se in omni
casu penitus priuare : id enim esset contra ius naturæ ,
nisi Princeps talis esset , qui à recto declinare non posset ;
vt docet Almainus lib . de potestate Ecclesiæ cap. 1 . Na-
uar . supra num . 119 . & alij . Itaque præscribit certas le-
ges & limites , intra quos se continere debeat : & cate-
nus illi suam potestatem concedit : adeo vt intra illos li-
mites ille sit supra totam Rempub. eamque possit obli-
gare & compellere : extra illos nullam habeat potestatem ,
nulla ei debita sit obedientia ; quod præter ceteros docet
Bernardus Girard Historicus Franciæ pag. 5 . vbi in-
ducit Charamondum ita ad populum perorantem . *Da-
bimus ei bonos Consiliarios , & ipsius potestatem bonis legi-
bus ita circūscribemus , vt non possit facere quæ vult . quod
si tantum sibi sumat , vt conditiones quas ei statuemus tran-
siliat , erit in nostra potestate illum throno pellere : quia si-
cut illi regnum damus , ita possumus auferre , nisi se vt oportet*

ter

• *Det gesserit . Populus prior est Regibus , cum ipse Reges fecerit ; & iam olim eos abrogare potuit . Idem docet in Pipino pag. 134 . ex sententia summi Pontificis Pipinum coronantis .*

Hinc videmus Principes dum recipiuntur , multa Reipub . iuramenta præstare , quibus se obstringunt ad eas conditiones seruandas : & Respub . vicissim Principi fidelitatem & obedientiam iuramento interposito spondet . Itaque est vltro citròque obligatio , sicut in alijs contractibus . nam reuera inter Principem & Rempub . contractus quidam tacitè vel expressè intercedit .

His addunt DD . Rempub . numquã ita à se abdicare suam iurisdictionem quin eam in habitu retineat , etsi actu & usu eius careat . *Vnde si incideret casus* (inquit Nauar. supra n. 120) *quo populorum gubernationi non prouideretur per eos , quibus electione , hereditate , vel alijs concessus est usus Iurisdictionis ; poterunt ipsi ea uti , vt clarè docuit Balthus in titulo de allodijs , & in cap. 1 . col. 2 . secunda lectionis eodem tit . Imò nullam communitatem posse se ita abdicare hac iurisdictione , vt nullo casu eam resumere possit : quia lege naturali est ipsi insita . Si enim nulla singularis persona potest renuntiare Iuri se defendendi iuxta gloss . Sing. l . pa-*
Etum inter heredem ff. de pactis : multò minus Resp . poterit renuntiare prædictæ iurisdictioni data lege natura ad sui defensionem & publicam : quia vtraque concessa est lege naturali : & magis est utilis ac necessaria defensio publica quàm priuata . Ita Nauarrus supra nu. 119 . qui id etiam confirmat ex l . final . ff. de constit. Princip. & instit. de Iure naturali gent. & ciuili , § . Sed & quod . vbi dicitur ; Populus Romanus Imperatori suam Iurisdictionem concessisse , non trans-
tulisse , vt obseruauit Accursius : quia re vera non omnino transtulit , cum sibi in habitu eam seruari ; sed usum concessit . Potest tamè dici eam transtulisse , quod ad v-
sum & exercitium attinet : quo modo intelligenda quæ

Retinet
habitu.

Non po-
test omni-
no abdi-
cari .

Vu

pau-

paulò antè de Iurisdictionis translatione diximus. Idem planè docet Iacobus Almainus lib. de potestate Eccles. c. 1. *Nulla, inquit, communitas perfecta hanc potestatem Iurisdictionis à se abdicare potest: sicut nec singularis homo potestatem quam habet ad se conseruandum: imò nec ea priuari potest nisi à Deo.* Probat ex glossa in cap. Ostendit, 23. q. 3. Idem insinuat Sotus lib. 4. de iustit. q. 4. a. 1. cum ait: *Hanc Iurisdictionem competere Reipub. iure nature: & quamuis illam transferat in Principem: tamen si Princeps degeneret in tyrannidem, posse Rempub. eum hac potestate priuare.* Et Franciscus Viçtoria relect. de potest. ciuili num. 10. vbi dicit: *Respub. nullo modo potest priuari potestate tuendi & administrandi aduersus iniurias & suorum & externorū.* Idem tradit Nicolaus Cusanus (cuius testimonio aduersarij libenter vtuntur) lib. 3. Concordiæ Cathol. cap. 4. vbi inter cetera sic ait: *Hoc est commune omnium peritorum dictum, potestatem condendi leges populum Romanum ab Imperatore tollere posse, quoniam ab ipsis potestatem habet. Sic legimus populum Romanum longo tempore à Regibus reatum, superbiam Regum non ferentem, annua Imperia, binosque Consules fecisse:* Bernardus Girard suprà.

Denique omnes DD. Reipub. perfectæ hanc potestatem regendi & defendendi sui, iure naturæ conuenire statuunt. vnde sequitur Rempub. non posse ita priuari, quin aliquo modo, nimirū in habitu, eā retineat, & eius vsus in aliquo euentu resumere possit. Quod etiā populus Israel 1. Reg. 14. suo facto declarauit, cum sua autoritate sententiam Saulis latam contra Ionathan reuocauit. Et 3. Reg. 12. cum 10. tribus à Roboam ob eius tyrannidem recesserunt, & alium sibi Principem statuerunt. Idem innumeris exemplis tum Reipub. Romanæ sub Regibus & Imperatoribus, tum aliarum Rempub. ostendi possit.

Sed

Sed occurrit Author Præfationis pag. 23. *Hoc est* 176. *Obiect.*
fasces regios submittere populo, eiſque occaſionem præbere ſe-
ditionum. Minimè gentium. quamdiu enim Rex ſe
 tenet intra ſuos limites, non ſolùm ſingulis, ſed etiam
 omnibus & toto regno eſt ſuperior. quòd ſi iſtos limi-
 tes exceſſerit, iam non ampliùs eſt ſuperior; nimirum
 quoad ea in quibus excedit, ſed ſubditis facit iniuriam.
 Non tamen idcirco ſtatim priuari poteſt, aut populus
 in illum inſurgere, ſed congruis modis eſt cõmonendus.
 Quòd ſi multis remedijs tentatis malum non videatur
 remediabile; tum demum populo fas eſt deliberare quid
 de eo ſit ſtatuendum. Vnde Almainus ſuprà: *Tota*, in-
 quit, *communitas poteſtatem habet ſuper Principem ab ea*
conſtitutum, qua eum, ſi non in adificationem, ſed in de-
ſtructionem politiæ regat, deponere poteſt: aliàs non eſſet in
ea ſufficiens poteſtas ſe conſervandi. Et iſta poteſtate Gallo-
rum communitas quondam uſa Regem ſuum depoſuit, non
eam pro criminibus, quàm quòd tãto regimini inutilis eſſet
&c. *Hac eadem poteſtate uſi filij Iſrael receſſerunt à Roboã,*
qui Salomonis erat naturalis ſucceſſor, eligentes in Regem
ſuper ſe Ieroboam, 3. Reg. 12. Neque id propriè eſt ſedi-
 tio, ſed iuſta deſenſio ad ſui conſervationem neceſſaria,
 qua nulla res priuari poteſt, vt oſtenſum eſt. Accedit,
 quod ius naturæ dictet in cõtractibus reciprocis, ſi alte-
 ra pars fidem violet, alteram non teneri. Hoc tamen
 euentu apud Chriſtianos non facilè aliquid tentandum
 ſummo Pontifice inconſulto, ne fortè ex huiusmodi cõ-
 motione Religiõ detrimentum capiat.

2. Obijciunt, quòd Reges in veteri teſtamento im- 2. *Obiect.*
 mediatè à Deo cõſtituti fuerint: vt Moyſes, Saul, Da-
 uid, Ieroboam, Iehu, à quibus ad alios hæc poteſtas
 ſucceſſione deriuata: ergo ſimiliter in nouo teſtamento
 hæc poteſtas eſt immediatè à Deo.

Reſp. 1. negando conſeq. Non enim quòd in pau-

Vtrū vn-
ctio tribu-
ebat Re-
giam Iu-
risdictionē
in veteri
testamēto.

cis tunc factum, extendi debet ad omnes. 2. Verius videri istos non à Deo proximè, sed à populo potestatē suam accepisse, excepto Moyse; etsi Abulensis q. 10. in cap. 9. lib. 1. Reg. contrarium sentiat, putetque per ipsam vñctionē titulum fuisse collatū. sed nostrā sententiam tradit Card. Bellar. in recognit. lib. 3. de laicis, & de tribus Regibus probat. Moysen excipimus, quia missus fuit cum extraordinaria potestate vt Propheta, & instrumentum peculiare Dei, ad populum à seruitute liberandum, & educendum in terrā Promissionis. & hanc suam missionē abundè maximis signis & portentis probauit. Ratio cur de ceteris ita sentiamus est, quia vbi suppetunt causæ creatæ per quas aliquid confici potest, Deus numquam illud per se immediatè facit, sed vtitur illis causis, easque applicari procurat. Atqui ad conferendam Regiam potestatem illis personis suppetebat causa creata, nimirū autoritas populi, qui ad hoc poterat conuocari. Itaque vñctio illa non fuit collatio Iurisdictionis Regiæ, sed deputatio dñtaxat ad hanc Iurisdictionem: cui deputationi simul coniuncta erat diuina prouidētia, qua ad exitum perduceretur; nimirum quares ita disponderentur, & populorum animi flecterentur, vt illum sponte eligerent, seque illi subijcerent.

177.

Nec obstat quòd 1. Reg. 8. maiores natu Israel petant à Samuele constitui sibi Regem: quia non petunt vt ipse Regi Iurisdictionem tribuat, sed vt personam spiritu prophetico designet, seu à Deo designari roget, cui ipsi Regiam iurisdictionē tutò committere, & se subijcere possint. Nam vt Deuter. 17. dicitur, ad populum pertinet sibi Regem constituere; nimirum quod ad Iurisdictionis collationem attinet: personam tamen à Deo designari cupiunt, ne in electione errent, & vt aptissimus præficiatur. Confirmatur. quia si per vñctionem illam primam collatus fuisset titulus, non fuisset postea opus

opus electione , aut consensu populi , vt Rex fieret (sicut non fuit opus electione vt Moyses Dux fieret populi) sed solum declarandum fuisset populo illum à Deo esse constitutum . Atqui opus fuit electione , vt patet in Saùle , qui sorte electus est , Deo sortes dirigente , & animos populi in illum inclinante . Imò cum multi post sortes in personam non consentirent , Samuel paulò post congregauit rursus populum in Galgala , vt innouarent ibi regnum , id est confirmaret illi Regiam auctoritatem . *Itaque perrexit omnis populus in Galgala , & fecerunt ibi Regem Saül coram Domino* : vt habetur 1. Reg. 11 . Populus igitur Saùlem , quem Dominus ad regnum vocatione deputarat , & sorte declararat , Regē fecit : ac proinde Deus non fecit illum Regem nisi mediante populi consensu , quē tamen ipse sua prouidentia procurauit .

Idem patet in Dauide & in Ieroboam . David enim etsi inunctus esset à Samuele , tamen quamdiu vixit Saül semper illum suum Dominum agnouit , & se vt subditum gessit , & nefas esse duxit in illum insurgere , etsi grauem ab eo persecutionem pateretur . Illo verò mortuo , non statim regnum sibi vindicauit ; sed solum postquam à populo solemniter in Regem vnctus fuit . Vnde 2. Reg. 2. dicitur : *Venerunt viri Iuda , & unxerunt ibi David , vt regnaret super domum Iuda* . Et 2. Reg. 5. post 7. annos vngitur in Regem super Israel .

Ieroboam autem Deus promittit regnum Israel per Ahiam Silonitem . *Dabo , inquit , tibi decem tribus* , 3. Reg. 11 . Confert autem per electionem populi cap. 12 . *Cum audisset omnis Israel , quod reuersus esset Ieroboam , miserunt & vocauerunt eum congregato cœtu , & constituerunt eum Regem super omnem Israel* .

De Iehu est maior difficultas : quia missus videtur cum potestate extraordinaria , tamquam vltor diuinæ iniuriæ ad interficiendum suum Principem , & delenda-

dam totam familiam Achab . Nihilominus ille non gef-
fit fe pro Rege , nifi poftquam à Ducibus exercitus fuit in
Regem acceptatus ; qui id potuerunt facere , partim pro-
pter idololatriam Regis & Reginæ , iuxta præceptū Deu-
ter. 13 . & 17 . partim propter Prophetæ autoritatem .

178 .

Difficuit
Deo quodd
Regē pe-
terent .

Denique Deo vehementer displicuit , quod Iudæi
Regem peteret 1 . Reg. 12 . quia melius illis erat per Iu-
dices confilio Sacerdotū gubernari : vt ostendit Abulen-
fis in illum locū . maior enim fic erat à Dei nutu & vo-
luntate dependentia . Si Deo displicuit , quomodo ipfe
immediatè hanc potestatem in illis instituit ? Si Deo dif-
plicuiffet Rempub . Christianam regi in fpiritualibus per
fumnum Pontificem , numquam illam potestatem insti-
tuiſſet . Itaque permiſſiue fe habuit in Regis instituti-
one , ſolumque perſonam designauit .

Ex his perſpicuum eſt , Reges non accipere ſuam
potestatem immediatè à Deo , cū etiā illi , quos Deus
peculiari modo Reges feciſſe dicitur , non niſi medi-
ante conſenſu populi illam acceperint . Accedit , quod
phraſi ſcripturæ etiam ea dicantur à Deo dari vel fieri ,
quæ peculiari diuinæ providentiæ permiſſu fiunt : etiam-
ſi Deus directè ad hoc non cooperetur , nec cupiat tale
quid fieri , quo modo Iob 30 . dicitur : *Qui regnare facis
hominem hypocritam propter peccata populi .* & Eſaiæ 3 .
*Dabo pueros Principes eorum , & effeminati dominabuntur
eis .* Simili modo intelligendi Patres , cū de Tyrannis
loquentes , dicunt eos à Deo conſtitutos .

Minister
Dei .

Vicarius
Dei .

Dicitur Princeps *Minister Dei* , quia Deo ſubeſt , &
authoritate à Deo accepta (mediante conſenſu populi)
ipſi ſeruit , curādo vt ipſius leges naturæ Ius continētes
à populo ſeruentur . Minus propriè dicitur *Vicarius Dei* :
quia propriè gerit vices regni , à quo immediatè ſua au-
thoritatem accepit . quia enim regnum per ſe governa-
re non poteſt , ipſe vice Regni fungitur . Non dicitur
propriè

proprie *Minister populi* : quia etsi auctoritatem à populo acceperit, est tamen toto populo maior aëu, quamdiu intra suos limites consistit : quia populus suam in illum auctoritatem transtulit, seque illi subiecit ; etsi populus habitu, vt sic dicam, maior maneat.

Ille locus Apostoli ad Rom. 13. *Non est potestas nisi à Deo* &c. nihil probat peculiare de potestate regia : quia loquitur de omni iusta potestate. Vnde non minùs potestas Optimatum & Reipub. ministrorum est à Deo, quàm Regum ; etsi Regum sit excellentior. Omnis enim potestas politica immediatè à Deo dimanat in Rempub. ita vt Respub. iure diuino naturali omnem hanc potestatem habeat. A Repub. autem deriuatur in vnum vel plures modo suprà explicato : & consequenter hi habent à Deo suam potestatem, sed mediatè ; quò modo etiam omnis lex iusta dicitur esse à Deo, & omnia opera naturalia creaturarum dicuntur opera Dei.

O B I E C T I O S E P T I M A,

Ex defectu Iuris, & probationis.

S*I verum est*, inquit Barclaius cap. 5. *Papam habere potestatem indirectè disponendi de temporalibus omnium Christianorum ; aut eam habet iure diuino, aut iure humano. Si iure diuino, deberet id constare ex Scripturis, aut certè ex Apostolorum traditione. Ex Scripturis nihil habemus, nisi datas Pōtificali clauis regni calorum : de clauibus regni terrarum nulla mentio fit : traditionem Apostolorum nullam aduersarij proferunt* &c. 179.

Resp. Papam habere hanc potestatem iure diuino, idque satis constare ex Scripturis, vt suprà num. 63. & sequentibus, & num. 144. ostensum est. Continetur hæc potestas etiam in *clauibus regni calorum*, siue per illas claues intelligamus supremam potestatem regendi Ecclesiam

clesiam, & ad regnum cælorum disponendi: siue potestatem amouendi impedimenta salutis. qua de re plura loco notato.

Quæ deinde author subiicit de posse *directè* & *indirectè*, & quando aliquid directè prohibitum fieri, id nec indirectè fieri posse; ad nihil aliud valent, quàm ad eius ignorantiam conuincendam, vt qui statum quæstionis intelligere non videatur. Qua de re satis multa suprà n. 155.

O C T A V A O B I E C T I O.

Ex eo quòd veteres huius potestatis non meminerint, nec ea sint vsi.

180.

NEquè vsus, neque exemplum, neque mentio vlla talis Pōtificiæ potestatis annis circiter mille in Ecclesia fuit: cū multi interea Principes Christiani impiè, crudeliter, & magno Ecclesia detrimento Regnis & Imperijs abuterentur. ex quo duorum alterum consequi necesse est; aut illorum tēporum Pontifices officio suo defuisse: aut sequentium temporum Pontifices maiore cum potestate Ecclesia præsedisse, & etiamnum præsidere. Ita Barclaius cap. 6.

Resp. 1. falsum esse nullum fuisse vsum, nullum exemplum in Ecclesia mille annis. Nam suprà n. 85. & sequentibus quinque vel sex exempla attulimus ante annum millesimum gesta. 2. Falsum esse nullam fuisse olim in Ecclesia huius rei per mille annos mentionem. id enim tum exempla allata, tum testimonia Patrum nu. 74. & 75. descripta confutant. 3. Quòd Ecclesia aduersus Iulianum apostatam, Constantium & Valentem Arianos, Anastasiū Eutichianum; Heracliū Monothelitā nihil tale tentauerit, huius rei causa fuit, non quòd iure ad hoc destituta fuerit, vt vult aduersarius, sed quòd non iudicauerit opportunum exequi. 1. Quia Impe-

Imperatores illi latissimè dominabantur, nec quidquam contra eos decerni poterat, quin totus penè orbis Christianus bello implicaretur. 2. Quia ipsi summi Pontifices, & primarij quique Præsules erant in illorū potestate, cum Italia tota Imperatoribus pareret. 3. Quia plerique duces & magistratus Imperatoribus erant addicti. Vnde etiam si plebs maxima ex parte fuisset Catholica, non poterat tamen quidquā per eam secū ē cōtari. Patē enim qui magistratus & præsaturas gerunt, maximam hominū multitudinem faciē coercent: ut quotidiana experientia docet. Esi enim quibusdam locis decuplo plures sint Catholici quā hæretici: tamen quia hæretici præsaturas & arma tenent, nemo se illis audent opponere. 4. Tempore Constantis, Iuliani, & Valentis, innumeri erant Ariani, Ethnici, & Iudæi, qui omnes Imperatori se iunxissent. Idem dico de temporibus Anastasij & Heraclij. Deinde facile fuisset Imperatori accersere in auxiliū Persas, Armenos, Pannonas, Gothos, Wandalos, Hunnos, Alanos, aliosque barbaros vicinos; sicut fecit Bonifacius in Africa, & Narses in Italia. 5. Non solet Ecclesia rem tantam aggredi, nisi post longā deliberationem cum Principibus & Prælatīs variarum gentium, & plerumque non nisi coacto Concilio Episcoporum. Talis autem deliberatio secūre iniri non poterat, ob multitudinem Episcoporum Arianorum, & aliorum Ecclesiæ Catholiæ hostium. 6. Non erant alij Principes Christiani supremi magnæ potentiæ, qui se Imperatori pro Ecclesia possent opponere.

Cur Ecclesia non sit via sua potestate aduersus Imp. hæreticos.

Denique nomen Imperatoris apud sæculares erat summæ authoritatis, & tamquam Numen à multis suspiciebatur. Vnde dicebatur *Imperator omnia posse: omnia esse Imperatoris*, ut patet ex Ambrosij epist. 33. ad Marcellinam sororem. Ecclesiæ autem dignitas & potestas

plerisque nō ita erat perspecta, nec facile poterat omnibus patefieri. At inquires, Pontifex potuisset occultè submittere percussorem, qui tyrannum è medio tolleret. Sed hic modus alienus est ab Ecclesiæ moribus, & indignus Pontificia grauitate. Non decet Principem Sacrorum occultè grassari, sed palàm sua iudicia exequi. vnde non legimus eum vmquam hoc modo contra Tyrannos vsum. Ex his patet periculosissimum fuisse Ecclesiam hoc suo Iure in illos Imperatores vti. Posterioribus verò temporibus, quando Ecclesia hac potestate clarè vti cœpit, angustiores erant Imperij termini; & multi erant alij Principes Christiani potentissimi, qui causam Ecclesiæ tuerentur. Non enim decet, vt summus Pontifex aut Prælati per se bellum gerant.

481.

Barclaius totis ingenij neruis contendit Ecclesiā facile potuisse Imperatores illos in ordinem redigere, & acriter in Franciscum Romulum inuehitur, qui contrarium in suo libello scripserat. Sed verba captat, nec bona fide cum illo agere videtur. non enim dicit Romulus Episcopos nunc non debere esse paratos ad martyriū, vt illi imponitur; sed solum vult dicere, olim ita fuisse oppressam Ecclesiam Romanam ab Imperatoribus, vt summus Pontifex cum Episcopis potius deberent cogitare de subeundo martyrio, quàm de illis coercendis. At postea fuisse liberatam hac oppressione, & ita res dispositas, vt cum spe fructus videretur sua potestate vsura. Itaque vana est illa longa in Romulum & Episcopos declamatio. Deinde non dicit Romulus, posterioribus sæculis Principes potuisse coerceri sine detrimento populorum: sed solum vult illud detrimentum non fuisse adeo magnum, quin fructu sperato facile compensaretur.

Argumenta quæ deinde adfert cap. 7. vt probet Ecclesiā facile potuisse, & sine populi detrimento coercere

re Imperatores, nullius sunt momenti: nec egent vlla
 responsione, si considerentur rationes quas attulimus.
 Mirum profecto Nouatorum ingenium: ea quæ hæc-
 tenus omnibus visa falsa assumunt tamquam certo & per-
 spicue vera, vt refutent ea, quæ hæcenus visa manifeste
 vera & indubitata. Quis vmquam dubitauit quin popu-
 lus Christianus posset resistere suo Principi volenti reli-
 gionem euertere, & eius loco inducere idololatriam, vel
 atheismum? At iste negat fieri posse: & statuit Ecclesi-
 am ac populum Christianū debere permittere, vt Prin-
 ceptotam Christi religionem cum infinitarum anima-
 rum æterno exitio deleat, nec posse illi resistere armis,
 etiam si facillime, & sine vlla strage id fieri posset. Ad
 quod *παράδοξον*, placitū probandum, assumit id quod
 hæcenus ab omnibus negatū; nimirum Ecclesiam facile
 potuisse olim coercere persecutores religionem vastan-
 tes; tamen noluisse, quod iudicaret resistere hoc casu suo
 Principi, esse fœdam & iniquam rebellionem.

Quod ad Iulianum attinet. fuit ipse creatus per e- 182.
 xercitum; sed sua hypocrisis tum exercitum, tum Eccle- De Iulia-
 siam decepit, simulans se Christianum, donec se firmas- no.
 set, Præfecturis maximis in homines impios collatis.
 Neque facile erat exercitui tunc persuadere, vt eum de-
 poneret; quia plerique erant vel hæretici, vel gentiles,
 vel rudes rerum Christianarum, præsertim earum quæ
 ad potestatem Ecclesiasticam pertinent: nomen autem
 Imperatorium apud omnes erat in summa veneratione.
 Tandem tamen cum vix triennium regnasset, interfe-
 ctus est incerto quidem percussore; tamen multorum o-
 pinione ab aliquo milite Christiano: *quod forsasse verum*
erat, vt ait Sozomenus lib. 6. cap. 2.

De Valentiniano. esto, Valentinianus aliquo mo- De Valē-
 do in potestate Ambrosij tunc fuerit; ipsius non erat il- tiniano.
 lum deponere, sed summi Pontificis. Deinde non ita

erat in illius potestate, ut pro arbitrio suo absque ingenti eade posset de illo statuere. et si enim plerique milites fauerent Ambrosij fidei, & nollent Imperatorem ad Ecclesiam Arianam comitari; non tamen idcirco parati erant illum deponere. Præterea eo tempore maior pars Senatus, & potentum Romanorum adhuc erat Ethnica, ut patet ex oratione Ambrosij de obitu Valentiniani. Denique cum Imperator esset iuuenis, optima erat spes eius conuersionis. Hæc sufficiant aduersus rhetoricas authoris amplificationes.

Testimonium Gregorij Nazianzeni ostendit Iuliani potentiam (quam etiam initio orat. i. insinuat) non defectum Iuris in Christianis ad illum coercendum, ut ridiculè author colligit.

His adde, si obiectio ista octaua aliquam vim haberet, non minùs probaret defectum potestatis excommunicandi, quàm Imperio abdicandi. quia supradictos Imperatores Ecclesia non excommunicauit. Constat tamen, & fatetur Barclaius Ecclesiam hanc potestatem habere. Sicut ergo Ecclesia ob iustas causas non putauit hac potestate sibi in illos utendum: ita dicere possumus eam causas habuisse, cur nollet eorùm depositionem attentare.

N O N A O B I E C T I O,

Ex testimonijs Patrum.

183- **B** Barclaius cap. 8. adducit aliquot Patrum sententias, quarum pleraque produciuntur in libello Regio, & in quest. Blaculli. Primus sit Tertullianus, qui in *apologet. de Imperatoribus loquens*: *Sentiunt*, inquit, *Deum esse solum, in cuius solius potestate sunt, à quo secundi, post quem primi, ante omnes Deos, & super omnes homines.* Et alibi. *Columus Imperatorem sic, quomodo & nobis licet, & ipsi*

ipsi expedit, ut hominem à Deo secundum, & quidquid est à Deo consecutū, solo Deo minorem. sic enim omnibus maior est, dum solo vero Deo minor est. Hac ille, non ex sua sed communi Christianorum omnium persona, velut certam & indubitatam totius Ecclesie doctrinam proficitur.

2. Sic S. Ambrosius qui de Davide adulteriū homi- Apolog. David.
cidio cumulante scribens: Rex utique erat, inquit; nullis ipse legibus tenebatur, quia liberi sunt Reges à vinculis delictorum. Neque enim ullis ad poenam vocantur legibus, tuti Imperij potestate.

3. B. Gregorius Archiepiscopus Turonensis, qui Francorum Regem Chilpericum sacerdotes Dei vexātem his verbis alloquitur. Si quis de nobis, O Rex, iusti- Lib. 5. hist. c. 7. Aimoinus 1. 3. c. 26
tia tramites transcendere voluerit, à te corripipotest: si vero tu excesseris, quis te corripiet? Leguimur enim tibi, sed si volueris audis: si autem nolueris, quis te damnabit, nisi is qui se pronuntiauit esse Iustitiam?

4. Sic Gregorius magnus Gregorij Turonensis ferè cœtaneus, qui cum Pontifex maximus esset, Imperatoris se famulum & subditum esse fassus est: ipsi q̃ Imperatori potestatem calitus datam in omnes homines humaniter humiliterq̃ agnoscit, ut paulò antè retulimus.

5. Præclarus antistes Otto Frisingensis: Soli Reges, Epist. ad Fredericū Ahenobarbum.
inquit, utpote constituti supra leges, diuino examini reueruati, sæculi legibus non cohibentur: unde est illud tam Regis quam Prophetæ: Tibi soli peccaui. Et infra. Regibus quia nullum supra se habent quem metuāt, eò erit horribilius incidere in manus Dei viuētis, quò ipsi ceteris possunt peccare liberioris.

His testimonijs recensitis addit author: Si contraria opinionis assertores tot antiquorum Patrum testimonia: imò si vel unum aliquod proferre possunt, quo disertè scriptū sit, Ecclesiam, vel eius caput summum Pontificem habere temporalem ullam potestatem in Reges, & posse eos temporalis

pœnis quoquo modo directè vel indirectè coercere, aut regno, regniue parte multare, non equidem recusabo, quò minus his tota secundum ipsos sine promocatione indicetur.

Resp. Ita ex culicibus creati elephantos. quasi verò illa testimonia Catholicis antè non sint visa aut intellecta, cùm ferè omnia non solum testimonia, sed etiam rationum argumenta, quæ iste producit, ex Catholicorum & præsertim Card. Bellar. scriptis sint sublecta: & quæ hic aduersus directum dominium, & directam potestatem profert; iste aduersus indirectam detorquet. Testimonia illa nihil habent difficultatis. sunt enim intelligenda accommodatè, & cum certis limitationibus.

Resp. ad
testim.
Patrum.

Principes
quomodo
solo Deo
minor.

Cap. 14.
& 34.

Sueton.
in Nerone
cap. 49.

Ad 1. Imperator dicitur *primus post Deum, minor solo Deo*, facta cōparatione inter potestates seculares, vt suprà n. 154. ostensum: alioquin absolutè est falsum. cælestes enim spiritus longè sunt illo maiores; & dignitas Pontificia absolutè maior est dignitate Imperatoria: vt ipse Barclaius alibi non semel fatetur. Si dicas Imperatoriam esse maiorem *in temporalibus*; hæc ipsa restrictio est particula minuens. esse enim maius in regimine rerum infimarum, non est absolutè, sed secundum quid esse maius: quo modo in regimine navis, maior est nauarchus quàm Rex. At Pontificia potestas est absolutè maior; quia regit spiritalia, & consequenter etiam ad temporalia se extendit, quatenus spiritalibus deseruiunt. Deinde opus est alia limitatione, nimirum *quatenus ille intra suos limites se continet*. Si enim excedat, iam non est solo Deo, sed etiam suo regno minor; vt suprà num. 175. & 176. ostensum. Declarauit id suo iudicio Senatus Romanus, quando iudicauit Neronem hostem patriæ, & puniendum more maiorum: nimirum, *vt, detractis vestibus nudi ceruix inferatur furee, & corpus cadatur virgis ad necem*. Omitto alia exem-

exempla innumera. Denique cùm dicitur, *omnia à Deo consecutus*, & *super omnes homines habere potestatem*, non de omnibus absolute intellige (vix enim tertia pars orbis illi suberat) sed de omnibus Romano Imperio subiectis.

Ad 2. Ista verba Ambrosij intelligenda sunt de legibus quoad pœnam corporalem, qualis erat adulterij & homicidij, à qua pœna ordinariè tuti sunt Reges potestate Imperij: quia non possunt ob vnum vel alterum factum iniquum in ius vocari & puniri sicut priuati. item de legibus pœnalibus quibus agitur solum de punitione criminis commissi; non autem quando puniitio illa habet rationē necessariæ defensionis. non enim Princeps est liber ab ea pœna quæ in necessariam defensionem boni publici irrogatur; qualis est depositio, cùm alia ratione ad sanitatem reuocari nequit.

Ad 3. Non vult Gregorius dicere Regem iure posse plectere sacerdotes; sed suppetere illi vires quibus reipsa & de facto illos puniebat. Similiter non vult dicere sacerdotibus nullo euentu ius in Regem competere, cùm posset ab eis excommunicationis sententia feriri; sed Regē potentia sæculari stipatum non posse cogi, vt pœnā subeat, & sententiæ deferat, si nolit. Itaque vtrumque de facto non de iure intelligendum.

Ad 4. suprà n. 168. copiosè responsum est.

Ad 5. *Reges sunt supra leges politicas, nec legibus sæculi cohibentur.* quod intellige de legibus illorum proprijs *Sunt supra leges.* non de legibus Regni, si limites suos exceßerint: multò minùs de legibus Ecclesiæ. Non habent vllum supra se quem metuant: quia nulli sæculari potestati, quæ ordinariè illos coerceat, subsunt. Absoluè tamen subsunt potestati Ecclesiæ, sicut oues potestati sui pastoris, cuius sententiam meritò debent metuere, cùm excommunicatio pœna sit grauissima. Verùm quia etiam ad hanc

pœnâ non venit nisi post multas monitiones se præbeant contumaces, idcirco liberius ceteris peccare possunt.

184.

Ex his patet quàm friuolum sit, huiusmodi testimonia, & in primis illud, Imperatorem esse solo Deo minorem (quod sapissime ingeritur) tantopere premere & inculcare; cùm vel nihil probent, vel nimium probent. Si enim vrgeantur nuda verba, nimium probant: nimirum non posse eos ob vllam causam excommunicari; regna non posse se illis in vllò euentu opponere: eos non teneri parere summo Pontifici: cùm tamen fateatur author, Reges in rebus maximis subesse Pontificibus, & debere etiam in politica administratione illis parere, ne boho spiritali officiat. Si autem mens Patrum spectetur, & debite limitationes intelligantur, nihil probant, nisi quod omnes libentur fatemur.

Nos verò suprâ plurima Patrum & Doctorem testimonia apertissima adduximus, quibus ostendimus Principes ita subesse summo Pontifici, vt in aliquò euentu de eorum temporalibus possit statuere. Post hæc multa adducit anthor vt probet Henricum quartum non potuisse sine grauibus incommodis coerceri; quæ omnia à nobis suprâ n. 98. copiose sunt discussa. Capite 11. repetuntur breuiter ea quæ aliquot capitibus diffuse dixerat, admixtis sparsim aculeatis in summos Pontifices & Episcopos inuectiuis, absque tamen vllò nouo argumento.

Cap. 12. pergit in iisdem, sæpè repetens, *Reges solo Deo esse minores; solum Deum habere Iudicem; nullis humanis legibus subijci* &c. hoc enim loco tamquàm in acropoli quadam inexpugnabili se continet. Sed hæc arx iam sæpius expugnata est & diffecta.

Addit ex iure veteri: *Princeps legibus solutus est*. 1. Princeps. ff. de legibus: quod, inquit, de legibus pœnalibus

libus præcipuè Græci intelligunt: ὅπου ἐστὶ ἀμαρτία ἐκ νό-
μου, videlicet si delinquat, non punitur. Verùm ad
hoc responsum est; esse solutum legibus proprijs, non
autem legibus Regni, & pactorū cum Regno initorum:
vt docet Bartolus in l. digna vox. C. de legibus. multò
minùs solutus est legibus diuinis & Ecclesiæ.

Sed inquit, ipsi Pontifices testantur *Reges in tēporali-
bus non habere superiorem*. Ita est; sed iidem Pontifices
docent in aliquo euentu posse Reges suis temporalibus
priuari. Valde stolidus est qui existimat tot Pontifices &
omnes Iuris interpretes, qui vtrumq; tradunt, sibi con-
tradecere, suamq; doctrinā per imprudentiam & ἀπερ-
στία euertere. Nemo vsque ad hoc tēpus aliquam in hu-
iusmodi repugnantia somniavit. Nec mirum, cū v-
trumque propriè sit verum. Dicuntur enim Principes
non habere in temporalibus (hoc est temporalium gu-
bernatione) superiorem: nimirum quamdiu intra suos
limites se continent, & ea ritè secundum leges Regni
administrant: alioquin si extra septa & cancellos statu-
tos proruperint, si pactis & iuramentis, quibus Regno
se obstrinxere calcatis, omnia pro libidine gesserint,
nec vllis monitis possint reuocari, iam incipiunt habere
superiorem etiam in temporalibus, ipsum nimirum Re-
gnum; vt suprā ostensum est, & vsus omnium Regno-
rum declarat. Rursus si sua administratione Iura Ec-
clesiæ violent, bonum spiritale seu Religionis euertant,
subditos suos ad hæreses compellant, & secum ad inferos
rapiant; iam Ecclesia quæ est ipsorum superior in spiri-
tali bus (id est in omnibus ijs quæ ad diuinæ legis obser-
uationem & salutem pertinent) ex iure quod habet in
spiritualibus, potest illos à sua administratione amouere,
idque vel in pœnam criminis, vel in defensionem boni
spiritalis. Quamdiu Princeps tēporalia ita administrat,
vt bonum spiritale non lædat, Ecclesia non potest illius

Cap per
Venerab.
qui filij
sunt legiti-
mi.

Non ha-
bent Su-
perio rem
in tem-
poralibus.

se gubernationi miscere; & ita ipse est supremus & absolutus in temporalibus, non agnoscens superiorem.

Quomodo Ecclesia dicatur Superior in spiritualibus.

Dices, Ecclesia solum est superior Principis in spiritualibus; quomodo ergo potest disponere de rebus eorum temporalibus? Hoc est quod isti tones vrgent homonymo se regentes. Sed cum dicitur Ecclesia superior in spiritualibus; per *spiritalia* non intelligitur tantum administratio sacramentorum, & verbi diuini prædicatio (ad quæ duo Politici libenter totam Ecclesiæ potestatem restringerent) sed quidquid ad bonum spiritale conseruandum & promouendum est necessarium. Sicut enim Rex eo ipso quo dicitur superior in temporalibus, intelligitur habere potestatem statuendi de omnibus quæ sunt necessaria ad bonum Reipub. temporale, publicam nempe tranquillitatem, quæ est finis & scopus ipsius potestatis & regiminis: ita summus Pontifex hoc ipso quo dicitur superior in spiritualibus, intelligitur habere potestatem statuendi de omnibus quæ censentur necessaria ad bonum spiritale, cultum, inquam, diuinum, & salutem animarum, quæ est scopus & finis huius potestatis & regiminis. Itaque priuatio Regni etsi in se sit res temporalis seu politica: tamen vt est medium necessarium ad conseruationem religionis, censetur quid non politicum, sed spiritale; & cadit sub Pontificiam potestatem. medium enim accipit speciem ex fine.

D E C I M A O B I E C T I O,

Ex periculo abus.

385.

R Vrsus c. 12. nos ex nostris principiis oppugnat hoc modo. *Summus Pōtifex potest alicui regnu auferre. & alteri conferre, si id necessarium sit ad animarum salutē. Atqui iudicare & decernere an sit necessarium, pertinet ad eundem*

dem Pontificem, de cuius iudicio æquumne sit an iniquum, nemo potest iudicare. Can. Patet. Can. Aliorum 9. q. 3. Ergo ubi libitum ei erit, poterit quemlibet regno priuare, & illud alteri conferre. Propositio est ipsamet sententia aduersariorum: assumptio verò inter omnes Catholicos est extra omnem controuersiam. nemo enim nisi hæreticus negabit curam animarum ad Petri successorem & Christi Vicarium pertinere. Conclusio denique ex præmissis necessario sequitur.

Respondeo 1. Si hoc argumentum quidquam valeret, multò magis probaret omnes Reges ex rebus humanis exterminandos, & populare regimen vbiq; inducendum. Longè enim maius periculum est infinitis innocentibus, qui se tueri non possunt, ex iniqua Regum oppressione; quàm paucis Regibus, qui plerumque sua potentia aduersus vim tuti sunt ab iniqua oppressione Pontificum. Possunt enim Reges disponere de fortunis omnium subditorum, quatenus est necesse ad bonum commune Reipub. Bartolus in 1. Omnes, §. n. 2. C. Si contra ius &c. & passim DD. Atqui iudicare de hac necessitate ad ipsum Regem pertinet; de cuius iudicio nemo subditorum potest iudicare: ergo pro arbitrio poterit subditos spoliare, vectigalia & tributa augere &c. Item potest varijs criminibus statuere bonorum confiscationem: deinde opulentioribus accusatores excitare, eosq; per calumniam opprimere. Huius rei in Imperio Romano, alijsq; regnis plurima se offerunt exempla, quæ historiæ suppeditant. An quia possunt Reges hac potestate abuti & interdum abutuntur, idcirco hæc potestas illis deneganda, aut eorum dignitas abroganda? Minimè gentium. multò ergo minùs summo Pontifici illa potestas deneganda, quæ tantopere est necessaria ad boni spiritualis conseruationem, cum periculum abusus sit valde exiguum. Imò hætenus non potuit adferri vllum exemplum cuius iustitia non possit facillimè

Refutatur

defendi : cùm infinita sint exempla abusus potestatis Regiæ . Itaque ridiculè periculum abusus vrgetur ab aduersario .

Duplex
iudicium
necessari-
um .

De crimi-
ne .

Vt autem directè respondeam , nego conclusionē sequi ex præmissis . Vt enim rectè inferatur illum pro libito posse Reges regno priuare , assumi debebat illū pro libito posse de toto hoc negotio iudicare ; quæ assumptio manifestè falsa est . De duobus enim iudicandū est : nimirum de ipso crimine , an talem pœnam mereatur : & de pœna , an expediat bono Ecclesiæ eam hoc statu rerum irrogari . de neutro pro arbitrio iudicare potest . Nam quod ad crimen attinet , res debet esse manifesta ; nimirum non solum crimen commissum esse à Principe , sed etiam esse dignum tali pœna , & obstinatè in eo persisti , contemptis omnibus Ecclesiæ monitis & censuris . Non enim Ecclesia ad sententiam abrogationis venire consuevit , nisi post censuras ille in contumacia persistet . Meritò autem dignum videri queat tali pœna , accedete peruicacia , quod inter Principes esset iusta causa inferendi belli , & regni alterius occupadi . Vt si legati contumeliosè tractentur , & in vincula conijciantur : si trāsitus auxiliariis copijs recusetur &c . Cur enim quod inter Principes esset iusta causa indicendi belli , vastandi & occupandi regni , non sit etiam iusta causa summo Pontifici inferendæ excommunicationis , & perseuerante iniuria , priuandi ea potestate qua in Ecclesiæ iniuriam abutitur ?

Ex quibus patet quàm iniquè author in Bonifacium 8 . & Iulium 2 . inuehatur , quasi solo odio priuato fecerint in hoc genere quod fecerunt ; cùm causæ huiusmodi suppetere , ob quas meritò bellum inferri , & regnū à Principe sæculari simili iniuria affecto , occupari potuisset . Qua de re videndus Ciacconus in Bonifacio 8 . & Iulio 2 . Non disputo de modo quo processum fuit ; sed

sed de iure quod suberat, suppositis ijs quæ à bonis authoribus memoriæ sunt prodita.

Iniuriosus est quod ait Gregorium 7. Innocentiū 3. & Innocentiū 4. solo odio priuato incensos & infensos ista fecisse. Maligni ingenij est odijs priuatis & iniustis tribuere ea, quorum causæ iustæ publicè suppetunt.

Quod verò ad pœnam attinet, utrū expediat Ecclesiæ eam nūc inferri, res est longè difficillima. Vnde tantum abest, vt ea de re pro suo arbitrio iudicare possit, vt teneatur diligentissimè eam discutere, adhibito Cardinalium & aliorum grauissimorum ac prudentissimorum ex varijs nationibus virorum consilio, & Principem sapius monere, rogare per se & per alios vt resipiscat, ostendere rei iniquitatem, & secutura incommoda &c. vt hætenus in Ecclesia factum. Non enim ex vnius aut paucorum iudicio, nec repentè ad ista proceditur, sed summa deliberatione, & plerumque adhibita Synodo, nec vmquam ob causam de cuius qualitate possit esse dubium; sed tantum quando est manifestè iniqua, & bono publico vel directè vel exemplo noxia, vt dictū est. Non enim summo Pontifici cum fungis aut pecudibus est negotium; sed cum Principibus, quibus viri doctissimi & Prælati magnæ authoritatis non desunt, qui causam sui Principis, nisi manifestè iniqua sit tueatur. Denique debet summus Pontifex ita prudenter in hoc negotio se gerere, vt Ecclesiæ vniuersali satisfaciatur: alioquin negotium non habebit successum. His adde, Principi semper integrum esse recedere à contumacia; quo facto eximet se periculo.

Ex quibus constat vana esse quæ ille ex indirecta potestate colligit: nimirum si Pontifici hæc potestas concedatur, fore vt regna precariò à Regibus possideantur, & ad nutum Papæ auferri possint: vt status Principum Christianorū in lubrico versetur: vt omnia regna sint

186.

Y y 3

instar

instar beneficiorū, quæ manualia dicuntur. Hæc & similia nullum colorem habent. Apud hæreticos potius in lubrico consistunt Reges, & precario regnant: nimirum quamdiu placet Ministris, qui sub specie Verbi Dei plebem quod volunt, circumagunt. apud politicos, dum occasio se offerat alicui potenti tyrannidis inuadendæ. Cessat enim apud istos magnum illud animorum retinaculum *Dei timor*, quo maxime Catholici ne iniquè suis Principibus se opponant, cohibentur. Ante istas hæreses cum omnes essent Catholici, & Romano parent Pontifici, quanta securitate Principes regnabant? quanta passim per orbem Christianum tranquillitas? At hæresibus istis ex orco, tamquam furijs in orbem immisissis, commota sunt omnia, pax sublata, tumultu & seditione pleræque Prouinciæ impletæ; & cædibus, incendijs, expilationibus vastatæ vel afflictae: Principes multi suis dominijs exuti. denique omnia illis lubrica & infida.

Sub finem cap. 12. repetit argumentum, quod cap. 5. persecutus fuerat de iure & titulo, quo hæc potestas Pontifici conueniat. ad quod responsum est supra num. 179. ubi ostendimus iure diuino competere. Solùm notandū acumen viri, qui ut Regiam potestatem demonstraret à Deo cōmendari & probari, inter cetera adfert hæc loca Scripturæ: *Reges gentium dominantur eorum: Cor Regis in manu Dei: Dabo illis Regem in furore meo.* Verum simili modo probari posset tyrannidem à Deo commendari & probari: quia ista etiam de tyrannis dici possunt. Gratis concedimus Regum authoritatem probari testimonijs Scripturæ, & esse à Deo; non tamen hinc sequitur eam esse iuris diuini aut immediatè conferri à Deo, sicut potestas Pontificia, ut supra num. 172. & sequent. abundè est demonstratum.

V N D E.

V N D E C I M A O B I E C T I O ,

*Ex eo quòd in Iure naturali non possit
fieri dispensatio .*

Summus Pontifex nihil praecepere vel dispensare potest cōtra 187.
Ius naturale & diuinum . Atqui subiectio & obedientia
Principibus & superioribus debita cōt de iure naturali & di-
uino . ergo summus Pontifex contra eam nihil potest praeci-
pere vel dispensare : & per consequens non potest praecipere sub-
ditis ne Principi suo temporali obediant , in eo in quo Princeps
est superior : & si de facto praeceperit , licebit subditis ei tam-
quam extra territorium Ius dicenti impunè non parere . V-
trumque propositum est certo certius : ex quibus conclusio ne-
cessaria consecutione inducitur . Ita Barclaius cap . 30 . ad-
dens : Qui huius argumenti vim enervauerit , is magnam
mecum gratiam inibit . Ego mehercle , vt ingenij mei tenui-
tatem ingenuè fatear , non satis perspicio qua ratione elidi
possit .

Resp . Si seridè ista scribit aduersarius , meritò potest Refutatur
ingenij sui tenuitatē confiteri , vt qui in re facillima non
possit exitum inuenire . Sanè si aliquid valeret , multò
magis probaret filium non posse umquā eximi ab obedi-
entia patris ; nec vxorē ab obedientia mariti : quia ma-
gis est naturalis obligatio erga patrem & maritum quàm
erga Principem , cūm Principi sua potestas sit immedi-
atè à Repub . patri & marito à Deo , & ab ipsa rerum na-
tura . Itaque minor est distinguenda , si enim intelliga-
tur de superioribus formaliter consideratis , nimirum vt Quomo-
do iure
diuino
debita
Principi
obedien-
tia .
habeant potestatem & ius imperandi minimè impeditum ,
sic vera est , & eodem sensu concedimus totum quod in-
fertur . Pontifex enim non potest aliquem eximere ab
obligatione parendi suo Principi retinenti in illum Ius
plenum & efficax , ac minimè impeditum . nam hoc est

con-

contra Ius diuinum naturale . Vnde per totam æternitatem non dabitur casus quo contrarium sit licitum . Verum nunc probandum est aduersario Principē qui religionem persequitur , à summo Pontifice excommunicatur , & Imperio per sententiam deiicitur , retinere suum ius plenum in subditos , ac minimè impeditum . quod quoad non facit , principium petit , & in circuitu ambulat . Nos certè ex communi DD . sententia , ac plurimis rationibus facillè probamus non retinere . Idem confirmat communis sensus omnium gentium . nulla enim gens putat se teneri contractu parte altera nolente conditiones contractus seruare . inter Principē autem & populū est reciprocos contractus , quo populus se illi subijcit ea lege , vt ipse cōditiones præscriptas seruet . Si ergo seruare postea noluerit , potestas ipsius redditur inefficax ad populū nolentem obligandū . Si autem minor intelligatur de superioribus materialiter consideratis , sic falsa est & minor & conclusio . non enim iure diuino aut naturali , sed merè humano debetur huic vel isti homini qui Princeps est , obedientia : quia principatus iure humano illi competit ; qui eodem iure varijs modis restringi , suspendi , impediri , & auferri potest ; vt suprā num. 173 . declaratum . Si ergo ipsius autoritas suspensa seu impedita fuerit (quod fit per publicam excommunicationem) etiam si retineat potestatem Regiam veluti in habitu & actu primo ; tamen subditus non tenetur ei parere ; quia imperium non est efficax & obligatorium cum potestas suspensa est ab usu . Idem multò magis accidit quando excommunicatio est publicè denunciata ; vt docet Caiet . 2 . 2 . q . 12 . a . 2 . & alij DD . & maxime quando ille per sententiam abdicatus . Tunc enim tollitur dominium , & aufertur titulus Regius , etsi possessio per vim retineatur . In his omnibus hætenus consensere omnes Theologi & Canonistæ .

Sed

Sed instat aduersarius Ius superioris non posse mi-
nui, impediri vel tolli, nisi ab eo qui illius superioris
est superior in eadem specie potestatis ac superioritatis, esse supe-
rior in ea-
dem spe-
cie supe-
rioritatis,
Rex potest Præfecto militiæ imperium abrogare, & præ-
cipere ne exercitus ei obediat. Similiter Præfectus potest
ex causa præcipere ne Tribuno, & Tribuno ne Centu-
rioni, & Centurio ne Decurioni miles pareat. at obe-
dientia subditorum erga Principem consistit in rebus
temporalibus, in quibus ipsimet Pontifices fatentur ne-
minem esse Principe superiore.

Resp. Hic assumi sub alijs verbis id de quo est Petit prin-
controuersia: itaque est petitio principij. hoc enim non cipium.
erat sumendum sed probandum. Nullam autem proba-
tionem adfert. Contrarium supra ratione 6. num. 119.
& sequent. fusè probatum est. Si enim potestas ea, quæ
est eiusdem ordinis, potest inferioris iurisdictionem li-
mitare vel tollere quando ipsius fini officit; cur id non
possit (& quidem potiori iure) potestas superioris or-
dinis, quando inferior potestas fini superioris est impe-
dimento? Quod enim finis est præstantior, eò magis
defendi & fulciri debet; & quod potestas est sublimior,
eò ad plura & maiora se extendit.

Dices, Pontifex illam Iurisdictionem non dedit,
quomodo ergo potest auferre? Resp. Etiam Rex vitam,
fortunas, & famam subditis non dedit, & tamen si illis
abutantur in damnum tranquillitatis publicæ, potest ea
auferre; eò quod absque tali potestate non posset Rem-
pub. tranquillam præstare. Cur non similiter Pontifex
poterit auferre iurisdictionem temporale quam ipse non
dedit, si quis ea in perniciem boni spiritualis, quod infi-
nitè melius est, abutatur? Vnde etiam si quis immediate
à Deo Rex esset constitutus; tamen si ille sua potestate
abutatur, non solum à summo Pontifice, sed etiam à

[illegible]

Præcipue notanda manifeste ignominiam alios subi-
hant. Francisci enim non est superior universitatis,
de ratione de simulacrum in eadem locum portante ac
superior ratione, in qua parentiam est illorum superior;
non in aliam ratione Principi ad illis scetur accedente,
in quibus parentiam, ut per se notum est. Et tamen
Francisci in causis preest parentiam aliam hunc ration-
em mutare vel tamen dicere, et tamen simulum ad
eum portante. Item certum in hunc ratione magis
in diligenter, de omnium artificum in suis familiis; quæ
à parentiam politica ostendi vel tollere causa potest, cum
duerit somnium sit rationis de locum.

Quemadmodum autem Rex

127.
Wolfgang
came for
me for
his.

spicuum & per se clarum Ius diuinum est quod precipis . Interpretatio tua facit vt Ius naturale ac diuinū sis ludibrio, & penitus contemnatur . Iubet Deus vt Principibus & potestatibus obediamus : cū ergo precipis ne Principi nostro legissimo obediamus , precepto tuo parere non possumus ; quia hoc non est mandatum Dei interpretari , sed penitus antiquare & abrogare . non potes facere de peccato non peccatum &c . Vides supercilium hæreticum quod omnes Ecclesiæ Doctores , qui iam saltem à 500 . annis florere (nam à tempore Gregorij 7 . fatentur aduersarij nostram sententiam viguisse) cum summis Pontificibus & Prælatibus , facit adeo stupidos & cæcos , vt per se clarum ac manifestum Ius diuinum & naturale de obedientia Principibus deferenda , non intellexerint ; adeo stolidos , vt contrarium tenuerint . Omnes itaque Doctores errant circa ius diuinum per se clarum & manifestum : sed pauca quædam animæ venales vident hanc lucem , & Ius diuinum rectè intelligunt . Ex hac impudenti ἀλογία quiuis prudens faciliè æstimet quo loco author sit habendus . fieri nequit vt Catholicus ita de Ecclesia scribat .

Dum in his versor , narratur mihi à viris fide dignis , Liber Barclaij in Anglia post mortem ipsius à Ministris reformatæ religionis fuisse reformatum , & Londini non Mussiponti (vt in fronte præfert , adiuncta etiā nominis Iesu imagine , vt nemo fraudem suspicetur) impressum . Itaque mirum nō esse , si spiritus reformatæ religionis in eo spiret & emineat . Ius est istis nouis reformatoribus huiusmodi arte Catholicos decipere , & inducere ad Pōtificiam potestatem abnegādā : neque id fraudem turpem , sed laudabilem industriam censent promouendæ suæ religionis . At si Catholici sacerdotes in questionem à Iudicibus hæreticis vocati , aliqua æquiocatione , aut mentali restrictione vtantur , vt iniusta tormenta euadāt , id graue est piaculum , fraus iniquissima & intolerabilis .

Repub. priuari posset, si aliter tranquillitas publica cōseruari non posset; vt expresse docet Almainus lib. de potestate Ecclesiæ cap. 1. & patet ex ijs, quæ suprà ad sextam obiectionem dicta sunt.

Denique exempla manifesta figmentum illud refellunt. Princeps enim non est superior filiorumfamilias, & vxoris, & famulorum in eadem specie potestatis ac superioritatis, in qua paterfamilias est illorum superior; nec in ijsdem rebus Principi ab illis debetur obedientia, in quibus patrifamilias, vt per se notum est. Et tamen Princeps ex causa potest patrifamilias suam Iurisdictionem minuere vel etiam adimere, eximendo familiam ab eius potestate. Idem cernitur in Iurisdictione magistri in discipulos, & omniū artificum in suos famulos; quæ à potestate politica restringi vel tolli ex causa potest, etsi diuersæ admodum sit rationis & speciei.

Quomodo autem Rex non dicatur habere superiorem in temporalibus (quod hic rursus ab authore tamquam primum principium aliquoties producit) suprà explicatum est. Similiter quæ hic rursus adfert de directè & indirectè, de directè & obliquè, de libertate Principum à vinculis delictorum & legibus; de summa, soluta, & impunita libertate summi Pontificis bonos & innocentes Principes opprimendi & exercendæ tyrannidis &c. suprà abundè discussa sunt. Sed hæc sæpius auctori repetenda fuere, quia alijs rationibus solidis destituitur.

189.
Respon-
sionis for-
ma super-
ba.

Ex quibus etiam patet quàm vana, superba, & in vniuersam Ecclesiam iniuriosa sit illa responsio, qua populum Christianum, & quemlibet è populo dicit posse vti erga Pontificem iubentem à Rege hæretico & Ecclesiæ Catholicæ hoste deficere. summa respōsionis est. *Pater sancte non es Rege nostro in temporalibus superior, & ideo non possumus te in hoc negotio audire; quia contra per-*
spicu-

spicuum & per se clarum Ius diuinum est quod precipis. Interpretatio tua facit vt Ius naturale ac diuinū sit ludibrio, & penitus contemnatur. Iubet Deus vt Principibus & potestatibus obediamus: cū ergo precipis ne Principi nostro legitimo obediamus, precepto tuo parere non possumus; quia hoc non est mandatum Dei interpretari, sed penitus antiquare & abrogare. non potes facere de peccato non peccatum &c. Vides supercilium hæreticum quod omnes Ecclesiæ Doctores, qui iam saltem à 500. annis florere (nam à tempore Gregorij 7. fatentur aduersarij nostram sententiam viguisse) cum summis Pontificibus & Prælatibus, facit adeo stupidos & cæcos, vt per se clarum ac manifestum Ius diuinum & naturale de obedientia Principibus deferenda, non intellexerint; adeo stolidos, vt contrarium tenuerint. Omnes itaque Doctores errant circa ius diuinum per se clarum & manifestum: sed pauca quædam animæ venales vident hanc lucem, & Ius diuinum rectè intelligunt. Ex hac impudenti ἀλογίᾳ quiuus prudens faciliè æstimet quo loco author sit habendus. fieri nequit vt Catholicus ita de Ecclesia scribat.

Dum in his versor, narratur mihi à viris fide dignis, Liber Barclaij in Anglia post mortem ipsius à Ministris reformatæ religionis fuisse reformatum, & Londini non Mussiponti (vt in fronte præfert, adiuncta etiā nominis Iesu imagine, vt nemo fraudem suspicetur) impressum. Itaue mirum nō esse, si spiritus reformatæ religionis in eo spiret & emineat. Ius est istis nouis reformatoribus huiusmodi arte Catholicos decipere, & inducere ad Pōtificiam potestatem abnegādā: neque id fraudem turpem, sed laudabilem industriam censent promouendæ suæ religionis. At si Catholici sacerdotes in quæstionem à ludicibus hæreticis vocati, aliqua æquiocatione, aut mentali restrictione vtantur, vt iniusta tormenta euadāt, id graue est piaculum, fraus iniquissima & intolerabilis.

Repub. priuari posset, si aliter tranquillitas publica cōservari non posset; vt expressè docet Almainus lib. de potestate Ecclesiæ cap. 1. & patet ex ijs, quæ suprà ad sextam obiectionem dicta sunt.

Denique exempla manifesta figmentum illud refellunt. Princeps enim non est superior filiorumfamilias, & vxoris, & famulorum in eadem specie potestatis ac superioritatis, in qua paterfamilias est illorum superior; nec in ijsdem rebus Principi ab illis debetur obedientia, in quibus paterfamilias, vt per se notum est. Et tamen Princeps ex causa potest paterfamilias suam Iurisdictionem minuere vel etiam adimere, eximendo familiam ab eius potestate. Idem cernitur in Iurisdictione magistri in discipulos, & omniū artificum in suos famulos; quæ à potestate politica restringi vel tolli ex causa potest, etsi diuersæ admodum sit rationis & speciei.

Quomodo autem Rex non dicatur habere superiorem in temporalibus (quod hic rursus ab authore tamquam primum principium aliquoties producit) suprà explicatum est. Similiter quæ hic rursus adfert de directè & indirectè, de directè & obliquè, de libertate Principum à vinculis delictorum & legibus; de summa, soluta, & impunita libertate summi Pontificis bonos & innocentes Principes opprimendi & exercendæ tyrannidis &c. suprà abundè discussa sunt. Sed hæc sæpius auctori repetenda fuere, quia alijs rationibus solidis destituitur.

189.
Respon-
sionis for-
ma super-
ba.

Ex quibus etiam patet quàm vana, superba, & in vniuersam Ecclesiam iniuriola sit illa responsio, qua populum Christianum, & quemlibet è populo dicit posse vti erga Pontificem iubentem à Rege hæretico & Ecclesiæ Catholicæ hoste deficere. summa respōsionis est. *Pater sancte non es Rege nostro in temporalibus superior, & ideo non possumus te in hoc negotio audire; quia contra per-*
spicu-

spicuum & per se clarum Ius diuinum est quod precipis . Interpretatio tua facit vt Ius naturale ac diuinū sit ludibrio , & penitus contemnatur . Iubet Deus vt Principibus & potestatibus obediamus : cū ergo precipis ne Principi nostro legitimo obediamus , precepto tuo parere non possumus ; quia hoc non est mandatum Dei interpretari , sed penitus antiquare & abrogare . non potes facere de peccato non peccatum &c . Vides supercilium hæreticum quod omnes Ecclesiæ Doctores , qui iam saltem à 500 . annis florere (nam à tempore Gregorij 7 . fatentur aduersarij nostram sententiam viguisse) cum summis Pontificibus & Prælatibus , facit adeo stupidos & cæcos , vt per se clarum ac manifestum Ius diuinum & naturale de obedientia Principibus deferenda , non intellexerint ; adeo stolidos , vt contrarium tenuerint . Omnes itaque Doctores errant circa ius diuinum per se clarum & manifestum : sed pauca quædam animæ venales vident hanc lucem , & Ius diuinum rectè intelligunt . Ex hac impudenti ἀλογία quiuis prudens faciliè æstimet quo loco author sit habendus . fieri nequit vt Catholicus ita de Ecclesia scribat .

Dum in his versor , narratur mihi à viris fide dignis , Liber Barclaj in Anglia post mortem ipsius à Ministris reformatæ religionis fuisse reformatum , & Londini non Mussiponti (vt in fronte præfert , adiuncta etiā nominis Iesu imagine , vt nemo fraudem suspicetur) impressum . Itaue mirum nō esse , si spiritus reformatæ religionis in eo spiret & emineat . Ius est istis nouis reformatoribus huiusmodi arte Catholicos decipere , & inducere ad Pōtificiam potestatem abnegādam : neque id fraudem turpem , sed laudabilem industriam censent promouendæ suæ religionis . At si Catholici sacerdotes in quæstionem à Iudicibus hæreticis vocati , aliqua æquiuocatione , aut mentali restrictione vtantur , vt iniusta tormenta euadāt , id graue est piaculum , fraus iniquissima & intolerabilis .

Repub. priuari posset, si aliter tranquillitas publica cōservari non posset; vt expressè docet Almainus lib. de potestate Ecclesiæ cap. 1. & patet ex ijs, quæ suprà ad sextam obiectionem dicta sunt.

Denique exempla manifesta figmentum illud refellunt. Princeps enim non est superior filiorumfamilias, & vxoris, & famulorum in eadem specie potestatis ac superioritatis, in qua paterfamilias est illorum superior; nec in ijsdem rebus Principi ab illis debetur obedientia, in quibus paterfamilias, vt per se notum est. Et tamen Princeps ex causa potest paterfamilias suam Iurisdictionem minuere vel etiam adimere, eximendo familiam ab eius potestate. Idem cernitur in Iurisdictione magistri in discipulos, & omniū artificum in suos famulos; quæ à potestate politica restringi vel tolli ex causa potest, cū diuersæ admodum sit rationis & speciei.

Quomodo autem Rex non dicatur habere superiorem in temporalibus (quod hic rursus ab authore tamquam primum principium aliquoties producit) suprà explicatum est. Similiter quæ hic rursus adfert de directè & indirectè, de directè & obliquè, de libertate Principum à vinculis delictorum & legibus; de summa, soluta, & impunita libertate summi Pontificis bonos & innocentes Principes opprimendi & exercendæ tyrannidis &c. suprà abundè discussa sunt. Sed hæc sapius auctori repetenda fuere, quia alijs rationibus solidis destituitur.

189.
Respon-
sionis for-
ma super-
ba.

Ex quibus etiam patet quàm vana, superba, & in vniuersam Ecclesiam iniuriosa sit illa responsio, qua populum Christianum, & quemlibet è populo dicit posse vti erga Pontificem iubentem à Rege hæretico & Ecclesiæ Catholice hoste deficere. summa respōsionis est. *Pater sancte nō es Rege nostro in temporalibus superior, & ideo nō possumus te in hoc negotio audire; quia contra per-*
spicu-

specium & per se clarum Ius diuinum est quod præcipis. Interpretatio tua facit ut Ius naturale ac diuinum sis ludibrio, & penitus contemnatum. Iubet Deus ut Principibus & potestatibus obediamus: cum ergo præcipis ne Principi nostro legitimo obediamus, præcepto tuo parere non possumus; quia hoc non est mandatum Dei interpretari, sed penitus antiquare & abrogare. non potes facere de peccato non peccatum &c. Vides supercilium hæreticum quod omnes Ecclesiæ Doctores, qui iam saltem à 500. annis floruerunt (nam à tempore Gregorij 7. fatentur aduersarij nostram sententiam venguisse) cum summis Pontificibus & Prælatibus, facit adeo stupidos & cæcos, ut per se clarum ac manifestum Ius diuinum & naturale de obedientia Principibus deferenda, non intellexerint; adeo stolidos, ut contrarium tenuerint. Omnes itaque Doctores errant circa ius diuinum per se clarum & manifestum: sed pauca quædam animæ venales vident hanc lucem, & Ius diuinum rectè intelligunt. Ex hac impudenti ἀλογία quicquid prudens faciliè æstimet quo loco author sit habendus. fieri nequit ut Catholicus ita de Ecclesia scribat.

Dum in his versor, narratur mihi à viris fide dignis, Liber Barclaij in Anglia post mortem ipsius à Ministris reformatæ religionis fuisse reformatum, & Londini non Mussiponti (ut in fronte præfert, adiuncta etià nominis Iesu imagine, ut nemo fraudem suspicetur) impressum. Itaque mirum non esse, si spiritus reformatæ religionis in eo spiret & emineat. Ius est istis nouis reformatoribus huiusmodi arte Catholicos decipere, & inducere ad Potestati potestatem abnegandam: neque id fraudem turpem, sed laudabilem industriam censent promouendam suæ religionis. At si Catholici sacerdotes in quæstionem à Iudicibus hæreticis vocati, aliqua æquiocatione, aut mentali restrictione vtantur, ut iniusta tormenta euadant, id graue est piaculum, fraus iniquissima & intolerabilis.

Repub. priuari posset, si aliter tranquillitas publica cōservari non posset; vt expressè docet Almainus lib. de potestate Ecclesiæ cap. 1. & patet ex ijs, quæ suprà ad sextam obiectionem dicta sunt.

Denique exempla manifesta figmentum illud refellunt. Princeps enim non est superior filiorumfamilias, & vxoris, & famulorum in eadem specie potestatis ac superioritatis, in qua paterfamilias est illorum superior; nec in ijsdem rebus Principi ab illis debetur obedientia, in quibus paterfamilias, vt per se notum est. Et tamen Princeps ex causa potest paterfamilias suam Iurisdictionem minuere vel etiam adimere, eximendo familiam ab eius potestate. Idem cernitur in Iurisdictione magistri in discipulos, & omniū artificum in suos famulos; quæ à potestate politica restringi vel tolli ex causa potest, etsi diuersæ admodum sit rationis & speciei.

Quomodo autem Rex non dicatur habere superiorem in temporalibus (quod hic rursus ab authore tamquam primum principium aliquoties producitur) suprà explicatum est. Similiter quæ hic rursus adfert de directè & indirectè, de directè & obliquè, de libertate Principum à vinculis delictorum & legibus; de summa, soluta, & impunita libertate summi Pontificis bonos & innocentes Principes opprimendi & exercendæ tyrannidis &c. suprà abundè discussa sunt. Sed hæc sæpius auctori repetenda fuere, quia alijs rationibus solidis destituitur.

189.
Respon-
sionis for-
ma super-
ba.

Ex quibus etiam patet quàm vana, superba, & in vniuersam Ecclesiam iniuriosa sit illa responsio, qua populum Christianum, & quemlibet è populo dicit posse vti erga Pontificem iubentem à Rege hæretico & Ecclesiæ Catholicæ hoste deficere. summa respōsionis est. *Pater sancte non es Rege nostro in temporalibus superior, & ideo non possumus te in hoc negotio audire; quia contra per-*
spicu-

spicuum & per se clarum Ius diuinum est quod præcipis. Interpretatio tua facit vt Ius naturale ac diuinum sit ludibrio, & penitus contemnatur. Iubet Deus vt Principibus & potestatibus obediamus: cum ergo præcipis ne Principi nostro legitimo obediamus, præcepto tuo parere non possumus; quia hoc non est mandatum Dei interpretari, sed penitus antiquare & abrogare. non potes facere de peccato non peccatum &c. Vides supercilium hæreticum quod omnes Ecclesiæ Doctores, qui iam saltem à 500. annis floruerunt (nam à tempore Gregorij 7. fatentur aduersarij nostram sententiam viguisse) cum summis Pontificibus & Prælatibus, facit adeo stupidos & cæcos, vt per se clarum ac manifestum Ius diuinum & naturale de obedientia Principibus deferenda, non intellexerint; adeo stolidos, vt contrarium tenuerint. Omnes itaque Doctores errant circa ius diuinum per se clarum & manifestum: sed pauca quædam animæ venales vident hanc lucem, & Ius diuinum rectè intelligunt. Ex hac impudenti ἀλογία quicquid prudens faciliè æstimet quo loco author sit habendus. fieri nequit vt Catholicus ita de Ecclesia scribat.

Dum in his versor, narratur mihi à viris fide dignis, Liber Barclaj in Anglia post mortem ipsius à Ministris reformatæ religionis fuisse reformatum, & Londini non Mussiponti (vt in fronte præfert, adiuncta etià nominis Iesu imagine, vt nemo fraudem suspicetur) impressum.

Barclaj in Anglia reformatus ab hæreticis.

Itaque mirum nō esse, si spiritus reformatæ religionis in eo spiret & emineat. Ius est istis nouis reformatoribus huiusmodi arte Catholicos decipere, & inducere ad Pōtificiam potestatem abnegandam: neque id fraudem turpem, sed laudabilem industriam censent promouendæ suæ religionis. At si Catholici sacerdotes in quæstionem à Iudicibus hæreticis vocati, aliqua æquiocatione, aut mentali restrictione vtantur, vt iniusta tormenta euadāt, id graue est piaculum, fraus iniquissima & intolerabilis.

*D V O D E C I M A O B I E C T I O ,
Exco quòd non possis soluere vinculum Iura-
menti .*

190. **O**bligatio seruandi Iuramenti Deoq̃ue reddendi , est Iuris naturalis & diuini . atqui Papa non potest dispensare in iure naturali vel diuino . ergo non potest subditos Principis à Iuramenti vinculo absoluere . Cõfirmatur . Non potest monacho licentiam indulgere , vt aut rerum proprietatem habeat , aut vxorem : vt suo rescripto testatur Innoc. 3 . cap . Cũ ad monasterium , de statu monachorum . Ergo multò minùs potest dare licentiã populo non seruandi iusiurandũ , quo se Principi obstrinxit . plũs enim summus Pontifex de plenitudine potestatis videtur posse circa vinculum monachorum , quàm subditorum erga Principem : tum quia totus ordo monachalis , aliq̃ue in Ecclesia (vt quidã volunt) ab humanis constitutionibus & iure positiuo profecti sunt . at submissio & obedientia Regibus , Principibus , & omnibus Præpositis ac Superioribus debita est iuris naturalis ac diuini , vtroque testamento confirmata : tum quia ex voto religionis soli Deo & Ecclesiæ , cuius Vicarium caput Papa est , obligatio acquiritur ; ac proinde eius interpretationi vel dispensationi subiacere potest . At per iusiurandum pactis vel sponsionibus humanis adiectum , obligatio acquiritur homini : ac proinde in ipsius tantũ arbitrio est illam remittere . Qui ergo fieri potest , vt obligationem alicui Iure optimo quæsitam , iure , inquam , naturali diuino & humano , per iusiurandum omni ex parte licitum , licito contractui appositum , summus Pontifex inuito creditore auferat ? Ita Barclaius cap. 26 . & 27 .

Resp . Si hoc argumentum valeret , nec Papa , nec
vllus

ullus superior posset in vilo Iuramento vel voto dispensare : quia omnis iuramenti & voti validi obligatio est iuris naturalis & diuini. Consequens est manifestè falsum , vtpote repugnans Scripturis , Conciliorū & Pontificum decretis , communi DD. sententiæ , & praxi Ecclesiæ vniuersalis . videatur can. Authoritatē 15 . q . 6 . Nicolai primi . & extra . tit . de iureiurando . Syllogismus ita formandus erat . Papa non potest dispensare in iure diuino & naturali . atqui absoluerē subditos Principis Ecclesiæ rebellis à iuramento , est dispensare in iure diuino & naturali . ergo Papa illud non potest facere . Verū tunc probanda erat minor . hæc enim apertè est falsa . Casar enim quando proscribit aliquem Principem Imperialem rebellē Imperio , absoluit eius subditos à iuramenti vinculo , quo illi Principi tenebantur obstricti ; non tamen idcirco dispensat in iure diuino aut naturali . Idem fit in omnibus promissionibus & pactis iuratis inter ciues duorum regnorum initis , si bellum fortè exoritur . Tunc enim eximuntur à vinculo iuramēti , ita vt non teneantur satisfacere creditoribus .

Nec obstat quòd obligatio seruandi iuramenti sit iuris naturalis & diuini . per hoc enim nihil aliud significatur , quàm obligationem eam quæ ex iuramento prouenit , iure naturali & diuino , non humana aliqua constitutione ex eo prouenire . Hinc tamē nullo modo consequens est , hanc obligationē non posse tolli à subiecto cui inest . simili enim modo obligatio obediendi superiori , & obligatio seruandi promissa ac conuenta , est iuris naturalis & diuini : quia hæc obligatio naturali iure , non humana ordinatione ex promissis & pactis sequitur : & tamen multis modis à subiecto quod obligatur tolli potest . Et si enim obligatio aliqua naturaliter sequatur ex aliquo actu , non tamē inde sequitur eam ita firmiter subiecto adhærescere , vt nulla ratione ab eo possit di-

Obligatio
seruandi
iuramenti
est naturalis .

uelli ; vt aduersarij argumentum supponit .

191.
4. modis
potest tolli
obligatio
Iuramenti
fidelitatis.

Porro 4. modis potest tolli per Pontificem obligatio iuramenti quo subditi suo Principi sunt obstricti .
1. Si Princeps insanabilis existens per sententiam principis sua Iurisdictione . 2. Si non priuatur quidem omnino Iurisdictione , sed suspendatur ab eius usu , ita vt non possit suo præcepto obligare ; quod fit per publicam excommunicationem . Ratio horum duorum modorum est , quia hoc ipso quo tollitur , vel suspenditur Iurisdictione superioris , subditi non amplius tenentur ei obedire , ac proinde cessat etiam vinculum iuramenti , quod solum erat accessorium promissioni parandi , & tantum obligabat supposita obligatione parandi . Iuramentum enim accessorium suscipit omnes tacitas conditiones & limitationes , quas habet promissio simplex , vel contractus , cui apponitur . Sicut ergo cum subditus promissione simplici promittit superiori obedientiam , intelligenda est tacita limitatio , quamdiu fueris meus superior , & Iurisdictionem legitimè non impedita habueris &c. ita si huic promissioni accedat iuramentum , eadem conditio intelligenda . 3. Si obligatio illa qua subditus obstrictus est Principi esset periculosa ipsius saluti . tunc enim obligatio illa potest tolli , eximendo illum à Principis Iurisdictione ; etiamsi ille Princeps non sit Ecclesiæ subiectus , vt pote Ethnicus .

Hoc modo Christiani Ethnicis subiecti , possunt eximi auctoritate Ecclesiæ ab illius obedientia , si eos à fide Christi auertere conetur , quamvis vim non inferat . quo casu maximè locum habet doctrina S. Thomæ 2. 2. q. 10. a. 10. cum ait : *Posse iuste per sententiam vel ordinationem Ecclesiæ auctoritatem Dei habentis ius dominij infidelium supra fideles tolli : quia meritò suæ infidelitatis merentur amittere potestatem supra fideles , qui transferuntur in filios Dei .* estque communis sententia DD . Sic

YXOR

vxor potest eximi ab obedientia viri si ille eam ad malū
 pertrahere velit, nec aliter eius importunitatem possit Nota.
 euadere. Ratio est, quia qui præest in ordine ad finem
 eminentiorem, potest eximere suum subditum ab omni-
 bus obligationibus, quibus in ordine ad fines inferiores
 cuilibet tenetur obstrictus, si permanētibus istis obliga-
 tionibus periculum impenderet fini eminentiori. Sic ci-
 uis à suo Principe potest liberari vinculis pactorū & pro-
 missionum, quibus alteri Principi vel populo nexus est,
 si periculum inde tranquillitati temporali crearetur. at
 salus æterna est finis omnium eminentissimus & summi
 momenti, cuius respectu res omnes mortalium sunt in-
 star nihili. ergo summus Pontifex, cuius est hunc finem
 procurare, potest subditum suum eximere ab omni vin-
 culo, quo cuilibet siue Principi, siue privato obstringi-
 tur, si ex illo vinculo periculum crearetur salutis. Imò
 subditi Christiani per se absque alia auctoritate possunt
 se eximere ab obedientia talis Principis, & subdere ali-
 cui Principi Christiano, si alia ratione periculum per-
 uersionis non possent euadere. 4. Quando per obedien-
 tiam subditorum augentur vel conseruātur vires Princi-
 pis, quibus impugnat Ecclesiam. tunc enim si alia ratio
 commoda non suppetat, poterit subditos ab illius obe-
 dientia eximere, eisque præcipere ne illi pareant, aut
 tributa soluant, & vt eius imperio renūtient, etiā si Prin-
 ceptus ille sit Ethnicus. Ratio est, quia hæc exemptio per-
 tinet ad necessariam sui defensionē. perinde enim se ha-
 bet, ac si quis gladium furioso eripiat, aut lupo dentes &
 ungues accidat. His euentis cessat tota vis iuramenti,
 quo subditi suo Principi sunt obstricti: quia cessat sim-
 plex obligatio parendi, cui iuramentum erat accessori-
 um. Itaque non est maior difficultas in eximendo à vin-
 culo iuramenti, quàm in eximendo à simplici obligatio-
 ne parendi.

Ad

192.

Discrimē
inter iura-
mentum
fidelitatis,
& votum
castitatis,

Ad confirmationē. Longè facilius subditus eximi-
tur à vinculo istius iuramenti, quàm monachus à vin-
culo voti castitatis & paupertatis : quia istud iuramentū
cū sit accessorium, pacto quod subditi cum Principe
ineunt, suscipit omnes tacitas limitationes & conditio-
nes, quæ iure vel consuetudine illi pacto insunt. sequi-
tur enim Iuramentum naturam actus super quem cadit,
vt Iurisperiti docent. Ex autem conditiones multæ sunt
& variæ, quarum vna si non seruetur, nutat obligatio
tota. at voto paupertatis & castitatis nullæ huiusmodi
conditiones subsunt: quo fit vt quamvis quidam D D.
putent Papam non posse dispensare in voto castitatis re-
ligiosi professi: nemo tamen sit qui dubitet an possit di-
spensare in iuramento quo subditi sunt obstricti Principi:
sed omnes tamquam rem indubitatam tradunt posse. Ita-
que non est necesse hic de illorum votorum exemptione
disputare. tractarunt eam rem fusè multi viri doctissimi,
quos si legisset vel intellexisset aduersarius, non tam in-
solenter Canonistis insultaret.

Ad priorem probationem negatur assumptum. ma-
nifestè enim fallum est, totum ordinem monachorum
& alios Ecclesiæ ordines ab humanis constitutionibus
esse profectos. nec vñquam alicui Catholico id in mē-
tem venit. Nam ex scripturis constat ordinem Episco-
porum & Presbyterorum esse institutum à Christo: &
consilia Evangelica quibus essentia ordinis monachali
continetur, à Christo esse commendata.

Ad posteriorem, non minùs Deo seruāda est fide-
promissorum quàm homini, sed multò magis; nec es-
locus dispensationi, nisi iusta causa subsit, quæ in vot-
illo castitatis & paupertatis rarissimè occurrit. at in o-
bligationibus pactorum, quibus obstringimur homini
plurimæ quotidie causæ se offerūt, ob quas possumus a
illis eximi, & obligatione liberari. Vnde falsum est eiu-
solius

solius, cui obligatio acquiritur, arbitrio posse illam remitti seu extinguere. potest enim remitti ab eius superiore in iustam vindictam: potest & ob necessariam defensionem, ut ostensum est.

Tandem author aduertens rationum suarum infirmitatem, ista subiungit. *Sed esto, auferre ex causa possit, & promissorem Iurisiurandi vinculo liberare; quid ei denique facto consequens in nostro hoc negotio videtur? liberum fore populum, dices, ab imperio & subiectione Principis, statim atq; iurisiurandi nexu solutus est? Itane verò? &c.* Summa est, cum Iuramentum hoc sit accessoriū obligationi qua Principi obedientia promissa est; & accessiones possint tolli sine interitu principalis obligationis: incolumem manere obligationem parendi, etiamsi vinculum Iuramenti sit sublatum.

Resp. Iam ostensum est obligationem Iuramenti hic non tolli, nisi euerfa obligatione principali, cui est accessorium. Itaque frustra obijcitur posse tolli accessorium manente principali. Neque id potest hic locum habere. nulla enim est ratio tollendi vinculum Iuramenti à subditis, nisi ut absolutè non teneatur parere: ac proinde necessariò tollenda erat obligatio ipsa parendi. Illud autem quod dicit author, potest habere locum in pactis priuatis, quando Iuramentum per iniuriā extortum est. tunc enim manente obligatione principali orta ex pacto iusto & libero, potest tolli obligatio accessoria pacto illi roborando per Iuramentum iuducta.

Omitto quæ rursus author hic repetit de iure naturali obediendi superiori, & huius iuris indispensabilitate. ea enim omnia satis accuratè suprà sunt discussa. Omitto etiam quæ contra Canonistas; quia eorum sententiam modò non tuemur.

D E C I M A T E R T I A O B I E C T I O ,

Ex ratione subiectionis populi.

193. **S**ubiecti non possunt iure iudicare, punire, vel deponere Superiorem : quia iudicare, punire, deponere est actus superioritatis. ergo Pontifex non potest uti opera subditorum Principis ad eum deponendum ; aut eis ad hoc Ius tribuere.

Resp. Antecedens dupliciter intelligi potest. 1. De subiectis formaliter, seu in sensu cōposito, hoc est, manentibus actu in subiectione absque iure se eximendi ; & hoc modo verum est : sed nihil facit ad propositum . 2. De subiectis materialiter, seu in sensu diuiso, quo modo intelligitur ab aduersario, & seruit eius instituto. vult enim populum qui semel subiectus est alicui Principi semper eodem manere subiectum absque iure se eximendi, aut obedientiam denegandi, etiamsi Princeps in Rempub. omni genere crudelitatis grassetur, sicut fecit Caligula, Nero, vel Domitianus. Nam ex hoc principio probat Christianos non potuisse iure Neronem deponere : nec Ecclesiam potuisse ad hoc eorum opera uti, etiamsi facillimo negotio absque vlla turbatione rerum id fieri potuisset : ut ipse cap. 7. 8. 21. & alibi diffusè docet. Verum hæc sententia non solum est falsa, sed etiam in genus humanum iniuria : utpote spolians omnem Rempub. iure defensionis aduersus tyrannidem Principis ; quod tamen ius ita est insitum, ut nec ipsa Respub. illud à se abdicare possit, ut suprà n. 175. ostensum est. Deinde subijcit homines liberos non solum ut mancipia, sed instar pecudum. si enim tyranno cadibus, incendijs, stupris, expilationibus grassante in Nobilitatem, & primarios quosque Reipub. ciues, sicut fecit Nero, Respub. non potest illum iudicare & deponere.

Sententia
absurda
& in Rē-
pub. in-
auria.

ponere, vt tanto se malo liberet, sed tenetur ei omnem honorem & obedientiam Principibus bonis debitam exhibere, adeo vt nullam obsequij particulam possit ei subtrahere, vt ipse aliquoties ait: quid amplius iuris habet Respub. in tyrannum, quàm grex ouium in lanionem? 3. Repugnat hæc sententia sensui communi omnium Rerumpub. & omniū sæculorum consuetudini. quod etiam Senatus Romanus satis declarauit, quando Neronem non solum deposuit, sed etiam morti ignominiosæ tamquam priuatum adiudicauit: vt suprà n. 183. dictum est. 4. Repugnat pactis conuentis, quæ inter Principem & populum intercedunt: qua de re suprà n. 137. Denique Princeps non erit propter commodum Reip. sed Respub. propter honorem & fastum Principis; maiorisque momenti res erit, saluam manere Principi iniquissimo suam dignitatem, quàm Rempub. manere incolumem.

Dices, Iudicare & deponere aliquê est actus superioritatis: quomodo ergo à subditis in superiorem fieri potest? Resp. Subditos tunc non manere actu subditos, sed acquirere ius superioritatis. Id autem 4. modis fieri potest, vt ex suprà dictis colligitur. 1. Si summus Pontifex ob iustam causam suspendat Principis iurisdictionem. 2. Si illum per sententiam iurisdictione priuet. Vtroque euentu subditi desinunt esse actu subditi. 3. Si eximat eos à iurisdictione Principis: quod eum posse facere, si causa iusta subsit, etiam si Princeps sit Ethnicus, suprà n. 191. ostensum est. His euentis summus Pōtifex populo dare potest auctoritatem abrogandi Principem, & spoliandi possessione. Itaque non ager in illum populus vt inferior, sed vt superior; utpote ex auctoritate Ecclesiæ. 4. Si Princeps contempnis Regni legibus, quibus admissus est in Rempub. more Neronis sæuiat, nec vlla ratione possit ad moderationem reuocari; tunc

Iudicare
est actus
superiori-
tatis.

enim Respub. definit esse actu subiecta, & habet Ius in illum agendi, & Iurisdictionem quam illi dedit reuocandi. Retinuerat enim potestatem in habitu, qua semper aliquo modo mansit superior, quæ potestas hoc euentu potest exire in actum, vt ex dictis suprà num. 175. constat. Idem confirmatur ex communi ratione contractuum, in quibus pars læsa potest reuocare consensum, & ius quod in alterum contulit, si hic fidem prior fregerit, & leges contractus seruare nolit.

194. Dices, Paterfamilias non potest deponi à familia
 Discrimen
 inter re-
 gnum &
 familiam. quantumuis ille malè gubernet. similiter nec œconomus
 quem paterfamilias loco suo constituit. atqui Princeps
 se habet in regno sicut paterfamilias vel œconomus in
 domo: quia loci Dei præsidet, estque Dei Vicarius in
 regni administratione. ergo non potest villo casu à re-
 gno deponi.

Resp. Negando minorem. est enim magnum discrimen. Paterfamilias enim non accipit authoritatem suam à familia, sed iure naturæ vel gentium illam ex se habet. Quod vt intelligatur, notandum ex Aristotele lib. 3. polit. c. 5. familiam constare tribus combinationibus, marito & vxore, patre & filiis, domino & seruis vel famulis. vnde in familia est triplex subiectio, & in paterfamilias triplex iurisdicatio: nimirum in vxorem, in liberos, in seruos. Iurisdicatio in vxorem non datur ab vxore, sed iure naturæ oritur in viro (vt pote naturaliter prudentiore) ex contractu maritali. Iurisdicatio in liberos non confertur ab ipsis liberis, sed iure naturæ resultat ex procreatione. Iurisdicatio in seruos non datur à seruis, sed iure gentium resultat ex contractu, vel captione in bello. Hinc fit, vt etiamsi quiuvis de familia possit fugere, & non obedire paterfamilias, si ille scæuiat, vel in perniciem familiæ sua authoritate vtatur: nemo tamen, nec tota quidè familia possit illum sua Iurisdictione priuare,

uare, & eam in alium conferre. At verò Princeps non habet suam iurisdictionem ex se (non enim ex ipso regnum ducit originem, sicut familia ex suo capite) sed à regno mediante contractu quodam; quem contractum nisi ipse paratus sit seruare, regno ius est iurisdictionem quam contulit reuocandi. Itaque Princeps se habet non vt paterfamilias, nec vt œconomus à patrefamilias constitutus; sed vt gubernator autoritate familiæ constitutus, cui se ipsa gubernandam & defendendâ certis conditionibus submisit. Melius illud in summum Pontificem quadrat. hic enim se habet in tota Ecclesia sicut œconomus in familia. quia non accepit suam auctoritatem ab Ecclesia, sed à Christo totius Ecclesiæ parête & authore. Vnde propriè est Christi Vicarius Christi vices gerens, eiusque auctoritate fungens. quo fit vt ab Ecclesia deponi non possit, sicut œconomus non potest deponi à familia. Vnus casus excipitur, si contingat illum profiteri manifestam hæresim. tunc enim ab Ecclesia repudiari & expelli potest, siue illius iurdictio ipso facto euauerit: siue per sententiam Ecclesiæ crimè debeat declarari.

DECIMA QVARTA OBIECTIO,

Ex ratione subiectionis Summi Pontificis & Cleri.

Nemo inferior & subiectus habet imperium in suam superiorem & dominum, vt possit eum iudicare, in eo ipso in quo est ei subiectus. Papa antequam fieret Princeps temporalis, erat Regibus & Imperatoribus, quantum ad temporalia, inferior & subiectus. ergo non habet in eos temporale imperium, vt possit illos in temporalibus iudicare. Propositio est extra omnem controuersiam, cum nemo nisi à superiore iudicari possit. Assumptiorem fatentur aduersarij cum affir-

195.

d Bellar.
l. r. de
Clericis c.
vlt.

ment, & rationibus liquido confirmant, exemptionem Clericorum in rebus politicis tam quoad personas, quàm quoad bona iure humano introductam esse^d. Ab Imperatoribus ergo & Regibus habent Clerici quidquid exemptionis & libertatis est, qua nunc in rebus politicis toto orbe perfruuntur, &c. Ita Barclaius c. 34. Addit idem, cap. 33. vt errorem scilicet, qui hætenus orbem tenuit, detegat, & Principes sui iuris cõmonefaciat: Clericos per totum orbem quocumque ordine vel gradu sint, non esse adhuc ullo modo exemptos & liberatos a potestate temporali Principum secularium, in quorum regnis degunt: sed perinde ac ceteri ciues ijs subiectos esse in omnibus, qua ad temporalem iurisdictionem pertinent: & Principes in eos ius vitæ & necis sicut in laicos habere.

Probat hoc firmissimo, vt ipse ait, fundamento. Quia priusquam Principes ad fidem conuerterentur, omnis laicorum ordo erat illis subiectus: ergo manserunt subiecti ipsis iam ad fidem conuersis. Nam lex Christi neminem iure dominioque suo priuat. quia non venit soluere legem sed adimplere. Nusquam autem Principes à sua iurisdictione Clericos exemere, sed solū concessere, ne apud magistratus sæculares, sed apud proprios Episcopos conueniantur: hoc autem non est eximere à Principis iurisdictione. *Stultum igitur est, inquit, existimare Clericum in quacumque causa conuentum (modo non merè spiritalis sit) posse summi Principis consistorium declinare, aut eius cui ex certa scientia Princeps causa cognitionem specialiter mandauit. Hæc ille.*

Ex hoc argumento satis apparet libellum istum egregiè à nouis religionis reformatoribus fuisse reformatum. quis enim nisi religionis reformatæ spiritus, omnes Doctores Catholicos, Pontifices, & Synodos tot sæculorum tamquam fungos æstimet, & stultitiæ damnet? Propriū hoc est illi spiritui, quo noui reformato-

res nostri sunt pleni. Verum vt magis eluceat argumenti imbecillitas, & authorē non intelligere quid dicat: Resp. 1. tripliciter. 1. Si hoc argumentum aliquid valeret, probaret summum Pontificem non posse præcipere Principi, vt mutet politicam gubernationem bono spiritali noxiam. Inferior enim non potest præcipere superiori in ijs in quibus est inferior. at Papa est inferior Principi in politica gubernatione. ergo in illa non potest ei præcipere. Atqui hoc repugnat Barlaio, qui c. 14. docet Pontificem posse præcipere & cogere Principē, vt politicam gubernationem bono spiritali officientē mutet. 2. Quamuis Resp. 2. omnia concederentur quæ aduersarius assumit; nihil tamen contra potestatem Pontificiam, de qua agimus, rite concludi. etsi enim Pontifex esset Principi perfectè subiectus in ordine ad finem politicum, sicut quiuus laicus: tamen exigente bono spiritali posset circa politicam gubernationem illi præcipere, eumque iudicare; & si necesse sit, administratione mouere. Posita enim hac mutua subiectione & superioritate; sicut Pontifex subesset Principi in ordine ad finem politicum: ita vicissim Princeps subesset summo Pontifici in ordine ad finem spiritalem, qui multò est excellentior, cui omnia temporalia seruire debent. Itaque ad argumentum respondeo: Maiorem esse falsam si intelligatur de inferiore, qui vicissim est superior in ordine ad altiorem finem, sicut Pontifex respectu Principis. sicut enim potestas Principis extendit se ad omnia media quæ ordinantur ad temporalem tranquillitatem, ita vt de omnibus illis possit disponere quantum ad illum finem est necesse: ita potestas Pontificis extendit se ad omnia media, quæ ordinantur ad salutem animarum, siue temporalia ea sint, siue spiritalia; ac proinde potest statuere de temporalibus, quatenus ad salutem est necessarium.

Mutua
subiectio
& Prælatio.

Dices, Posse disponere de temporalibus præcipiendo,

do, non tamen puniendo. Ita Barclaius cap. 14. Sed ista minimè cohærent: vt suprâ n. 120. ostensum est.

196.
1. Resp. 3. Resp. Negando minorem, si de propria & directâ subiectione loquamur. etsi enim communes leges politicas, quarû ratio æquè ad omnes pertinebat, summus Pontifex, dum sub Imperatoribus degebat, seruare deberet; id non tam erat ex vi directæ obligationis ipsius legis, quàm iuris gentium, quo quisque viuens in cõmunitate tenetur se illi pro sua conditione conformare. Itaque ab Imperatore iudicari non poterat: quod probatur 1. ex Synodo Romana sub Siluestro ante annos ferè 1300. in qua fuere Episcopi 280. vbi can. vltimo sic habetur: *Negue ab Augusto, neque à Regibus, neque ab omni Clero, neque à populo iudicabitur prima Sedes.* què canonem citat Nicolaus 1. epist. ad Michaelèm Imp.

Papam nõ
posse ab
Imperat.
iudicari.

2. Ex confessione Constantini Imperatoris, de cuius facto ita scribit S. Gregorius lib. 4. epist. 75. ad Mauricium Imperatorem. *Ecclesiastica testatur historia, quia cū pia me. Constātino Principi in scripto oblata accusationes fuissent contra Episcopos; libellos quidem accusationis accepit, & eosdem qui accusati fuerant Episcopos conuocans, in eorum conspectu libellos quos acceperat incendit, dicens: Vos dyestis à vero Deo constituti: ite & inter vos causas vestras discutite: quia dignum non est vt nos indicemus deos.* Refert Rufinus lib. 10. cap. 2. 3. Ex alia Synodo Romana sub Sixto 3. ante annos ferè 1200. hic enim Pontifex cū à Basso Exconsule accusatus esset apud Valentinianum Augustum de sacrilego stupro sacræ Virgini illato, non ausus fuit Valentinianus illum iudicare, etiamsi eius communionē vitaret. Imò cū Epiphanius presbyter in Synodo dixisset: *fiat probatio, vt Ecclesia non maculetur.* Respondit Maximus Exconsul: *non licet aduersus Pontificem dare sententiam.* Deinde subiecit Sixtus: *Quāquam in meo arbitrio sit iudicari an non iudicari, tamen*

mo

meo iudicio non abscondatur veritas &c.

4. Ex Synodo Romana 4. sub Symmacho ante annos 1125. Cùm enim Symmachus Papa accusatus esset ab æmulis apud Theodoricum Regem qui tunc Italiam obtinebat : non ausus fuit Theodoricus illum iudicare, sed conuocauit Synodum Episcoporum. Responderunt Episcopi : Symmachi qui impetebatur esse Synodum conuocare, non Regis : quibus Rex vicissim respondit, se id petente Symmacho fecisse ; in arbitrio Synodi esse præscribere quid in negotio Symmachi sequendum sit : nec aliud ad se præter reuerentiam de Ecclesiasticis negotijs pertinere. Denique Synodus censuit primam Sedem non posse à quoquam iudicari, sed causam totam Deo committendam ; idque multis allegationibus Senatui, & alijs viris Illustribus probauit.

5. Ex Synodo Romana sub Leone 3. ante annos 800. huic cùm grauius crimina per calumniam obiecta essent, & Carolus Magnus Romam de illis cogniturus venisset, rogaretque Patrum de vita & moribus Pontificis sententias ; ab omnibus una voce responsum est : Sedem Apostolicam omnium Ecclesiarum caput à nemine indicari debere. Itaque ommissa ob tam graue responsum questione à Carolo, Leo Pontifex qui maximè hoc iudicium expetebat, consensu suggestu se iurciurando purgauit. Ita Platina ex Anastasio Bibliothecario in Leone 3.

6. Ex Synodo octaua Oecumenica cap. 21. Definimus, inquit, neminem prorsus mundi Potentium, ququam eorum qui Patriarchalibus sedibus præsunt, inhonorare, aut mouere à proprio throno tentare, sed omni honore ac reuerentia dignos iudicare ; præcipuè quidem Sanctissimum Papam senioris Romæ &c. atqui condemnare & pœnis subijcere, est maximè inhonorare.

7. Ex Gelasio epist. ad Anastasium Imperatorem : Duo sunt Imperator Auguste &c. Vide suprâ n. 158.

Bbb

8. Ex

8. Ex Nicolao primo epist. ad Michaellem, vbi inter cetera ex professo probat Sedem Romanam à nemine iudicari posse; allata sententia Concilij Chalcedonenfis & Synodi Sinuessanæ in causa Marcellini PP. Idem de quouis Episcopo loquens, ait: *Satis euidenter ostenditur à seculari potestate nec ligari prorsus, nec solui posse Pontificem, quem constat à pio Principe Constantino Deum appellatum: nec posse Deum ab hominibus iudicari manifestum est.* q. d. sicut Deus non potest iudicari ab hominibus: ita vos qui diuinæ dignitatis estis participes, & idcirco laicis longè eminentiores, non decet iudicari à nobis laicis.

9. Ex Innocentio 3. cap. Sollicitæ. de maiestate & obed. vbi ad Imperatorem scribens ostendit Episcopum propriè non subesse Imperatori, & soluit eius argumenta.

10. Ex Bonifacio 8. Extrau. Vnam Sanctâ. de maiestate & obed. *Si deuiat terrena potestas, indicabitur à potestate spiritali; si deuiat spiritalis minor, à suo superiore: si verò suprema, à solo Deo non ab homine poterit iudicari.* Quæ verba sumpta videntur ex Hugone de S. Victore lib. 2. de Sacramentis p. 2. cap. 4. *Spiritalis, inquit, potestas iudicat terrenam, ipsa verò à Deo primùm instituta est, & cum deuiat, à solo Deo iudicari potest.*

Denique Ennodius in defensione 3. & 4. Synodi sub Symmacho: *Aliorum fortè hominum causas Deus voluit homines terminare: sed Sedis istius Præsulis suo sine questione reservauit arbitrio. Voluit B. Petri successores calo tantum debere innocentiam.* Quæ defensio lecta est & approbata in Synodo 5. sub eodem Symmacho. Sed obijcit Barclaius exemplum veteris testamenti. In veteri testamento summus sacerdos fuit subiectus Regi in temporalibus, quamuis Rex illi subesset in spiritualibus: idem ergo censendum in nouo. Antecedens patet ex facto

facto Salomonis 3. Reg. 2. qui deposuit Abiathar. Resp. Si hoc argumentū aliquid probat, cōvincet non solum in temporalibus, sed etiam in spiritualibus Pontificem Regi subesse. Nam Salomon puniuit Abiathar priuando illum summo sacerdotio, dignitate nimirum spirituali. poterit ergo similiter Rex vel Imperator summum Pontificem priuare Pontificatu. Atqui hoc neque Barclaius neq; Blacuellus admittit, sed vterque planè negat. Barclaius enim pag. 142. absurdum censet Principem temporalem posse deponere Papam, quantumuis regnum ab eo perturbetur. Idem docet Blacuellus pag. 154. Itaque hoc argumentum vel nihil probat, vel nimium probat. nihil probat, quia Salomon id fecit non Regali sed Prophetica autoritate, vt notauit Innocentius 3. cap. Sollicitæ. de maioritate & obedientia. Quod attinet ad aliquot Imperatores, quos recenset Author Præfationis pag. 27. qui Pontifices quosdam deposuerunt, non id fecerunt sua autoritate, sed autoritate Synodali. Qua de re videri potest Card. Bellarminus lib. 2. de Pontifice cap. 29.

Nunc ostendendum nobis est, non solum summum Pontificem, sed etiam reliquum ordinem Ecclesiasticū re ipsa à laica Iurisdictione esse exemptum, idque à nullo Catholico negari posse.

Primò id probo ex Concilio Tridétino sess. 25 can. 197. 20. vbi Conc. dicit: *Ecclesia & personarum Ecclesiasticarum immunitatē Dei ordinatione & Canonicis sanctionibus constitutam esse.* Vnde monet Principes vt memores sui officij, non patiantur Ecclesiasticam libertatem vllō modo violari. si Principes ex officio tenentur non permittere hanc libertatem violari: ergo non poudet ab eorum arbitrio. Deinde, *decernit & præcipit sacros Canones, & Concilia generalia omnia. nec non alias Apostolicas sanctiones in fauorem Ecclesiasticarum personarum, libertatis*

Ordinem
Ecclesiasticum esse exemptum.

Ecclesiastica, & contra eius violatores editas (quæ omnia etiam præfenti Decreto innouat) exactè ab omnibus obseruari debere . Ecce grauiſſimum totius Ecclesiæ , de libertate & immunitate personarum sacrarum , testimonium , & contra eius violatores Decretum .

2 . Ex Concil . Lateran . ſeſſ . 9 . ſub Leone 10 . vbi Pontifex , approbâte ſacro Concilio , ita ſtatuit : *Cùm à Iure tam diuino quàm humano laicis poteſtas nulla in Eccleſiaſticas perſonas attributa ſit , innouamus omnes & ſingulas Conſtitutiones ſeſſ . record . Bonifacij Papæ 8 . etiã prædeceſſoris noſtri , quæ incipit : Felicitis . Et Clemēt . V . quæ incipit : Si quis ſuadente . Nec non quaſcūque alias Apoſtolicas ſanctiōnes in fauorẽ libertatis Eccleſiaſticae & contra eius violatores quomodolibet editas &c .* Deinde addit : *Et cùm in Lateranēſi præſentiter ac alijs Concilijs generalibus ſub excommunicationis pœna prohibitũ ſuerit , ne Reges , Principes , Duces , Comites , Barones &c . decimas , collectas , & alia huiusmodi onera Clericis , Prælatiſ , & alijsque quibuſque perſonis Eccleſiaſticis imponant , exigant &c . ſtatuiſmus & ordinamus vt de cetero talia præſumentes ultra ſupradictas pœnas (quas innouamus) ad omnes actus legitimos inhabiles & inteſtabiles habeantur .*

3 . Ex Concil . Conſtantienſi ſeſſ . 31 . Vbi Concilium poſt narratum factum cuiuſdam Principis contra Episcopum Aſtenſem , ſubdit : *Nos igitur ſuper præmiſſis prius ſummaria informatione facta , attendentes quod ſubditi in ſuos Prælatos , & Laici in Clericos nullam habent iuriſdictionem & poteſtatem &c .* Committimus &c .

4 . Ex Concil . magno Lateranenſi ſub Innoc . 3 . cap . 46 . Vbi excommunicat laicos Eccleſijs vel Clericis collectas aut alia onera imponentes . Habetur c . Aduerſus . de immunit . Eccleſ . Idem facit Concilium Lateranenſe ſub Alexandro 3 . vt habetur cap . Non minus . eodem tit . Et Concil . Viennēſe ſub Clemente V . vt habetur Clement . Præſenti , de cenſibus . Concilium

Roma

Romanum . sub Siluestro 275 . Episcoporum præsen-
te Constantino Imperatore celebratum can . 4 . *Silvester
Episcopus dixit : nulli omnino licere causam quamlibet in pu-
blico examinare , nec ullum Clericum ante Iudicem laicum
stare . Et dixerunt Episcopi , placet .* Concilium Agathense
can . 23 . *Clericum nullus præsumat apud sacularem Iudi-
cem , Episcopo non permittente , pulsare : sed si pulsatus fu-
erit , non respondeat ; nec audeat criminale negotium à iudi-
cio saculari proponere .* Idem in multis alijs Concilijs , &
à multis summis Pontificibus statutum fuit : vt patet ex
decreto 11 . q . 1

Itaque præter multa Concilia particularia & Ponti-
ficum Decreta , habemus sex Concilia Oecumenica , quæ
apertè asserunt vel supponunt personas Ecclesiasticas re
ipsa Iurisdictioni laicæ non esse propriè subiectas . Si e-
nim subiectæ sunt , vt vult aduersarius ; errat ergo Con-
cilium Tridentinū cū asserit illos esse immunes , & eo-
rum immunitatem Dei ordinatione & sanctionibus canonicis
constitutam . Errat Concil . Lateranense cū ait : *Nec
iure diuino , nec iure humano ullam potestatem laicis in Ec-
clesiasticas personas attributam .* Errat Concil . Constā-
tienze cū dicit : *Laicos nullam in Clericos habere Iurisdi-
ctionem .* Errant & reliqua Concilia , quæ eandem do-
ctrinam manifestè supponunt . Errant ista Concilia in
re summi momenti , & maximè ad mores pertinente .
nam ex hoc fundamento docent Principes committere
iniuriam & sacrilegium , cū Clericos ad sua tribunalia
pertrahunt & puniunt ; aut vectigalium , vel aliarū ex-
actionū onera illis imponunt : & Clericos non teneri
in istis parere . quorum vtrumque error est , si Clerici
non sunt re ipsa exempti . atqui hæreticum est dicere ,
Concilium Oecumenicum in doctrina fidei aut morum
errare posse . Deinde si non sunt exempti , Ecclesia gra-
uissimam iniuriam faceret , omnibus Principibus prohi-

Sex Con-
cilia œcu-
menica eā
apertè cō-
firmant .

bendo, ne illos ad sua tribunalia pertrahant, ne eorum causis se immisceant, ne illorum crimina puniant, ne tributa, aliæque onera illis imponant. omnis enim Princeps habet Ius vt causas subditorum suorum cognoscat, & delinquentes puniat, & tributa aliæque subsidia sui status & publicæ administrationis exigat. Imò in hoc Iure tota ratio superioris in subditum consistit. Quare si Clerici sunt subditi Principis, etiam in illos Ius habet: ac proinde fit ei grauissima iniuria dum Concilium suis statutis & censuris impedit nè hoc iure in eos vti possit. at nemo nisi impius vel hæreticus hoc dixerit, & Concilijs Oecumenicis quæ certissimè in suis decretis à Spiritu Sancto reguntur, tam grauem calumniam imposuerit. Itaque necesse est dicere: Eos verè & propriè subditos non esse, sed exemptos.

198.
Exemptio
Clericorū
oritur ex
iure diui-
no.

Ex iisdem quoque Concilijs perspicuum est hanc immunitatem non esse liberam Principum concessionem sed necessariam, quam ipsi recusare vel impedire iure non poterant, & iure diuino facere vel permittere tenebantur: vnde nec posse ab illis reuocari. quod etiam apertè colligitur ex Constitut. Bonifacij 8. cap. Quāquam. de censibus. in 6. vbi inter cetera ait: *Cum Ecclesia, Ecclesiasticaque personæ ac res ipsarum non solum iure humano, quin imò & diuino à secularium personarum exactionibus sint immunes* &c. Vbi illud *iure diuino*, non significat exemptum S. Scripturæ, vt quidam volunt, quia sic non opponeretur iuri humano, & inepta esset illa epistasis, *quin imò & diuino*: sed significat verum Ius diuinum: vt patet ex Concil. Trident. & alijs antè citatis.

Petes, Vbi habetur illud Ius diuinum? Resp. in illis verbis in quibus Petrus constitutus est Pastor & Rector supremus totius ouilis Christi. Item illis, quibus Apostoli constituti sunt Principes Ecclesiarum, & Iudices ani-

animarum, Ioan. 20. *Sicut misit me Pater, & ego mitto vos. Accipite Spiritum sanctum, quorum remisistis peccata, remittuntur eis: quorum retinueritis, retenta sunt.* hoc ipso enim quo constituti sunt Superiores & Principes orbis terrarum in ordine ad finem supremum, non debebant amplius subesse iudicijs eorum qui præsunt solum in ordine ad finē inferiorem. Quando enim duo fines sunt subordinati, is cui committitur finis superior, exceptus esse debet à potestate eius, cui committitur finis inferior, cum hunc dirigere debeat; vt suprà n. 119. & sequent. ostensum est. Confirm. Quia est contra rectum ordinem vt filius iudicet patrem, ovis pastorem, discipulus magistrum, Iudex rerum temporalium eum qui est ipsius Iudex in rebus spiritualibus & æternis. Sacerdotes enim sunt Patres, Pastores & Magistri laicorum: ab illis habent laici quòd sint Christiani; quòd Deo sint reconciliati, & à potestate Diaboli morteque æterna liberati: quòd effecti filij Dei & heredes regni caelestis: ab illis pabulo verbi diuini & sacramentorum pascuntur: illi loco Dei sedent iudices animarum, & à peccatis absolunt, & pro Principibus & populo magnum illud sacrificium offerunt. Si res sacræ propter honorem eius cui sunt dedicatæ, cum reuerentia sunt tractandæ, nec possunt absque sacrilegio ad vsus profanos conuerti: quanto magis illi qui non solum Deo sacrati sunt, sed etiam alios sanctificant? At quid potest esse indignius, & reuerentiæ ordinis sacri repugnantius, quàm Personam sacratam non exauthoratam per Ecclesiam, sisti ream coram Iudice sæculari, & pœnas legum instar laici subire?

Ex quibus patet hanc exemptionem iure diuino constare, esseque connexam dignitati status; siue dicatur completè ipso iure diuino perfectæ, siue inchoatè duntaxat, vt pote hoc iure debita.

Dices, Quidam Theologi & Canonistæ negant hanc 129.

hanc exemptionē esse propriē iuris diuini. Resp. Qui id negant, solum volunt dicere, eam non esse completē factam per Ius diuinum. Nemo tamen est qui neget eam esse Iuris diuini in altero sensu à nobis explicato: nimirum quia Iure diuino est debita ad sacrilegium & religionis contemptum vitandum.

Canoni-
starum
sententia.

Quod ad Canonistas attinet, omnes paucissimis exceptis expressē docent esse Iuris diuini, adeo vt hæc sit communis apud eos sententia, vt testatur Felinus in c. 2. de maiorit. & obed. concl. 1. Et Couarr. practic. qq. cap. 31. concl. 2.

Theolo-
gorum.

Inter Theologos, qui hanc quæstionem attigerunt, multi etiam expressē docent esse Iuris diuini: vt Ioan. Bacconus, in 4. q. 11. prol. a. 4. Iacobus Almainus tractat. de suprema potestate Ecclesiæ c. 8. Driedo lib. 1. de libertate Christiana cap. 9. Angelus V. Immunitas n. 33. v. 11. Siluester eodem tit. n. 16. & multi recentiores. Qui verò negant esse propriē Iuris diuini, solum intendunt negare eam completē hoc iure factam: non quin eo iure sit debita. Nam expressē docēt, etiam si Principes noluisent hanc exemptionem concedere, potuisse tamen summū Pontificem & Concilium generale sua autoritate illam facere, & omnes Ecclesiasticos laicæ potestati subducere. Ita docet Franciscus Victoria relect. 1. de potestate Ecclesiæ sect. 7. proposit. 5. & 7. Sotus in 4. d. 25. q. 2. a. 2. Ledesma in 4. p. 2. q. 20. a. 4. Bannes 2. 2. q. 67. a. 1. Couarr. practic. qq. c. 31. concl. 3. & 4. Itaque omnes Doctores & Theologi & Canonistæ in eo conueniunt, quodd Ecclesiastici à Iurisdictione potestatis laicæ sint exempti; & hanc exemptionem non posse per potestatem laicam tolli. Pari modo non posse eam tolli præscriptione aut contraria consuetudine, docent communiter Doctores cum Glossa in cap. Clerici. de iudicijs.

Non posse
eam tolli.

Host.

Host. in cap. Cùm laicis. n. 11. de rebus Ecclesiasticis non alienandis. Felinus in cap. Causam. de præscript. Azor lib. 5. c. 12. &c. Quia contra id quod iure diuino est debitum aut constitutum nulla valet consuetudo, nulla temporum præscriptio: & omnis consuetudo contraria huic exemptioni, *est corruptela veriùs dicenda quàm consuetudo*, vt inquit Pontifex cap. Quamquam. de censibus. in 6. Denique omnis contraria consuetudo partim à Concilijs Oecumenicis est reuocata, partim reuocatur quotannis per Bullam Cœnæ Domini. Perspicuum ergo est nullam hic vsucapionem locum habere.

Ex his patet 1. falsam & hæreticam esse sententiam aduersarij; Clericorum ordinem re ipsa non esse neque in rebus, neque in personis à Iurisdictione laica exemptum. 2. Non esse statuendam illam reciprocam Iurisdictionem & subiectionem, quam ipse statuit: idq; tum ob causas suprà allatas; tum quia impediretur executio potestatis spiritalis. Quis enim ausit compellere suum superiorem, qui prætextu iustitiæ vicissim ad suum tribunal trahere, & varijs modis vexare potest? 3. Immunitatem istam partim iure diuino, partim sanctionibus Ecclesiasticis, partim Principum priuilegijs constare. Iure diuino; quia saltem eo iure est debita, tum vt sacrilegium & contemptus religionis vitetur; tum vt potestas spiritalis in usu sit expedita. Sanctionibus Ecclesiasticis; quia per has est completè facta, præsertim quoad ordines inferiores, & bona temporalia. Principum priuilegijs; quia ad hoc valent, vt vexatio magistratuum compescatur, suoque iure Ecclesia frui sinatur. Itaque cùm aliqui DD. hanc exemptionem iure humano factam dicunt, non sola priuilegia Principum, sed maximè Decreta Ecclesiæ quibus hæc exemptio est completa, intelligunt.

Ad Rationem aduersarij Resp. Ordinem Clerico-

Ccc

rum

200.

rum præsertim Episcoporum & Sacerdotum non fuisse absolutè & perfectè subiectum Principibus Ethnicis, ita vt absque sacrilegio possent ab illis iudicari & puniri, vt suprà nu. 162. & sequentibus ostensum est; vbi copiosè ad totum istud argumentum est responsum.

Obijcit præterea. Clerici sunt ciues & Reipublicæ membra: ergo debent subesse capiti quod est Princeps. monstrosus enim esset corpus in quo superflua, & à capitis imperio aliena membra conspicerentur. Confirmat exemplo Caroli V. Imperatoris, qui vocari in ius ad se fecit Hermannum Archiepiscopum Coloniensem, vt de criminibus à Clero & Vniuersitate ei obiectis se purgaret. Item exemplo eorum Principum qui quædam crimina clericorum suæ cognitioni reseruant, quæ in Gallia vocantur Priuilegiata; veluti læsæ maiestatis, gestationis armorum, adulterinæ monetæ, infractæ securitatis &c.

Surius in
comment.
an. 1545

Resp. Ex eo quod Clerici sunt ciues, solùm sequitur eos debere seruire leges Principum, quarum ratio omnibus est communis, & se accommodare moribus populi. Hac enim ratione satis coheret cum alijs mèbris, & pendent à communi capite, & optimè conspirant in vnum corpus politicum: non tamen idcirco necesse est, vt possint à Principe iudicari & puniri. Satis est vt ipsi suum Iudicem habeant, qui illorum causas cognoscat, & si quid commiserint grauius, congruo modo puniat. Istud ad rectum ordinem satis esse, experientia tot sæculorum clarè conuincit. Ad Confirmationem. Iste Hermannus erat hæreticus, & totis viribus conabatur inducere hæresim. Vnde non mirum, si ab Imperatore fuerit citatus. nulli enim Ecclesiastico Iudici paruisset. Itaque quod Imperator fecit, id expresso vel tacito consensu Pontificis fecit: cuius etiam consensu illum ab Episcopatu expulit: vt patet ex Surio ad annum 1547. Quàm verò ipse alienus fuerit ab hac im-

Exemplū
Caroli V.
Imperat.

mu-

munitate violanda, satis declarauit in seditione illa Hispanica: in qua cum multi (inter quos aliqui erant Ecclesiastici) aduersus ipsum & Reginā Ioannam eius matrem coniurassent, pragmaticam sanctionem edidit, qua contra coniuratos procederetur: personas tamen Ecclesiasticas noluit attingere, sed eos Prælati Ecclesiasticis, & summo Pontifici puniendos remisit: vt refert Ludouicus Molina Iureconf. lib. 4. cap. 11. de primog. Hispaniæ.

Quod ad crimina illa quæ Barclaius recenset, attinet; potest Pontifex illorum cognitionem Principi alicui concedere: quo casu, non tam sua autoritate, quàm priuilegio Pontificis Princeps Clericum iudicabit. Quam ob causam illa crimina vulgò Priuilegiata dicuntur, nimirum quod ex priuilegio de illis Princeps cognoscat.

Obijcit Author Præfat. pag. 127. hanc exemptionem esse Principibus periculofam; quia per eam datur licentia fouendi coniurationes, & machinandi multa in Principes. Item per eam plurimi ei subtrahuntur subditi: quia exempti desinunt esse subditi.

201.

Sed falsum esse quod assumitur, vel ex eo manifestū est, quod nusquam sit maior Reipub. tranquillitas quàm vbi est magna Cleri autoritas. continet enim sua autoritate, doctrina, & exemplo laicos in obediētia erga suos Principes & magistratus. Deinde vbi Clerus est in honore, ibi est metus & reuerētia Numinis, quæ maximè animos hominum à rebellionibus compescit. Testantur id Prouinciæ Italiæ & Hispaniæ, vbi iam tot annis omnia pacata; quibus tamen locis summa est Cleri dignitas. E contrario vbi Clerus contemnitur, crebræ sunt seditiones, & cōtra Principes machinationes: vt suo exemplo ostendunt Prouinciæ quæ hæresim admiserunt. hæ enim primò reiecerunt clerū, & omnē magistratum Ec-

Exemptio-
nem nihil
habere pe-
riculi.

cleſiaſticum : deinde contra ſuos Principes arma ſumpſere , eoſque ſuis dominijs & Iuriſdictione priuare conata ſunt . Denique ante hæreſes cùm paſſim orbis eſſet Catholicus , omnia erant tranquilla , nullæ vel raræ aduerſus Principes ſubditorũ commotiones , omnes miram ſuis Principibus reuerentiam & obedientiam deferrebāt . At poſtquã hæreſes introduci cœptæ , pax è rebus humanis ſublata , & omnia ſeditionibus , cõiurationibus , belliſque inteſtiniſ perturbata . Hanc gratiam debemus nouo Euangelio .

202 .

Bona Regiæ dignitatis .

Quod de ſubditorum ſubtractione dicitur : non ita Clerici ſubtrahuntur , quin Principi ſuo ſubſint quoad vim directiuam , ita vt leges communes ſeruare teneantur ſicut ceteri , vt ſuprà dictum eſt . Quod autem ab eo iudicari & puniri non debeant ; id potiùs commodum Principi quàm oneroſum cenſeri debet , ſi ſuis reſ ipſa momentis expendatur . liberatur enim onere reddendi Deo rationem de illorum vita & moribus ; ſicut de aliorum ſubditorum actis ei eſt ratio reddenda . Hoc autem onus , vt Chriſtiana Philoſophia docet , eſt maximè formidabile . Sex ſunt in dignitate Regia , diuitiæ , honores , voluptates , obligatio rectè gubernandi , obligatio reddendi Deo rationem tum de vita ſua priuata tum de publica adminiſtratione & vita ſuorum ſubditorũ , denique poteſtas benefaciendi . Primũ , ſecundum & tertium iuxta Chriſtianæ ſapientiæ regulas non ſunt magnopere expetenda , ſed potiùs fugienda , vt quæ mentem hominis à celeſtibus auocant & rebus infimis ac terrenis implicant , & infinitorum peccatorum materiam occaſioneſque ſuppeditant . Quartum etiam expetendum non eſt . quis enim ſuam conſcientiam tam graui vinculo cupiat obſtringi , cui ſi ſatisfacere velit , aſſiduè oporteat eſſe ſollicitum & intentum ? Eſt enim officium Regum laboris & curarum pleniffimum , vt po-

te

te difficillimis & innumeris negotijs implicatum. Quin-
tum non est expetendum, sed maximè formidandum,
præsertim Regibus, quibus id eò erit grauius, quòd hic
fuere solutiores, vtpote nulli subiecti cui rationem suæ
administrationis (nisi in casu aliquo raro) reddere tene-
antur. *Potentes potenter tormenta patientur*: quia mini-
ma eorum errata circa administratiònem plerumque sunt
grauiora, quàm maxima priuatorum. Sextum solùm in
dignitate Regia expetendum. Suppetit Regibus maxi-
ma potestas benefaciendi, & merendi apud Deum. in
eorum enim est potestate totum Regnũ dirigere ad vir-
tutem, & efficere vt in eo Iustitia & Religio floreat: ad
quod illis maximè seruit Ecclesiasticus ordo, cuius est
præcepta diuina & ea quæ ad religionem pertinent, populo
tradere. qui ob hanc causam regnum desiderant, laude
digni sunt, & æternum regnum promerentur: qui verò
propter honores, opes & voluptates; nihil meretur in fu-
turum, sed mercedem omnem hic recipiunt, præterquã
quòd de omnibus rationem reddent *Terribili & ei qui au-
fert spiritum Principum, terribili super omnes Reges terra.*

Ex his perspicuum est exemptionem Clericorum
Regibus nihil asferre incommodi, sed esse potiùs com-
modam & optabilem. Vnde videmus optimos quosque
& potentissimos orbis Christiani Principes huic fauisse:
vt patet ex C. Iustin. tit. de sacrosanctis Eccles. & tit.
de Episcopis & Clericis.

Addo mirum esse, Clericorum exemptionem tanto-
pere ab hæreticis & politicis exagitari, cùm primarij au-
thores Sectarum huius temporis, omnes Christianos à
Principum Iurisdictione eximant. Lutherus enim lib. ^{203.}
de captiuitate Babylonica cap. de baptismo ita scribit: ^{Hæretici eximunt omnes}
Nos Christiani liberi sumus, ab omnibus omnium hominum ^{Christia-}
legibus exempti, libertate Christiana nobis per baptismum ^{nos ab ob-}
donata. Idem lib. de confessione. *Neque Papa, neque* ^{ligatione}
^{legum hu-}
^{manarũ.}

Episcopus, neque ullus hominum habet ius unius syllaba cōstituendæ super Christianum hominem, nisi id fiat eius consensu. Quidquid aliter fit, tyrannico fit spiritu. Lib. de formula Missæ. Neque legibus, neque imperijs licet conscientias captivare Christianas.

Idem planè etli tectius ad vitandam invidiam magistratum docet Calvinus. nam lib. 3. Instit. cap. 19. n. 14. docet conscientiam hominis Christiani nullis legibus humanis posse ligari. *Cum*, inquit, *hac libertatis prerogativa donata fideles cōscientia id Christi beneficio consecuta sint, ne ullis observationum laqueis in ijs rebus implicentur, in quibus eas esse liberas Dominus voluit: omnium hominum potestate exemptas esse constitnimus &c.* Idem docet lib. 4. c. 10. toto. Mirè tamen est varius & perplexus, ne ista docens Principes & magistratus in suum caput concitet. Itaque ut tegat mysterium, addit leges Principum nihilominus esse servandas: qua in re sibi contradicit. si enim conscientiam non constringunt, cur necesse servare? nisi fortè ut pœnam euadas: iniusta tamè erit pœna, si in violatione nulla fuit culpa.

Idem docet Anabaptistæ, quorum art. 8. est: *Nulli potestati obedire.* Eamdem doctrinā factis ubique confirmant. Itaq; Principibus Christianis nihil ab ordine clericorum, qui Regnum in obedientia continet, & cum opus est etiam temporalibus subsidij non rarò succurrit; sed, à novis istis religionibus est metuendum.

DECIMA QUINTA O B I E C T I O,

Ex defectu finis.

204. **H**Atenus attulimus obiectiones omnes quas habet Barcl. quarū nonnullæ attinguntur in libello Regio, & in quæst. Blacuelli. His addi potest vna quam habet M. Blacuellus pag. 46, quæ redacta in formam est talis.

Si

Si Pontifex habet aliquam potestatem in temporalia Regum, ea solum est indirecta, nimirum in ordine ad bonum spirituale. Atqui talis potestas locum non habet, quando ex eius usu non sequeretur promotio, sed potius eversio boni spiritualis. ergo Pontifex eo casu nihil in temporalia Regum potest. Hinc infert Pontificem nihil posse in Regem Angliæ: quia ibi res ita sunt constitutæ, ut si aliquid in Regē durius decerneret, maior inde persecutio moueretur in Catholicos.

Resp. Duo supponit Author in argumento, quo-
rum utrumque falsum est, & omnem potestatem e-
uertit. Alterum, Pontificiam potestatem esse nullam,
quando illius usus cessurus esset in maius Ecclesiæ detri-
mentum: alterum, huius rei iudicium pertinere ad in-
feriores, qui statum Prouinciæ & particulares circum-
stantias magis perspectas habent, quàm summus Pon-
tifex.

Ex priori fundamento sequitur, vim Iurisdictionis
& sententiæ Pontificiæ pendere ab euentu secuturo, vel
potius ab arbitrio ac potentia rei, qui est puniendus.
Si enim reus velit parere, vel non possit resistere, sen-
tentia erit valida: si autem sit potens, & nolit parere
omnia extrema comminans, sententia erit irrita, & Ec-
clesiæ Iurdictio cassa. At quid dici potest absurdius?
sic enim Ecclesia ius habebit in minus malos, minus-
que potentes; non habebit in pessimos & potentiores:
& excommunicatio lata in hæreticum turbulentissimum,
qui minatur seditiones & persecutiones, erit inualida: lata
verò in eum qui parùm potest, erit valida. deniq; in rei
erit arbitrio iurisdictioni superioris se eximere vel sub-
ijcere. Quæ omnia rectæ rationi sunt aduersa. etsi enim
in usu potestatis, ut prudenter adhibeatur, spectanda
sunt incommoda quæ inde sequi possunt, propter rei
malitiam & potentiam: tamen inde non pendet eius
vis

vis & effectus omnis quem potest inferre.

Ex altero sequitur; vsum potestatis quæ est in superiore, pendere ex iudicio subditorum, & omnium esse iudicare de officio sui Pastoris: nimirum, An hunc vel illum excommunicare debeat. an eius sententia sit valida an inualida. an illi sit parendum an non parendum. Quæ omnia valde sunt absurda, & contra rationem superioritatis.

Ecclesiæ
nō est data
potestas in
destructionem.

Sed inquit, Ecclesiæ non est data potestas in destructionem sed in ædificationem: ergo quando non sequeretur ædificatio, potestas est nulla. quæ ratio si aliquid valet, non minus locum habet aduersus potestatem sæcularem quàm Ecclesiasticam. Nam etiam sæcularis non est data nisi in bonum commune. ac proinde quotiescumque subditis videtur eius statutum aut præceptum non cessurum in bonum commune, sed potius in eius detrimentum, non tenebuntur parere: quia tunc potestas erit nulla, & præceptum irritum. Itaque ut ad argumentum initio propositum in forma respondeam; nego assumptionem. etsi enim quando maius damnum timetur, prudentia postulet ut non utatur sua potestate: tamen inde non sequitur, eam tunc fore nullam, & nullum habituram effectum si ea usus fuerit. Aliud est vsum potestatis esse imprudentur adhibitum; aliud esse irritum, & nullum habere effectum. Itaque excommunicatio iusta in Principem lata non minus liberat subditos à parendi necessitate, cum ipse est potens, & graua damna minatur; quàm cum est imbecillis, & minimè nociturus.

205.
Dupliciter
aliquid
potest dici
habere

Nec obstat quòd Pontifex solum habeat potestatem in ordine ad spiritualia. latet enim in istis verbis æquiuocatio. Dupliciter enim potest aliquid dici habere ordinem ad spiritualia. 1. Spectata ipsa rerum conditione & proportionem. 2. Spectato euentu, qui per accidens sequi po-

potest. Vt Pontifex aliquid possit, satis est vt illud pri-
ore modo ordinem ad spiritualia habeat; non requiritur <sup>ordinem
ad spiritu-
alia.</sup> vt etiam altero. hoc est, sufficit vt illud per se, præscin-
dendo ab euentibus per accidens secuturis, iudicetur v-
tile vel necessariū ad boni spiritualis conseruationem, &
causa ipsa tale quid mereatur. Explico exemplis. Semi-
nat hæreticus falsam doctrinam, & sæpius monitus non
desistit: meretur hoc crimen excommunicationem,
exilium, mortem, quæ pænæ per se sunt idoneæ ad hoc
malum sistendum vel mitigandum, & ita sufficientem
ordinem habent ad bonum spiritale, valideque poterunt
inferri, etiamsi inde maiora dāna essent secutura, sicut
in Hussio & Luthero accidit. Persequitur Princeps hæ-
reticus Ecclesiam, nec vllis monitis ad moderationem
potest reuocari. meretur hoc crimen excomunicatio-
nem & abrogationem; estque hæc pœna per se idonea
ad persecutionem illam moderandam, & religionem
tuendam: ac proinde validè irrogari poterit, quamuis
per accidens futurum sit, vt ille magis sæuiat.

Idem cernitur in potestate politica. quia sicut pote-
stas Ecclesiastica nullam habet vim, nisi in ordine ad
bonum spiritale: ita potestas secularis nullam habet vim
nisi in ordine ad bonum commune publicæ tranquillita-
tis. Non enim potest Princeps quidquam imperare abs-
que respectu ad istud bonum: vt si alicui patri-familias
præscribat quomodo debeat gubernare domum suam in
ordine ad bonum domesticum; non tenetur hic illi obe-
dire. Et tamen sæpe fit, vt quod Princeps intuitu boni
communis statuit, per accidens in damnum resultet: vt
cū aliquis ex Magnatibus ob iustas causas ab imperio
proscribitur, qui idcirco furore percitus maiores turbas
excitat. Nemo tamen dixerit idcirco sententiam esse ir-
ritam & nullius effectus; & subditos illius Magnatus
non esse ab obligatione parendi solutos.

Ex his patet argumentum istud Blacueli, quo tamen ille multum nititur, esse friuolum; nec minus aduersus politicam potestatem valere, quam aduersus Ecclesiasticam.

Hactenus ad Obiectiones aduersariorum sit responsum. Alias nullas alicuius momenti apud eos reperio. nam exempla quæ in libello Regio à pag. 26. vsque ad 34. adferuntur de quibusdam Imperatoribus & Regibus Angliæ, qui se Pontifici opposuerunt, ne in speciem quidem causam ipsius iuuant. Vnde nec à Barlaio eorum facta est mentio. Abunde ea discussit Cardinalis Bellarminus in sua Apologia cap. 6. & ostendit ea plurimum causæ nostræ fauere, & aduersariorum sententiæ refragari. Itaque non est quod istis immoremur.

TER.

T E R T I A

S E C T I O.

D E C E R T I T V D I N E

H V I V S D O C T R I N A E,

& Fidelitatis Iuramento.

DVO nobis tractanda supersunt. Alterum quo gradu certitudinis censenda sit doctrina quam tradidimus de Potestate summi Pontificis in temporalibus, & in primis ista assertio, Quod summus Pontifex hæreticum Principem Ecclesiæ persecutorem possit coercere, eius subditos solvendo à vinculo Iuramenti quo illi sunt obstricti; & eum suo dominio priuando. Alterum, quid censendum de Iuramento Fidelitatis, ut vocât, quod in Anglia Catholicis proponitur. 206.

Certitudo huius doctrinæ.

QUod ad prius attinet, Blacuellus pag. 46. insinuat eam doctrinam non esse certam, sed opinionem dumtaxat Theologicam, cuius contrarium tunc possit teneri. hoc enim planè videtur velle dicere, etsi perplexè loquatur. Rationes ipsius inferius

D d d 2

ap.

apponemus. Idem sentire coguntur omnes qui putant Iuramentum illud posse suscipi.

Doctrinā
traditam
de pote-
state Pōt.
esse omni-
no certā.

Verūm planè tenendum est eam doctrinā non esse ambiguā, ita ut utrimque opinari liceat, sed omnino certam; ita ut absque iniuria fidei negari non possit. Colligitur id manifest. ex ijs quæ suprà adduximus, maximè ex Scripturis & Concilijs. Nihilominus ut magis fiat perspicuum, breuiter nunc quædam addam.

Primò igitur id probo. Quia hæ propositiones in terminis definitæ sunt in Concilio Romano sub Gregorio 7. *Quòd Papa liceat deponere Imperatorem. Quòd à fidelitate iniquorum subiectos possit absolvere.* Extat hæc Synodus apud Onufrium in vita Gregorij 7. & apud Baronium ad annum Domini 1076. Atqui definitio facta à summo Pontifice cum Synodo ad fidem pertinet.

Sed inquirunt, Summus Pontifex extra Conciliū generale definiens non facit rem omnino certam: quia potest errare. Verūm hæc sententia est paucorum, & male audit apud Catholicos; ita ut passim censeatur erronea & hæresi proxima, ut constat ex Melchiorre Cano de locis lib. 5. cap. 4. concl. 5. Bannes 2. 2. q. 1. a. 10. col. 103. Bellarmino lib. 2. de Concil. cap. 5. Constat enim plurimas hæreses à summo Pontifice esse profligatas, & quidam firmiter tenendum in plurimis quæstionibus, definitum absque Concilijs generalibus: ut patet in erroribus Priscillianistarum, Pelagianorum, Vigilantij, Ioviniani, Manichæorū, & aliorum qui primis tribus sæculis exorti. Sanè si opus esset Concilio generali, nihil certi de innumeris dogmatibus tribus illis sæculis haberi potuisset. Nec illi quorum doctrina damnabatur, fuissent obligati acquiescere, nec alij debuissent illos habere pro hæreticis: quæ omnia sunt valde absurda. Deinde, etiā si aliquid nō statim eo ipso quo definitur absque Concilio generali esset dogma fidei: tamen si à

tota

tota Ecclesia recipiatur tamquam res indubitata, iam censetur ad fidem pertinere, ut illi etiam authores faterentur. atqui hæc definitiones receptæ fuere à tota Ecclesia, & vtraque sæpius in praxim redacta.

2. Probatur, quia multa Concilia generalia non solum hanc doctrinam tradunt, sed etiam tamquam fundamentum multorum canonum, & sententiarum iudicialium statuunt: ut patet ex Concilio magno Lateranensi, & alijs suprà allatis. Atqui oportet eam doctrinam quæ est fundamentum tantarum rerum, & totius penè gubernationis Ecclesiasticæ, esse certissimam.

3. Si Concilium generale expressè definiret Ecclesiam habere hanc potestatem, nemo Catholicus dubitare posset quin ea res ad fidem pertineret. atqui cum supponit illud tamquam certum fundamentum suarum constitutionum & sententiarum; non minus illud censetur asserere, quàm si expressè definiret. ergo non minus certum censi debet.

4. De fide est, Ecclesiam non posse errare in doctrina & præceptis morum, docendo generatim aliquid esse licitum quod est iniquum, aut iniquum quod licitum: aut etiam aliquid per se iniquum præcipiendo: ut passim DD. tradunt, Canus lib. 5. cap. 5. pag. 333. Bannes. 2. 2. q. 1. a. 10. col. 110. & alij. Talis enim error non minus esset perniciosus fidelibus quàm error in fide. Atqui si summus Pontifex non haberet illam potestatem in temporalia, Ecclesia erraret in doctrina morum, & quidem circa res gravissimas. docet enim, Principe per sententiâ summi Pontificis abdicato, omnes subditos ab eius obedientia esse solutos, & ditionem eius ab alio posse occupari: ut ex Concilijs suprà citatis constat. Item, Principe publicè excommunicato, subditos à iuramento Fidelitatis esse absolutos: ita ut non teneantur ei parere, donec reconcilietur: imò prohibet

207.

ne illi pareant, si censura est denunciata. Quæ omnia falsa erunt; neque solum falsa, sed etiam perniciosa: quia per ea subditi ad rebellionem & periuriam incitabuntur, & vel inuiti & reluctantes compellentur. Errat ergo Ecclesia in doctrina morum, & præcipit rebellionem & periuriam, & censuris suis ad illa adigit. atqui hoc asserere est hæreticum: ergo & illud vnde sequitur; nimirum Ecclesiam non habere potestatem subditos à vinculo iuramenti & obedientia liberandi. Confirmatur. quia illa doctrina ad fidem pertinet, ex cuius contrario sequitur id quod fidei aduersatur. atqui ex contrario doctrinæ nostræ sequitur id quod fidei aduersatur; nimirum Ecclesiam grauissimè errasse in doctrina & præceptis morum. ergo doctrina illa de potestate Pontificis ad fidem pertinet.

Sed, inquiunt, Ecclesia potest in facto particulari errare. Esto. At hic non agitur de facto particulari, v. g. Vtrum hic vel ille sit legitimè excommunicatus, aut depositus: sed de iure & potestate Ecclesiæ in genere: nimirum, Vtrum summus Põtifex possit Principem Ecclesiæ persecutorem excommunicare, vel per sententiam deponere, & subditos ab eius obedientia & vinculo Iuramenti eximere: quæ quæstiones non sunt facti, sed Iuris generalis. Itaque si in illis errat, manifestè errat in doctrina fidei & morum.

5. Quod articulus aliquis ad plura se extendit, & secum plura trahit, eò censendus est maioris momenti, & error circa ipsum magis perniciosus. atqui hic articulus de potestate Ecclesiæ in temporalibus plurima secum trahit, quia plurimi Canones, plurimæ sententiæ definitivæ, plurimæ censuræ in eo fundantur, & Ecclesiæ gubernatio bonam partem eo nititur: vt ostensum est supra num. 113. ergo si Ecclesia circa hunc articulum errat; perniciosissimè errat. Confirmatur, quia error circa
pro-

proprium officium & proprii muneris functionem, per quem iniusta redditur gubernatio, & subditi ad grauissima scelera compelluntur, perniciosissimus est censendus. Atqui si Pontifex non habet illam potestatem; Ecclesia errat in ijs quæ sunt necessaria ad propriam functionem, & hic error iniustam efficit eius gubernationem, & fideles ad grauissima scelera inducit & compellit. ergo perniciosissimè errat.

6. Illa doctrina ad fidem pertinet, quam summi Pontifices, Concilia, & Doctores tamquam certam ex Scripturis proponunt vel supponunt. censetur enim scriptura sacra contineri. atqui hæc doctrina de potestate Ecclesiæ circa temporalia, proponitur vel supponitur à Pontificibus, Concilijs, & Doctoribus tamquam certa ex scripturis. omnes enim volunt eam contineri verbis illis Matth. 16. *Quodcumque ligaueris super terram &c.* vt patet ex Concilio Lugdunensi, & ex Gregorio 7. lib. 8. epist. 21. Innocent. 3. epist. ad Patriarcham Constant. Item illis Ioannis 21. *Pasce oues meas.* includi enim intimè in officio pastoralis: ita Sotus, Victoria, Turrecremata & alij Doctores supra n. 79. Hinc nulla fuit vmquam hac de re inter DD. Scholasticos controuersia. Si vel minima in contrarium fuisset probabilitas DD. Scholastici homines acutissimi eam non prætermisissent: præsertim, cum hæc quæstio suppositis fidei principijs ingenio definiri queat.

7. Hæreticum est Ecclesiam in fideles non habere potestatem coactiuam, nisi quā accipit à Principe seculari: vt fusè probat Turrecremata l. 2. de Ecclesia c. 46. sæpius appellans hanc sententiā *damnatissimum errorem*. Docuit hunc errorem Marsilius à Padua, & Ioannes à Ianduno: estque damnatus à Ioanne 22. extrauag. Licet secundum Apostolum. atqui ab hac sententia in re nõ discrepat sententia eorum, qui volunt potestatem Ecclesiæ

208;

clerici se non extendere ad temporalia laicorum, nec posse laicos in aliqua re vel iure temporali punire. ergo &c. Nec obstat quod hi concedunt Ecclesie potestatem excommunicandi, ac proinde non videantur omnem potestatem coactivam negare. quia per potestatem excommunicandi nihil aliud intelligunt, quam ius denegandi spiritualia; qualem potestatem nec Marfilius Ecclesie subtrahebat. non enim volebat Marfilius ius negandi peccatoribus sacramenta concessum Ecclesie ab Imperatore, sed loquebatur de potestate puniendi in re aliqua temporali, v. g. priuandi conuictu humano, suspendendi Iurisdictionem temporalem, absoluendi subditos à Iuramento Fidelitatis, priuandi aliquem dominio &c. de hac enim solùm tunc erat quæstio. hæc verè & propriè est potestas coactiva, qua contemptoribus spiritualium, quales sunt plerumque qui Ecclesie sunt rebelles, ad officium compelluntur. Itaque cùm videret Ecclesiam passim uti hac potestate, affirmabat eam non competere Ecclesie, nisi ex priuilegio Imperatoris.

Ex quibus perspicuum est, sententiam istorum & Marfilij esse vnã & eandem: & merito Dominicum Soto affirmare sententiam eorum qui summo Pontifici potestatem in temporalia abrogant, esse hæreticã. Vide supra n. 79. Denique illa doctrina ad fidem pertinere censenda est, pro qua si opus sit, mors est oppetenda. atqui pro confessione illius doctrinæ mors est oppetenda, vt plurimorum exempla in Anglia ostenderunt; & ipse summus Pontifex non semel declarauit. Sanè si contrariũ teneri poterat, frustra tot viri insignes tum Ecclesiastici, tum laici se morti pro ea exposuerunt; & Ecclesia ipsos perniciosè decepit: quod nefas est Catholico vel cogitare.

Adde eandem veritatem definitam à S. D. N. Paulo V. in suo Breui Apostolico ad Catholicos Anglos. Et à Boni-

à Bonifacio 8. in Extrau. Vnam sanctam. de maiori-
tate & obedientia. cui Extrauag. nullo modo repugnat
cap. Meruit Clementis V. tit. de priuileg. in Extrauag.
cōmunibus, vt vult Blacuellus pag. 47. & 126. nihil
enim Clemens reuocat, nihil corrigit in illa Bonifacij
constitutione, vt iste insinuat: sed solum declarat Re-
gem Franciæ per eam nihil pristini iuris amisisse. quod
etiam ipse Bonifacius facile declarasset; quia nihil noui
constituerat, sed antiquam Ecclesiæ doctrinam aperu-
erat. Nec obstat quodd duo illa scripturæ loca, quibus
ipse vtitur, nimirum Lucæ 22. 38. de duobus gladijs:
& Ieremiæ 1. 10. de Ieremia constituto super regna &c.
alium sensum literalem habeant: quia hæc doctrina non
nititur istis locis, sed solum maioris declarationis &
confirmationis causa solent à Patribus in sensu mysti-
co adduci, quos ea in re secutus est Bonifacius. Nunc
videamus quid aduersarii contrà obijciant.

Obijciunt, quodd in nullo Concilio generali plenè
finito conclusum fuerit summo Pontifici talem potesta-
tem competere. nam de Concilio Lateranensi quod al-
legatur, vide Platinam in vita Innoc. 3. Ita libellus
Regius. pag. 52. Apologiæ.

209.

Respondeo. Iam ostensum est in sex Concilijs ge-
neralibus hanc sententiã supponi tamquã basim & fun-
damentũ multorum Decretorum, ac proinde vt omni-
no certam & definitam. Quod ad Concilium Latera-
nense attinet, inauditum est illud non fuisse comple-
tum aut confirmatum, præsertim cùm ferè omnia reda-
cta sint in corpus Iuris. Nec Platina contrarium insinu-
at. loquitur enim de ijs, quæ pertinebant ad expediti-
onem transmarinam. verba eius sunt: *Multa tunc ve-
nere in consultationem, nec tamen decerni apertè quidquã
potuit, quodd Pisani & Genuenses maritimo, Cisalpini ter-
restri bello inter se certabant.* quid hoc facit ad impediend-

Ecc

dam

dam conclusionem & definitionem eorum , quæ iam antè Præfide summo Pontifice sancita fuerant ?

2. Ob. Doctores inter se mirè dissident , dum alij directam , alij indirectam potestatem astruunt ; quod signum est rem totam esse incertam . Ita Barcl . pag . 18 . & libellus Regius Apolog . p . 52 . Resp . Non dissident DD . vtrùm Pontifici hæc potestas conveniat . omnes enim mirè hac in re consentiunt : sed dissident quo modo conveniat : nimirum , vtrùm solùm indirectè an directè . Sæpè fit vt res ipsa sit certissima , & tamen modus sit dubius . Valde rudis est , qui ex eo quoddam modus incertus est , rem totam incertam putat . Fide certum est sacramenta nouæ legis gratiam rite dispositis conferre : at modus conferendi est incertus , & magna est de ea re sententiarum diuersitas . Fide certum est , animas damnatorum igne cruciari ; & modus quo cruciantur est valde incertus , & diuersè DD . de eo sentiunt . Simili modo certum est summo Pontifici in temporalia Ius cōpetere , quando bonum spiritale id postulat . vtrùm verò tunc solùm , an etiam aliàs , nempe ordinariè (quod DD . per directè & indirectè significant) non est ita certum : & hac de re diuersæ sunt sententiæ .

Couar.

p. 2. p. 504.

Nauar. vt

ibidè no-

tatur à

Couar. &

vt patet in

cap. No-

uit. pag.

353.

Binsfel.

tract. de

iniuria &

damno

cap. 7.

3. Ob. Couarruias , Martinus ab Asquicueta , & Binsfeldus affirmant nihil certè de Pontificis autoritate circa temporalia hæcenus ab Ecclesia esse definitum . Ita Blacuellus pag . 45 .

Resp . Loquuntur de potestate quoad modum illam habendi directè vel indirectè tantùm . Solùm enim volunt dicere quæstionè quæ vertitur inter Theologos & Canonistas non esse decisam . Nam quoddam Couarruias de ipsa potestate non dubitet , constat ex eius comment . in cap . Si heredes . de testament . c . 6 . n . 18 . vbi ostendit Romanum Pontificem in cap . Licet . de voto , iustè potuisse excommunicare & priuare regno filium

Regis

Regis Hungariæ ob contumaciam : addens , *Siquidem potest ex causa Romanus Præsul Regem aliquem regno priuare . Quod probat optimè textus in cap. Gradi. de suppl. negl. Prælatorum in 6. cap. Alius 15. q. 6. cap. Adrianus 63. distinct. Ioannes Lupus de Reg. Nauar. 2. p. §. 7. cap. Apostolica. de re iudicata in 6. Hæc ille . Nauarrus quoque eandem sententiam tamquam certam vbique tradit ; vt patet in comment. cap. Nouit. de Iudicijs. notab. 3. n. 96. & sequentibus vsque ad n. 112. 124. & 126. etiamsi de modo cum habendi opiniones referat & discutiat .*

4. Ob. Cardinalis Alanus insinuat rem esse incertam. sic enim scribit : *Quæstio est planè Theologica , & cum religione Christiana artissimè coherens , de qua etsi forsitan non definitè pro parte nostra pronuntiatum sit : posse tamen ac solere Theologicis argumentis in vtramque partem disputari , ipsi quidem aduersarij , si quidquam sciunt , ignorare non possunt .* ita Blacuellus p. 46.

210.
Alanus in
Resp. ad
Iustit.
Brit. fol.
326.

Resp. Eo loco satis insinuat vir doctissimus hanc doctrinam non esse dubiam , sed planè certam . 1. quia dicit eam artissimè cum religione Christiana coherere & pertinere ad primatum Romani Pontificis . 2. Quia iudicat eam doctrinam non esse deferendam , etiamsi propter eam in Anglia crimen læsæ Maiestatis intentetur . 3. Quia illam fusè probat ex scripturis , & assiduo vsu Ecclesiæ . Nec obstat quòd iudicet nondum definitam , sed vtrunque disputari : quia hoc intelligendum est de modo , quo hæc potestas competit . de hoc enim vtrunque Theologicis argumentis ex scripturis & sacris canonibus disputatur : non autem de ipsa substantia rei in genere . Non enim disputatur apud Catholicos , vtrum aliquo modo potestas in res temporales Pontifici conueniat : sed vtrum indirectè tantum , an verò etiam directè , & in ordine ad finem politicum . Volebat illis verbis

Cardinalis ostendere quaestionem illam de authoritate Pontificis in temporalia non esse politicam, vt aiebat aduersarius: sed Theologicam & ex scripturis diuinis, sacrisque canonibus definiendam. Quidam ex illis verbis colligunt hanc doctrinam esse solum conclusionem Theologicam, sed frustra, vt ostensum est. potest enim eadē propositio simul esse conclusio Theologica, & per se ad fidem pertinere.

An sit solum
cōclusio
Theologica.

Deinde etiam si solum esset conclusio Theologica (nempe ex duabus fidei, vel ex altera fidei, altera ratione naturali certa deducta) nihilominus absque iniuria fidei negari non posset: vt bene ostendit Melchior Canus de locis lib. 6. cap. 8. & Turrecremata lib. 4. de Eccles. c. 9. & 10. Ratio est, quia si cōclusio Theologica negetur, eo ipso cēsetur negari propositio fidei, ex qua deducitur; cum certum sit non negari eam quæ ratione naturali est perspicua. Vnde huiusmodi conclusio ad fidem pertinere censetur: & minimo negotio à summo Pontifice tanquam propositio fidei definiri potest. Denique ex dictis constat illam doctrinam amplius esse quàm conclusionem Theologicam; cum sapius per se definita fuerit, sitque à Concilijs supposita tanquam basis tot canonum, tot iudiciorum, tot censurarum & necessariz gubernationis Ecclesiæ.

211.
Lib. 5. de
Pontif.
cap. 6.

5. Ob. Quodd Cardinalis Bellarminus nihil videatur certi statuere, sed ita ambigūe loqui, vt *integram sibi reliquerit sententia sua (si res nata tulerit) mutanda facultatem. Cum enim alicubi affirmat Papā, vt Papa, ordinariē temporales Principes deponere, etiam iusta de causa non posse: posse tamen regna mutare, & vni auferre, & alteri cōferre tanquam summum Principem spirituales, si id necessarium sit ad animarum salutem; quid aliud sensu licet occultiore significat, quàm nullam Pontifici ecclē deferri Regum abdicandorum potestatem?* Ita Blacuellus pag. 109 Deinde

de id probat perplexo verborum ambitu, vt facile appareat non agi ex fide. Summa est: Papa non accepit à S. Petro nisi potestatem ordinariam. atqui per ordinariam potestatem non potest Regem deponere (vt fatetur Bellarminus) ergo absolute non potest. vel dicatur vnde illa extraordinariam habeat? Deinde si non potest vt Papa; ergo neque vt summus Princeps spiritualis: quia non alia ratione est summus Princeps spiritualis, quam quia Papa.

Resp. In verbis Cardinalis nullas esse latebras, nullos sensus ambiguos: sed aduersarius planissimum eorum sensum pervertit, quasi eadem essent, *non posse ordinariè, & non habere potestatem ordinariam*, cum plurimum differant. cum enim ait, Papam *non posse ordinariè* deponere Reges, illud *ordinariè*, idem est quod in quouis euentu quo iusta causa suppetit, sicut potest deponere Episcopos, cum horum sit Iudex ordinarius; vt ipse Cardinalis expresse declarat. Hinc autem nulla probabilitate colligi potest, potestatem istam summi Pontificis non esse ordinariam: sed extraordinariam & delegatam. Itaque potestas ista Pontificis in Reges est ordinaria, quia intimè includitur in officio Pontificali seu pastoralis: ac proinde vnà cum officio pastoralis deriuata est à Christo Domino in Sanctum Petrum, & alios Petri successores. Hac tamen potestate non potest vti in Reges ordinariè, hoc est in quouis euentu quo id merentur (sicut potest vti sua potestate in Episcopos) sed solum quando ad salutem animarum id est necessarium. Tunc autè potest, quia est supremus Princeps spiritualis. Itaque etiam si Papa non sit ordinarius Iudex Regum in ijs quæ pertinent ad regni gubernationem, sicut est ordinarius Iudex Episcoporum in gubernatione diocesis: tamen, quando bonum spirituale id postulat, iudicat illos potestate sua ordinaria à Christo per Petrum in ipsum deriuata: *quia est supremus Princeps spiritualis*. quibus verbis non significat

gnificatur ista dignitas, sed explicatur notio Papæ: ut sensus sit magis formalis.

De Iuramento Fidelitatis.

212.

S E Q V I T U R nunc alterū de Iuramento, quidnam de hac formula sit sentiendū. Ego hanc rem nullo modo attingerem, nisi de doctrina fidei Catholicæ, & salute animarum ageretur. Formula est talis.

Ego A. B. verè & sincerè agnosco, profiteor, testificor, & declaro in conscientia mea, coram Deo, & mundo, quòd supremus Dominus noster Rex Iacobus est legitimus, & verus Rex huius regni, & omnium aliorum Maiestatis sua dominiorum, & terrarum. Et quòd Papa nec per seipsum, nec per ullam aliam auctoritatem Ecclesia, vel Sedis Romana, vel per vlla media, cum quibuscumque alijs, aliquam potestatem, nec auctoritatem habeat Regem deponendi, vel aliquorum Maiestatis sua dominiorum, vel regnorum disponendi, vel alicui Principi extraneo ipsum damnificare, aut terras suas innuadere auctoritatem concedendi, vel ullos subditorum suorum ab eorum sua Maiestatis obedientia & subiectione exonerandi, aut ullis eorum licentiam dare arma contra ipsum gerendi, tumultus seminandi, aut aliquam violentiam aut damnum Maiestatis sua persona, statui, vel regimini, vel aliquibus suis subditis infra sua dominia offerendi.

Item, Iuro ex corde, quòd non obstante aliqua declaratione vel sententia excommunicationis, aut deprivationis facta, vel concessa, aut fienda vel concedenda per Papam, vel successores suos, vel quancūque auctoritatem derivatam, vel derivari prætēsam ab illo, seu à sua Sede contra dictū Regem, heredes, aut successores suos, vel quacumque absolu-
tione

tionem dictorum subditorum ab eorum obedientia: fidelitatem tamen & veram obedientiam sua Maiestati, heredibus, & successoribus suis præstabo. Ipsumque & ipsos totis meis viribus contra omnes conspirationes, & attentata quacumque, quæ contra personam illius, vel illorum eorumque Coronam & dignitatē, rationem, vel colorem alicuius sententiæ vel declarationis, aut aliàs facta fuerint, defendam. omnemque operam impendam reuelare & manifestum facere sua Maiestati, heredibus, & successoribus suis omnes proditores, & proditorias conspirationes, quæ contra illum aut aliquos illorum, ad notitiam, vel auditum meum pervenerint.

Præterea Iuro, quòd ex corde abhorreo, detestor, & abiuro tamquam impiam, & hæreticam hanc damnabilem doctrinam, & propositionem, Quòd Principes per Papam excommunicati, vel deprivati, possint per suos subditos, vel aliquos alios quoscumque deponi, aut occidi.

Et ulterius credo, & in conscientia mea resolvor, quòd nec Papa, nec alius quicumque potestatem habet, me ab hoc iuramento, aut aliqua eius parte absolviendi. quod iuramentum agnosco recta, ac plena autoritate esse mihi legitime ministratum, omnibusque indulgentijs ac dispensationibus in contrarium renuntio. Hæcque omnia planè ac sincerè agnosco, & iuro iuxta expressa verba per me hic prolata, & iuxta planum ac communè sensum & intellectū eorumdem verborum, absque ulla equivocatione, aut mentali evasione, vel secreta reservatione quacumque. Hæcque recognitionem, & agnitionem facio cordialiter, voluntariè, & verè, in vera fide Christiani viri. Sic me Deus adiuvet &c.

De hac formula, dico: Iuramentum iuxta hanc formulam conceptum, esse planè irritum, nullamque adferre obligationem præstandi, quæ eo continentur; ut infra patebit. Vnde sequitur esse planè inutile ad parandam Principi securitatem. qui enim illud fecit, non magis

213.

Esse irritū

magis obligatur quàm qui non fecit, siue Catholicus is sit, siue hæreticus. absolutè enim est irritum & inefficax. Nec refert quòd quis omnibus priuilegijs, indulgentijs, & dispensationibus renuntiet, & numquam cupiat eius vinculo solui: quia hæc omnia nullam vim tribuere possunt actui, qui per se prorsus est irritus & illicitus. Neque solùm omnium Catholicorum iudicio est irritum: sed etiam omnium huius æui Nouarum religionum; vt suprà n. 53. ostensum est. omnes enim docent Principem veræ religionis impugnatores & falsæ promotores deponi posse ac debere; etsi non per Romanum Pontificem, tamen sententia Ministrorum, & opera plebis. quod non minùs aduersatur isti formulæ quàm doctrina Catholica. quia formula omnem auctoritatem Regis deponendi excludit. Quid ergo securitatis adferre potest hoc Iuramentum, quod & reipsa, & iudicio eorum quibus proponitur, planè est irritum & inualidum? Non solent Principes subditis suis proponere Iuramenta, nisi vt eorum conscientiarum religione Iuramenti restrictæ, in fide contineantur, ne quidquam contra statum ipsorum audeant mouere. At hoc Iuramentum planè ad hunc finem est ineptum, cum nullum menti religionis vinculum iniiciat.

Dices. Non exigi ad securitatem, sed ad exhauriendas opes Papistarum. Si ita est, cur quæstione in Blacuellum vbique prætenditur securitas status & vitæ Principis? cur tot finguntur casus, & tam enucleata exigitur interpretatio verborum ad obuiandum omnibus periculis? Nimirum vt in omni euentu conscientia per hoc iuramentum maneat obstricta ad statum Principis tuendum. Sed re vera frustra hæc omnia aguntur, si solùm securitas quæritur. quia Iuramentum nullam parit securitatem, nisi quatenus obligat conscientiam.

Addo, non solùm nihil adferre securitatis; sed etiam

etiam creare multū periculi. nihil enim est quod æquē acerbat animos subditorū, & ad extrema tentanda concitat, quàm cū suis conscientijs vim fieri, & eiusmodi laqueis se vidēt implicari, quibus necessariū vel salutis animæ, violatis antiquæ & probatissimæ religionis decretis, vel fortunarū & vitæ iacturam si reculent facere cogantur. Nihil homini acerbius accidere solet, nihil videri iniquius, magisque tyrannicum. Non est dubitandū quin huiusmodi cogitationibus impulsū fuerint, qui paucos ab hinc annos horrificum illud facinus conceperant. Interest itaque & salutis & existimationis Principis, & prudentissimorum Senatorum huiusmodi formulas rescindi, & nihil à subditis exigi, quod antiquæ religioni, & conscientijs eorum aduersetur.

2. Ijs qui hoc Iuramentum suscipiunt, parūm prodesse occultos intellectus, & mentales restrictiones, & clausulas quasi restringentes, & alias huiusmodi argutias. hæc enim omnia facilè deteguntur industria eorum qui huic negotio præfunt; qui nusquam acquiescunt, donec disertam & planam de minutissimis quibusque, & omnibus fortuitis euentibus confessionem expresserint. quo fit ut qui se putant huiusmodi artificio expedire, magis inuoluant, quàm si ab initio apertè egissent. Exemplo sit M. G. Blacuellus, qui cū suo quodam sensu Iuramentum suscepisset, ed paulatim varijs quæstionibus est deductus, ut non solum omnem Ecclesiæ auctoritatem ad hæreticum Regem exauthorandum abnegare: sed etiam contrariam sententiam ut impiam, hæreticam, & execrabilem damnare & abiurare sit coactus.

Cauendum quoque maximè in huiusmodi, scandalum. non enim solum sacrificia Dijs offerre à Patribus damnabile iudicatum: sed etiam libellum, quo voluntati Principis videretur satisfactū, à magistratu accipere: ut patet ex S. Cypriano epist. 15. 31. 52. sermone de

Fff

lap-

214.
Nihil prodesse astutos intellectus.

lapis, & alibi . Itaque non excusaris , etsi dicas te intellexisse formulam de potestate Imperiali , seu politica , & pro mero arbitrio exercenda ; vel de directa & ordinaria qualem habet in Episcopos ; vel de indirecta considerato præsentis rerum statu &c . Verba enim formulæ generalia sunt , & generatim à magistratu proponuntur . unde quidquid in animo tuo intelligas , ipse actus externus Catholicæ fidei professioni aduersatur .

215.
Non excu-
sat oculi
intelle-
ctus .

Quod ut melius intelligatur , declaro exemplis . Si iubente magistratu Ethnico quispiam poneret thus Idolo , etsi id faceret non animo honorandi Idoli , sed Dei veri qui vbique præsens : nihilominus exterius veram Idololatriam committeret ; quia spectatis circumstantiis loci , temporis & personæ imperantis , censeretur externus ille actus Idoli cultus , etsi intentio agentis aliò illum referat . Si præcepto Principis Ariani profiteris symbolum Arianum , in quo Filius dicitur minor Patre ; externo actu hæresim profiteris , etiam si apud te orthodoxè omnia intelligas . Idem plurimis alijs exemplis declarari potest . quando enim agitur de fidei professione , non sufficit priuatim habere sanum intellectum , aut rectam intentionem ; sed opus est , ut etiam actus exterior , & ipsa verba spectatis circumstantiis communi hominum apprehensione & iudicio non designent aliquid , quod sanæ doctrinæ sit contrarium . Atqui in hoc iuramento agi de fidei professione , patet tū ex titulo Ediæti Regij , quo hoc Iuramentum continetur , qui talis est , *Ad detegendos & reprimendos Papistas* : tum quia in eo proponitur abiuratio eius doctrinæ , quam ad fidem pertinere ostensum est , eaque tamquam impia & hæretica condemnatur . Ex quibus patet , cum qui istud Iuramentum suscipit , etiam si alium sensum verbis in mente sua accommodet , intelligendo clausulas illas quæ Pontificiam potestatem attingunt , de potestate politica Imperatoria , directa , libera , merique arbitrij &c .

&c. non excusari à perfidiæ professione: quia verba iuramenti omnem generatim potestatem, quæcumque deum causa se offerat, excludunt.

Pari modo non excusatur qui concepto illo Iuramento, tandem addit hanc protestationem, se omnia ista iurare, quatenus iudicio Catholicorum solum continent obedientiam civilem. Ratio est, quia protestatio locum non habet, quando expressè contrarium agitur. Ut si Titio multa falsò obijcias crimina, & iures te credere illum esse furem, latronem, proditorè, falsarium; non potes excusari ab iniuria, etiamsi mox protesteris te non velle ista iurare, nisi sint vera, & certò de illis cõstet. Si formulam fidei Arianæ, Mahometanæ vel Calvinianæ, in qua nonnulla vera falsis permixta sunt, professus fueris Tyranno iubente; non excusaris à perfidiæ professione, & Catholicæ doctrinæ prodicione; etiamsi mox protesteris te ista iurare, qua parte scripturis sacris sunt consentanea. Et sanè si illud Iuramentum cum tali protestatione est licitum, non video cur ista exempla non sint licita, omniq̃ue iniuria ac perfidia vacantia. Nec video cur non sit fas adolere thus coram Idolo iubente Tyranno, cum protestatione te id Deo vero nō Idolo exhibere. at nemo dixerit hæc absque scelere fieri posse. Vnde nec vsquam legimus veteres Christianos huiusmodi subtilitatibus vsos, vt Tyrannorum Ediētis satisficerent, vel impia mandata eluderent. nā re vera in opere ipso externo spectatis circumstātijs est professio perfidiæ, quam protestatio illa nō potest tollere. Nec refert vtrum hæc protestatio fiat ante Iuramentum, an pōst. quia ipso facto per formulam Iuramēti à protestatione receditur: sicut cum quis protestatur se nullā velle Titio inferre cōtumeliam, & mox multa contumeliosa in illum profert.

Accedit quòd aduersarij contendunt hoc Iuramentum nihil exigere nisi obedientiam civilem iure diuino Prin-

Non excusat contestatio subiuncta.

cipi à subditis debitam. Itaque per illam protestationem nihil ipsorum iudicio excipis, nihil corrigis; sed in totum Iuramentum plenè consentis, & integrè illorum intentioni satisfacis. quod quid aliud est, quàm velle videri magistratui morem gessisse, & imperio perfidiz in odium potestatis Ecclesiasticæ intentato satisfecisse?

Nec refert quòd ad iudicium Catholicorum sensum tuum restringas: quia iam non desunt Catholici, qui metu malorum superati cessere magistratuum imperijs, & omnia ad civilem obedientiam pertinere dicunt.

Denique protestatio illa etiamsi videatur corrigere vel restringere actum iurandi; non tamen quidquam immutat circa alios actus qui illa formula proponuntur; nimirum circa actum credendi, agnoscendi, profitendi, detestandi &c. Itaque etiamsi protestetur se tantum illa iurare, quæ ad civilem obedientiam pertinent; nihilominus absolute recipit, agnoscit, profitemur, ex animo credit omnia, quæ illa formula proponuntur. Detestatur & rejicit ut impiam & hæreticam doctrinam, quæ summo Pontifici Ius illud in Reges tribuit &c. Quæ omnia sine fidei Catholicæ iniuria, & salutis detrimento fieri nequeunt. Non enim solum in iurando, sed etiam in profitendo & credendo quæ fidei aduersantur, peccatum est. Ex his patet quàm periculosum sit in huiusmodi ad istas subtilitates confugere, nullo antiquitatis exemplo.

Postremò hoc quoque prudenter Catholicis aduertendum, non sisti in hoc Iuramento conatus & industriam ministrorum, sed sensim strui gradum ad maiora, si quid tamen maius esse potest: nempe ut præstito hoc Iuramento, veniatur ad Iuramentum Primatus: inde ad frequentandas Ecclesias; & tandem *πρός τῶν ἁγίων* *ἐκκλησιῶν* Sæctæ, ad Cœnam, inquam, Calvinisticam.

3. Modum iurandi qui hoc proponitur, videri prorsus insolentem & periculosum. non enim solet exigi Iuramen-

ramentum de veritate rerum, sed de facio occulto per- ^{Modus}
sonæ, nec quisquam Principum exigit à subditis vt iurēt ^{infolens}
ipsum esse legitimum Principem; sed vt iurent se illum ^{& pericu-}
pro tali recipere & acceptare, & vt tali obedientiā præs- ^{iosus.}
tituros. veritas rerum alijs modis exploranda est & cō-
firmanda: sed occulta hominū facta, iudicia, cogitati-
ones, voluntates Iuramento detegenda: nimirum vt
mens reuerentia Numinis, & religione Iuramenti con-
stricta proferat in lucem, quod occultū interiūs tenebat.

Dicetur fortè, hanc formulā in eum sensū esse in-
telligendā. Sed ipsa propria verborū significatio, & vsus
reāe propriæque loquentiū obstat. constat autem in hu-
iusmodi publicis formis vsitatum loquendi modū & pro-
prietatem sermonis seruandam. Vnde in eadem formula
sub finem dicitur: *Hac omnia planè & sincerè agnosco, &
iuro iuxta expressa verba per me hic prolata, & iuxta pla-
num ac communem sensum & intellectum eorundem verbo-
rum.* Atqui iuxta expressa verba, & iuxta planum &
communem sensum verborum iuratur hic de re ipsa;
nempe, *quod supremus Dominus noster Rex Iacobus est legi-
simus & verus Rex huius regni, & omnium aliorum Maie-
statis suæ dominiorum ac terrarum.* aliud longè est aliquē
esse legitimum Regem: aliud eundem habere pro tali.
Illud Iureiurando affirmare est periculosum. multa enim
ex parte rei subesse possunt quæ nos latent: & Ecclesia
iuxta communem Catholicorum doctrinam habet po-
testatem reddendi hæreticum ad regnum inhabilem.
hoc verò facilius iurari potest: quia quisque potest esse
certus de suo actu: & quædā haberi ac censeri possunt
legitima, quæ re ipsa non sunt. multum enim ad hoc
valet communis æstimatio.

4. Hanc formulam non solum periculum periurij,
sed etiam apertū periurium continere. Periurium enim ^{217.}
est cū iuratur falsum: hic autem iuratur falsum, sal- ^{Continese}
periuriū.

tem Catholicorum omnium iudicio. affirmatur enim & declaratur coram Deo, hoc est, Deo in testem adhibito, quòd Papa nullam auctoritatem habeat Regem deponendi, aut disponendi de aliquo eius dominio, aut Principi extraneo Ius aliquod tribuendi ad terras inuadendas, aut vltos eius subditos ab illius obediētia absoluendi &c. quæ omnia iuxta doctrinam Catholicam falsa esse ex ijs quæ suprà dicta sunt constat. Itaque Catholicorum iudicio hic est manifestum periurium. Omitto nunc quòd multis scriptorum veterum testimonijs conuinci videatur Regnum Angliæ & Hybernix iam multis sæculis esse tributaria Sedi Apostolicæ, & eius beneficio teneri Iure feudatario, ad quæ hætenus non vidi responsum.

Esse abso-
lutè illicitum.

5. Etiam si formula illa concepta esset non de re, sed de actu & iudicio personæ, & nihil aliud iuraret subditus, quàm se non agnoscere in Papa vllam auctoritatem statuendi quidquam aduersus Principem; adhuc tamen esset illicita & iniqua. Probatur 1. quia absolute negatur & abiuratur doctrina Catholica, quam ad fidem pertinere suprà ostensum est. 2. Quia abiuratur ea doctrina, quam etiam ipse Barclaius cap. 18. veram fatetur: qua statuitur Papam aliorum Principum, qui nutritij & defensores Ecclesiæ esse debent, ad religionis defensionem & iniurias vlciscendas opera vti posse, ijsque Ius dare regnum inuadendi & occupandi, vt suprà n. 134. ostensum. Si Papa id potest, vt etiam ipsum Ius naturæ manifestè docet: quomodo potest Catholicus iurare, se hanc potestatem, & hoc Ius in Papa non agnoscere?

218.

Nec refert etsi dicas te loqui de præsentis rerum statu, prout nunc se habet: nempe Papam hoc rerum statu nullam talem auctoritatem habere; quia si quid in Principem tentaret, id non in commodum, sed in damnū boni spiritualis cederet. Id enim iam suprà n. 204. refutatum

tum est. Ut onittam in formula non solum agi de hoc rerum statu; sed generatim etiam de quouis, in quem regnum etiam sub posteris posset conijci.

3. Quia Pontifici abrogatur in hac formula *potestas Principes hæreticos excommunicandi*, qua tamen ipsum esse præditum constat ex scripturis & perpetuo usu Ecclesiæ.

Dices, non negari potestatem excōmunicandi, sed solum effectum quemdam excōmunicationis; nimirum, quodd excōmunicatio Principis soluat subditos à Iuramento. Sed hunc effectum excōmunicationi fuisse annexum iam à 600. annis, imò à 1200. ostensum est suprà.

4. Quia doctrina Catholica abiuratur tamquã hæretica & impia, & consequenter omnes Catholici DD. & integra Concilia Oecumenica dānantur hæreseos & impietatis. sic enim habet formula: *Præterea iuro quod ex corde abhorreo, detestor & abiuro tamquam impiã & hæreticã hanc damnablem doctrinam & propositionẽ. quod Principes per Papam excōmunicati vel deprivati possunt per suos subditos, vel per alios quoscumq; deponi.* Impij ergo sunt & hæretici tot Pōrifices, Episcopi & Doctores, quos suprà produximus, & inter ceteros S. Anselmus, S. Thomas, S. Bonaventura, S. Antoninus, & alij quotquot iam à quingentis annis floruerunt. Impium & hæreticum Concilium magnum Lateranense, Conciliũ Lugdunense, Constātiense, Lateranense, Tridentinum. non enim hi possunt per ignorantiam excusari. At quid magis hæreticũ & impium dici potest? concidit ergo iam à 500. annis Ecclesiã, utpote hæresi & impia doctrina cõtaminata. Omitto alia plurima, quæ ex hac impietate sequuntur. ex quibus perspicuum est, neminem ex corde doctrinam illam ut hæreticam vel impiam detestari posse, nisi ipse primò in magnam impietatem & hæresim se induerit.

5. Quia iurat subditus se credere, & in conscientia re-
solui hoc Iuramentũ adeo esse validum, ut summus Pontifex
nullo

*nullo euentu possit ipsum ab eo, vel aliqua eius parte absolue-
re.* Quibus in verbis & est manifestum periculum periurij, & negatur potestas absoluendi à Iuramēto, quam ex Scripturis, Doctoribus, & tot sæculorū vsu Ecclesiā habere in certis euentis constat. Periculum periurij in eo est, quodd vix fieri queat vt vir prudēs, præsertim Catholicus, ex animo credat, & sibi persuadeat hoc Iuramentum, quod planè insolens est, & hætenus inauditum, quod concordī sententiæ DD. & multorum Conciliorū decreiis, & Ecclesiæ praxi repugnat; adeo esse iustum & firmum, vt nullo euentu solui queat. Quod si non credit ex animo, vel ambigit, iam est periurus.

220.

6. Quia iurat se *agnoscere hoc Iuramentum recte ac plena auctoritate sibi esse legitimè ministratum.* Vbi rursus est periculum periurij, vt antè: & tacitè tribuitur Principi Primatus in spiritualibus. auctoritas enim definiendi & statuēdi quid Papa possit vel non possit in ordine ad spiritualia, quam vim habeat eius excommunicatio, quā absolutio à Iuramento, & simul obligandi subditos in conscientia vt ita credant, & iurent se ita credere, sicut ipsi proponitur; etsi Ecclesiæ cōmunis doctrina tot sæculis repugnet: hæc inquam auctoritas meritò statuenda est suprema in spiritualibus, præsertim cū tāta sit, quātam nemo Catholicus vel summo Pontifici aulit tribuere. atqui hæc auctoritas tribuitur in hac formula Principi sæculari. Minutiora alia multa præmitto.

Ex quibus perspicuum est, quā verè definitum sit à summo Pontifice Paulo V. *hoc iuramentum salua fide Catholica, & salute animarum præstari non posse: cū multa contineat, quæ fidei ac saluti apertè aduersantur:* & quā non verè toties ab Authore in Apologia & Præfatione ingeminatum, nihil in ea formula præter ciuilis obedientiæ obligationem contineri.

F I N I S.



